

JOAN. CLERICI  
P H Y S I C A  
S I V E D E  
REBUS CORPOREIS  
LIBRI QUINQUE

In quibus, præmissis potissimis Corporearum  
Naturarum phænomenis & proprietatibus,  
Veterum & Recentiorum de eorum causis  
celeberrimæ conjecturæ traduntur.

*Ἀνεξέτητος ὁ βίος ἔστι βιωτὸς ἀνθρώπου.*  
Plato in Apol. Socratis.

---

L O N D I N I :

Impensis A. S W A L L & T. C H I L D E,  
ad Insigne Monocerotis in Cœmeterio  
D. Pauli. MDCXCVI.



DANIELI CLERICO

DOCTORI MEDICO

JOANNES CLERICUS

Quia duas priores partes Opusculi  
torum, metorum Philosophicorum  
Iacobus humanis vixit confectionem, nec  
no erat ad istiusmodi tractatum  
nam tibi, frater Carissime, qui ei su-  
torum generis es additus, duas partem  
physica non confectionem, immo, si  
torum dicere volumus, innotescit illi  
nam confectionem. Unde istum, ut  
nunc latinas, & maiores nostri, ver-  
ticulo sermonis, quemadmodum etiam  
in hodie Angli, & alii vocant,  
nam nunc Medicum dicunt. Quia es  
physica pars, que in ista contempla-  
tione consistit, non est adquirenda, in  
hoc tractatus istum, et duas partes ad  
tunc

# DANIELI CLERICO,

*Apud Genevenses*

DOCTORI MEDICO,

*Fratri Carissimo*

S.

P.

D.

JOANNES CLERICUS.

CUM duas priores partes Opusculorum meorum Philosophicorum duobus summis viris consecrassem, nemo erat cui libentius hancce dicarem, quàm tibi, Frater Carissime, qui ei studiorum generi es addictus, quæ partem Physicæ non contemnendam, imò, si verum dicere volumus, momentosissimam complectuntur. Unde factum, ut infima Latinitas, & majores nostri, vernaculo sermone, quemadmodum etiamnum hodie Angli, *Physicum* vocarint, quem nunc Medicum dicimus. Certè ea Physicæ pars, quæ in mera contemplatione consistit, non est æquiparanda, in hoc mortalitatis statu, ei quæ utiles ad

tuendam valetudinem cognitiones nobis  
suppeditat. Quòd si nunc esset ea hu-  
mani generis conditio, quæ olim erit, ut  
neque morbos ullos timeret, neque cor-  
pus ante omnia curandum haberet; ju-  
cundissimum esset, fateor, sui veluti o-  
blivisci & divina opera animo lustrare;  
imò verò, si fieri posset, relictâ hac ter-  
râ, alias Universitatis partes invisere,  
præsentemque interesse iis quæ avidis o-  
culis, sed remotissima, spectamus. Ve-  
rùm, prout nunc sunt res nostræ, con-  
templationi addictum animum revocat,  
& retrahit invitum corpusculi infirmitas,  
monétque peritum unum Medicum theo-  
reticis omnibus Physicis esse præferen-  
dum.

In Physicis Syntagmatibus, utramque  
paginam faciunt plerumque conjecturæ,  
quas si inanes dicere nolimus, at incer-  
tas oportet fateamur. Veteres Græco-  
rum Physici, qui tantam olim gloriam ex  
eo studio retulerunt, atque ad ætatem  
nostram servarunt, puerilibus planè  
conjecturis, aut quæ servulis digniores  
erant, quàm Philosophis, scatent; quod  
seidò

serò tandem agnovimus. Hodiernos acutiores esse nemo negit; at præpoptero conficiendi Systematis studio, crudas etiam conjecturas, pro fugiente veritate, nobis obtulerunt. Verùm, quod in laudem sæculi nostri dicere licet, coævus diu non fefellerunt. Etenim orti sunt viri, æternâ memoriâ digni, qui à conjecturis nos sapienter revocarunt, ut totos ad experimenta converterent; quæ innumera cùm sint, nondum tamen sat multa sunt, ut ex iis certa Physices principia colligere possimus, neque unquam fortè sat multa erunt. Itaque, hac etiam in parte, Medici (Præcticos autem intelligo, non qui Theoriam duntaxat docent) multò sapientiores, & feliciores fuerunt; experimentorum enim certissimorum, cùm ab aliis, tum à se sumptorum ope, non quærent principia quædam æternâ nocte obvoluta, sed humani corporis morbos feliciter curant. Symptomata morborum diligenter observant, & quæ iis levandis, aut curandis utilia experientia docuit adhibent; omisâ inani illâ curiositate, quâ in Theoreticis voluminibus,

causas ostendere alii nituntur morborum, quibus ægros liberare nesciunt. Cum Theoria mera nihil ferè præter inanem garrulitatem pariat, quâ minimè currantur morbi; Praxis hominis diligentis, & attenti certissimas medendi vias reperit, & ingreditur, ægris gaudentibus, nec sine medentis honore. Sed quid opus est pluribus hæc apud te dici, Frater Optime, qui rem quotidie experiris?

Videbor etiam fortasse nonnullis ipse vineta mea rædere, qui cùm in lucem publicam emittam volumen, quo Physicam trado, eam Medicinæ usque adeò postpono, contra consuetudinem omnium pænè qui de Disciplinis scribere aggrediuntur. At declamatoris est & fallere volentis, non docere cupientis, ac veritatis amantis, dissimulare, aut rem aliter, quàm reverâ est, describere. Præterea Physicam hanc nostram scribentes, procul recedere conati sumus à scopulis, ad quos plurimi ante nos Physici impegerunt.

Solent,

Solent, nimirum, qui Syntagmata scribunt de rerum corporearum proprietatibus ferè securi esse, & omittere experimenta, quæ de iis sumpta sunt, ut properent ad suas conjecturas; quas copiosissime tradunt, & contra aliter sentientes acerrimè defendunt. Nos verò pluribus passim Corporum phænomena & proprietates tradimus, quàm conjecturas quæ de earum causis à Physicis proponuntur. Major certè veri studio-  
sis debet esse cura eorum quæ vera esse constat, quàm eorum quæ comperta non sunt. Iraque nos quoque practico-  
rum Medicorum prudentiam imitati sumus; adeoque horum laudatâ methodo, Disciplinam, de quâ agimus, omnino non spre-  
vimus.

Vitium etiam solenne est Physicorum compertis miscere suas conjecturas, atque has proponere non quasi suspiciones, sed ut ex demonstrationibus collecta consectaria. Verùm hoc in opusculo anxie ubique quod constat, ab eo quod incertum est, discriminavimus, & pro conjecturis acriter nusquam pugnavimus;

mus ; quamvis eas quæ nobis maximè omnium arrideant indicaverimus, parati abjicere, si meliora discamus. Hanc in rem non parum utilis est ordo, quem sequuti sumus, cùm enim nulla principia ab initio posuerimus, sed *Analyfi* potiùs usi simus, facilè quamlibet Operis nostri partem emendare possumus, aut citare aliorum inventis, incolumi nostro Syntagmate. Contrà verò, qui *Syntbesi* adhibuit, principia ponunt, & ex iis omnia deducunt, sicubi peccasse deprehendantur, peccata sæpe emendare nequeunt, sine universorum suorum Operum immutatione ; quam ut aggrediantur facere, vix ac ne vix quidem à se impetrare possunt ; quo fit ut malint errores defendere, quàm fateri se errasse.

Denique tantùm abest, ut omnium rerum rationem à nobis aut ab iis quos sequuti sumus, reddi posse probabilem speraverimus, ut sæpe dixerimus eam cognosci à mortalibus non posse ; cùm ubi de singularibus quæstionibus sermo esset, tum etiam ubi de generalibus Physicæ totius principiis ageremus. Nihil  
verius

verius, nihil utilius rerum naturæ cognoscendæ studiosis rati sumus, quàm quod complexus est vir summus hisce versibus, quibus Operis nostri frontem, in hac ad te, Frater Dulcissime, Epistola, ornare visum est.

*Qui curiosus postulat totum suæ  
Patere menti, ferre qui non sufficit  
Mediocrитatis conscientiam suæ,  
Judex iniquus, æstimator est malus  
Suique naturæque ; nam rerum parens  
Libanda tantum quæ venit mortalibus,  
Nos scire pauca, multa mirari jubet.  
Hic primus error auctor est pejoribus ;  
Nam qui fateri nil potest incognitum,  
Falso necesse est placet ignorantiam,  
Umbræque inanes captet inter nubila  
Imaginosæ adulter ixiom Deæ.  
Magis quiescet animus, errabit minus,  
Contentus eruditione parabili,  
Nec quæret illam, si quæ quærentem fugit,  
Nescire quædam magna pars sapientiæ est.*

Hæc ad animum nimum revocare,  
quicumque verum quærimus, non pos-  
sumus ;



sumus; hæc subinde inculcavi, ac præ oculis ubique habui.

Nihil amplius esset, quod adderem de meo instituto, nisi meâ interesset te, aliósque Lectores moneri, me in hoc Physicæ compendio, potius rationem tractandæ hujus disciplinæ ostendere voluisse, quàm eam ut res posceret, tractare; quod ne viginti quidem voluminibus, quale hoc est, fieri posset. Colligenda enim essent certa omnia, de singulis rebus, experimenta, quæ infinita pænè sunt. Verùm rerum Physicarum studiosos adire oportet eorum scripta, qui ea tradere aggressi sunt, qualia sunt, inter alia, *Roberti Boylei, Alphonsi Borrelli, Marcelli Malpighii, Roberti Hookii, Nehemiae Grevii, Francisci Redi, Acta Societatis Anglicanæ, Experimenta Academiae Florentinæ*, aliâque quæcumque in manus incident. Ad me quod attinet, hominem alii planè studiorum generi prorsus addictum, eoque non perfunctoriè occupatum; satis erit si digitum ad fontes intendisse, & viam tutissimam

tutissimam monstrasse judicet; nec etiam  
Scholæ institutum patiebatur me longio-  
rem esse, quamvis voluisssem, & per  
graviora studia licuisset. Tu, Carissime  
Frater, de universo nostro instituto opti-  
mè judicabis, & quæ digna videbuntur,  
me volente, emendabis; aut, si opus  
est, defendes. Deus Opt. Max. tibi,  
uxorique & liberis ea largiatur, quæ ve-  
strâ optare potissimùm interest. Vale.

*Dabam Amstelodami Calendis Au-  
gusti, Anno M. DC. XCV.*

---

PRÆ

---

# PRÆFATIO.

*De Natura, Perfectione, Usu &  
Divisione Physicæ.*

1. **Q**Uamvis vox φύσις quælibet Naturas, quæ rerum Universitate continentur, significet; & qui apud Veteres Græcos, φυσικοι dicebantur, non minùs Dei rerumque omnium incorporearum naturam, quàm Corporearum specularentur; attamen Scholasticorum ævo *Physica* dicta est ea duntaxat *Scientia quæ circa naturam Corporum versatur*. Atque hoc posteriori sensu, hîc a nobis tractanda suscipitur.

2. Hanc disciplinam, inter Græcos, primus excoluisse perhibetur *Thales Milesius*, \* qui DC. annis ante Christum florebat, atque Ionicam familiam condidit. Antea *Sapientium* nomine censebantur, non qui mechanicam naturæ rerum dispositionem investigabant; sed qui vitæ rectè instituendæ viam alios docebant. Verùm à temporibus Thaletis, innumeri in Græcia fuerunt, qui eam certè Philosophæ partem \* quæ ad mores pertinet, non neglexerunt

\* *Diogenes Laërtius in ejus vita, & alii plurimi.*

## P R Æ F A T I O.

neglexerunt quidem, sed Physicam tamen potissimum excoluerunt.

3. Ab iis qui Philosophicam Historiam litteris mandarunt hæc & similia peti poterunt. Observabimus duntaxat in Occidente nostro, à decimo tertio post Christum natum potissimum sæculo, Aristotelis cum cetera scripta, tum etiam Physicam in Galliam allatam summo in pretio haberi cœpisse. *Alexander Halesius, Thomas Aquinas*, ejusque Magister *Albertus Magnus* eam maximo cum plausu interpretati sunt, & ita posteris commendarunt, ut qui Aristotelem probè intelligeret, omnibus numeris absolutus Philosophus deinceps existimaretur. Itaque quicumque Physica ediderunt sequentibus sæculis scripta, ii aut Aristotelis Interpretes egerunt, aut ex principiis ejus confectaria, ut poterant ulterius duxerunt.

4. Post renatas demùm in hoc Occidente nostro Litteras, pauci viri ingenio præcellentes, viriis in partibus Aristotelis placita deferre cœperunt. Inter primos merito suo numeratur *Nicolaus Copernicus* Thorunensis Borussus, qui tempore ipso Reformationis floruit. Is *Aristarchi Samii*, aliorumque Vetr. Philosophorum sententiam de motu diurno & annuo Telluris circa Solem, quæ dudum obsoleta erat, in lucem retraxit. At nemo ausus est ex novis principiis integram ordiri Physicam, præter *Renatum Cartesium*, qui ita cœpit Philosophari;

## PRÆFATIO.

phari, quasi ante ipsum nemo quidquam esset conatus.

5. Hic, aliique viri summi, ad ejus exemplum, certatim Veterum conjecturis nequaquam fidem esse, antequàm ad examen revocarentur, adhibendam ostenderunt. Veteres etiam celerius æquo, non sat multis edoctos experimentis, circa rerum naturalium causas, conjecturis nimium indulgisse iidem demonstrarunt. Ac sanè plerorumque Veterum dogmata Physica adeo inficeta erant, ut aut vocabulis obscuris ab ineptissimis vulgi opinionibus duntaxat different; aut si clariùs proponerentur, & novi quidpiam complecterentur, palam absurda ut plurimum essent, quod exemplis illustrare non necesse est, cum oculos vel in *Diogenem Laërtium* conjicienti ingens se eorum statim ingerat seges.

6. Si quis rationem tantæ, hoc in negotio, Veterum cæcitatæ quærat, ea partim in levitate Græcorum, qui quàm primùm ad unguem omnia tenere videri volebant, partim in rei ipsius obscuritate inveniri poterit. Atque ut naturæ tantùm rerum obscuritatem attingam, usque adeò verum est tenebris rem esse involutam, ut ne Recentiores quidem, qui Veterum peccata in multis acutissimè retexerunt, sibi ipsi satisfacere hoc in negotio hætenus potuerint.

7. Meritò observarunt à Veteribus experimenta.

## P R Æ F A T I O.

menta ferè neglecta fuisse, ut ratiocinationibus indulgerent ; quo factum ut Systemata eorum Physica ab iis qui plura sumpserunt experimenta, naturæ rerum contraria passim deprehensa sint. Itaque se totos contemplationi rerum, priusquàm Systemata conficere aggredierentur, manciparunt. Atque hoc, in laudem hujusce nostri sæculi, dicere non immeritò possumus, numquam eâ viâ penetralia Naturæ ingressos esse Philosophos Veteres, ut nostra, patrûmque nostrorum memoriâ factum est. In Italia, Gallia & Anglia cum integræ Societates præstantium eruditione & ingenio virorum, tum privatim doctissimi homines experimentis innumeris, Veteribus ignotis, Physicam illustrarunt.

8. Sed ubi ulteriùs progrediendum fuit, & ad exemplum Veterum tradere Physicam Synthetico ordine conati sunt ; aut nondum satis esse experimentorum, aut ultra experimenta progredi nobis non licere res ipsa docuit. Postquàm enim Systemata sua condiderant, quasi comperta, quæ falsissima erant, ab iis supposita esse diligentiores alii deprehenderunt. Imò in ipso Physices limine, ubi tradenda fuit doctrina de Corpore in genere, haud leviter cespitarunt ; unde factum ut reliqua omnia dubia si experimenta excipias, quæ sæpe certissima sunt facta sint.

9. Quàm verè hæc à nobis affirmantur ex  
Libro

## P R Æ F A T I O.

Libro V. hujusce Opusculi liquebit ; neque in Præfatione rem excutere, prout necesse esset, possumus. Interea hîc summatim observabimus, ut plena acquiratur disciplinæ cujuscumque, adeò ut Syntheticâ Geometrarum methodo exponi ac demonstrari posset, cognitio, duorum requiri, quorum utrumque nobis deest, ubi de rebus Physicis agitur, unde frustra plenum Physices Systema expectari consequens est.

10. Cùm corpora, eorûmq; proprietates non norimus, nisi experientiâ ; ut eorû naturam perspectam nobis esse verè existimare possimus, oportet nos quidquid in iis est, ad ultima in quæ resolvuntur principia, experientiâ perspexisse, quod nemo sanus dixerit. Exempli causâ, si quæratûr à Physico quid sit plumbum, nihil reponere poterit nisi corpus esse quod ad genus Metallorum refertur ; quod liquefieri potest ; quod ductile est malleo ; quod igne, si in eo diutiùs maneat, absumitur ; quod certi est ponderis, si conferatur cum corpore cujus nota sit gravitas ; quod rude cinerei est coloris nigro misti, politum splendescit, aut nigrius evadit, &c. Ulteriùs quærenti quæ sit particularum, quibus plumbum constat, dispositio, & figura, nihil erit quod respondeat, præter conjecturas ; se conjicere, exempli causâ, oblongas esse, flexiles & rarioris contextûs, quia ea dispositio & figura ap-



## P R Æ F A T I O.

tæ videntur ad rationem proprietatum plumbi reddendam ; ceterum se non definire an ex alia dispositione, aliave figura eadem fluere proprietates possint.

11. Hinc jam satis liquet frustra à Physicis expectari Systema Syntheticum, Geométrico more demonstratum, quandoquidem tenuissimas corporum particulas, quæ ut sensus fugiunt : ita proprietatum quæ oculos nostros, aut alios percellunt sensus, veluti origo sunt, sibi solâ conjectura notas esse contentur. Sed si præterea percunctemur, concessio particulas ejus esse dispositionis & figuræ quas conjectant, quo nexu teneantur inter se particularum illarum partes, nihil respondebunt quod satisfacere possit, ut copiosius sumus in libro Physicæ quinto demonstraturi. Atque hinc rursus Systema Physicum non posse fieri colligimus, quia ne natura quidem corporis in genere, quæ totius Physices fundamentum est, exponi potest.

12. Hæc cum ita sint, altera occurrit dubitandi ratio, eaque maximi ponderis, an iis facultatibus ornati simus, quæ ad introscipiendam intimam rerum naturam necessariae sunt. Si autem careremus re quapiam ad eam inquisitionem necessariâ, frustra essemus in investiganda penitus rerum natura. Cæcus in cassum omnia naturæ ~~carporena~~ cognoscere niteretur, cum illi desit sensus quo splendorem lucidorum



## P R Æ F A T I O.

rum corporum, omnesque lucis effectus percipere queat.

13. Rationes porrò ejus dubitationis duæ sunt, quarum prima est, quòd nullo certo argumento ostendi queat sensum, intellectumque nostrum esse rerum naturæ adæquatos, seu ejus esse capacitatis ut omnia percipere atque intelligere possint, quæ ad corpoream pertinent naturam, modò facultatibus iis rectè utamur. Annon posset fieri ut quemadmodum cæcis natis negatus est census, quo lucem rerum omnium pulcherrimam percipiant: ita nos essemus facultate destituti, quæ ad introspectiendam corporum naturam planè necessaria sit? Posset omnino, ideòque non est quare tantopere nobis confidamus.

14. Secundò, sunt gravissimæ rationes quæ suadant non posse fieri duntaxat ut careamus ejusmodi facultate, sed reipsà ea nos destitutos esse. Ut proprietatum corporum rationes certas reddere possemus, necesse esset, ut jam diximus, nos dispositionem ac figuram tenuissimarum particularum cernere, imò etiam quibus vinculis soliditas constet scire indubitato quodam modo; quæ tamen neque scimus, neque cernimus, unde sequitur nos hoc in loco aut malè semper uti sensibus, atque aliis subsidiis quibus adjuvari possunt, aut sensus nostros ei rei non sufficere.

15. Reponet fortè quispiam, quod sensus nequeunt,

## P R A E F A T I O.

nequeunt, id efficere ratiocinationem, & ubi sentire definimus, oportere nos ratione uti. Sed hoc eodem redit ac si quis cæco diceret, quoniam sensu est ad videndam lucem destitutus, oportere eum ratiocinari ut intelligat quid sit lux, quòsque edat effectus. Conjecturis & ille & nos indulgere poterimus, ut ænigmata proposita solvamus, sed certò ad ultima principia nunquam deveniemus. Excipiendæ tamen sunt generales quædam conjecturæ; quæ nituntur iis quæ cernimus, usque adedò ut de iis dubitare non possimus. Qui numquam horologii interiora vidisset, conjiceretque esse aliquid quod gnomonem circumducit, is sanè non falleretur, sed si vellet ejus rei naturam investigare, numquam fortè scopum attingeret conjiciendo, numquam certè se indubitato attigisse gloriari posset. Atque ita se res habet in conjecturis, circa ignotam sensibus corporum dispositionem. Pauca quidem generalia certò scire possumus, cetera omnia dubia sunt.

16. Solent hîc dicere viri acutissimi, modò inveniatur Hypothesis aliqua simplex & clara, cujus ope omnia Phænomena exponantur, hac nos contentos esse oportere. Sed ut posse ejusmodi Hypothesin inveniri concedamus, quis poterit affirmare rem ita se habere? An non possunt ejusdem effectus causæ esse diversæ? An omnes naturales causas ita in numero  
rato

## P R E F A T I O.

rato habemus, ut quidquam ea de re certò definire possimus? Si autem hæc instar merarum conjecturarum in medium afferuntur, nec quidquam aliud inveniri potest; hoc ipsum est Systema Syntheticum neque esse, neque fieri posse fateri, quod nos demonstrandum susceperamus.

17. Hisce rebus factum est, ut Physicæ non Synthetico, sed Analytico potiùs ordine, tradendæ consilium iniremus. Cum enim principia generalia, ex quibus deduci possit effectuum omnium naturalium explicatio, inveniri certò non posse constet, nihil aliud Physicam candidè tractantibus superest, nisi ut præcipua Naturæ *causæ* recenscant & Analyticâ Methodo in eorum causam inquirent, si fortè palpando inveniri queat; sin verò, quousque in unaquaque re progredi possint, sine erroris periculo, ostendant, limitesque indubitati veri vacillantiumque conjecturarum diligenter ac sincerè signent. Hæc nos in hoc Opusculo præstare conati sumus, quantum per vastissimæ scientiæ brevè compendium, aliâque graviora studia licuit.

18. Queretur hîc fortè quispiam nos, dum ostendimus imperfectiorem multò Physicam esse, quàm vulgò creditur, haud parum ejus dignitatem, utilitatẽque minuisse. At multò præstabilius est quanti aliqua Disciplina sic facienda verè nosse, quàm illam nimio in honore

## P R A E F A T I O.

nore dum habemus, tempus nostrum, in scientiæ inani imagine captanda, frustra terere.

19. Deinde hac Methodo, quis verus sit ejus scientiæ usus, qui nequaquam spernendus est, missâ falsâ scientiæ opinione, feliciùs demonstrabimus. Ex perfecta quidem Physica multò majorem duceremus utilitatem, sed ea fruentium quam habemus. Est enim sapientiæ præsentibus uti bonis, dum alia non suppetunt. Quamvis ergo ultima rerum principia non norimus, juvat tamen ea scire quæ reteximus. Plantarum, exempli gratiâ, ac salium particularum, licet non plenè, eatenus tamen interdum innotescunt investigantibus, ut præter ea quæ experientiâ norunt, ratiocinatione, quis sit futurus effectus, si plura misceantur, quandoque intelligere queant. Quàm autem hoc valetudini tuendæ, aut affectæ in pristinum statum restituendæ inserviat nemo non videt.

20. Quamvis etiam τὴν μηχανικὴν ἀλλοίωσιν partium tenuissimarum quibus corpora constant, aut etiam partium illarum majorum, quibus conflata est rerum Universitas, Planetarum, Stellarum, Vorticum, penitus non norimus, attamen multò liquidius sapientiam Summi Artificis eorum omnium, quàm nationes barbaræ, apud quas harum rerum nulla est investigatio, cernimus. Nunc haud indigni prorsus, si ita loqui fas est, divinæ sapientiæ arbitri, non stulti admiratores, qui si contrarium eveniret

## P R Æ F A T I O.

niret æquè stuperent, ignotarum omninò rerum sumus. Non amplius Cometas, ac Eclipses horremus, aut præfagia inania timidi quærimus, quæ nusquam sunt. Post Physicam demum diligentius excultam.

\* *Hunc Solem & Stellæ, & decidentia certis Tempora momentis, sunt qui formidine nulla Imbuti spectent.*

21. Si universa rerum natura nobis pateret, infinita sæcula, in clausis nunc mortalium oculis penetralibus lustrandis, cum summa voluptate absumeremus. At saltem innumera novimus, & cognitionis ad quam pervenimus præsens voluptas, futuræque quam speramus anticipata, ut vitæ hujus molestias æquiori animo feramus & tranquillius hoc ævum degamus facit; qua in re hujusce vitæ beatitudinem sitam esse, haud prorsus insipienter veteres credidere Philosophi.

22. Ad hæc quæ ex ipsa Physicæ natura deducta sunt commoda, extrinsecus petitiæ accedunt utilitates. In cognitione hujus Disciplina sita est pars haud contemnenda Philosophiæ, imò & humani Generis Historiæ; è qua quin magna ducantur emolumenta, nemo inficias iverit. Non potest autem Disciplina ulla magni fieri, & à viris ingenio præstantibus  
per

\* *Lib. 1. Ep. 6. Horatii.*

## P R Æ F A T I O.

per plura sæculi tractari, cum laude sua, quin multis & dictis & factis occasionem præbeat, quæ utilia cognitu sunt. Frequentes ad eam, in præstantissimorum virorum scriptis allusiones, sine ejus Disciplinæ levi saltem cognitione, intelligi nequeunt.

23. Præterea, si eam Disciplinam ignotam spernamus, alterutrum horum eveniet, vel ut temerè, quod est fortè magni faciendum, damnemus; vel ut postquam eam initio neglexerimus, tandem serò nimiùm illos, qui eam calere videbuntur, mirari incipiamus. Utrumque autem non sine periculo est. Iniquum est spernere quod ignoramus; stultum admirari quæ aut non intelligimus, aut verane sint, an falsa nescimus.

24. Postquam exposuimus naturam, perfectionem atque usum Disciplinæ, quam tradendam suscipimus; paucis Opusculi nostri divisionem proponemus. In *primo* igitur *Libro*, de totius Universitatis rerum dispositione summatim agemus, in *secundo*, de Terra & Mari in genere; in *tertio*, de Aëre & Meteoris; in *quarto*, de Plantis, & Animalibus; in *quinto* denique, de corporibus in genere.

25. Postquam in singulorum argumentorum tractatione *παράδοξα* & experimenta exposuerimus, potissimas de iis Philosophorum conjecturas, quantum per brevitatem nobis præstitutam licebit, proferemus; eamdémque

## P R Æ F A T I O.

que Methodum, per totum Opus, sequemur. Dein ubi universam naturam pervagati fuerimus, tandem quas communes aut multis, aut omnibus corporibus deprehenderimus proprietates, expendemus. Si principia certa inveniri possent, quibus constitutis, omnia *particula* perspicue enodarentur, ab iis incipiendum fuisset; quod cum hominibus, ut videtur, negatum sit, conjecturas virorum eruditorum ad finem potius rejiciendas censuimus. Qui aliam ingressi sunt viam, postquam Hypotheses suas posuerunt præsidenter, aut iis invitam accommodant ut plurimum rerum naturam; aut, dum progrediuntur, alias subinde Hypotheses, prioribus nequaquam Naturæ sufficientibus, adjiciunt; unde fit ut nec Syntheticam methodum accuratè servant, nec satis sincerè naturæ phænomena referant.

26. Præterea hac nostrâ Methodo, conati sumus ea primùm contemplari, quæ simplicitate suâ minus negotii contemplantium Menti faceffunt; sed magis composita paulatim processuri, ad Librum usque quartum; quo absoluto vestigia relegentes ad simplicissimarum proprietatum considerationem, ob rationes modo allatas, retrōgrediemur.

P H Y-



# PHYSICÆ

## LIBER PRIMUS.

*De Universitatis Rerum Summatim considerata Dispositione.*

### CAPUT I.

*De Maximis, quæ circa nos cernimus,  
Corporibus.*

I. **N**ihil antiquius vetustissimi Physici, contemplatione cœli & astrorum, habuerunt. Imò ejus contemplationis causâ, natum se dicere ausus est \* *Anaxagoras*. Certè Naturam contemplantium oculos vastissimâ illâ, sempiternisque luminibus distinctâ extensione, nihil prius percellit. Ideoque nos etiam indidem Physicæ nostræ initium ducemus, præsertim cùm generalis rerum Universitatis consideratio simplicius Menti, quàm singulorum Entium, offerat meditationis argumentum. A simplicioribus autem

\* *Diog. Laert. in ejus vita. L. II. § 10. Ed. Amstel.*



tem incipere artem tradentibus, aut discentibus, utile esse alibi ostendimus.

2. Hic ergo summatim maximorum corporum, quæ circa nos sunt, dispositionem considerabimus, eorumque potissima *parva*, postea sigillatim ea accuratius consideraturi, trademus. Ante omnia, Terram videmus quam pedibus calcamus, quæ quamvis, si ex oculorum, quæ patet eorum prospectus, testimonio iudicium feramus, plana esse (asperitates montium hic non spectamus, in tam vasta extensione) videatur, attamen rotunda est, ut ex navigationibus constat. Sunt enim qui mari eam circumvenerunt, ut qui ex Europa profecti per mare Atlanticum ad Magellanicum, aut Iemarianicum fretum pervenerunt; iisque superatis, per mare Pacificum, in Indicum Oceanum vela dederunt; unde, circumactâ Africâ, in Europam redierunt.

3. Hi observarunt inter alia, progrediendo in Austrum stellas quæ altissimæ nobis ad Septentrionem videntur, paulatim deprimi, donec tandem convexitate terræ prorsus abscondantur: alias verò ad Austrum attolli, donec altissimæ videantur; & vice versâ, si ab Austro ad Septentrionem vela darent. Viderunt etiam universam Tellurem Sole ita illustrari, ut intra viginti quatuor horas, eo ab Oriente in Occasum progrediente, paulatim dies totam Terræ superficiem pervadat. Hinc meritò collegerunt Terram esse rotundam, & veluti in aëre, quo undequaque ambitur, pendere. Alia etiam ex itineribus humano generi innotuerunt, quæ hic non attingemus.

4. Post Terram, oculis se nostris lustrandam proxima offert Luna. Ea intra certum dierum ambitum ab Occasu in Ortum circa Terram circumagitur, dum quotidie ab Ortu in Occasum circa eandem rapitur. Deinde varias patitur Phases, nam paulatim illustrari videtur, adeò ut ejus figura primum corniculata appareat, deinde intra certum numerum dierum cornua sensim coeant, donec totus ejus orbis illustratus sit. Hæc de Luna hic observasse satis erit.

5. Sed

5. Sed omnium corporum, quæ circa terram sunt, maximè oculos nostros ferit Sol, qui ab Ortum in Occasum delatus intra viginti quatuor horas, totum Terræ Globum, ut diximus, illustrat. Præterea intra anni spatium ab Occasu in Ortum ita ferri videtur, ut interea obliquè secet Terram, accedendo ad Septentrionem usque ad certos, quos nunquam transgreditur, terminos. Deinde à Septentrione ad Austrum progrediendo æquali distantia, & sic dierum diversitatem efficiat, quod postea diligentius excutiemus.

6. Inter sidera minora, aut quæ nobis minora apparent, quædam videmus quæ inter se semper eundem situm servant, alia verò quæ huc illuc, licet motibus certis, errare videntur. Hæc *Planetae*, seu *erratica* sidera vocantur, alia verò *fixa*, aut *inerrantia*.

7. Ut à Planetis initium faciamus, duo sunt qui, inter Terram & Solem, quandoque intercipiuntur. *Mercurius* & *Venus* dicti, quorum ille Soli propior rariùs apparet, quòd in Solis radiis lateat, quippe qui ab eo procul non discedit. *Venus* verò, quæ longius ab eo abit, facillimè cernitur, vocarique aliter solet *Phosphorus* & *Hesperus*, *Lucifer* ac *Vesper*; quippe quæ Solis Ortum & Occasum antecedit, & proximè sequitur. Terra nostra numquam est inter eas & Solem, ut postea clariùs ostendemus. Circa Solem ita moventur, ut aliquando inter nos & ipsum sint, postea verò Sol inter nos & ipsos interpositus sit. Quando ultra Solem sunt, integer eorum discus lucidus apparet; è regione Solis ad dextram at ad sinistram dimidia disci pars lucida est; cis Solem verò, corniculati sunt; denique ubi inter Solem & nos feruntur, per discum ejus, instar macularum, transire videntur.

8. Sunt alii tres *Planetae* à Sole remotiores, *Mars*, *Jupiter*, & *Saturnus*. Inter hos quidem & Terram Sol quandoque, certis vicibus, intercipitur, numquam vero illi inter Solem & Terram. Quando *Mars* Soli proximus est, integer ejus discus collustratus apparet, ut quando est ab eo remotissimus, sed Soli proximus luci-

dior & major videtur. E regione verò Solis, ad dextram aut sinistram, non pleno orbe, sed ovali circiter figurâ cernitur. At Jupiter & Saturnus semper plenâ facie conspiciuntur. Hi omnes Planetæ certis temporibus circa Solem rapiuntur, præterquam quòd quotidie oriuntur nobis & occidunt.

9. Hæc quidem omnia solorum oculorum beneficio non cernuntur. Opus est Telescopiis ut Phases Mercurii, Veneris & Martis conspicuæ sint. Præterea, eorundem Telescopiorum ope, non modò Planetæ distinctius cernuntur, sed circa Jovem & Saturnum varia reteguntur Veteribus ignota. Circa Jovem sunt quatuor minores Planetæ, circa Saturnum, omnium remotissimum, quinque; qui circa eos, ut Luna circa Terram, certo ambitu temporis moventur.

10. Præter hæc sidera errantia, quæ semper circa nos visuntur, & certas motu suo obeunt Periodos, alia sunt quæ *Cometa* dicuntur, quòd *comâ* (seu sit fumus, seu lux quæ ita apparet) quadam ornata sint. Hi certo nullo motu, accedunt ad Solem; eûmque fugiunt, ignotis temporum vicibus; aliquando enim, intra paucorum annorum spatium, plures, quandoque nulli nos invisunt, qua de re etiam postea agemus.

11. Sidera inerrantia ingenti numero sunt, luce coruscanti prædita, cùm Planetarum lux, instar Lunæ, non coruscet, eundem inter se situm servant, ac eodem modo semper nobis obversantur; nisi quòd intra annum spatium ab Ortum in Occasum moveri lentius omnes videntur, ut diei, seu viginti quatuor horarum intervallo circa Terram celerius rapiuntur, cum reliquis omnibus sideribus.

12. Sunt tamen quædam, quæ numquam occidunt, nempe quæ è regione partium terræ maximè australium, & septentrionalium prospiciuntur. Populi qui Terræ id Hemisphærium (nam cùm sit Sphærica, seu instar Globi, potest dividi & dividitur ab Astronomis in duo Hemisphæria, vel dimidios duos Globos) quod Septentrioni obversum est incolunt semper supra se Septen-

tentrionales ſtellas, noctu, nimirum, ubi per ſerenitatem cœli licet, adſpiciunt. Similiter Hemispharii Auſtralis incolæ ſemper ſtellas, omnium maximè ad Auſtrum ſitas, ſupra Terram vident. Sed ut convexitas Terræ nobis harum ſtellarum radios intercipit: ita & illi numquam eas, quas perpetuò nos videmus, cernunt, ut jam innuimus.

13. Cæterum ſtellarum fixarum tanta eſt à nobis diſtantia, ut optimis Teleſcopiis conſpectæ auſtiores non cernantur, imò contrà minores, propter rationem quam alibi trademus. At Teleſcopiis corpora Planetarum augentur, unde multò eſſe propiores, ut alias omittam rationes Aſtronomicas, colligimus.

C A P U T II.

*Quomodo Systema Mundi ſe habeat, juxta Ptolemæum & pleroſque alios præteritorum ſæculorum Aſtronomos.*

1. **P**ostquàm craſſâ Minervâ præcipua Mundi, ſummatim ſpectati, quæ cernuntur oculis ſolis, aut Teleſcopio adjutis, phænomena deſcripſimus, pro noſtro inſtituto, videndum nunc eſt quâ ratione Philoſophi rerum Univerſitatem diſpoſitam eſſe oportere ſtatuant, ut memorata phænomena inde enaſcantur. Incipiemus à Systemate *Ptolemæi*, quod per plura invaluit ſæcula, ejusque incommoda oſtendemus.

2. Qui hoc ſequuntur Systema primò exiſtimant Tellurem eſſe in mundi centro fixam & pondere ſuo immotam, cùm reliqua omnia quæ à Luna ulterius porrecta ſunt corpora, circa illam agantur, quod oculorum teſtimonio certum eſſe exiſtimant.

3. Cùm ignorarent, quæ eſſet natura ſiderum, nec ſatis Planetas, quoad ipſam eorum Eſſentiam, à Fixis

distinguerent, omnes stellas Sphæris solidis affixas esse, & cum illis moveri, aut in tubis solidis Planetas circumvolvi censuerunt. Sphæras volebant in Ortum moveri intra certa spatia, quæ postea indicabimus, dum sidera in Occasum ferebantur. Qui tubos solidos agnoscunt, per tubos fluisse astra volunt, in contrariam partem. Qui affixos censent, Sphæras quotidie, licet in Occasum moveantur, vi quadam aliquantùm in Ortum retrahi conjiciunt. Ad motum diurnum quod attinet, cum omnes Sphæræ, intra viginti quatuor horas, circa Terram agantur, quæ sunt remotiores eas oportet vehementiori motu cieri, quia quò majorem circulum motu suo describunt, quàm inferiores, eò celeriore vertigine eas rapi necesse est. Cælum stelliferum, seu Sphæra fixarum, ut intra viginti quatuor horas circa Terram gyret, incredibilem pænè celeritate vertitur, ut omittatur primum Mobile quod omnium maximè à Tellure distat.

4. Eas autem omnes Sphæras hoc ordine collocant. Prima est *Luna*, secunda *Mercurii*, tertia *Veneris*, quarta *Solis*, quinta *Martis*, sexta *Jovis*, septima *Saturni*, octava *Firmamentum*, seu *Stellarum fixarum*. Præter hæc Sphæras, tres alias Superiores finxerunt. Duæ *CrySTALLINÆ* vocantur, moventurque juxta eos altera ab Ortum in Occasum, altera à Septentrione in Austrum, & vice versâ. Hos motus *librationis*, & *trepidationis* vocare solent, aiuntque se in Stellis ejusmodi vibrationem observasse. Ultima tandem est quæ *primum Mobile* vocatur, cujus diurnâ seu viginti quatuor horarum, circa axem suum, vertigine ceteræ omnes inferiores (præter proprios in ortum motus) ab Ortum in Occasum rapiuntur.

5. Schema, ut melius intelligantur hæc, subjiciemus, neglectis Planetarum distantis, de quibus nondum hic agitur.

6. Hæc est rerum Naturæ generalis dispositio, juxta eos qui Ptolemaicum probant Systema. De obliquo Solis motu quid dixerint, postea videbimus, quando quid  
in

in hac Hypothesi reprehendi potissimum soleat exposuerimus.

I. Nullâ ratione, Mercurii & Veneris satisfacit *paradoxis*. Si enim vera esset, Mercurius & Venus æquè interdum distarent à Sole, ac Luna; imò saepe amplius; quando, nimirum, interjacente Terrâ, Lunæque orbitâ, Soli oppositi essent; cum hæc nunquam eveniant, neque umquam Terra sit inter Solem & eos Planetas. Præterea semper essent hi Planetæ nobis Sole propiores, cum ad latera Solis, & trans Solem conspiciantur. Denique, juxta Ptolemaum, plenos eos apparere, instar Lunæ, oporteret quando essent à Sole remotissimi & nobis proximi, cum contrario modo feres habeat, & tum demum integer eorum Discus appareat lucidus, quando trans Solem, ipsi multò quàm nobis propiores, versantur. Igitur qui hoc invenerunt Systema duorum horumce Planetarum *paradoxis* satis non norant, cum negligentia suâ, tum etiam Telescopiorum inopiâ.

II. Soliditatem cœlorum prorsus evertunt Cometae, qui liberè ab altissimis circa nos spatiis ad Solem depressuntur, inde rursus emergunt, atque huc illuc sine certa lege vagantur. Veteres quidem exhalationes esse flammeas conjiciebant, sed inanem conjecturam certissima evertunt experimenta, quæ proferemus, ubi de Cometis agemus.

III. Res est etiam parum acutè inventa, cum diversitas illa motuum, quos iisdem Sphæris tribuunt, & quorum ratio nulla reddi potest; tum rapiditas incredibilis supremarum Sphærarum, quas oporteret intra minutum aliquot *Leucarum* millia conficere. Quis tantam motus rapiditatem capere queat, atque interea terram, quæ instar puncti est tot Sphæris collata, nullatenus moveri?

IV. Quis crediderit etiam, propter levem varietatem in stellis observatam, duas esse Sphæras huc atque illuc proprio motu redeuntés?

V. Deinde quis credat Solem, qui flammæ simillimus.

mus est, aut cavo infixum crystallino ita lucere, aut pertubum adeò constanter volutari? Hæc sanè omnia monstra sunt, quæ mirum est ab ullo potuisse concoqui, ut jam omittam Epicyclorum farraginem, de qua postea aliquid.

7. At iidem feliciores multò fuerunt, in tradenda ratione longitudinis ac brevitatis dierum, & cæterorum, quæ ex solis motu oriri videntur, effectuum. Hi ut intelligantur, pauca sunt hîc ex doctrina de Sphæra delibanda; quod eò libentiùs faciemus, quia iis omnes ex æquo utuntur Philosophi.

8. Obiter indicavimus Tellurem quasi Sphæram, aut saltem *σφαγεῖσθαι* à Philosophis intelligi. Eam Sphæram in 360. gradus dividunt, ut quivis circulus à Geometris solet, ita ut quarta pars sit 90. graduum. Hos gradus si numeres ab Occasu in Ortum *longitudinis* vocant, si à Septentrione in Austrum *latitudinis*.

9. Hoc posito, in Sphæra concipiunt duo puncta opposita quæ *Poli* dicuntur, quorum unus Austro, alter Septentrioni obversus est. Lineam quæ ab uno polo ad alterum, per centrum Sphære, ducitur, *Axem* appellant. Terram deinde in duo Hemisphæria aqua-  
lia, seu sectione quæ perpendiculariter in axem incidens eum in duas partes æquales dividit, secant. Alterum Hemisphærium ad Polum Australem, alterum ad Meridionalem pertinet.

10. Sol autem motu suo non sequitur lineam illam, quâ Terram in duo Hemisphæria dividi diximus, sed eam obliquè secat, & modò ad Septentrionem, modò ad Austrum transgreditur. Linea, quam describit eo motu obliquo, *Ecliptica* vocari solet; dividiturque in duodecim partes quæ *Zodia*, seu *Signa* dicuntur, ut totus Circulus *Zodiacus*. Ratio illius appellationis est, quòd Astronomi quibusdam Constellationibus, seu Asterismis è regione quorum Sol ferri intelligitur, nomina *Zōdiav*, *animalium*, aliquot imposuerunt. In utroque Hemisphærio Sol sex signa percurrit, quæ ab Astro-  
nomis



## Cap. II. De Universo in Genere.

9

nomis nominibus hisce, duobus versiculis comprehensis vocantur :

*Sunt Aries, Taurus, Gemini, Cancer, Leo, Virgo, Libraque, Scorpius, Arcitenens, Caper, Amphora, Pisces :*

Sex priora Septentrionalia sunt, posteriora verò Australia.

11. Rem tyronum oculis, Schemate crassiori, subiciemus. Quando Sol in ea linea est, quæ *Æquator* dicitur, *æquat* dies noctibus, unde etiam *Æquinoctialis* vocatur. Quando est in *Tropico Cancr*i tum sunt nobis longissimi dies, ut contra brevissimi quando est in *Capricorni Tropico*.

Dicuntur circuli illi *Tropici* *ῥεγμναι*, id est, *conversivi*, propter *ῥεγμναι* conversiones Solis, qui eò usque progreditur, ac postea se rursus ad æquinoctialem lineam convertit. Qui ad Boream est, *Cancr*i nomine insignitur, quod *Cancr*i signum in eo incipiat. Qui verò est ad Austrum, pari de ratione, *Capricorni* dicitur. *Solstitiales* etiam circuli vocantur, quòd ubi Sol ad eos pervenit, die neque crescente neque decrecente, sensibilibiter saltem, *Sol stare*, hoc est, neque in Boream, neque in Austrum progredi videatur, per aliquot dies. Uterque autem distat ab æquinoctiali linea gradibus 23. minutis 31. neque enim Sol ulterius umquam declinat.

12. His positis, observandum diem vocari propriè moram Solis supra *Horizontem*. Horizon autem dicitur circulus ille, qui cum sumus in Planitie, oculosque circumquaque vertimus, apparet nobis quasi quædam cœli terræque commissura. Ideò Græcè *ὁρίζων* *finiens* dicitur, quòd prospectui nostro fines statuatur, nam quidquid infra illum est nos latet.

13. Cum ostenderimus terram esse *σφαίρειον*, ejus dimidia pars semper à Sole illustratur, quod globi lucernæ oppositi experimento intelligere licet. Quando ergo Sol, motu diurno, videtur describere lineam æquatori parallelam, noctes oportet esse nobis aequales.



diebus, quia ejus mora supra Horizontem æqualis est moræ infra Horizontem. Cum verò à linea recedit ad Austrum diutius sub Horizonte moratur; ut quando à linea ad Boream redit, diutius est supra Horizontem; nostri, nimirum, respectu. Atque hoc paulatim fit, prout Sol accedit aut recedit; quod faciliè intelligetur si lucernæ obliquè circumagatur globus, aut lucernæ globo, est enim perinde.

14. Idem experimentum ostendet quare, in regionibus Polo proximis, dies sint longissimi, ut noctes longissimæ, prout Sol est trans, vel cis lineam. Liquebit inde alterutrum Polum debere, per sex menses, perpetuâ luce gaudere, dum alter in perpetuis jacet tenebris; donec, trajectâ lineâ, rursus Sol ei propior fiat. Nec diutius huic negotio, quia res est quæ ad oculum demonstratur, immorabimur.

15. Nunc ad stellarum fixarum ortum & occasum veniemus. Semper quidem eundem situm servant, sed ut non possunt cerni cum Sol inter eas & Hemisphærium nostrum positus est, propter lucem Solis earum luce multò majorem: ita quæ respectu totius Telluris sunt trans Solem, eæ in ejus radiis latent, donec progrediendo aliarum conspectum luce suâ impediat, dum quæ ab eo relinquuntur ex ejus radiis emergunt. Sic stellæ oriri videntur & moveri, licet locum suum non deserant. Cum autem Sphæra Solis annuo motu ab Occasu in Ortum rapiatur, quotidie videntur Stellæ quas Sol tegebat ab Ortum in Occasum ferri, quod Veteres etiam Astronomi agnoverunt.

16. De multiplici stellarum ortu subtiliùs agunt Astronomi, qui hæc accuratiùs tenere cupientibus poterunt consuli. Nos hic crassiùs rem spectavimus, prout sese oculis ingerit, & præcipuorum duntaxat *φανομένων* rationem reddere voluimus, ex Ptolemaïco Systemate.

17. Sunt quædam stellæ, quæ & semper supra Horizontem sunt, nec umquam in radiis Solaribus latent, nisi interdiu, quia sunt extra Solis vias & ob eo procul diffusæ.

## Cap. II. De Universo in Genere.

II

diffinitæ. Hæ sunt stellæ Polares, seu quæ è regione Polorum Terræ cernuntur, inter quas & Terram nunquam Sol intercipitur, & quâ parte cœlum quasi immotum cernitur, quia (si movetur) circulus quem partes Sphærarum illic describunt exiguus est præ eo quâ à partibus æquatori Sphærarum subjectis describi videtur.

18. Alii tribuuntur Octavæ, Nonæ & Decimæ Sphæræ motus, sed qui aded lenti sunt, si sint; ut Octava ad minimum viginti quinque millium annorum spatio indigeat ad peragendum circuitum; nona unam librationem, eundo redeundoque, intra mille septingentos annos; Decima intra ter mille quadringentos annos absolvat. At seu hæc not satis accuratis Astronomorum observationibus debeantur, seu vera sint, longinquitas temporis, aut motus tenuitas obstant quominus magni sint in Astronomia, Physicæque aded momenti; ideoque nec ea inter phænomena recensuimus, nec eorum rationem reddere aggredimur.

12. De motu apparente stellarum, quo videntur duplici ratione in Ocasum ferri, consentiant Philosophi. Sed in Ptolemaica Hypothesi varia digna castigatione occurrunt.

I. Gratis supponuntur stellæ omnes fixæ unius Sphæræ superficiei inharere; cum aliæ remotiores videantur aliis, quippe quæ tenuitate suâ oculos pænè fugiunt dum aliæ vividiori luce eos percellunt, & majores videntur. Cujus rei nulla alia melior ratio asferri potest, nisi sitûs discernen.

II. Vix ac ne vix quidem intelligere possumus, quâ tanti ignes (nam cum ignem aded referant, quare alius prorsus naturæ credantur nulla ratio est) quasi in Lateranis quibusdam inclusi, per tot solidas Sphæras è tanta distantia lumen transmittere queant, & quidem inconsusum. Sanè reflexionibus & refractionibus, quæ in luce observantur, omnes deberent confundi, aut nobis intercipi.

III. Minus

III. Minus concoqui potest portentosa celeritas, quàm Sphæram intra viginti quatuor horas moveri oporteret, quod jam supra indicavimus.

---

### CAPUT III.

*Quomodo se habeat Systema Mundi, juxta Copernicum, Cartesium, aliòsque recentiores Philosophos.*

1. CUM Ptolemaicum, quod Scholastici sequuti sunt, Systema meris constaret conjecturis, intereàque gravissimis incommodis laboraret, Copernicus, Cartesius, aliique Astronomi ac Philosophi aliam sibi ineundam esse viam censuerunt. Horum quidem aut conjecturæ, aut observationes, neque eodem tempore, neque omnibus omnes communes prodierunt; à nobis tamen brevitati studentibus, & quod sibi invicem lucem fœnerentur, hic conjungentur.

2. Qui igitur Copernico, Cartesioque assentiuntur totius Mundani Systematis Solem centrum esse volunt, manerique immotum totius molis ratione, & respectu aliorum siderum, licet circa centrum suum moveatur, ut postea videbimus, ubi de Sole speciatim agemus.

2. Circa Solem proximè rapiuntur, in cœlo fluido, Mercurius & Venus; quorum prior, quia à Sole diffusus non est, plerumque in radiis solaribus latet. Attamen Astronomi artem invenere eum videndi, quando inter nos & Solem transit. Pinxerunt nobis discum Solis cum trajiciente Mercurio, prout intra obscuram scenam se inversè in circulo, citra Telescopium objecto, exhibuit; quod prolixa Epistolâ descripsit Petrus Gassendus, quæ consuli poterit. Tunc instar maculæ apparet Mercurius, quia pars ejus quæ à Sole aversa nobis objecta

objecta est. Cùm verò est ad Solis latera, corniculatus est, quia pars ejus quæ à Sole illustratur integra nobis non apparet; quæ statim ac tota nobis obversatur, quod fit quando est trans Solem, rotundus videtur, unde & Sphæricum ejus esse corpus, & opacum, alienaque luce splendere existimatur.

3. Similia de Venere à Recentioribus traduntur. Sed cùm à Sole remotior sit, facilius cernitur, variæque ejus phases, atque universus motus distinctius observantur.

4. Tertius Planeta, est Terra nostra, circa quam minor rapitur Planeta, quem Lunam vocamus. Terram loco Solis moveri existimant Copernicani, ideoque quod de motu Solis antehac diximus, Terræ adscribendum est. Sed tria præterea circa Terræ motum sunt observanda; primum, Polos Terræ Polis Cœli perpetuò esse obversos; secundum, intra viginti quatuor horas ab Occasu in Ortum eam circa centrum, atque axem suum moveri; tertium, intra trecentos sexaginta quinque dies, quinque horas, & minuta prope quadraginta novem, duodecim Zodiaci signa ab ea obiri.

5. Postquam Terram consideravimus, esset aliquid dicendum de Luna, sed quia hîc generatim mundanum Systema exponimus, ejus descriptionem in alium locum rejiciemus. Satis erit monuisse eam instar terræ reliquorumque Planetarum, solidam & opacam credi, lucemque ejus nihil præter solarium radiorum reflexionem haberi.

6. De tribus reliquis Planetis, postea agemus. Observandum duntaxat circa Jovem quatuor minores, telescopii beneficio, deprehendi Planetas, qui circum volvuntur; circa Saturnum, quinque, præter anfas, aut ansarum speciem, quæ ei adnexæ videntur. Si Veteres hæc observassent, Sphærarum numerus, non sine gravi incommodo, ipsis fuisset augendus.

7. Non mirum est, ex hujus Hypotheseos principiis, Martem majorem & lucidiorem apparere, quan-

do Soli proximus cernitur, quia ad ejus Hemisphærium, quod à Sole illustratur, melius nobis obversum est. Ad latera verò Solis, non rotundus prorsus, sed gibbosus est, quia id Hemisphærium nonnisi ex parte nobis obvertitur. Hoc tamen in Jove & Saturno non observamus discrimen phaseon, propter distantiam eorum multò majorem; quâ fit ut, quocunque in loco sint cœli, Hemisphærium integrum quod Sol illustrat, aut ferè integrum nobis appareat.

8. *Cometæ*, ab hujusce Hypotheseas patronis, ingentia corpora, Planetarum instar, habentur quæ se vortici Solis quandoque immergunt, cum postea relicturi. Ignorantur quidem leges eorum motûs, at hoc constat à spatiis immensis, quæ sunt supra Saturnum, liberè eos quaquaversum moveri, seu inferiùs ad Solem descendant, seu hinc rursus, ascendentes conspectum nostrum fugiant. Atque hac in re haud paulò melior est eorum Hypothesis, qui cœlos fluidos, seu ingens illud spatium quod à Sole ad stellas fixas porrigitur instar aëris, aut subtiliore esse materiâ plenum existimant.

9. Denique seu Sol, seu Terra videatur moveri, stellas fixas eodem modo oriri & occidere necesse est; quia navigantibus, ut ita dicam, inter Solem & Stellas non tam navis in qua sumus, quàm corpora quæ circumquaque prospectui nostro sese offerunt, videntur moveri. Stellæ etiam Polares semper esse supra Horizontem debent utrique Hemisphærio, quod constanter eam partem cœli respicit.

10. Caterùm Copernicus spatium, quod à Saturno ad stellas fixas porrigitur, immensum panè esse statuit: Circulus quem Terra intra annum circa Solem describit, juxta ejus Hypothesin, quamvis *Orbis Magnus*, vocitetur, punctum est, si cum immensa Firmamenti extensione conferatur. Stellæ præterea Copernicanis totidem sunt Soles, qui, ob immanem illam distantiam, exigui nobis videntur. Neque sunt æquè vicinæ, sed aliæ aliis remotiores, hîc illic sine ordine sparsæ, per  
im.

immensa fluidæ materiæ spatia; in quibus singula circa se habent, quæ solent ab iis *Vortices* appellari.

11. Quamvis hæc facilia sint intellectu, & potissima sit, in figura hujusce Systematis, mutatio sita, in eo quod ubi Sol est, ibi debeat intelligi terra, & Sphæræ CrySTALLINÆ cum primo Mobili abjiciendæ sint; attamen ut sine ullo conatu animi intelligantur à tyronibus, schema subijciemus Copernicanum.

12. Ut Copernicani varia objiciunt Ptolemaicis; ita hi haud minore nisu Copernicanum Systema evertere conati sunt; statim ac in vulgus editum fuit. Præcipuas horum objectiones paucis referemus, ut Copernicanas paucas contra Ptolemaicum recensuimus. Si objectionibus satisfacere queant Copernicani, dubitari nequit quin eorum Systema commodius sit & simplicius, adeoque multò felicids inventum, quàm Ptolemaicum, quod non nisi à pertinacibus seriò defendi potest.

13. Solent ergo Ptolemaici objicere I. sensuum testimonio repugnare Copernicanam Hypothesin, cùm Solem & reliqua Astra circa nos moveri cernamus. Verùm exemplo navis, quo jam obiter usi sumus, apparet nihil interesse at Astra videantur moveri, Terræne, an illa moveantur; quandoquidem portu pro-

— *terraque, urbesque recedunt.*

Atque hoc in negotio, tria præterea impediunt quominus Terræ motum animadvertamus. Primum est Terræ magnitudo nostro corpori collata, quæ obstat quominus magnam ejus partem simul videre queamus ac motum ejus deprehendere. Secundum est siderum immotorum, Solis nempe & Stellarum, immensa distantia; quâ etiam sit, ut haud ita facile Terræne an Stellæ moveantur animadvertamus. Tertium est quod in hac Terra natis & educatis ex ea egredi non liceat, ut possit à nobis è longinquo spectari, atque ex aliquo loco immoto quod sit ab iis qui navigant. Certè si quis in navi natus & educatus aliquamdiu esset, nec desti-

destitisset interea navis littora regionis cujuspian legere, littora ipsa moveri existimaret, nec ab errore suo posset revocari, nisi exscensione factâ. Itaque mirum non est si Terram quiescere, cætera moveri judicemus; imò mirabilius esset si contrarium nobis videretur, nisi validissimis rationibus adductis.

II. Objiciunt Ptolemaïci nisi terra in Centro statuatur mundi, integrum cœli Hemisphærium nobis non appariturum, quod Experientiæ contrarium est. Veram hæc objectio locum habere posset, si orbis Magni circumferentia haud multum à Stellis fixis abesset. Tum temporis stellas, vertici nostro imminentes, propiores judicaremus iis quæ non sunt procul ab Horizonte; sed in tanta distantia, discrimen semidiametri Orbis Magni, aut etiam multò majus pro nihilo habetur.

III. Quidam ridiculum esse censent terram moveri, in medio cœlo, cum reliquis Planetis, cum sit infimum elementorum, quod ima petiit. Verum ista Elementorum Empedoclea dispositio non usque adeò comperta est, ut sine probatione supponi queat. Imò meram conjecturam esse, inanibus rationibus nixam, Libro V. ostendemus. Si in aliquo aliorum Planetarum sedes haberemus, idem de eo Planeta sentiremus, quod nunc de Terra nostra sentimus. Nos crederemus in infima mundi parte positos, & Terram hanc cœleste esse corpus, quod inter Stellas versaretur, contenderemus.

IV. Ex Copernicana Hypothesi sequi objiciunt Solem esse quavis Stella fixa conspicua minorem; nam si totus Orbis Magnus, qui instar puncti est, præ distantia Fixarum, illinc præ tenuitate videri non possit, longè minùs Sol, qui Orbis Magni centrum est, poterit conspici, adeoque quavis Stella conspicua minor erit. Etiam si Solem quavis Fixâ minorem esse concederent Copernicani, nullum inde eorum Systema pateretur detrimentum; neque enim Solem Stellis alia de ratione præferimus, nisi quia majorem nobis præstat usum, quæ ratio ad cæteras partes mundi, aut ad eo-



rum incolas, si qui sunt, nihil attinet. Sol etiam quamvis admodum exilis, immensæ distantiae Stellarum fixarum collatus, statuatur, poterit inde cerni, propter igneam naturam, quæ ejusmodi est ut radios in immensam distantiam vibret, uti lucernæ nocte splendente exemplo fatis liquet. Lucernæ enim flamma ita dilatatur, ut è longinquo spectata major appareat, quam revera est; fierique perinde potest, ut pauculi radii qui ex immensa distantia veniunt Solis discum dilatent ita ut è Stellarum fixarum vorticibus eum spectantibus appareat, ut à nobis Stellæ ipsæ cernuntur.

V. Philosophis, Veterum placita sequutis, Terræ corpori omnium gravissimo centrum mundi non assignari absonum videtur. Sed si voce *gravitas* nescio quam vim descendendi ad commune centrum intelligant, qui sciunt Terræ centrum esse totius rerum Universitatis centrum, cum hoc ipsum quærat? Secundò unde ipsis constat Terræ majorem vim inesse tendendi ad centrum, quam aliis Planetis? Tertiò omnibus corporibus esse commune centrum, ad quod tendant quis eis dixit? Circa Terram quidem & intra *Atmospheram*, hoc est, aliquot à Terræ superficie miliaribus id usu corporibus gravibus venire nobis constat. Sed si tota Terra cum Planetis conferatur non iis modo, qui sunt circa Solem hunc nostrum, sed aliis fortè innumeris, qui in aliis Vorticibus versentur; Terræ centrum peti, potius quam alius cujusvis Planetæ, nemo affirmare possit.

VI. Aiunt Ptolemaïci, vehementi illa Terræ circa axem suum gyratione, partes ejus dissolutum iri, nosque ipsos vento perpetuo Aëris, intra quem Terra volveretur, vexatum iri. Respondent Copernicani ea quæ in orbem moventur (quod exemplo Fundæ probant) tendere ut à centro recedant, & ea quæ majorem vim ad recedendum à centro Terræ habent, alia summo impetu versùs eum centrum repellere, & sic partes ejus contineri. Hoc illustratur ab iis aliis etiam experimentis, quorum nonnulla à nobis proferentur,  
suis



suis locis. Deinde fatentur si motum inæquabilem & subsultibus plenum Telluri tribuerent, posse timeri dissipationem ejus partium; sed motus hujusce nostri Planetæ, quantumvis velox, æquabilis tamen est & uniformis. Denique Aër, qui circa Terram positus ejus incumbit superficiei, unà cum illa rapitur, adeò ut ventum Telluris motui contrarium non efficiat, sed in eandem partem defluat. Hic verò defluxus, quia placidus & æquabilis est, à nobis, ab infantia ei assuetis, non sentitur.

VII. Obijciunt etiam nullum corpus supernè demissum, ex altissima turri, aut ex prærupti montis specula, ad perpendiculum casurum, in locum subjectum, quia dum esset in Aëre, Terræ locus, cui imminet, interea in Ortum subduceretur; quod tamen Experientia contrarium est. Copernicani duo potissimum reponunt. Primum, ab aëre ipso, qui cum Terra rapitur in Ortum, lapidem, exempli causâ, qui, per aërem cadit, rapi. Secundum, ipsum lapidem, antequam projiciatur, habere motum communem versus ortum cum eo à quo projicitur, totâque adeò Tellure, quem cadens etiam retinet.

VIII. Si Terra moveretur in Ortum, globus Bombardæ, inquiunt Ptolemaïci, in Occasum explosus longius emitti comperiretur, quia dum movetur in Occasum, unà cum Terra in Ortum subducitur Bombarda. Sed Machina in Ortum explosa tantumdem motûs communis in eam partem habet, à Tellure, ac ipse globus; in occasum verò emissus globus tantumdem amittit virium in contrario Terræ & Aëris motu, quantum interea dum Aërem prætervolat recedit in Ortum Machina è qua egressus est.

Similiter solvitur alia objectio eodem talo nixa, explosum globum in Austrum, vel Boream tantumdem aberraturum à Scopo, quantum Scopus, dum globus in aëre est, ad Ortum recessit. Dum, scilicet, Scopus ad Ortum deflectit, eam etiam in partem globus declinat. Hoc unum inde sequitur lineæ quæ à globo de-

scri-

seribuntur, quantumvis rectæ videantur, curvas revera esse, quod non negant Ptolemaici.

IX. Denique objicientibus, si Terra moveretur in Ortum, nubes, aves, aliæque in aëre suspensa semper in Occasum ferri visum iri; ex iisdem principiis satisfit, videri hoc non oportere, quia Aër non minùs quàm Terra in Ortum fertur. Spectandæ sunt aves, nubesque instar piscium, qui in Cupa aqua plena transferuntur, & qui præter motus proprios, motu aquæ communi in eam partem, in quam fertur Cupa cum aqua, etiam moventur.

X. Qui vident ex Astronomiâ aut Physica satis firma argumenta non peti, contra Terræ motum, ii quandoque se ad Scripturæ auctoritatem conferunt; quæ, ubicunque de Terra, Sole & Luna loquitur, Soli & Lunæ reliquisque fideribus motum, Terræ quietem attribuit. Verùm faciliùs etiam huic argumento, quàm prioribus satisfit, cùm Scripturam constet de rebus quæ ad dogmata creditu aut factu necessaria non pertinent, more vulgi loqui, quod exemplis facillimè ostendi posset.

14. Attamen, tametsi propositis objectionibus haud agrè à Copernicanis satisfit; superest gravissima difficultas, quæ an ab ullo enodari queat haud satis scio. Majores Planetas Copernicani circulos obliquos circa Solem describere, Parabolis aut Ellipsis similiores quàm perfectis circulis volunt: ut & circa eos alios minores Planetas ferri contendunt. Majores Planetæ, & Terra potissimùm, quæ nobis notior est, polos suos semper Polis Coeli, seu Vorticis in quo sunt, obversos habent. Luna, quæ minor est Planeta, semper eandem faciem Terræ obvertit, nec circa axem suum, sed oscillatorio tantùm motu, agitur, quam fortè legem observant etiam minores Planetæ, qui circa alios majores volvuntur. Utrique etiam & minores & majores certis temporibus, per certas orbitas delati, circuitus suos constanter absolvunt. Intelligimus quidem aliquatenus ea quæ in orbem in medio fluido una moventur; sese invicem premere, adeò ut inferiora à superioribus & vice versâ

coër-

coërceantur, sed quâ ratione eadem partes Planetarum semper easdem partes cœli respiciant, & Planetarum tanta corpora in fluido, rapta semper, nec imminuto nec aucto motu, æquè à Sole dissita sint, & æquis temporum spatiis circa eum ferantur, vix ac ne vix quidem intelligi potest, præsertim si consideremus Cometæ altissimè in Vorticem nostrum immergi, & ab eo rursus emergere. Veteres Philosophi aut Animos, aut Deos Præsides, recentiores Peripatetici Angelos ipsis tribuunt; alii Mechanicam vim, quâ agerentur, frustra indicare conati sunt.

15. Philosophorum ingenia eò usque hactenus pervernerunt, ut Planetarum statas Periodos, situsque inter se accuratè describerint, magnitudinesque eorum & distantias crassius designarint; at ulterius ad vim quâ aguntur & in certo situ continentur, penetrare nitentibus via defecit, ingensque chasma, ut ita dicam, & quod transfilire non liceret, inter se & veritatem invenerunt. Cujus rei quædam in sequentibus exempla tradentur, quæ nondum attigimus.

16. Inventum est à *Tychone Braheo*, celebri Astronomo Dano, tertium Systema, quod cùm Copernicano æquiparandum non sit, omittimus. Ex *Petri Gassendi Astronomica Institutione*, aliisque cognosci poterit.

## CAPUT. IV.

*De dispositione & generatione cœli Vorticis nostri, tum aliorum, ex Cartesii potissimum sententia.*

I. **A** Copernicanis Stellas fixas totidem haberi Soles qualis hic noster est, nisi quòd majores fortè, aut minores sint, in antecedente Capite diximus. Quod si ita se habeat, ut videtur, hæc summam consideratæ rerum

rerum Universitatis facies erit. Ingentes flammarum globi, sine ordine quidem coacervati, inter se perpetuò eundem servantes situm, per immensa & infinita fortè spatia, neque enim in iis terminos ullos concipimus, sparsi circa se, quisque, pro suis viribus, maximam materiæ fluidæ copiam in orbem agunt. In ea materia, variarum magnitudinum corpora opaca & *σφαίρειά* arctiores aut ampliores, prout à globorum igneorum centro magis aut minùs absunt, circulos circa eos describunt; idque eâ constantiâ, ut situm & motum semper eundem obtineant, si ea corpora, quæ Cometæ dicuntur, excipias. Hac enim accedunt ad globos illos igneos, quos Stellas fixas vocamus, atque ab iisdem incertis, aut saltem hæctenus ignotis legibus, recedunt.

2. Ut Veteres Philosophi, de Mundi generatione, multis disputarunt: ita & Recentiores, quomodo creari potuerint ejusmodi Vortices, quasiverant. Nec sanè inutilis is esset labor, si modò inveniri hoc posset, etenim ex ratione Generationis Vorticum, colligeretur distantiarum Planetarum, eorùmq; motuum ratio. Indidem etiam, quare flammæ illis sint centra, & globi flammei in orbem circa axem suum agantur cognoscere-  
mus. Ita qui machinæ cujuscpiam partes sejunctas postmodum inter se aptari vidit, earum *εὐλαχίαν*, & omnes ejus effectus facile intelligit.

3. Inter eos, qui Vorticum generationem exponere tentarunt, eminet *R. Cartesius*, qui quamvis rem, prout conjicit, factam esse affirmare noluerit; attamen iisdem legibus stare, quibus starent, si res, ut dicit, facta fuisset, credidit. Verùm, hoc in negotio, à priori quidquam invenire, ita ut certò affirmari quasi compertum possit, videtur esse supra vires humanas. Neque enim, ut in Præfatione Physicæ diximus, unica semper est eorundem effectuum causa; unde sequitur quamvis causam, ex qua possent phænomena manare invenerimus; non ideò tamen hanc ipsam esse non aliam, ex quo fluant, affirmari posse. Attamen propter

ter famam Viri, sine dubio ingeniosissimi, generationem Vorticum paucis, ex ejus principiis, trademus, & aliquot Adversariorum ejus objectiones proponemus.

4. Immensam extensionem quaquaversum in infinitum porrectam, & solidam, ac quiescentibus omnibus partibus supponit à Deo fuisse factam. Ei materiæ hic illic motus varii inditi sunt, & cum, omnibus plenis, motus per rectam lineam fieri non posset, necesse fuit partes quæ movebantur in orbem, circa quædam centra, moveri. Ex autem partes cum variarum essent figurarum, & pleraque angulis refertæ non potuerunt juxta se invicem moveri quin angulos vicissim sibi abradere, & figuram pristinam exuerent, ac tandem rotundæ fierent. Has Cartesius vocavit *materiam secundæ elementis*, ramentis verò angulorum, quæ omnis generis figuras obtinent, *primi elementi* nomen indidit. Cum autem primum elementum particulis figurarum angulosarum, & irregularium constet, non mirum est si inter se rursus implicitæ crassiora corpora, quæ *tertium* sunt *elementum*, constituent.

5. Diximus cum, juxta Cartesium, omnia plena essent, motum non potuisse alium esse quàm orbicularem. Constat autem omnia quæ in orbem moventur, à centro motus sui conari recedere. Exemplo est funda, quæ si circumagatur lapide onusta, è circumagentis manu lapidis magno conatu recedere nititur. Quando verò plura corpuscula liberè in medio fluido in orbem moventur, eorumque motus æqualis non est, ea quæ maximum habent motum, pro ratione magnitudinis & soliditatis suæ & figuram ei conservando aptissimam maximè omnium à centro recedunt; neque id possunt facere quin ea quæ minori cidentur motu, versùs interiora circuli, quem describunt, depellant. Hoc præ oculis ponet experimentum facile, si nempe in vas album, & cujus fundum planum sit, unà cum aqua injiciatur cera rubra in pulverem comminuta, deinde vas aut aqua circa ejus centrum unà cum cera agitetur. Cera, quæ aquâ solidior,

lidior, majorem motum concipit & circa interiora vasis latera gyrat, dum vas vehementius circumagitur. Ubi verò vas non amplius agitur, cera quæ ob figuram partium angulosarum, citius quàm aqua motum suum amittit, versùs interiora vasis ab aqua in orbem, adeò ut globulum circa centrum efficiat, brevi cogitur.

6. Similiter in Vorticibus, cùm variæ partes, quarum nec eadem est magnitudo aut soliditas, nec idem motus, in orbem agantur, aliæ aliis vehementius à centro communi, juxta Cartesium, recedunt, à quibus aliæ ad interiora deturbantur. Cùm autem particulae, quibus anguli sunt motu abradi, motui sint aptiores & simul aliis solidiores, magis à centro recedunt quàm subtiliores, seu primi elementi particulae, quæ omnes ad centrum confluunt, exceptis iis quas in globulorum interstitiis manere necesse est. Postquàm autem ad centrum, aut circa centrum pervenere, pergent ibi motu circulari vehementissimo agi, nec inde recedere possunt, propter incumbentium secundi elementi particularum vim.

7. Hic possemus sententiam Cartesii de Luce, aliquot ejus erroribus liberatam, à viris Physices peritissimis exponere. Sed ne in copioso per se argumento, oriatur multitudo nimia rerum obscuritas, eam translationem hic omitemus. Hoc unum monebimus, congerie illà particularum primi elementi circa Vorticum centra motarum globos igneos, juxta Cartesium, constare.

8. Cùm porrò Vortices ingenti copia ab initio facti fuerint, alii aliis majores aut minores fuere. Præterea fieri potuit ut materiae primi elementi particulae, quibus Stellæ constant, cùm variis præditæ sint irregularibus figuris, se invicem implicuerint atque in Stellarum extrema ora relati crustam quandam confecerint, quæ incrassescens opaca facta fuerit, lucemque, quæ ex globo quaquaversum spergebatur, interceperit, imò paulatim motum interiorum particularum minuerit. Quo facto, remotiores etiam Vorticis partes lentius

tiùs moveri cœperint, ac denique Vortex ille à vicinâ integrum suum motum retinentibus totus exhaustus fuerit; ut fluvius lentius fluens à rapidiori, si in eum incidat, rapitur.

9. Ita destructo Vortice, Stellam incrustatam, unâ cum alterius materia, in orbem moveri necesse fuit. Si motus ejus celerior, pro soliditatis, figuræ & magnitudinis ratione, fuit motu particularum Vorticis quem ingressa erat, eam ad extremam ejus oram ire necesse fuit, atque inde tandem egredi, ut alii rursus immergeretur. Atque eo modo nascuntur, juxta Cartesium, Cometæ, qui varios pererrant Vortices. Si verò Stellæ incrustatæ motus ejusmodi fuit, ut violentius à centro Vorticis quem subiit non recederent, quàm certæ Vorticis partes, cum iis in æquilibrio remansit, & circa centrum commune in perpetuum moveri perrexit. Hinc facti Planetæ, qui licet moveantur, tamen ab eo Vortice in quo sunt numquam abeunt, uti nec centro propiores fiunt, aut ab eo recedunt.

10. Planetæ autem cum superficie asperiore, & prægrandia sint corpora, dum gyrent, minores Vortices materiæ fluidæ circa se fecerunt; qualis hæc est, quæ circa nos porrigitur, *Atmosfera*. Si in minores ejusmodi Vortices inciderint Stellæ minores incrustatæ, & cum ejus partibus, in certa à centro distantia, in æquilibrio manere potuerint, hisce in locis hæserunt: unde nostra Luna, ut & Saturniæ, ac Joviales, nati sunt. Hæ nullos habent sibi peculiare Vortices, quia circa centrum suum non moventur, quod de nostra constat, & de aliis admodum credibile est Lunis.

11. Quod autem circa centrum nostri Vorticis contigit id circa aliorum centra usu venisse, cum ejusdem naturæ sint, verisimile est. Quo concessio, plenam totius rerum Universitatis imaginem animo contemplamur, qualem eam §. 1. descripsimus.

12. Quin hæc ingeniosa sit Hypothesis; & multis phæ-



Phænomenis pulchrè satisfaciat nemo in dubium revo-  
cet. Si de Stellis aliis, ut de Sole nostro, judicare licet,  
quin ea circiter sit Mundi dispositio, vix etiam quis-  
quam inficiari sustineat. Verùm hoc inter duo hæc  
discrimen intercedit, quòd posterius ex Vorticis nostri  
consideratione colligatur; prius verò merè sit conjectu-  
rale, ut supra jam monuimus, & quibusdam difficul-  
tatibus vix solvendis, quarum aliquot in medium pro-  
feremus, laboret.

13. I. Motus particularum materiæ, licèt circularis,  
intelligi nequit, si omnia cum Cartesio solidâ materiâ  
plena supponamus. Nam necessariò partes quæ à se  
invicem divelluntur, primo quo recedunt momento,  
aliquid spatii inter se relinquunt oportet, alioqui divisæ  
non essent. In id autem spatium quid potest fluere,  
cùm nulla initio supponatur materia fluida? Si nihil  
autem statim fluxerat, suppositio falsa esset, cùm spatium  
sine materia fluida existere intelligeretur. Hac de re  
plura in Capite *de Vacuo* Lib. V. dicemus.

II. Quandoquidem, ubi plures particulæ materiæ  
circa idem centrum moventur, eæ quarum est motus  
minor, & figura ad eum tuendum ineptior, minorem  
vim habent ad recedendum à centro; contrà verò qua-  
rum motus est major, figuræque ad eum servandum  
aptior, eæ magis à centro abeunt, & versùs illud alias  
deturbant; cùm, inquiunt Cartesii adversarii, hoc ita  
se habeat, si ei credimus, particulas primi & secundi  
elementi, quæ commotiores, & motui aptiores sunt,  
quàm eæ quibus tertium constat, ad extrema Vorticis  
ferri necesse esset, dum materia tertii magna vi cen-  
trum peteret, nam & minùs motam, & motui inepti-  
torem eam esse fatetur Cartesius & res ipsa clamat.  
Hoc autem si fieret, everteretur tota Cartesii Hypo-  
thesis, nec qua ratione Planetæ loca sua tueri possent  
intelligeremus.

III. Vortex, qui nunc peculiaris Terræ est, aut  
idem quem habuit cum ignea adhuc esset, aut novus  
censeri debet. Non potest esse pristinus, juxta Carte-

*sum*, quia, ut antè diximus, eum absorberi censet ubi incrustata Stella alii Vortici immergitur. Igitur novum esse fatetur. At hoc supposito, materia illa fluida, quæ circa Terram rapitur, aut à Terra in orbem movetur, aut ipsa Terram movet. At nemo exposuerit quâ ratione Terra tantum sibi facere Vorticem potuerit, ut materia circa eam contorta in ea distantia, in qua est Luna, ubi circulus quem materia describit 28. vicibus eo major est qui ab extremis Terræ partibus describitur, tantum corpus quantum est Luna adeò constanter rapiat, ut semper, intra eundem dierum ambitum, circa Terram agatur. Si dicatur Terra à materia ipsa fluida circumagi, qui poterit capere eam materiam quæ intra viginti quatuor horas Terram circa axem gyrare cogit, tamdiu eandem vim servare, nec ejus peculiarem motum à motu communi majoris vortice particularum unquam turbare? Quis dixerit quare materia fluida magni Vortice, quæ in eo loco, in quo suspensa est Terra, intra annum circa Solem rapitur, Vorticem illum minorem cujus motus ei partim contrarius est non absorbeat, quemadmodum pristinum Terræ Vorticem hausit? Hoc ut melius intelligatur Schema supponimus hoc majoris & minoris Vortice.

Materia majoris Vortice, notata literis A C B, movetur ab A versùs B per C. Materia verò minoris, notata literis D F E G movetur à D ad G, per F E, unde redit ad D, & sic porrò constanter gyrat. Quando autem arcum circuli describit, qui est ab E ad G & D, manifestum est eam ferri motu contrario motui materię majoris Vortice, quæ ab A ad B per G tendit. Quomodo autem minor vortex eum motum tueri possit, in partibus adeò à Terra remotis, an quisquam intelligere queat nescio.

IV. Si Terræ Vortex à majori Vortice, ut voluit Cartesius, raperetur, ubi Terra esset in eo loco quo particulæ majoris Vortice celerius fluunt, celerius etiam progrediretur, quod tamen Astronomicis observationibus,

o. l  
nset  
itur  
ill  
a or  
ne  
cere  
a in  
ma  
exti  
uan  
ntry  
S  
qui  
tuor  
ram  
notu  
tur  
orti  
ntra  
rem  
eat  
Hoc  
oris  
mo  
oria  
E  
nde  
D  
ate  
uo  
fit,  
lli  
uit  
uo  
iis  
er  
us,

Ptolemaicum

Syste ma




Fig. II.




Fig. III.





Fig. IV.





...b  
er-  
us,

vationibus, ut in Capite de *Planetis* ostendemus, contrarium est.

14. Alia plurima *Cartesio* obijciuntur, præsertim ab iis qui ei alioqui studio partium infensi non sunt, quæ solvi non posse videntur. Sed ea, brevitatis causâ, prætermittemus. Attamen, ut jam diximus, nihil ingeniosius excogitari hætenus circa hoc negotium potuit, & eò tandem devenere præstantissimi Physici, ut *τὸν φυσικὸν* ordinem & vices, potius quàm causas, sibi observanda duxerint.

## C A P U T V.

### *De Sole.*

1. **D**E Sole acturis, si aliqua esset Ptolemaïco Systemati verisimilitudo, ab ejus Astri ordiendum esset motu. Sed cùm Veterum, potius quàm Recentiorum, stare non teneamur conjecturis, nisi commodiores sint, hic simplicius Copernicanum Systema sequuti, Terræque Planetarum numero adscriptâ, de Terræ motu dicemus postea, quæ illi de Solis Periodo dicere solent.

2. Ante omnia, Solis naturam investigandam sibi sumpsere Physici. Veteres nonnulli, præsertim Peripatetici, eum constare aiunt nescio quâ Essentiâ, quam *quintam* vocant, & quæ neque est terra, neque aqua, neque ignis, neque aër, neque ex horum mixture constat. Verùm, ut illi, sine necessitate, ignotam materiam fingunt; ita nos eam conjecturam admittere non tenemur.

3. Si conferamus Solem cum Corporibus nobis notis, nullum inveniemus quod ei adsimilare possimus, præter ignem. Ut ignis lucidus est, calefacitque & urit: Sol luce suâ Vorticem in quo est illustrat, omnia  
B 2 calefacit,

calefacit, & ad perpendicularum incidens pænè urit; sed potissimos & vehementissimos ignis effectus edit, si speculo concavo ejus radii colligantur; tum enim quæ radiis collectis opponuntur in cineres, aut in calcem redigit, vel liquefacit. Quod cum ita sit, quare ignis similis non credatur, nulla ratio est. Ad hæc rationes accedit distinctior, ope Telescopii, cujus vitrum effumo infuscatum, aut carbaso tenuiori involutum, conspectus. Tum enim quasi mare igneum, vehementissimo motu agitatum cernitur.

4. Neque obijci potest ignem indigere alimento, quo si destituatur exstinguitur; Soli verò nullam materiam, quâ ejus conservetur flamma, suggeri. Nam primò non satis nobis constat annon, ut conjecit *Bartholæus Cartesius*, per Vorticis nostri Polos subeat materia quâ Sol alatur, dum per æquatorem Vorticis alia elabitur. Fortè ex superioribus Vorticis partibus, quædam quæ motum suum tueri nequeunt, à cæteris commotioribus præcipientes ad centrum aguntur. Deinde ideò ignis noster hic exstinguitur, quia nisi sit magna copia particularum quibus alitur, ut aëri circumquaque prementis resistere queat, ejus pressione flamma eliditur ac dissipatur. Verùm in centro Vorticis non posset dissipari, nisi superiora loco deturbaret; quod non potest fieri, quia superiorum major est motus pro ratione soliditatis & figuræ. Itaque cum aliò evadere nequeat, in centro continetur. Hæ & similes reddi possunt rationes, quibus ignea natura Solis aut igneæ similis contra Peripateticos defendatur.

5. Postquàm eam esse Solis naturam ostendimus, non alienum esset ab hoc loco de Luce agere. Sed quia alia sunt præter Solem lucida, & multa quæ hîc investigemus, pleniorẽ de Luce tractationem in alium locum rejiciemus.

6. *Galilæus Galilæi*, celebris Mathematicus Florentinus, Anno mdcx, cum Mathesin in Patavina Academia doceret, paulò post inventum Telescopiorum usum, in Sole animadvertit, quod omnia sæcula antea latuerat.

Solis

Solis lucem immutabilem prorsus, naturamque ejus, ut & cœli, sine variatione ulla, semper eandem crediderant Peripatetici. Sed Sole Telescopii beneficio inspecto, animadvertit maculas, in ejus superficie nasci, augerique paulatim & dissipari. Eas unâ cum ceterâ Solis materiâ circa eum, intra viginti sex dierum spatium, aut circiter, agi vidit. Hinc collegere Physici olim multò citiùs, quàm par fuerat, cùm res satis oculis resciri non posset, nec dum inventa essent, quibus adjuvarentur, instrumenta, Cœli materiam immutabilem esse judicatam. Indidem etiam ratio quare interdum, serenissimâ tempestate, subpallidus esset Sol, cognita est. Nempe, maculis solito majoribus radorum ejus pars aliqua intercipitur. Hæc & plura ipse *Galileus*, in Italico libro inscripto, *Demonstratio Macularum Solarium*, persequutus est.

7. Conati sunt etiam Astronomi Solis veram magnitudinem, ejusque à nobis distantiam invenire. Nemo enim Astronomiæ non prorsus imperitus negarit in tanta distantia Solis, ejus discum tantum non videri quantum est. Non possumus in hoc Opusculo observationes, quibus nituntur, referre. Satis erit quid ex calculis collegerint, dixisse.

8. Diameter Solis mediocris apparens ferè est 32'. 12". Tanta verò est magnitudo ejus vera, ut plus 450. vicibus Terram superare existimetur. Itaque si Terræ Diameter sit, ut credidit *P. Gassendus*, 8354. milliarium Italicorum, Diameter Solis erit 3759300. milliarium, eoque amplius. Quo posito, facile est conjicere non exigua distantia nostram Terram ab eo esse remotam, è qua tam immånis flamma tantilla cernitur. Itaque *Philippus Lansbergius* mediocrem Solis à Terra distantiam judicat esse 1498. semidiametrorum Terræ. Aliæ sententiæ apud *Joan. Keplerum*, *Ismael. Bullialdum*, & nuperum scriptorem eruditissimum *Is. Newtonum*, legi poterunt. Nos, qui hæc crassius delineamus, diutius huic negotio immorari non patitur nostrum institutum. Nec interest multùm utrum, in tanta di-

stantia, milliarium centuriis aliquot à se invicem, aut à vero discrepent Astronomi.

9. De Eclipsi Solis superest ut agamus, quamquam posset ad Caput de Terra rejici, quandoquidem in Terra est, non in Sole, quidquid mutationis hic fit, ut statim videbimus. Hic ante omnia recordandum est Planetas, cum minores, tum majores, opacos esse, quod superius etiam diximus, & de Luna oculorum Telescopio adjutorum, imò & solorum satis constat testimonio.

10. Dum autem Luna circa Terram rapitur, semel unoquoque Mense inter nos & Solem fita est, adeò ut si directè inter spectantium oculos & Solem posita sit, radios ejus eo in loco intercipiat; quo tempore Sol Eclipsin pati dicitur; cum Terra radiis Solaribus destituatur, & propriè loquendo *εκλείπτειν* dici deberet. Eclipses tantum eveniunt tempore Novilunii, quando Luna, ut loquuntur Astronomi, *Soli conjuncta est*, quia eo duntaxat temporis articulo inter Solem & Terram præterit. Non sunt tamen in quovis Novilunio Eclipses, quia Lunæ orbita non semper ita inter utrumque interjacet, ut ducta è Terra versùs Solem linea recta, quemadmodum ad pariendam Eclipsin requiritur, in Lunæ corpus incidat. Ad Boream, aut ad Austrum declinat, quâ declinatione positâ, Solis radii ad nos sine impedimento perveniunt. Is est Solis & Lunæ situs, qui requiritur ad Eclipsin, in aliquâ Telluris parte creandam, quando Luna est in eodem Nodis ac Sol, aut admodum vicina. Itaque ad nostrum Hemisphærium quod attinet, Eclipsin tum Sol patitur, quando est simul cum Luna in Capite vel Cauda Draconis. Dum sunt ex Asterismi hujus regione, non semper quidem in eadem, sed semper in aliqua Hemisphærii nostri parte cernitur Eclipsis Solis.

11. Aliâ autem est Eclipsis *totalis*, aliâ *partialis*. Partialem vocamus, cum pars disci Solaris Lunæ corpore absconditur. Totalem, ubi totus Solis discus latet. Cum Luna Terrâ minor, Terra verò quadringentis quinquaginta

quingenta vicibus magnitudine Solari inferior sit; attamen totalis potest esse Solis Eclipsis, quia Solis à nobis remotissimi discum apparentem Lunæ discus multò propior exæquat.

12. Sed ejusmodi Eclipsis totalis vix diuturna esse potest, & rarior est. Luna enim in ortum, Solem inter & Terram, delata, statim ac limbo suo orientali limbum orientalem, totòque suo corpore totum Solis corpus obtexit, occidentalem Solis limbum occidentali suo deferere, adeoque solaribus radiis liberum ad nos trajectum præbere continuò incipit. Deinde cum haud frequenter Luna adeò directè Soli sese conjungat, præterea evenit ut discus Lunæ apparens, cum est in Apogeo, seu à Terra, remotissimo loco, minor sit Solari apparente disco; unde fit ut quando linea recta è loco in quo Eclipsis Solis apparet per Lunæ & Solis centrum ducta transit, circumquaque appareat limbus Solis, quem non occultat Luna; quæ tunc temporis, instar maculæ, per Solem transire videtur.

13. Etiamfi autem totalis Eclipsis Solis, ut diximus, brevissimo tempore durat; dum, nimirum, totum discum Solis Luna operit, propter rationem allatam; attamen potest inter initium, & finem Eclipsos ejusmodi elabi circiter bihorium. Cum enim Luna singulis horis circiter gradus dimidium conficiat, quo haud multò major est Solis diameter, ex quo limbo suo orientali Luna Solis occidentalem affecuta est, paulò plus quam hora absumatur necesse est priusquam ad orientalem Solis limbum perveniat; similèque tempus requiritur ut totus Lunæ discus ante Solis discum transeat, Solisque integrum corpus ex ejus umbra emergat, quo tempore Eclipsi finis imponitur.

14. Hæc, ut alia, crassiori Minervâ descripta, ex Institutionibus Astronomicis accuratius cognosci poterunt.

## CAPUT VI.

*De Planetis in genere.*

1. **V**aria de Planetis, in commune, ab Astronomis & observata & quasita sunt, quorum nos potissima quaque, omisâ, brevitatis causâ, subtiliore indagatione, hic delibabimus.

2. I. Cùm Planetæ modo majores, modo minores apparerent, Veteres Astronomi credidere aliquando eos esse propiores, aliquando remotiores, unde collegere *μεγέτηα* & *ἀπὸ γέτηα*; quorum prius significat locum Epicycli Terræ proximum, alterum verò remotissimum. Idem in Luna Recentiores agnoscunt, cùm eam Ellipsin circa Terram describere censeant, & quando est in minoris Axis Ellipseas extremis, propiorem eam esse Terræ necesse sit. Ad Solem quod attinet, cùm circa eum ipsa Terra, quam Luna comitatur, Ellipsin describat; quando etiam extrema minoris Axis Ellipseas attingit, Solem, utpote propiorem, majorem videmus. Contrâ minor apparet, cùm Terra est in majoris Axis extremis.

3. Non eadem quidem est ratio aliorum Planetarum, respectu Terræ, nam licet Elliptico etiam motu agantur, Ellipseas umbilicus non in Terra est, sed in Sole. Remotiores tamen sunt à Terra, cùm trans Solem versantur, propiores cum sunt aut inter Terram & Solem, ut Mercurius & Venus, aut inter Terram & extremam Vorticis nostri oram, ut Mars, Jupiter & Saturnus. Hæc intelligentur, conjectis in Schema Copernicani Systematis oculis. Sed sunt quædam, circa quinque horum Planetarum Phases observanda, quæ Cap. III. paucis indicata non repetemus. Obiter addemus Copernicanos *ἀντὶ τοῦ ὀφθαλμοῦ* & *μεγέτηα*, quæ in sola Luna



Luna agnoscunt, ἀήλια & πειμήλια excogitasse, eaque vocabula, ubi de Terra & quinque majoribus reliquis Planetis loquuntur, adhibere.

4. II. Quærentibus quare *Planeta nunc celerius, nunc tardius videantur moveri?* respondebant Veteres eos in Epicyclis & Eccentricis suis æquabiliter moveri, sed inæqualitatem videri esse aliquam nobis qui ex alieno centro motum eorum spectamus. At difficilius & operosius rem exponebant. Recentiores verò, qui Copernicanam Hypothesin sequuntur, & æquabilem motum agnoscunt, & facilius multò rem expediunt, cùm tota ex comparatione motus Terræ & Planetarum pendeat. Si è Sole spectarentur singuli Planetæ, semper æquali motu agi cernerentur; sed cùm nos unà cum iis circa Solem rapiamur, pro situ Telluris eos celerius aut tardius assequeutis, vel antecedentis, motus diversus esse videtur. Assequi porrò dicitur Terra Planetam quando eò pervenit, ubi est è regione ejusdem Asterismi ac Planeta, quo in situ, pro varietate sitûs utriusque inter se, diutius aut breviori tempore manet.

5. Indidem quare Planetæ nunc *Stationarii*, hoc est, quasi in eodem loco manentes; nunc, *Directi*, seu juxta ordinem signorum Zodiaci procedentes; nunc denique *Retrogradi*, seu retrorsum ferri videantur, intelligimus. Nam illi quidem semper in eandem partem, juxtaque eundem signorum ordinem rapiuntur æque celeriter; sed quando Terra per aliquot dies ita movetur ut easdem Stellas ac Planetæ directè adspiciat, illi stare videntur. Deinde Venus & Mercurius, qui interiori gyro circa Solem volvuntur, celeriusque proinde Periodos suas conficiunt, ire ac redire inter nos & ipsum videntur, dum circa idem centrum lentius circumvolvuntur. Denique Mars, Jupiter ac Saturnus, inter quos & Solem celerius progredimur, retrogredi quasi cernuntur, cùm Terra eos antevertit, & directo cursu ferri cùm antecedunt; ita ut dum progredimur videantur è regione esse sequentium Fixarum, è quarum regione nondum sumus.

6. Planetarum numero exemimus hic Lunam ac Solem, quia hic in medio stat immotus, respectu saltem Planetarum, & illa non numeratur inter majores Planetas, de quibus tantum § 4. verba fecimus. De Sole & Luna hic observandum, cum cæteri retrogrediantur, & stent, prout nobis videtur, eos nihil tale pati; quia Luna, quacunque in Zodiaci parte simus, circa Terram rapitur; Sol verò, circa quem volvitur, in consequentia semper ire videatur necesse est.

7. III. Suprà Cap. III. ostendimus causam æquabilis Planetarum, constantisque motus, iisdem partibus Vorticis nostri Polis obversis manentibus, difficilem esse intellectu. Hic autem addemus Demonstrationem, quæ constet Planetas à Vorticis materia non rari, quod Schemate & ratiocinatione sequenti probavit *Is. Newtonus*. \*

“ Designent A D, B E, C F, orbes tres circa Solem S  
 “ descriptos, quorum extimus circulus C F sit Soli con-  
 “ centricus, & interiorum duorum Aphelia sint A, B,  
 “ Perihelia D, E. Corpus quod volvetur in orbe C F,  
 “ radio ad Solem ducto areas temporibus proportiona-  
 “ les describendo, æquabili motu agetur. Corpus verò  
 “ quod volvetur in orbe B E tardiùs movebitur in Aphe-  
 “ lio B, & velocius in Perihelio E, secundum leges  
 “ Astronomicas; cum tamen, ex legibus Mechanicis,  
 “ materia Vorticis in spatio angustiore inter A & C ve-  
 “ lociùs moveri debeat, quàm in spatio latiore inter D  
 “ & F; hoc est, in Aphelio velociùs quàm in Perihe-  
 “ lio. Quæ repugnant. Sic in principio signi Virginis,  
 “ ubi est Aphelium Martis, distantia inter orbes Mar-  
 “ tis & Veneris est ad distantiam eorundem orbium,  
 “ in principio signi Piscium, ut tria ad duo circiter,  
 “ ac proinde materia Vorticis inter orbes illos in prin-  
 “ cipio Piscium debet esse velocior quàm in principio  
 “ Virginis in ratione trium ad duo. Nam quo angu-  
 “ stius est spatium, per quod eadem materiæ quanti-  
 “ tas, eodem revolutionis unius tempore, transit, eo  
 “ majori cum velocitate transire debet. Igitur si Terra

\* *Philos. Nat. Principia Mathem. p. 399.*

“ à materia cœlesti deferretur, esset Terræ velocitas,  
 “ in principio Piscium, ad ejusdem velocitatem, in  
 “ principio Virginis, in ratione sesquialtera. Unde  
 “ Solis motus diurnus apparens in principio Virginis  
 “ major esset, septuaginta minutis primis, & in prin-  
 “ cipio Piscium minor quadraginta octo; cum tamen,  
 “ experientiâ teste, apparens Solis motus major sit in  
 “ principio Piscium, quàm in principio Virginis, &  
 “ propterea Terra velocior.

8. Hinc colligit Vir acutissimus Hypothesin Vorticum, Planetas in iis motos secum rapientium, cum Phænomenis Astronomicis pugnare; nec tam ad motus cœlestes explicandos, quam perturbandos, conducere. At difficillimum est intellectu, quomodo materia fluida, quæ circa Solem rapitur, Planetas in ea fluentes nullatenus afficiat, nec ab iis afficiatur.

Idem ultimo Libro Operis sui de *Principiis Physicæ Mathematicæ*, Mundi Systema tradidit, in quò plurima egregia de Planetis in genere ex probatis in prioribus Libris vel ex Hypothesibus deducit. Aliquot ejus seligimus Propositiones, quarum fundamenta apud Auctorem, à Mathematicarum Disciplinarum peritis, quaripoterant.

10. Ostendit ergo inter alia I. Vim quâ Planetæ majores aut minores perpetuò retrahuntur à motibus rectilineis, & in orbibus suis retinentur, quæcunque tandem ea sit (quod non definit) pertinere ad centra aut Solis aut Planetarum majorum, circa quos volvuntur, & esse reciproce ut quadrata distantiarum ab eorum centro.

11. II. Lunam *gravitare* in Terram, Planetas Joviales in Jovem, Saturnies in Saturnum, majores omnes in Solem, vi gravitatis suæ eos retrahi semper à motibus rectilineis, & in orbibus curvilineis retineri. Phænomena minorum & majorum Planetarum, cum sint eadem, à causis ejusdem generis pendere videntur. Vires à quibus eorum revolutiones pendent ad earundem revolutionum centra pertinent, à quibus dum recedunt,  
 ex.

ex vires minuuntur, eadem ratione ac gravitatis vis recedendo à Terra minuitur; quod ille demonstrat, & de quo in Lib V. agemus, ubi de *Gravitate* sermo erit.

12. III. Corpora omnia in Planetas singulos *gravitare*, & pondera eorum in eundem quemvis Planetam, paribus distantiiis à centro Planetæ, proportionalia esse quantitati materiæ, in singulis. Quod cum circa unumquemque Planetam fiat, Planetæ omnes simul sumpti idem circa Solem faciunt, superiores inferioribus incumbunt, omnes Soli, quantitatis materiæ proportionem servatâ.

13. IV. Si Globorum duorum in se mutuò *gravitatum* materia undequaque, in regionibus quæ à centro æqualiter distent, homogenea sit; pondus Globi alterutrius in alterum reciproce ut quadratum distantie inter centra, futurum. Hinc cum alia; tum quantitates & densitates Planetarum, inventis eorum à centro distantiiis, innotescere possunt. Summatim hic observabimus, densiores Planetas pro materiæ Homogeneæ quantitate, graviore esse, & altius in Vorticem nostrum immersos. Collocavit Deus Planetas, in diversis distantiiis à Sole, ut unusquisque, pro modulo densitatis, majore vel minore, Solis calore fruatur. Aqua nostra, si Terra in regionem Saturni removeretur, tota concreveret æterno gelu; si verò eadem Terra ad regionem usque Mercurii deprimeretur, in vapores tota statim abiret. Nam Lux Solis, cujus proportionem calor sequitur, septuplo major est in orbe Mercurii, quàm apud nos; Thermometro autem constat, calore, qui septuplo major est ardore Solis æstivo, aquam ebullire.

14. V. Motus Planetarum diutissime conservari, quamvis aliquantulum sui motûs unaquaque revolutione amittere statuatur. Experimento constat globum aquæ frigore concretæ in Aëre nostro, liberè motum, longitudinem Semidiametri describendo, ex resistentia aëris amittere motûs sui partem  $\frac{1}{17885}$ . In globis autem, quantævis magnitudinis & celeritatis, eadem proportio ob-

obtinet. Hoc posito, duo animadvertenda sunt; *primum*, cum Terra communis in superficie ferè duplo gravior sit quàm aqua & profundius effossis fodinis triplo, quadruplo aut etiam quintuplo gravior reperiatur; verisimile esse copiam totius materiæ Homogeneæ in Telluris globo, toto simul sumpto, quintuplo vel sextuplo majorem esse, quam si tota ex aqua constaret; *secundum*, ex principiis ante positis, constare Jove Terram esse quintuplo circiter densiorem, Jovemque proinde aquâ fortè paulò esse densiorem. Hæc cum ita sint, Jupiter intra unum & viginti dies, quibus longitudinem, ex observationibus Astronomicis, 320 semidiametrorum suorum describit, amitteret, in Medio ejusdem densitatis ac resistentiæ ac Aër noster, motûs sui partem ferè decimam. Verùm cum resistentia Mediorum ita minuatur ratione ponderis & densitatis, ut aqua, quæ vicibus  $13\frac{2}{3}$  levior est Hydrargyro, minùs resistat juxta eandem rationem, & aër similiter, qui aquâ 800 vicibus levior est; si ad oram Vorticis progrediendo ascendamus ubi pondus Medii, in quo volvuntur Planetæ, immensam miruitur, nulla propè erit resistentia.

15. VI. Planetas moveri in Ellipsis umbilicum in centro Solis habentibus; & radiis ad centrum illud ductis areas describere temporibus proportionales Periodorum suarum. Planetarum in se invicem gravitantium actiones sunt quidem aliquæ, sed exiguæ; nec proinde in Planetarum motu sensibilem mutationem efficere possunt.

16. VII. Axes Planetarum diametris, quæ ad eosdem axes ad perpendicularum ducuntur, minores esse. Planetæ sublato omni motu circulari diurno, figuram Sphæricam ob æqualem undique partium gravitatem, induerent: sed motu illo circulari fit ut partes ab axe recedentes, juxta æquatorem ascendere nitantur. Ideoque si fluida eorum sit materia, ascensu suo diametros ad æquatorem augeat oportet, axis verò à Polis recedens longitudinem minuat. Sic Jovis diametrum, ex peritissimorum Astronomorum observatione, brevior inter Polos quàm

quàm ab Oriente in Occidentem esse constat. Nisi etiam Terra nostra altior esset sub *Æquatore* quàm ad *Polos*, maria ad *Polos* exhaurirentur, & ad *Æquatorem* progressa ibi omnia inundarent. Verùm hac de re suo loco.

## CAPUT VII.

*De Mercurio & Venere.*

1. **P**ostquàm hæc, quæ ad omnes Planetas in commune pertinent, observavimus, de singulis paulò distinctiùs agendum. Initium ab inferioribus Planetis, seu Soli proximis, faciemus, & primùm quidem Mercurii & Veneris phænomena communia, deinde quæ singulis utrique propria, paucis trademus.

2. Primùm, ita siti sunt, ut interdum inter Solem & Terram sint, numquam verò Terra inter eos & Solem intercipiatur. Si aliquando hoc posterius eveniret, Eclipsin, instar Lunæ, dum in umbra Terræ laterent paterentur, quod numquam fit. Deinde non animadvertentur, inter nos & Solem, stasis temporibus, transire, instar Macularum quæ per ejus discum ab Occasu in Ortum feruntur; quia cùm sint Terra & Sole potissimum multò minores, multùm abest ut ejus discum integrum obtegere queant.

3. Secundò, quando ultra Solem sunt, integros eorum discos lucentes videmus; ad dextram aut sinistram Solis, discorum dimidia tantum pars illustratur, cis Solem verò, ubi non sunt omnino inter Solem & nos adeò ut linea recta ducta è centro Terræ, per eorum centra transeat, corniculati apparent. Hinc, ut jam antea diximus, eos non lucere luce propriâ manifestò colligimus; quoniam eò lucidiores nobis videntur, quò distinctiùs & plenius videmus id eorum Hemisphærium, quod Soli obversum est. Cæterum hæc discrimina, in  
his-

## Cap.VII. *De Universo in Genere.* 39

hisce Planetis, solis oculis non cernuntur, propter spuriam quandam lucem, quæ eos, ut luminosa omnia noctu spectata, oculis æquo majores offert. Sed Telescopio, quo circumciditur ea lux, differentia illa distinctè deprehenduntur.

4. Quamvis facile sit intellectu, quare hæc discrimina lucis sint in corporibus opacis circa Solem, propius quàm Terra, motis, rem tamen hoc schemate oculis subjiciemus. Quod in hoc Schemate in Venere pingitur, idem censeretur de Mercurio debet.

5. Verùm Mercurius hæc propria habet, 1. Quòd sit omnium Planetarum primariorum, seu qui propriâ circa Solem orbitâ rapiuntur, minimus: 2. Quòd sit Soli proximus: 3. Quòd proinde, intra minimum tempus, periodum suam absolvat: 4. Quòd fortè etiam sit solidissimus.

6. Ejus semidiamiter apparens, secundum *Lansbergii* observationes, est unius minuti, vera autem partium  $O \frac{415}{1000}$  quarum semidiameter Terræ est una. Ab eodem judicatur duodecies Terrâ minor. Juxta eundem, media ejus à Terra distantia est diametrorum Telluris  $1498 \frac{2}{3}$ , minima 821.

7. Cùm autem minimâ Mercurius distantia à Terra sit, quando est inter Solem & nos, & mediocri quando est ad latera Solis, ut ex superiore Schemate liquet; non eadem est ratio distantia à Sole; quæ tum est maxima, quando Mercurius est circa majorem Ellipseos axem; minima, quando circa minorem. Adeò autem Soli vicinus est, ut plerumque in radiis solaribus abditus oculos nostros fugiat, quia non satis ab immensa illa luce digreditur.

8. Hinc fit quoque, ut breviori multò tempore Periodum suam, circa Solem, absolvat. Quotidie 4 gradus, & minuta  $5 \frac{1}{2}$  conficit, adeò ut circiter intra 88 dies, seu tres ferè menses Soli circumagatur.

9. Ut Solis ardorem ferre possit Mercurii materia, oportet eam esse Terrâ multò densiorem, quod antea in-



indicavimus. Ac sanè cùm sit Planetarum omnium infimus, hoc est, qui altissimè in Vorticem demersus est, necesse est eum esse gravissimum, adeoque densissimum, seu materiam quâ constat pauciores & tenuiores poros habere; nam experientiâ quò pauciores pori & tenuiores sunt corporibus, vel quò maiorem copiam homogeneæ materiæ intra minorem circumferentiam habent, eò esse graviora corpora notum est.

10. Venus, quæ Mercurio paulò superior est, quædam etiam propria habet. Primùm ejus semidiameter apparens in media à Terra distantia est 1 minuti & 30 secundorum; vera autem partium  $0\frac{63}{1000}$  quarum semidiameter Terræ est una; unde Venerem Terræ esse vicibus tribus cum dimidia minorem colligit *Lansbergius*.

11. Secundò, aliquantò plus à Sole distat, quàm Mercurius, ideoque haud difficulter cernitur, ubi ad latera Solis est. Cùm tamen multo minus ab eo discedat quàm Terra, atque alii Planetæ: ante ortum ejus, & post occasum proxima ei cernitur.

12. Tertiò, Venus cursu suo circa Solem gradum 1 minuta 36 quotidie conficit, ac totam suam periodum intra dies circiter 225, seu menses septem cum semisse, absolvit.

13. Cùm denique Mercurium solidiorem esse oportere Terrâ, ut Solis ardorem ferre queat, viderimus, necesse est quoque Venerem, quanto Soli propior est, tanto Terrâ esse densiorem. Quod etiam hinc confirmatur, quòd altiùs Vortici nostro immersa sit; eadem ratione ac Mercurium omnium Planetarum densissimum esse oportere observavimus.

## CAPUT VIII.

*De Terra & Luna.*

**M**ercurium & Venerem, qui singuli, sine comite, circa Solem rapiuntur, sequitur Terra, cum minore Planeta, qui circa eam agitur, nimirum, Luna. Hic de utroque summatim agemus, neque omnia consuetaria, quæ ex doctrina hacce deduci possunt, proponemus, de Terra & iis quæ circa Terram fiunt Lib. II. & V. fusiùs acturi.

2. Ante diximus Cap. V. §. 8. quantam esse Telluris Diametrum iudicasset *P. Gassendus*. Nunc paulò aliam mensuram, qualis ab aliquot annis à Mathematicis Gallicis inita est, & quæ accuratior habetur, trademus. Invenierunt ergo mediocrem Semidiametrum Telluris esse pedum Parisiensium 19615800, hoc est, milliarium Italicorum 3923, posito, nempe, milliarc esse mensuram 5000 pedum. Sic tota Diameter erit 7846 milliarium, minorque *Gassendi* supputatione 508 milliariibus.

3. *Mediocrem* semidiametrum, modò dicebamus, quia, ut monuimus alibi, Terra non est prorsus Sphærica, sed *proaequantis*, qualem circiter figuram describeret Ellipsis circa minorem Axem acta, quod demonstravit *Is. Newtonus*, antehac laudatus, Lib. III. Prop. xix. Hoc quoque ostendit *C. Huygenius* in Dissertatione Gallica de *Causis Gravitatis*. Hujus ratiocinationem, quippe intellectu faciliorem, huc transferemus. Olim omnibus persuasum erat plumbum è filo pendens directè ad centrum terræ tendere. Constat tamen, sub Parisiensi Parallelo, plumbum declinare quinque minutis & 54 secundis. Si Terra autem esset planè Sphærica, hoc cum in observationibus Astronomicis, tum in iis quæ Perpendiculari ope fiunt animadverteretur. Ut posteriores tantum  
ur-

urgeamus, necesse esset lineam Normæ, ad Septentrionem, infra Horizontem demitti, si Terra esset planè rotunda, quod tamen non fit; unde necessariò Terram ad Septentrionem depresso-rem esse, quàm versùs Æquatorem, colligere licet.

4. Hoc præsertim in mari evidenter observare est. Cùm descensus corporum gravium sit parallelus lineæ, seu filo plumbi suspensi; & superficies omnium liquidorum necessariò ita æquari oporteat ut ea lineæ seu filum perpendiculariter in eam incidat, ut ex Hydraulicis regulis certissimum est, mare ubique filum plumbi suspensi, & descendantium omnium gravium lineam angulis rectis secat. Itaque necesse est massam Telluris *terraqueam*, ut à Philosophis vocatur, ad Septentrionem esse depresso-rem. Idem autem iudicium ferendum est de partibus Telluris Meridionali Polo vicinioribus.

5. Videtur autem illa Telluris figura ex motu ejus diurno ortum ducere. Nam cùm ab Ocasu in Ortum juxta Æquatorem moveatur, eas partes quæ sunt sub Æquatore celerrimè omnium moveri necesse est. Aqua autem, quæ terrestribus partibus mobilior est, tota à Polis versùs Æquatorem deflueret, ut eo in loco quàm maximum *terraqueæ* massæ circulum describeret. Quod cùm non fiat, Terram sub Æquatore altiore esse, quàm sub Polis, oportet; adeoque ab initio, quo circa axem suum moveri cœpit, terrestres partes plures sub Æquatore esse cœpisse. 7. *Newtonus*, qui proportionem axis Planetarum ad Diametros ei perpendiculares invenit, Diametrum Terræ secundum Æquatorem ad ejusdem Diametrum per Polos 692 ad 689 esse demonstravit. Ideoque positâ Gallorum, quam retulimus, supputatione, Terram altiore esse sub Æquatore, quàm sub Polis, excessu pedum 85200, seu miliarium 17 collegit.

6. Hæc de magnitudine, & præsertim figura Terræ, duo Summi Mathematici, quos laudavimus, non Veteribus modò, sed Patribus etiam nostris ignota observant

## Cap. VIII. De Universo in Genere. 43

runt, & demonstrarunt. Non æquè certò distantia Terræ à Sole cognosci potuit. *Is. Newtonus*, post alios, Solem à Terra distare 5000 Terræ Diametris, *D. Cassinus* 10000, *C. Huygenius*, in *Systemate Saturnio*, 12000 conjectit. Aliam etiam *Lansbergii* conjecturam, supra Cap. V. §. 8. quâ multò propior est, retulimus.

7. Circa Solem Terra rapitur, ut notissimum est, intra duodecim mensium, quinque horarum, & minutorum aliquot spatium. Præterea, intra viginti quatuor horas, circa axem suum convertitur, quâ conversione, ut diximus \* alibi, Noctis & Diei, dum successivè omnes suas partes Soli gyrando objicit, spatia format.

8. Præter duos illos motus, tertius quidam, qui potius est Terræ dum movetur situs *librationis motus* dici solet. Nempe, dum intra viginti quatuor horas, circa Axem vertitur, & Solem intra annum circumit, semper habet Axem parallelum Axi mundi, quod Cap. II. & III. satis indicavimus. Astronomi ad hæc tamen adjecerunt, quamvis Axis Terræ circiter Parallelus maneat Axi mundi, quarto quodam motu, qui *nutationis* dicitur, eum in singulis revolutionibus annuis nutando bis inclinari in Eclipticam, & bis ad situm priorem redire, unde nascitur punctorum Æquinoctialium regressus.

9. Ex iis quæ de gravitate diximus, colligere est Terram, quantò levior Venere & Mercurio est, tantò esse rarioris contextûs. Quod ita tamen intelligendum non est, quasi ubique eadem sit partium ejus raritas aut densitas, etenim experienciâ alibi rariorem, alibi densiorem esse manifestò constat; sed si tota Telluris simul spectetur massa, rarior est Veneris & Mercurii massis universim consideratis.

10. Hæc de Terrâ in se spectatâ, aliquid nunc de crepusculis dicendum esset, si res sine cognitione naturæ lucis & aëris satis commodè expediri posset. Sed cùm ignoratis duarum harum rerum naturis, quæ hoc in loco tradi non possunt, exponi crepuscula nequeant, hæc in  
alium

\* Cap. 11.

aliū locū rejiciemus, & de Luna Terræ comite agemus.

11. Si Luna solis oculis spectetur, cernitur quidem aliqua, in ejus superficie, lucis inæqualitas; adeo ut asperam, partisque ejus alias aliis magis illustratas judicemus. Sed si ope, vel mediocris Telescopii conspiciatur, mira deprehenditur inæqualitas, adeo ut quædam partes montium instar promineant, aliæ verò instar vallium resideant. Videntur & regiones quædam Lunæ esse instar lacuum ac marium, aut sylvarum, ac lucem solarem veluti absorbere. Ejus descriptionem chorographice, nomine *Selenographiæ*, accuratissimam edidit C. Hevelius, qui nomina unicuique regioni ab Astronomis imposita docebit. Rem hic summam attigisse sufficiet.

12. Inter Ptolemaicos & Copernicanos de opacitate Lunæ convenit; licet res magis pateat, ex quo Telescopiorum inventus est usus. Ex variis tamen Lunæ phasibus, res jam olim manifesta visa erat. Cum igitur opaca sit & perpetuò situm mutet inter nos & Solem, licet pars ejus dimidia aut paulò plus quàm dimidia semper à Sole illustretur, pars integra illustrata non perpetuò ad nos obversa est, ideoque sub variis figuris, quas *Phases* appellant, oculos nostros percellit. Cum simile quidpiam circa Venerem supra observaverimus, & addito Schemate exposuerimus, necesse non est diutius ei rei hic immorari.

13. Summatim tantum monebimus, 1. quando Luna à conjunctione cum Sole recedere incipit, & vespere ex ejus radiis, in quibus latebat emergit; portunculam ejus partis illuminatæ nobis obverti, quæ corniculata videtur, quia cæteræ Hemisphærii illuminati partes aliam Vorticis regionem spectant: 2. sub septimum aut octavum diem, ex quo à Sole discessit, cum jam quadrante ab eo distat, dimidiam Hæmisphærii illuminati partem nobis obverti. 3. Postquam ulterius Luna processit, eam utrimque gibbosam apparere, quia plusquàm dimidiam Hemisphærii illustrati partem ad nos convertit. 4. Denique cum ad oppositionem,

circa

## Cap.VIII. *De Universo in Genere.* 45

circa diem decimum quartum, pervenit, hoc est, cum maximè à Solè distat, integrum Lunæ illustratum Hemisphærium cerni. Atque hoc eodem modo, ad Solem redeundo, decrescere videtur.

14. Hinc etiam manifestò liquet Lunam, præterquàm quòd unà cum Terra, intra anni spatium, circa Solem volvitur, uno quoque Mense ab Occidente in Orientem circa Terram rapi unà cum minore, qui Terram ambit, vortice. Hanc autem Periodum 28. diebus circiter conficit, atque instar Terræ circa Solem, & ipsa circa Terram Ellipticum orbem describit. Atque hinc fit ut Perigeium obtinens, ubi est circa minorem Ellipseos Axem, major videatur, ubi verò in Apogeio, seu circa majorem axem Ellipseos versatur, minor appareat.

15. Dum autem ita movetur Luna non agitur instar Planetæ majoris, circa proprium centrum; sed ita circa Tellurem rapitur, ut eandem perpetuò partem ei obvertat, unde fit ut Telescopio spectantibus eadem semper appareant inæqualitates. Attamen aliqua in ea observatur oscillatio, quâ ad Austrum & Septentrionem *σφαιρικής* ejus corpus it reditque. Hæc autem Phænomena, quò certiora sunt, eò sunt difficiliore eorum causæ inventu; nec quidquam, præter leves conjecturas hanc in rem protulerè Philosophi.

16. Inter Lunæ Phænomena observatu facillima, & quorum ratio maximè patet, quamvis superstitiosos & ignaros Physices populos maximè terruerit, sunt Lunæ Eclipses. Luna enim Eclipsin patitur, quando radii Solis, quibus illustratur, intercipiuntur interventu Telluris. Hinc fit ut Eclipses fiant duntaxat tempore Plenilunii, quando Luna Soli opposita est; quia eo solo tempore, Terra est inter Solem & Lunam.

17. Attamen, in unoquoque Plenilunio, non cernuntur Eclipses quia cum Terra semper in eandem cœli partem umbram projiciat, non semper incidit in Lunam, cujus orbita non sequitur Eclipticam, sed modò ad Austrum modò ad Boream declinat. Itaque Luna  
Terræ

Terræ umbram, modò Australior, modò Borealior, fugit. Vix tamen, per Annum integrum, Luna umbram Terræ fugere potest, ut observant Astronomi, qui & quo maximè tempore umbræ immergatur docent, quod nos hîc, brevitatis causâ, non attigemus.

18. Observabimus duntaxat majores aut minores esse Lunæ Eclipses, prout magis aut minùs in umbram Terræ immergitur. Cùm hujus umbræ Diameter sit propè Diametro Lunæ triplò major, potest Lunam totam facîle tegere, si centrum Lunæ per ejus centrum transeat. Sin verò pars duntaxat disci Lunæ per umbram meat, partialis tantùm est Eclipsis.

19. Quamvis autem lucem Solarem, directè in Lunam discum incidentem, intercipiat Terra; lux quædam maligna in Luna, dum maximas patitur Eclipses, apparet. Ea autem lux oriri creditur ex radiis solaribus, qui Atmosphæram terrenam prætergressi refringuntur, & versùs umbræ axem defleunt.

20. Quam procul autem extendatur umbra Terræ hinc colligere est, quòd Lunæ mediocris à centro Terræ distantia, juxta Astronomicos calculos, sit circiter 60. semidiametrorum terræ, hoc est, 235380. miliarium Italicorum. Desinit tamen antequam ad ultimam Vorticis oram pervenire queat; quia cùm Sol terrâ major sit, umbra terræ necessariò coni figuram obtinet.

21. Luna porrò Terrâ existimatur minor, paulò plus quàm 45. quinque vicibus, unde fit ut quamquam in regione Lunæ arctiùs multò patet quàm in inferioribus spatiis, attamen facîle Lunam involvat, ut jam diximus.

22. Luna non modò Terrâ, circa quam rapitur, minor est, sed etiam materiæ minùs densæ; ex principio sæpe memorato, densissima esse gravissima, hoc est, ad centrum circa quod moventur maxime omnium accedere. Attamen premit, juxta idem principium, subjectam materiam fluidam atque in Terram gravitat.

unde



unde æstium maris efficere à multis censetur, qua de re in secundo Libro agemus.

## CAPUT IX.

### *De Marte & Jove.*

1. **T**Errâ nostrâ proximè superior est Mars, inter majores Planetas, de quo ea hîc colligemus quæ ei sunt propria, iis missis quæ communia habet cum aliis Planetis. Atque incipiendum quidem esset à varietate, quæ in ejus phasibus animadvertitur, pro vario situ quem respectu Terræ & Solis obtinet, nisi hanc in rem, quod satis sit, dixissemus antea Cap. III. §. 7.

2. Observabimus ergo, hoc in loco, primùm in disco Martis varias ab Astronomis observatas esse, Telescopiorum ope, maculas, \* quarum figuras ediderunt; atque in iis hæc iteratis variorum Astronomorum, disitis in regionibus, Observationibus deprehensa esse:

1. Eæ maculæ visæ sunt ab Occidente in Orientem moveri, pro motu aliorum corporum cœlestium: 2. Fieri eum motum, secundùm lineas Parallelas, multùm ab Æquatore, sed non multùm ab Ecliptica declinantes: 3. Maculas perendie rediisse in eundem situm 40. minutis seriùs quàm pridie; adeò ut intra 36. vel 37. dierum ambitum, circa idem tempus, eundem situm recuperent: 4. Duo esse genera Macularum, quarum nonnullæ in una facie Martis apparent, aliæ in altera, quæ sibi invicem veluti succedunt.

3. Quæ sint eæ Maculæ nemo definierit, nisi qui artem invisendi illius Planetæ invenerit; interea ex illarum motu constantissimo Martem circa axem suum ab Occidente in Ortum moveri intrâ viginti quatuor horas,

\* Vide *Act. Philos. Societ. Angl. Mense Julio 1666.*

ras, & quadraginta minuta collegerunt Astronomi. Hinc ulterius affirmare licet Martem, instar Terræ nostræ suum habere vorticem peculiarem; neque enim circa axem suum agi potest, quin hoc fiat à materia fluida, quæ circa eum cum eo movetur, aut ab ipso Planetæ eadem materia fluida secum rapiatur.

4. Dum autem ita circa axem suum movetur, procedit in Ortum circa Solem motu periodico, intra duos ferme annos nostros, quibus elapsis situm suum recuperat; quod in reliquis etiam Planetis majoribus observare est, quamquam pro distantia inæquales sunt Periodi. Anni ergo Martiorum incolarum, si qui sint, duplo ferè sunt nostris majores, adeoque omnes etiam anni tempestates, pro eadem proportionem, longiores.

5. Ex supputatione *Philippi Lansbergii*, Semidiameter Martis apparens, in media à terra distantia, est 45. secundorum; vera autem partium  $o \frac{496}{1555}$  quarum semidiameter Terræ est una, unde Martem octies Terrâ minorem esse affirmat. Distantia verò ejus à Terra media est 2275. semidiametrorum Terræ.

6. Ad materiam Martis quod attinet, tantò rariorem eam esse materiâ Terræ oportet, quantò à Sole centro motus communis, magis recedit. In eo si æstus tantus non est, propter majorem distantiam, diuturniorem etiam habent æstatem; hyemsque, licet longior, tam acris quàm hæc non est, quia materia fluida quæ circa Martem est, eâ quæ Terræ nostræ incumbit rarior est, faciliusque motum suum servat.

7. Jam ut ad Jovem ascendamus, in Jovis etiam corpore lucis nescio quæ inæqualitas animadvertitur. Sunt enim duæ, vel tres zonæ, seu fasciæ quædam lucidiores, nec semper sibi ipsis æquales, quibus circūgitur ab occasu in ortum. Propter inconstantiam quæ in illis animadvertitur, suspicati sunt nonnulli vapores quosdam, nostris nubibus fortè similes, certis Jovis climatibus incumbere. Præter fascias illas, constat quæ-

quædam animadvertitur macula, in fascia meridionali, quâ septentrionem spectat.

8. Illæ fasciæ, unâ cum macula, quamvis sensim mutantur, constanter tamen ab Occidente in Orientem progredi animadvertuntur, ut intra certum spatium altera facies Jovis apparere desinat, succedente alterâ. Nec potest in ea re esse error, cum propter maculam, tum quia ea revolutio fit intra novem horas & 56. minuta: quo intervallo magna non fit in striis illis mutatio. Atque hinc collegere Astronomi Jovem circa axem suum, intra modò observatum tempus, circumagi.

9. Cum Jupiter ita rapiatur, simul cum eo vortex materiæ fluidæ fertur, in quo variis distantis fluunt quatuor minores Planetæ, Lunæ nostræ similes, quos observavit primùm ope Telescopii *Galilæus Galilæi*, deinde alii ab eo excitati diligentius considerarunt. Tandem repetitis observationibus, affirmare posse sibi visi sunt Astronomi, primum seu proximum Jovi *Satellitem* (sic enim eos Planetas appellant) periodum suam conficere intra diem unum, 18. horas, 28. minuta, &  $\frac{1}{2}$ ; secundum intra triduum, 13. horas, 17. minuta, &  $\frac{2}{3}$ ; tertium intra septiduum, 3. horas, 59. minuta, &  $\frac{2}{3}$ ; quartum denique & supremum intra sexdecim dies, 18. horas, 5. minuta, &  $\frac{1}{3}$ .

10. Hæ verò sunt eorum à centro Jovis distantia.

Ex observationibus	1.	2.	3.	4.	
<i>Cassini.</i>	5.	8.	13.	23.	Jovis Semi- dia- met.
<i>Borelli.</i>	$5\frac{2}{3}$ .	$8\frac{2}{3}$ .	14.	$24\frac{2}{3}$ .	
<i>Townlei per Micr.</i>	5,51.	8,78.	13, 47.	24, 72.	
<i>Hamstedii eod. m.</i>	5,31.	8,85.	13, 98.	24, 23.	
<i>Ejusd. per Eclip. Sat.</i>	5,578.	8,876.	14, 159.	24, 903.	
<i>Newtoni ex temper.</i>	5,578.	8,878.	14, 168.	24, 968.	

11. De hisce Satellitibus eodem modo philosophantur Astronomi, ac de Luna, ideóque eos & pati Eclipses & facere Jovi & sibi invicem observarunt, eorúmque accuratas Ephemerides scripserunt. Ejusmodi calculi Bononiæ an. 1668. est à *J. D. Cassino* editus; à quo etiam quâ ratione *Longitudines* variorum terræ locorum possent accuratè & faciliè inveniri, \* observatis Jovialium Satellitum Eclipsibus, didicimus. Hisce diutius nos immorari non patitur institutum nostrum.

12. Jupiter, cum quatuor Satellitibus, circa Solis Periodum suam intra duodecim annos nostros, aut citius, describit. Itaque Joviales incolæ, si qui sint tempestates anni sui triginta sex nostrorum mensium longitudinem æquantes, circa quas eadem, servatâ proportionem distantia Planetæ à Sole, & durationis tempestatum, observanda sunt, quæ de tempestatibus Martis suprâ diximus.

13. Si credimus *Philippo Lansbergio*, apparens Semidiameter Jovis in media à terra distantia, est minutarum 1. & 15. secundorum; vera partium  $2\frac{94}{163}$  quarum semidiameter Terræ est una; unde colligit Jovem esse Terræ majorem vicibus viginti quinque &  $\frac{2}{3}$  unius. De densitate materiæ, quâ Jupiter constat, dicendum aliquid esset, nisi jam dixissemus suprâ Cap. VI. § 13.

14. Addemus duntaxat dies & noctes Jovis, cum multò sint breviores, hoc præterea privilegio gaudent Planetæ ejus incolas, quòd quatuor utantur Lunis, dum unam habemus, quibus etiam eorum brevissimæ noctes perpetuò illustrantur.

\* Vide *Ephemerides Doctorum Parisienses ad 23. Augusti 1681*

## CAPUT X.

## De Saturno.

1. **O**Mnium Planetarum supremus est Saturnus, de quo etiam mirabiliora, quam de ceteris, sunt ab Astronomis observata, quorum potissima breviter exponemus. Quam in rem potissimum *Chr. Huygenii Systemate Saturnio*, & *Cassini Tabulis* utemur.

2. Jam ab anno MDCX *Galileus Galilæi*, cum Telescopia in Astronomia adhiberi inciperent, visus sibi fuerat Saturnum tricipitem, hoc est, ad latera majoris disci duos alios minores orbes habentem videre. Alii idem postea, summa cum admiratione, contemplati sunt; donec Telescopiis ad majorem perfectionem adductis, anno MDCLV. *Christianus Huygenius*, non globulos esse sejunctos qui ad latera Saturni conspiciantur, sed ansas, quarum est figura subjecta, deprehendit; quamquam pro vario situ Planetæ, oculorum nostrorum respectu, non ita semper apparent.

3. Quandoque sine ulla utrimque protuberantia, sed limbo quodam in medio disco apparente; quandoque veluti brachiis utrimque eminentibus; denique ansis adjectis, cum plenissimè cernitur, ab Astronomis ab eo tempore, cum optimis uterentur Telescopiis, conspectus est. Hæ autem Phases Saturni constanti ordine redeunt, ut postquam sine brachiis conspiciendum se præbuit, paulatim exstare utrimque incipiant brachia; quæ ubi ad certam magnitudinem pervenerunt, paulatim rursus in ansas mutantur; quæ cum manifestæ apparuerunt, minuuntur, redeunte semper eodem Phasen orbe.

4. Cum primùm Astronomi eas Phases certò observatas

vatas animadverterunt, ad earum quærendas rationes animum appulerunt, & à variis quidem variæ in medium prolatae sunt Hypotheses, quibus phænomenis satisfacturos se sperarunt. Aliquot ab *Ch. Huygenio* allatae & confutatae sunt; quibus nos hîc, brevitatis causa omiſſis, Huygenianam duntaxat, quæ aut vera, aut vero proxima, exponemus.

5. Ante omnia observandum (qua tamen de re postea accuratius agemus) ab Huygenio primò animadversum Planetam unum minorem, qui circa Saturnum intra dies sexdecim fertur. Hinc collegit Saturni ipsius corpus, minori etiam intervallo, circa axem suum revolvitur, quod in majoribus Planetis, circa quos minores capiuntur, in superioribus observavimus. Cum enim plura corpora circa idem centrum moventur, centrum proxima celerius gyrent, quàm quæ majorem circumferentiam describunt.

6. Hoc posito, conjecit eas phasas aliunde oriri non posse, nisi à corpore quopiam, instar annuli, medium Saturnum ambeunte, & axem quidem Planetæ secante. Addendum est huic suppositioni, quod experientiâ constat, lineam rectam, secundum quam extant utrimque brachia Saturni, aut annuli extrema, non sequi ductum Eclipticæ sed interfecare eam angulo viginti partibus majore; ac proinde planum annuli ejusmodi angulo ad Eclipticam inclinari, perpetua quadam & constanti inclinatione, quemadmodum linea per quam Terra nostra movetur est ad æquatorem Solis inclinata.

7. Hinc necessariò sequebatur, ut, diversis adspectibus, nunc ellipsin satis latam, nunc eandem arcuorem, nunc rectam lineam, seu fasciam, idem annulus nobis exhiberet. Quod autem utrimque species alteram conspiceretur, id propterea videbatur fieri, quia annulus non est Saturni globo contiguus, sed pari intervallo undequaque ab eo remotus. Quibus suppositionibus, omnes Phasas Saturni haud difficulter videntur exponi posse.

8. Si quærratur quodnam spatium inter anulum, globumque Saturni interpositum sit; id spatium par esse latitudini annuli; aut eam aliquantò superare, ex observationibus constat. Deprehensum etiam est, maximam annuli Diametrum eam circiter rationem habere ad Diametrum Saturni, quæ est 9. ad quatuor.

9. Neque absurdum videri debet, suspensum dici integrum anulum circa Saturnum; nam præterquàm quòd non fingitur is annulus ut Epicycli, qui nusquam conspiciuntur, sed partim cernitur; si recordemur Planetas circa centrum suum actos vorticem habere circa se, cujus omnes partes in eos gravitant, intelligemus rationem gravitatis in Saturno efficere posse, quod in hac nostra Terra faceret. Fingamus autem continuum fornicem circa terram, juxta Eclipticam, strui; quod etsi hominibus impossibile est, suâ tamen naturâ non repugnat. Certè hujusmodi fornix, absque ullo fulcimine, sustentaretur, & pendulus maneret, dum omnes ejus partes ex æquo niterentur ad Terræ centrum descendere, & se invicem constringerent.

10. His ita positis, intelligimus & posse esse anulum circa Saturnum, & variè nobis apparere, pro vario Planetæ ejus, nostri respectu, situ; quod qui oculos in figuras Huygenianas conjecerint, illico videbunt. Sed quæri potest quare quandoque Saturnus, sine ullis brachiis, ullâve specie annuli, appareat, nisi quod fasciâ obscuriore medius cingi videtur. Observatum est non cerni brachia ullâ, cùm ejus Planetæ & Solis respectu ita positi sumus, ut si produceretur planum annuli, id inter nos & Solem transiturum esset; unde fit ut eam annuli superficiem, quæ solis radiis illuminatur, conspiciere nequeamus. Tunc temporis, Saturnus brachiis prorsus orbatus appareat necesse est.

11. Si quærratur iterum, quare saltem extimam annuli superficiem, quæ sole illustratur, non videamus? hæc videtur ejus rei esse ratio. Est quidem extimus



ille ambitus annuli alicujus crassitudinis ; verum ejus naturæ, ut Solis lumen aut nullatenus, aut leviter admodum reflectat. Cum enim in Saturno brachiis ornato, nigricans illa fascia cernatur, eo ipso tempore quo superficiem annuli à Sole illustratam prospicimus, credibile est nigrorem cum aliunde non oriri, nisi ex quadam materia quæ annuli extima superficies cooperta est, & quæ reflectendo lumini parum est idonea. Sic in lunari quoque disco, maculas quasdam cernimus, seu partes cæteris multò obscuriores. Fortè & materia quadam aquæ similis, seu fluida, & aquâ nostrâ multò tenuior, aut levi & splendida superficie prædita extima annuli præcingit, quæ unico tantum veluti puncto Solis radios reflectens, nequaquam nobis conspicua erit, ut docent rationes optiçæ.

12. Saturni variarum Phasæon hæ sunt, aut similis causa. Si quæ sit ejus apparens & vera magnitudo quærat, respondet *Phil. Lansbergius*, qui rotundum tantum Saturnum viderat, semidiametrum ejus apparentem esse quinquaginta secundorum minutorum, veram partium  $3\frac{1}{4}$  quarum semidiameter terræ est una ; unde colligit Saturnum quadragesies sexies & besse unum fere Terræ esse majorem. Eidem maxima Saturni distantia à Terrâ est semidiametrorum Terræ 17227, media 14880, & minima 12534.

13. Sed ut ille nimis vorticem nostrum coarctat, ita quoque rationes magnitudinum minùs accuratas profert. Accuratiùs hæc dimensus *Huygenius* collegit ex observationibus Saturni diametrum quindecies circiter majorem esse, quàm nostram Terram ; abesse vero eum Planetam à nobis cum proximus est Terræ diametris 100344, cum longissimè distat 122000. Quod ille ratiocinatione, quam hic non proferemus, comprobavit.

14. Saturnus, instar omnium aliorum Planetarum majorum, circa axem suum agitur, sed quo tempore nondum satis constat. Attamen, intra paucas horas

hoc fieri, possumus ex motu intimi ejus satellitum cognoscere, de quo paulò post agemus. Dum autem *gyrat* circa axem; ab Occasu in Orientem, ingentem Ellipfin circa Solem describit, & quidem intra triginta annos aut circiter periodum suam absolvit.

15. Hinc cognoscimus tempestates Saturniorum incolarum esse septem annorum nostrorum, & sex mensium. Hæc habent singularia, quòd præter quinque Lunas quarum beneficio fruuntur, habeant ingentem arcum circumpositum, qui solarem lucem vicibus excipit, & versus polos Saturni reflectit. Per quindecim ferè annos, in altero polorum, vicibus noctem esse necesse est, dum alter Soli obversus est, eaque nox concubia planè esset, obumbrante Polum annulo, nisi Lunarum quinque beneficio illustraretur. Pro longitudine noctis & absentiae Solis, frigus debet esse maximam; sed tamen si cum frigore nostro conferatur, mimitur Saturnium frigus, ob raritatem materiæ quæ Saturno incumbit, & quæ nostro aëre multò rarior est, adeoque minore indiget Solis æstu, ut caleseat. Saturni autem & corpus ipsum, & materiam fluidam quæ ambitur rariora esse corpore Terræ & Atmospharâ nostrâ, inde colligimus quòd Saturnus omnium Planetarum sit ab umbilico Ellipseos remotissimus, ac proinde levissimus, & minimam copiam homogeneæ materiæ circumferentiâ suâ complexus, qua de re jam aliquoties diximus.

16. Qui circa æquatorem Saturni habitant, præter directiores radios Solis, habent reflectionem annuli supra eorum capita pendentis. Quo etiam beneficio, quamquam obliquiores radios habent, qui in eo sunt Hemisphærio quod magis Soli obversum est, seu in quo est æstas, fruuntur.

17. Si de incolis, qui fortè nulli sunt, conjicere placeat, pro ratione sui Planetæ, ejusque à Sole distantia, corpora habent nostris multò rariora, adeoque Solis calore mediocri refocillanda. Ut nobis is calor ne-

quaquam sufficeret, sed eo rigeremus: ita illi calore nostro æstivo planè torrerentur.

18. De calore Saturni, si conjecturis indulgere velimus, ita possumus pronunciare ut octuplò minorem esse nostro affirmemus, quod hac ratiocinatione constat. Annuli Saturni diameter, ex Huygenianis observationibus, in minima à nobis distantia, comprehenditur angulo octo & sexaginta minutorum secundorum. Cùm autem minima hæc Saturni distantia mediocris Solis distantia collata, sit ferè octupla; sequitur si Saturnus non magis distaret à Sole quam nos, apparituram annuli diametrum octuplam ejus quæ nunc apparet, hoc est, 9', 4". Hoc cùm ita sit, octuplo majore luce, & calore, qui lucis proportionem sequitur, octuplo frueretur; ac proinde in eo situ, in quo est, calorem habet octo vicibus minorem, qui non est tantum ac libernus noster calor.

19. Jam ante annum 1656. observarat *Chr. Huygenius* unum ex satellitibus Saturni, qua de re eo anno observationes Astronomicas emisit. Postea *J. D. Cassinus*, tam præclaro invento excitatus, cùm meliora & commodiora inventa essent, Telescopia, quatuor præterea alios animadvertit. Eorum autem distantia & Periodi repetitis observationibus, & eximia *Is. Newtoni* animadversione, qui demonstravit Planetas areas describere temporibus Periodorum suarum proportionales, inventæ ejusmodi sunt.

Tempus periodi				Distantia	
Intimi	d. 1.	h. 21.	m. 18 $\frac{1}{2}$	— 0,	964.
Pænintimi	2.	17.	41 $\frac{1}{2}$	— 1,	235.
Medii	4.	13.	47 $\frac{1}{4}$	— 1,	740.
Pænextimi	15.	22.	41	— 4,	000.
Extimi	79.	7.	54	11,	621.

20. Horum Planetarum pænextimus ab *Huygenio* inventus fuit, & tota hæc supputatio nititur hac suppositione.

sitione, observationibus firmata, distare eum Planetam à Saturno quatuor diametris annuli. Cum autem eorum eadem sit ratio ac Lunæ nostræ, & satellitum Jovialium, non est cur diutius huic negotio hæreamus.

## C A P U T XI.

### De Cometis.

I. **A**B antiquissimis temporibus, Philosophorum ingenia torfere *Cometa*, dum eorum naturam & motuum causas frustra inquirunt. Nos eorum phenomena potissima recensemus, & quæ verisimillimæ videantur conjecturæ aperiemus.

2. Præter Stellas errantes, de quibus hætenus egimus, & quarum motus, quamquam varius, certis legibus obnoxius est, apparent in cælo quandoque aliæ Stellæ, quarum discus quidem Planetarum disco similis est, sed in quibus multa singularia observantur. I. Cum Planetæ aut nullis, aut exiguis radiis ornati sint; Cometæ radios amplissimos emittere cernuntur. Atque horum radiorum varius est situs; quandoque in eam partem cæli, in quam Cometa tendit, projiciuntur; quandoque antecedens Cometæ corpus sequuntur; quandoque in orbem, circa Cometæ discum, sparsi sunt. Primi generis *barba*, secundi *cauda*, tertii *capilli*, dici solent.

3. II. Præter apparentem motum, quo intra viginti quatuor horas circa Terram ab Ortum in Occasum ferri cernuntur; cum reliquis omnibus sideribus, præterea per nostrum Solarem Vorticem, intra certum tempus, aut ab Oriente in Occidentem, aut ab Occidente in Orientem rapiuntur, alii aliis celerius. Animadversum etiam sunt, ope Telescopiorum, supra spatia quæ Sa-

turni Planetarum extimi orbitam ambiunt, quandoque multò altius in vorticem nostrum immerguntur, ut ad infimos usque Planetas descendant. Denique ingrediuntur & egrediuntur quaquaversum, ex nostro Vortice, quasi materia cœlestis nullo modo eis resisteret, quippe qui sæpe motu, Planetarum motui contrario, aguntur.

4. Veteres in varias sententias abierunt circa Cometas, ut videre est ex *Aristotele* Meteorolog. Lib. I. c. 6. Sed vix ulla absurdior excogitata est eâ, quam ipse confutatis aliis, amplectitur Cap. sequente, ubi contendit esse exhalationes calidas & siccas, quæ quandoque ascendunt in Atmosphæra Telluris. Nam præterquàm quòd omnes Astronomicæ observationes nos docent numquam eos in Terræ peculiari Vortice versari, sed liberè quaquaversum seu extra, seu intra orbitas Planetarum ferri; qui fieri posset ut exhalationes tantæ tantæ flammæ (si flamma est) materiam suppeditarent? Nam Cometæ sæpè, per plures menses, perpetuò appaerunt.

5. Itaque omnes pænè Physici, eâ sententiâ rejectâ, aliam, quam confutare conatus est *Aristoteles*, amplecti sunt, nimirum, esse Stellæ erraticas, quæ alio prorsus motu, ac alii septem Planetæ, moventur, ut postea accuratius exponemus. Priùs de radiis, qui circa Cometas visuntur, quod primum *παράσημον* proposuimus, paucis est agendum.

6. Alii ergo jubar esse Solis per corpora Cometarum, quæ pellucida credunt, transmissum censent, unde fit ut semper projiciantur ei radii in partem à Sole averfam. Verùm hoc non posset efficere ut tantos radios videremus, liberè enim radii Solis per corpus pellucidum transirent, neque à nobis magis illic animadvertenterentur, quàm in aliis Vorticis partibus, nisi ab ipso corpore Cometæ reflecterentur; quod si fieret, Cometæ instar Planetarum apparerent. Verum quidem est in obscuriori conclavi quandoque cerni solares radios, dum reliqua manent obscura. Sed hoc ideò fit quòd

quòd lumen Solare, quod per rimam, aut foramen sub-  
iit, reflectatur à variis pulveris volitantis particulis. Si  
verò totum conclave illuminaretur, ut totus illumina-  
tur vortex, exceptis ejus partibus, quæ in Planeta-  
rum umbra latent, nusquam ejusmodi radii deprehen-  
derentur.

7. Alii ergo existimarunt oriri eos radios ex refra-  
ctione lucis à corpore Cometæ, Terram versùs. Verùm  
hæc quoque gravibus incommodis laborat sententia.  
Primò, lux fixarum & Planetarum sine ulla simili re-  
fractione ad nos transmissa ostendit ex iis locis lumen  
veniens refractionem ejusmodi non pati. Secundò,  
cùm varii colores refractionem soleant comitari, in ra-  
diis Cometarum numquam simile quidquam animad-  
versum est. Tertiò, ne quis dixerit in Planetas lumen in-  
cidens ejusmodi refractionem non pati, quia minor est  
eorum lux quàm Cometarum, obstat observatio Co-  
metæ anni 1680, Mense Decembri, quo tempore cor-  
pus Cometæ, quod luce suâ vix aequabat Stellas secun-  
dæ magnitudinis, caudam emittebat ad sexagesimum  
usque longitudinis gradum.

8. Hisce expensis, alii nihil vero similis excogitari  
posse rati sunt, quàm si ex corpore Cometæ egredi di-  
cantur vapores, à quibus lux Solis versùs oculos nostros  
ita reflectatur. Pro situ autem, in quo sumus, respec-  
tu Cometæ, videtur nobis radiorum congeries se-  
qui, antecedere, aut circumdare corpus Cometæ,  
quamvis ille fumus in eandem partem Vorticis Solaris  
feratur. Quod ut meliùs intelligatur, paulò fusiùs ex-  
ponendum.

9. Quemadmodum in nostra Atmosphæra, fumus,  
qui ex accenso egreditur corpore, superiora petit, &  
quidem rectà si quiescit corpus, obliquè verò si corpus  
è latere moveatur, similiter in Vortice majore Solis,  
ubi corpora, quacunque circa eum volvuntur, in um-  
bilicum suorum motuum gravitant, fumi, seu vapo-  
res qui ex iis corporibus elabi possunt à Sole recedunt,  
& superiora petunt; seu versùs extimam vorticis oram

feruntur, restâ lineâ si corpora quiescant, vel oblique si corpora progrediendo ea loca deserant unde superiores vaporis partes ascenderant. Observatum autem est Planetas ingentes Ellipses describere, quarum plana Solis corpus producta secarent, ut postea dicemus.

10. Vapores autem è corporibus Cometarum elapsi, quomodo tantis spatiis implendis, quanta Cometarum occupant caudæ, sufficiant, docet hoc modo *If. Newtonus*, cujus est hæc quam exponimus sententia. Aër, inquit, juxta superficiem Terræ, spatium occupat fere 850 vicibus majus, quàm aqua ejusdem ponderis, idèoque aëris cylindrus pedes 850 altus, ejusdem est ponderis cum aquæ columna pedali, ejusdem latitudinis. Columna autem aëris ad summam Atmosphæram affurgens æquat pondere columnam aquæ 33 pedes circiter altam; ac proinde, si columnæ totius aëreæ pars inferior pedum 850 altitudinis dematur, pars reliqua superior æquabit pondere suo columnam aquæ altam pedes 32. Observandum præterea est hypothésin esse plurimis observationibus confirmatam, compressionem aëris esse, ut pondus Atmosphære incumbētis, gravitatemque esse reciprocè ut quadratum distantie locorum à centro Terræ.

11. His positis, si ineatur calculus, deprehendetur aër, ubi à superficie Terræ ad altitudinem semidiametri terrestris ascenderimus, rarior esse quàm hic ubi sumus, in ratione longè majori, quàm spatii omnis infra orbem Saturni ad globum diametro unius digiti descriptum. Idèoque globus aëris nostri digitum unum crassus, eâ raritate quâ est in regione semidiametrum unam terrestrem à nobis elata, implere posset omnes Planetarum regiones, usque ad orbitam Saturni, imò etiam ulterius. Itaque cum aër altior in immensum rareseat, & coma seu Atmosphæra Cometæ ascendendo ab illius centro ferè decuplo altior sit quam superficies Nuclei, & cauda etiam altiùs ascendat, debet ea cauda esse quam rarissima.

12. Potest quidem fieri, quia longè crassior est Co-

me-



metaram Atmosphæra, quàm hæc nostra, & Soli propioribus longè graviores aëris & vaporum particule incumbunt, ut aër in spatiis cœlestibus, in quibus versantur. Cometarum caudæ, non usque adeo rareseat. Attamen perexiguam copiam aëris & vaporum ad omnia illa caudarum phænomena abundè sufficere ex instituta comparatione manifestum est. Sed & rarissimas esse caudas colligimus, ex eo quod astra per eas transluceant; cum Atmosphæra terrestris luce solari illustrata, paucorum milliarium crassitudine, & astrorum omnium, & Lunæ ipsius splendorem absorbeat.

13. Observandum præterea est Caudas Cometarum non ascendere perpetuò ab eorum corporibus, ac deinde brevi evanescere. Permanent diu vaporum & exhalationum columnæ, à corporibus lentissimo multorum dierum motu propagatæ, quæ cùm adhuc participes sint motûs corporibus insiti, quem cùm in iis essent habuerant, pergunt diu per cœlos unà cum corporibus moveri. Nec obstant spatia cœlestia, quæ, ut in Cap. sequenti videbimus, omni panè resistendi vi destituta sunt.

14. Caudæ etiam, quod observatu dignissimum est, eo tempore quo sunt in Perihelio, seu Soli proximi. Cometis potissimum adnascuntur. Quandoque in descensu, cùm breviores traherent caudas, posteaquam Soli appropinquant, vi Solaris caloris vapores illi in immensum augentur; & immanis incipit cauda apparere, quam recedentes à Sole servant. Tum vapores, per spatia vacua Vorticis Solaris ascendentes, perpetuò rarescunt ac dilatantur eò magis, quò ascendunt altius; unde fit ut cauda omnis ad extremitatem superiorem latior sit, quam juxta corpus Cometæ.

15. Hæc doctrina non levem confirmationem trahit ex observationibus eorum, qui diligenter Cometarum corpora & motus contemplati sunt, in eorum descensu & ascensu. Descendentium enim corpora multò majora visa sunt, quàm postquam Perihelium attigerunt, atque inde recedere cœperunt. Tum enim aucta cauda

dâ corpus ipsum Cometæ minus semper apparuit; unde credibile est corpus Cometæ exhauriri, atque in vaporem abire.

16. Ad corpora ipsa Cometarum, ut veniamus, jam omnes Astronomi doctiores consentiunt esse opaca, & Planetarum corporibus similia, imò speciem quamdam Planetarum. Nec conspecta Telescopio aliter apparet, quàm Planetæ, nisi quòd majori fumo videantur involuta. Quemadmodum etiam Planetæ motu diurno in Occasum circa terram ferri videntur: ita quoque Cometæ quotidie oriuntur & occidunt. Ut Planetæ, per motu Terræ, vel conspirante, vel contrario, nunc retrogradi sunt, nunc tardiùs aut celerùs moveri videntur: idem quoque contingit Cometis. Qui progrediuntur juxta ordinem signorum Zodiaci sunt omnes sine exitum apparitionis aut solito tardiores, aut retrogradi, si Terra est inter eos & Solem; at justo celeriores, si Terra ad oppositionem vergit. Contrà qui aguntur adversùs ordinem signorum, sunt æquo, sub finem apparitionis, celeriores, si Terra inter eos & Solem versatur, & justo tardiores vel retrogradi, si Terra trans Solem movetur.

17. Constat ex observationibus Astronomicis, Planetarum orbis à Cometis permeari; ita ut, quemadmodum nonnulli censuerant, in regionibus supra Saturnum non hæreant, sed multò inferiùs descendant, quod copiosè probavit *Is. Newtonus* Lib. III. qui adiri poterit. Cometa, exempli causâ, anni *M DC LXV.* mense Aprili, ut auctor est qui eum observavit *C. Hevelius*, cum minor esset Jove, nec major Saturni corpore cum medioere apparet, attamen claritate suâ fixas omnes pænè superabat, & Saturno ipso splendidior erat. Quod quomodo fieri potuisset, si supra Saturnum fuisset? Minus certè corpus Jove, in tanta à Sole distantia, tam vividam lucem ad Terram reflectere non potuisset.

18. Si cernerentur semper in regionibus longè ultra Saturnum sitis, deberent sæpiùs apparere in partibus Vorticis

cis solaris, inter quas & Solem rapitur Terra. Essent enim Terræ viciniore, ac proinde visu faciliores, Sólque interpositus obscuraret eos qui in opposita parte versarentur. At si evolvantur historia Cometarum, comperiemus multò plures conspectos esse in Hemisphærio, quod est nostri respectu trans Solem, quàm in contrario ubi Terra eo tempore versabatur. Nec dubium quin interea plurimi, quos non videmus, in Solari luce latuerint. Nimirum, in descensu ad regiones nostras, neque caudas emittunt conspicuas, neque adeò illustrantur à Sole, ut nudis oculis se priùs detegendos exhibeant, quàm sint ipso Jove propiores. Spatii autem eo intervallo circa Solem porrecti pars longè major sita est è regione ejus Terræ Hemisphærii, quod Solem respicit, atque in ea parte majore, Soli ut plurimùm viciniore Cometæ magis illuminari solent.

19. Dum autem Cometæ permeant nostrum Vorticem, per lineam adeò Soli vicinam, mirum est sæpissimè eos contra ordinem Signorum, veluti adverso flumine deferri tam facilè quam in alteram partem, unde colligere est ætheream materiam, etiam corporibus in contrariam partem motis, minimè resistere.

20. Alteram observationem non minùs mirabilem ex *Is. Newtono*, de Cometa anni M DC LXXX. adjiciamus, eaque Caput hoc claudemus. Ostendit calorem Solis esse ut radiorum densitatem, hoc est, reciprocè ut quadrata distantia locorum à Sole. Itaque cùm distantia ejus Cometæ à Sole Decembris 8. quo tempore in Perihelio versabatur, esset ad distantiam Terræ à Sole ut 6 ad 1000 circiter (juxta observationes quas præmisit, atque apud eum legendas) calor Solis in superficie Cometæ eo tempore erat ad calorem Solis æstivi, apud nos, ut 28000 ad 1. At apud nos calor aquæ bullientis est ferè triplo major, calore quem terra arida concipit ad æstivum Solem, calor verò ferri candentis triplo est aut quadruplo intentior aquæ bullientis calore, adeoque calor, quem terra arida Co-

metæ

metæ in Perihelio versantis ex radiis solaribus concipere potuit, fuit ferè 2000 major calore ferri candentis. Tanto autem calore vapores & exhalationes, omnisque materia volatilis statim consumi ac dissipari debuit. Atque inde factum est, ut is Cometa Mense Decembri, postquam ad Solem incaluerat, caudam emisit longè majorem & splendidiorem; quàm antea Mense Novembri, quo nondum Perihelium attigerat, emitte-  
tere potuit. Atque hoc universum in omnibus Cometis observatum est, tum demum iis esse caudas maximas & fulgentissimas, postquam per regionem Solis transierant, ut antea observavimus.

21. Multi Astronomi suspicati sunt Cometas motibus quibusdam periodicis ferri, & certis vicibus redire, sed eos semper à nobis non animadverti; propter annum terræ motum, præterquam quòd cum multò ampliores Ellipses describant quàm cæteri Planetæ, seriùs Periodos suas absolvant, minùsque ideò à nobis observari possint. Verùm cum hac de re nihil certi hactenus inventum sit, levibus conjecturis immorari operæ pretium non est.

## C A P U T XII.

### *De Stellis Fixis & Æthere.*

1. **P**ostquam Planetas omnes lustravimus, ad Stellarum fixas, seu quæ eundem situm inter se perpetuò servant, veniendum est. Præterquam quòd differunt ab erraticis, constanti situ, alienâ luce non fulgent, ut Planetæ; unde fit ut multò lucidiores sint, & magis coruscent, quippe quæ propriâ luce instar Solis gaudeant.

2. Peripatetici erum naturam dissimilem omnibus corporibus, quæ in hac nostra Terra sunt, esse censent, &

& nescio quam *Essentiam quintam*, quæ ad nullum elementorum pertineat, iis tribuunt. Verùm cum eas flammæ instar lucere cernamus, quamvis propter immensam distantiam non calefaciant flammæ etiam esse naturæ credibile est. Nec quia sunt in alia, eaque à nobis remotissima regione, ideò sunt naturæ ab omnibus vicinis nobis corporibus alienæ.

3. Observatu dignum est, cum etiam optima Telescopia adhibentur, tantum abesse ut augeatur moles Stellarum Fixarum, ut contra minuat. Oculis enim nudis eas spectantibus videntur radiis cinctæ Telescopio verò omnes illi refecantur radii, ut punctum duntaxat lucis cernatur. Omnis illa coruscatio, quæ tremulâ luce oculos nostros percellunt, Telescopio etiam tollitur. Cujus rei causa videtur cum ex oculis nostris, tum ex tremore aëris petenda. Aëris enim & ascendentium vaporum tremore fit, ut radii faciliè ex angusto pupillæ foramine per vices avertantur, quod non potest fieri in latiore vitri objectivi amplitudine. Præterea radii, qui excipiuntur & pupilla & palpebris, in longinquo spatio dilatantur, dum utrimque à palpebrarum interiore parte in pupillam reflectuntur; unde fieri videmus, ut facula noctu ex aliqua distantia prospecta multò major videatur, quàm si propè adstemus. Verùm Telescopium, quod radios in punctum contrahit, omne illud veluti radiorum capillitium refecat.

4. Hinc quoque, ut ex aliis rationibus Astronomicis, colligitur immensa Stellarum fixarum à nobis distantia, quæ tanta est ut nulla Telescopia earum augere possint speciem; unde fit ut nulla mensura potuerit inveniri, quâ distantiam earum emetiri possent Astronomi. Seu Terra sit in Perihelio ab iis remotior, seu in Aphelio, cum iis vicinior est, perinde est, neque majores, neque minores apparent. Itaque rectè Copernicus tantam esse Fixarum distantiam definiit, ut ad eam comparatus magnus Orbis sit instar puncti. Sed, qui omnia nimis contraxit, *Pf. Lansbergius* eam à Terra amovit duntaxat, Magni Orbis Diametris

14000, seu 21000000 diametris Terræ.

5. Observandum autem hic Telescopia, dum lucem illam, seu radios circa Stellam positos refecant, quamquam magnitudinem Stellarum non augment, errorem, in quo omnis versata est Antiquitas, emendavisse. Antea inventa, *via lactea*, quæ dicitur, lux quædam unica censebatur; cum ope Telescopiorum animadvertent Astronomi congeriem esse tenuissimarum Stellarum; quæ antea, spurix illius lucis fulgore oculorum aciem fallente, in unum confundebantur.

6. Cæterum Stellas omnes solent dividere Astronomi in sex classes, sex variarum magnitudinum; nempe, primæ magnitudinis, quæ maximæ cernuntur; secundæ, quæ paulò minores, & sic porro cæteras. Eadem, quantum saltem conspici possunt, mille & viginti duas, quas in varios Asterismos, seu Constellationes digesserunt, esseprehenderunt.

7. Peripatetici, alique ex veteribus Philosophis, quos Scholastici sequuti sunt, existimaverant Stellarum naturam planè esse immutabilem. Sed postremis hinc sæculis sæpius animadversæ sunt Stellæ novæ, Veteribus ignotæ, quæ cum fulgidissimæ aliquamdiu fuissent, postea evanuerunt, aut per vices se conspiciendas præbuerunt; unde magnas, in spatiis in quibus Stellæ sunt, mutationes fieri cognoverunt. Sic anno M D LXXII in constellatione *Cassiopeæ*, maxima Stella apparuit, numquam antea conspecta; sed quæ, paulatim obscurata, post biennium evanuit. In Constellatione *Cygni*, in pectore ejus avis nova Stella apparuit anno M D C quæ sexaginta postea annis desiit conspici, deinde anno M D C LXVI, iterum videndam se præbuit. Alia anno M D C LXX \* tertiæ magnitudinis ab *Ch. Hevelio* aliisque animadversa est.

8. Hinc manifestò liquet, ingentem quandoque mutationem circa stellas fixas fieri, cum novæ formentur & intereant; cujus rei ratio inventu facilis non est. Conjecit *Cartesius*, quemadmodum Sol maculis obscuratur,

\* *Vide Acta Philos. Lond. Mensis Novemb. 1670.*

ratur, posse fieri ut idem patiantur stellæ, easque maculas tantas evadere, ut earum radios planè intercipiant, easque crasso & opaco tegmine incrustent. Quod cum evenit, desinunt eæ stellæ nobis apparere. Si verò postea ejus materiæ, quâ flamma stellarum constat, majorem, aliqua de ratione, copiam ad contactam stellam accedere contingat, tum resolutâ eâ crustâ, stella iterum emicat. Verùm hîc est ingens difficultas, quam non attingit. Vix enim intelligere possumus incrustatam stellam suam interea ita tueri locum posse, ut aliquot post annis iterum in eodem conspiciatur situ.

9. Nihil hîc addemus, de motu Stellarum apparenti, quia antehac de eo egimus, ubi Systema Mundi Ptolemæicum Cap. II. exposuimus.

10. Philosophi Scholastici *Ætherem*, post Græcos veteres, vocant tenuiorem materiam, quam supra aërem hunc nostrum crassiorē esse intelligimus. Nos paulò diverso sensu eam hîc vocem adhibemus; & cum majores omnes Planetas suam habere *Atmosphæram* existimemus, vocamus *Ætherem* omnem materiam subtiliorem & fluidam, quæ circa centrum majoris vorticis quaquaversum porrigitur, & in qua Planetæ cum suis *Atmosphæris* feruntur.

11. Sæpiùs antehac diximus, quò levior est materia, quæ circa Solem agitur, eò altius eam à centro ejus abscedere. Diximus etiam experiētiâ constare, quò corpora sunt rariora, seu quò minorem homogeneæ materiæ circumferentiâ suâ complectuntur copiam, eò esse leviora, seu magis à centro communis orbicularis motûs recedere, nisi quid obstet. Hinc sequitur *Ætheream* materiam, quæ Solis flammæ circumferentiæ proxima est omnium esse densissimam; & quò magis ab eo recedimus, eò rariorem fieri, adeò ut circa Saturnum, & in superioribus spatiis multò sit rarior quàm circa alios Planetas; quod contrarium est conjecturæ *R. Cartesii*, qui eam crassissimam supra Saturnum esse, sine ratione, fingeat.



12. Si Stellæ fixæ sint totidem Soles, ut credibile est, & circa se agant similes huic nostro Solari vortices, eadem est illorum vorticum ratio ac hujus. Itaque non est cum vulgo censendum hanc nostram Terram ab Æthere esse remotiorem, quàm Solem ac Stellas fixas. Atmosphæras Solis & Stellarum, hoc est, proximas quæ iis incumbunt materiæ cœlestis partes Atmosphærâ nostrâ multò densiores esse, ob rationes allatas, necesse est. Indidem etiam colligimus non magis Fixas esse *supra* nos, quàm nos *supra* eas. Sunt innumeri, & infiniti fortè vortices, sine ordine nobis noto, per immensam Mundi extensionem sparsi, in quibus neque quidquam *superius*, neque *inferius* dici potest. Sed vulgus superius id esse ait, quod capitibus nostris imminere videtur. Si ejusmodi tamen loquutione utendum sit, à qua propter frequentissimum usum vix abstinere possumus, adhibenda est duntaxat respectu singularis Vorticis, qui hac in parte nihil habet cum cæteris commune.

13. Itaque respectu singulorum vorticum, ea infima dicimus, quæ circa eorum centrum sunt, suprema quæ ab eo sunt quàm remotissima. In vortice Terræ, exempli causâ, infima pars est globi Telluris centrum; summa quæ ab regione Lunæ, usque ad extimam vorticis oram, porrigitur. In Solari pariter, Sol est omnium infimus, & supra Solem Planetæ, eodem ordine quo sunt à nobis considerati. Nisi hoc observemus, infra pedes nostros. Antipodas esse cum vulgo dicentes, homines insistere Terræ, capitibus in cœlum pendulis, & reliqua omnia eodem stare situ cum pueris mirabimur.

14. Hæc paucis monere oportuit, ne vulgaris sermonis errore nos abripi sineremus, néve in alienum sensum quæ de situ *altiore* aut *inferiore* Ætheris, aut Planetarum passim dicimus, ab incautis acciperentur. Observamus ergo Ætherem, quò altior est, eò oportere esse rariorem; & in regionibus quidem, per quas vehuntur Planetæ & Cometæ, rarissimum; quandoquidem

## Cap. XII. De Universo in Genere. 69

dem non Planetæ modò juxta constantem ordinem in eo, sine ulla, quæ animadverti queat, motûs sui imminutione, sed etiam Cometæ ordine contrario facillimè feruntur. Præterea si densior esset Æther, si non Solis, cujus lumen vicinius, potentiùsque est; saltem Stellarum Fixarum immensâ distantia remotarum, & superiorum Planetarum primariorum & secundariorum conspectum nobis interciperet.

15. Sed ne sit ambiguitas in voce *raritas*, atque hinc nascantur difficultates vix solvendæ, animadvertendum est, cum Ch. \* *Huygenio*, duplici ratione rarum dici posse. Aut enim omnes ejus partes sunt invicem remotæ, ut multum intersit vacuum; vel contiguæ quidem sunt, sed contextus singularum adeò rarus est, ut poros multos habeant inanes. Cum prioris generis raritate, vix ejus consistere potest gravitas, quæ in eo sita est ut superiores partes inferiores premant, omnesque centro incumbant. Præterea cum vacuo interposito non convenit incredibilis luminis propagationis celeritas, quæ ex certo experimento, sexcentis mille vicibus soni propagatione celerior est. Antequàm enim prima pars materiæ cœlestis pulsæ secundam, trajecto quod inter eas esset vacuo, & secunda tertiam, & sic alias aliæ ferirent, donec ad ultimam deventum esset, multò longius requireretur tempus.

16. Itaque præstare videtur; ut raritatem secundo modo intelligamus; adeò ut quamquam se invicem particulæ materiæ cœlestis tangunt, attamen raritas earum contextûs motui Planetarum & Cometarum quàm minimè resistat. Quis enim novit quàm tenuia possint confici corpora, etiam solida? Sed præterea summa materiæ æthereæ fluiditate fieri potest, ut spatia quæ occupat à solidis corporibus facillimè permeari queant. Sic fluiditate aquæ fit, ut multò minùs corporibus per eam motis resistat, quàm pulvis etiam tenuissimus; cujus tamen aliæ ab aliis remotiores videntur esse particulæ, quàm aqueæ. Itaque materiæ aquæ mul-

\* Lib. de Gravitate p. 161.

multò fluidioris resistantia potest, ob summam agitationem partium, pænè nulla esse; quemadmodum videmus aëris resistantiam multò minorem esse quàm aquæ.

17. In iis, quæ modò diximus, supposuimus sententiam Veterum, qui spatia, in quibus sunt Planetæ, solidâ materiâ, seu solidis orbibus esse plena existimabant, falsam esse, quâ de re nemo amplius dubitat. Sed hoc quoque falsum est, quod de cœlestium rerum materiâ docebant, nimirum, eam mutationi ut hæc nostra est sublunaris, obnoxiam non esse. Quod apparet ex eo quod diximus de vaporibus, qui ex corporibus Cometarum exeunt, & quibus horum formantur caudæ. Cum enim caudæ illæ crescant in Perihelio, & postea minuantur, spargitur sine dubio hac illac per Ætherem ille fumus; & pars ejus fortè pondere sua ad Planetarum fertur Atmosphæras, pars usque adeo comminuitur & movetur, ut unâ cum Æthere circum Solem, communi totius Solaris vorticis motu, rapiatur.

18. Præterea rerum Astronomicarum periti in Æthere, quandoque vasta spatia densiori materiâ occupata observarunt. \* Anno 1683. initio veris J. D. Cassinus animadvertit nescio quam lucem in signis, quæ et tempestate à Sole percurruntur, instar ejus lucis, quæ via Lactea splendet, nisi quòd media pars lucidior, extremæ obscuriores erant. Constellationes Arietis & Tauri extraordinario illo lumine illustratæ videbantur, nec ab eo occidentes deserebantur, sed perpetuo eo videbantur uti comite. Ad Occidentem conspectus ejus non finiebatur, nisi nebulis, quæ tres aut quatuor gradus supra Horizontem elatæ erant. Pars ejus lucidissima in occasum vergens octo aut novem gradus lata erat. Obliquè id corpus lucidum juxta Zodiacum extendebatur, extremitasque ejus Septentrionalis ad lucidissimas capitis Arietis stellas pertingebat, cujus totum corpus eo tectum erat. Secundùm longitudinem,

juxta

\* Vide *Ephemerides Parisienses* ejus anni ad 10. Maij.

Cap.XII. *De Universo in Genere.* 71

juxta Pleiadas porrectum erat, atque in acumen desinebat circa caput Tauri. Hæc eò facilius observabantur, quòd per eam lucem, etiam ubi densissima erat, Fixæ omnes Stellæ cernerentur, quemadmodum per Cometarum caudas translucere solent.

19. Quamvis hæc lux similis esset Cometis, quòd esset pellucida, ejusdemque coloris & sitûs respectu Solis, cui juxta longitudinem opposita erat; attamen non poterat esse Cometæ cauda, quòd esset omnibus iis quæ conspecta sunt multo latior. \* Plura de ea non dicemus hic, cùm à viro erudito sit ejus motus diligenter observatus, & ex præteritis observationibus etiam in futurum, nisi materia dissipetur, prædictus. Atque hinc satis liquet ingentes, in materia cœlesti, fieri mutationes; cùm Cometarum vapore spatia illa sæpe impleantur, aut aliis corporibus fluidis quidem, sed eâ crassioribus, quale fuit hoc, de quo modò diximus Phænomenon; quod tamen fortè etiam vapore Cometæ ultra Solem versantis constitit, quamquam eum Cometam, quòd Soli propior esset, non vidimus.

---

\* Vide *Epist. N. Fatio de Duillier ad J.D. Cassinum. Biblioth. Univers. T. III.*

# PHYSICÆ

## LIBER SECUNDUS

D E

# TERRA & MARI

## CAPUT I.

### *De Tellure in se spectata.*

1. **P**ostquàm longè latèque, per vastissima Univer-  
 si spatia, vagati sumus; tandem, quasi ex  
 longinquo itinere in patriam reducibus hæc  
 nostra Terra, quam incolimus, nobis diligentius lustran-  
 da est. Nam in priori quidem Libro, figuram ejus,  
 motusque diurnum & annum, & situm quem in iis  
 motibus servat, consideravimus, & quæ inde conse-  
 quuntur potissima paucis tradidimus, hic nequaquam re-  
 petenda. Verùm nunc massam ipsam Telluris, eæ-  
 que, quæ ex ejus visceribus effodiuntur, inspecturi  
 sumus.

2. Primo intuitu Terram spectantibus nihil priùs oc-  
 cur-

currit ingenti massa, terrâ, hoc est, solidarum plurium materialium congerie, & aquâ cum falsâ tum dulci constante; unde à Philosophis *Terraqueus Globus* haud rarò vocatur. Quamvis in eo solidæ materiæ copia fluidam fortè superet, attamen superficiæ globi majorem partem occupat aqua, quod liquebit in terrestrem globum oculos conjicientibus. Nam præter fluvios, & lacus, & stagna, & fontes, quibus irrigatur Terra variis in locis; Oceanus, ejusque sinus longè latius extenduntur, quàm sicca humus. Quod, sine dubio, in incolarum gratiam ab rerum Creatore factum est, ob ingentem aquarum usum, rigantium terras, aut pisces suppeditantium, aut navigandas se præbentium, summa cum hominum utilitate.

3. Verùm missis aquis, de quibus postea agemus, si quod *Terra* vocatur consideremus, deprehendemus esse congeriem, ut modò dicebamus, variorum corporum. In ea enim arena, argilla, terræ variorum colorum, lapides multorum generum, salsia plura, sulfur, bitumen, mineralia innumera, metalla, aliæque à fodientibus inveniuntur. Neque, ut multa ejuscemodi corpora cernantur, opus est ut ad ejus centrum usque fodinas agamus, quò humana industria pervenire nequit; intra aliquot pedes, quandoque plurima id genus effodiuntur. Sed si quis præsertim *Hungaricas* & *Peruvianas* metallorum fodinas lustrarit, quæ profundiores esse dicuntur, innumera talia deprehendet.

4. Veteres Philosophi, quorum Scholastici sequuti sunt sententiam, & qui Terram unum esse ex quatuor illis *Elementis*, ex quibus omnia constant, dicebant, cum ejusmodi rerum misturam in Terræ partibus, quæ superficiæ vicinæ sunt, animadverterent, Terram hanc puram esse negabant, & suum illud *Elementum purum* esse circa centrum dictitabant. Sed cum nemo ad regiones centro Terræ vicinas accedere hætenus potuerit, inanis est hæc eorum conjectura; quod magis liquet ex iis quæ Lib. V. de eorum diceimus *Elementis*.

5. Si comperta esset *R. Cartesii* conjectura, quâ censet Planetas olim fuisse stellas fixis similes, atque igneam materiâ constantes, sed postea incrustatas opacâ & solidâ, in centro terræ esset etiamnum hodie ingens flamma, quod nonnulli opinantur. Verum cum ratio, quâ factos esse Planetas coniecit vir summus, inter ea numerari possit, quæ sunt ex quacumque parte spectantur dubia, nec vero propiora iis quæ naturâ suâ impossibilia sunt, nisi quod fieri posse videantur, temerariè centrum Terræ igneum esse à nimis ejus admirabilibus statuitur.

6. Si Terræ partes, quibus nunc constat, aliquando conjunctæ circa centrum idem actæ fuissent orbiculari motu, ex certissimis experimentis possemus colligere à centro Terræ deturbatas fuisse eas partes, quæ omnium densissimæ sunt. Cum autem nihil norimus gravius metallis, haud incredibile esset intimas Terræ regiones constare immani mallâ variorum metallorum. Quo posito, in ea opinione confirmari nos sentirentur Magneticis experimentis, ex quibus ferè constat, Terram esse instar ingentis magnetis. Itaque non absurdè suspicaremur Terram in meditullio potissimum ferreâ, aut magneticâ materiâ abundare; quod esset eorum sententiæ prorsus contrarium, qui igneum ei centrum affirmant. Sed quod est hic supponendum nullâ certâ ratione constat, ideoque assensum, non fallamur, cohibere hoc in negotio multò præstabilius est.

7. Interea, ut Cap. VI. §. 13. Libri I. observavimus, quò altius Terra effoditur, eò gravior est materia; quamvis ad Terræ centrum accedere non liceat, atamen è profundissimis fodinis metalla hauriuntur, quæ rarò in superficie Terræ inveniuntur; & si liceret à quot milliaria fodere, cum vix sesquimilliaris sint profunditæ omnium profundissimæ, fortasse densior occurreret materies.

8. Cum ea incomperta sint, hoc licet saltem de Terra affirmare, quod ad partes superficiiei viciniore



net; perpetuam, nimirum, in iis fieri mutationem, quæ ex variis causis oriri potest. Inter eas humanos labores non numerabimus; sed cum videamus durissima corpora quæ aëri exposita sunt, ne excepto quidem adamante, teri longo tempore & varias mutationes, sine humana opera, pati, totam Terræ cui aër incumbit superficiem ei rei obnoxiam esse colligere possumus.

9. Præterea Tempestatum perpetua vicissitudo, calor, frigus, pluvia, venti, terræ motus, eluviones, aliæque id genus ingentem perpetuò inducunt mutationem, in eam partem Terræ quæ ejus superficiem proximam est. Si addas innumerorum Animalium, & Plantarum, quæ Terræ fructibus, aut succis aluntur, atque in Terram putrefactione, post breve tempus, redeunt, mutationes perpetuas; hanc quam calcamus superficiem, in regionibus potissimum à longo tempore cultis, constare ferè corporibus animalium brutorum aut hominum intelliges; vel potius materiâ, quæ varias formas quotidie induit.

10. Perpetuis autem illis materiæ fluctuantis vicibus, non potest non evenire ut terra arida non augeatur, minuatür verò humor; nam partes corporum fluidorum quæ semel solidis mixtæ sunt, & variis salibus permixtis fluiditatem suam amiserunt, eam amplius recuperare non videntur. Quod fit potissimum in Plantarum & Animalium corporibus, quæ liquidis vegetata & nutrita ampliora fiunt, & postea in putredinem abeunt. Hinc colligunt nonnulli ne nimium Planetarum decrescat, ac tandem deficiat humor, Cometas esse à rerum Opifice institutos, quorum fumi latè per Solarem verticem sparsi, in minores Planetarum vortices decidunt, eorumque liquores augeant.

11. Ingens quoque oriatur in Terra mutatio necesse est ex variis ignibus, qui ejus viscera depascent videntur, verum ea de re fusiùs in III. Capiteagemus.

12. Supra §. 6. qbiter indicavimus Terram instar ingentis

gentis Magnetis quandoque à Philosophis spectatur quod ubi de Magnete agemus copiosius deducemus. Interea hic possumus observare, hac quoque in parte, fieri varias in ea mutationes; quod liquet ex acūs magneticae declinationibus, quæ quandoque directè Polo versa est, quandoque ad occasum, aut ad ortum, & quot gradibus declinat. Hoc autem non potest fieri quin materia magnetica, quæ ex Terra manat mutetur meatus, cum modò rectà ex Polo videatur venire modò ex Terræ partibus, quæ ad sinistram, aut dextram sunt. An porrò ea mutatio ex ignibus subterraneis, qui magneticas Terræ fodinas hic aut illic rumpant, quæ tamen postea reparentur, an alia de causa fiat, nemini constat.

## CAPUT II.

*De rebus subterraneis in genere, & primùm de Sulfure & Bitumine.*

1. **D**iximus superiore Capite, Terræ hujus nobis massam non constare homogeneâ quadam materia, sed innumeris variorum generum corporibus commistam. De potissimis, quantum nobis per brevem institutam licet, figillatim agemus; atque quidem non ipsam Terræ superficiem, sed quæ paulò interiùs considerabimus.

2. Non possumus equidem quæ ex Terra effoditur accuratè dividere, ut ad certa referantur genera ex quorum definitionibus quidquid est inferioribus speciebus commune, quidquid generibus inter se differentibus, intelligi queat. Ut hoc fieret, naturas omnium rerum nobis esse oporteret certò perspectas, quæ cognitione multùm absumus. Ut tamen ordinem aliquem observemus, quæcunque sub Terra latent

tres ordines dividemus. Sunt quæ flammam concipiant, sunt quæ vi ignis liquefiant, sunt denique quæ incalcem redigantur. Horum potissima eo ordine lustrabimus.

3. Inter ea quæ flammam concipiunt præcipua sunt Sulfur, & bitumen & varia eorum genera, aut eorundem diversa, quas non recensēbimus, mixturæ. Plurimis autem in locis Terrarum, effodiuntur Sulfur & bitumen, puriora quidem aut impuriora, seu quæ minus aut magis purgari debent, ut usibus quibus adhibentur inserviant.

4. Sulfur igitur est, quantum licuit nobis ejus naturam cognoscere, fossile coloris lutei & subviridis, quod facile frangi potest atque in tenuissimum pulverem comminui, & quod facile incenditur igni admotum. Ingentis est odoris, & incensum exigua copiâ eo aërem implet; si majore uratur in loco clauso, facile suffocare potest præsentēs, qui præsertim difficiliore respiratione laborarent. Est quidem ligno gravius & compactius, sed non æquat pondus aut soliditatem metallorum.

4. " Nascitur \* in insulis Æoliis, inter Siciliam & Italiam; sed nobilissimum in Melo insula. In Italia quoque invenitur, in Neapolitano, Campanoque agro, collibus qui vocantur Leucogæi. Ibi è cuniculis effossum perficitur igni Genera quatuor; vivum quod Græci *ἀνθερ* vocant (hoc est, quod ita purum est, ut purgatione, qua ignis ope fit, non indigeat) nascitur solidum, hoc est, gleba. Solum cætera enim liquore constant & conficiuntur oleo, (aut aquâ) incocta, vivum effoditur, translucetque & viret. Alterum genus appellant glebam, fullonum tantum officinis familiare. Tertio quoque generi usus tantum unus est, ad sufficiendas lanas, quoniam candorem tantum mollitiemque confert. Egula vocatur hoc genus. Quarto autem ad ellychnia maximè conficienda.

D 3

6. Α'πυ-

\* Plinij sunt verba ex Lib. xxxv. c. 15.

6. *A. m. 17*, aut quod diligenter purgatum est, pluribus morbis, & doloribus discutiendis adhibetur, quibus nocet frigus, calor conducit. " Sentitur vis ejus " in aquis ferventibus (*in Thermis, quibus membrorum doloribus solent mederi*) " neque alia res facilius accenditur, quo apparet ignium vim magnam ei ineffe. " Fulmina & fulgura quoque sulphuris odorem habent, ac lux ipsa eorum sulphurea est. Hæc & alia de sulphure *Plinius*, quibus sunt adjungenda quæcumque alibi eadem de re legentur, aut experientia cognoscere poterunt.

7. " Bituminis \* vicina est natura, alibi limus, alibi terra. Limus, è Judææ lacu emergens; terra in Syria, circa Sidonem oppidum maritimum. Spissatur hæc utraque & in densitatem coeunt. Est vel liquidum bitumen, sicut Zacynthium, & quod in Babylone invehitur. Ibi quidem & candidum gignitur (*nam plerumque nigrum est.*) Liquidum est Apolloniaticum; quæ omnia Græci *μασσίτης* appellant, ex argumento picis & bituminis. Gignitur etiam pingue liquoris oleacei, in Sicilia Aggentino fonte, inficiens rivum. Incolæ id arundinum paniculis colligunt, citissime sic adhærescunt. Utuntur eo ad lucernarum lumina, olei vice. Quæteri usus non multum ab usibus sulphuris absunt.

8. Potest ad bitumen referri etiam *Naphttha*, quæ liquidior est, & quæ à bitumine non differt, nisi quod facilius ignem concipit, & difficilius exstinguitur. " Ignis \* admota eum corripit, si corpus eâ illitum igni admoveris deflagrat, nec aqua ullo pacto extinguipotest, sed magis etiam exardescit, nisi multam superinfuderis. Cæno, aceto, alumine & visco operipressa exstinguitur, Alexandrum tradunt, ut experimento rem cognosceret, puero cuidam in balneo neo Naphttham illevisse, ac lucernam admovisse, perierum præne deflagrasse, & periturum fuisse, nisi cito

\* Verba sunt *Plinii*.

\* *Strabo*, Lib. XVI.

“ cumstantes, multa haustâ aquâ flammâ devicissent,  
 “ & puerum servassent. Possidonius scribit è fontibus  
 “ Naphthæ Babyloniiis, quosdam nigram Naphtham,  
 “ quosdam albam producere; atque ex his alios esse li-  
 “ quidi sulphuris, eos, scilicet, qui albam Naphtham  
 “ habent, quam & flammæ arripiant: eos verò, qui  
 “ nigri bituminis sunt, liquidos esse, & pro oleo in lu-  
 “ cernis usurpari.

9. “ Naphthæ species videtur esse quæ *Maltha* \* dici-  
 “ tur, limus flagrans qui in Commagenes urbe Samo-  
 “ satis stagno emittitur. Cùm quid attigit solidi, ad-  
 “ hæret, præterea tactu sequitur fugientes. Sic desen-  
 “ dere muros, oppugnante Lucullo, flagrabátque mi-  
 “ les armis suis. Aquis (*nempe modicis*) etiam ac-  
 “ cenditur. Terra tantùm restingui docuere experi-  
 “ menta.

10. Mistum videtur bitumine & sulphure, unâ cum  
 terra, corpus carbonis illius qui vulgò *lapideus* dici so-  
 let, qualis effoditur in Scotia, & septentrionalibus An-  
 glia partibus. Ideoque ignem faciliè concipit, & con-  
 ceptum servat, donec omnis materia consumpta sit.  
 Tetrum etiam odorem bituminis & sulphuris odore mi-  
 stum emittit, unde † quandoque factum ut fodina-  
 rum, si fortè incenderentur, vapore, qui in eas descen-  
 debant, suffocarentur: ut & vaporibus Vesuvii exstincti  
 sunt, qui aquo propius accesserunt, aut qui *sub terra*  
 laborabant, cujus est celebre exemplum \* *Plinius*, na-  
 turæ diligens indagator.

11. Cùm hæc sint potissima fossilia, quæ ignem con-  
 cipiunt, & hæc præcipua, quantum quidem ea novi-  
 mus, eorum attributa; quæritur jam quæ sit intima eo-  
 rum natura, ex qua memorati fluunt effectus? Ad ejus  
 rei cognitionem cùm oculorum ope pervenire non pos-  
 simus, quippe quæ oculos fugit, ex effectibus conje-  
 ctura.

D 4

\* *Plinius Hist. Nat. Lib. 2. c. 104.*

† *Vide Acta Philos. Londin. an. 1665. S. 5. Mense. Maio.*

\* *Vide Plinii Junioris Lib. VI. Ep. 16.*

tura duntaxat potest fieri, quæ pro compertâ re, tibi mini debet obtrudi.

12. Cum omnia corpora non modò generalibus quibusdam proprietatibus conveniant, de quibus Lib. I agemus, sed peculiaribus multa habeant, peculiaribus causis hæc oriri necesse est. Sunt qui ad *formas* nesci quas, quibus unumquodque corpus est id quod est, & quidem *substantiales* confugiunt; sed cum non doceant quæ sit earum formarum natura, perinde est ac si nihil dicerent; nec vulgus hac in re superant, nisi vocum ignotarum usu. Itaque est ad aliquid aliud deveniendum, si conjectura necessario facienda sit de causis effectuum, qui ex singulorum corporum natura procedunt.

13. Si possemus texturam sulphuris & bituminis à quâ arte videre, fortè deprehenderemus ea constare tenuissimis partibus, iisque flexilibus & ramosis, & poris præterea tenuioribus refertis. Certè ejusmodi corpora videntur aptiora esse ad ignem concipiendum quàm alia, & simul effectus alios edendos, quos sulphure & bitumine, affinibusque aliis edidi videmus.

14. Primò cum ignis tota vis, ut manifestò liquet ex corporibus combustis, in eo sita sit, ut partes corporum quæ corripit divellat, ut Capite sequenti copiosius ostendemus; quod faciliè uritur debet habere partes tenues & flexiles, quæ non ægrè divellantur. Secundo, in iis partibus sint pori necesse est, quos particule igneæ subito subeuntes, ita dilatent, ut textus corporum laxetur, partesque dissiliant.

15. Tertiò, ramosas in sulphure & bitumine supponimus, quia corpora ea aut sponte liquida, aut igne liquefacta viscida sunt, & facile immerlis corporibus adherent, quod in bitumine potissimum animadvertimus. Non possunt autem ita junctæ esse, ut in fila veluti deducantur, quin ramusculis connexæ sint; neque tactis corporibus adherere, nisi in eorum corporum poros, & asperam superficiem tenuissimos illos ramos immittant.

16. Quæ-

16. Quartò, accensum bitumen, aut naphtha aquâ exiguâ copiâ effusâ non exstinguitur, quia ramosæ eorum partes, quamvis vehementissimè vi ignis agitatæ, non illico prorsus divelluntur, sed ramis implicitæ aliquamdiu, postquàm flammam conceperunt, manent; unde etiam fit ut flamma eorum sit crassior, nec ejusdem coloris ac flamma, ex corporibus aliis orta. Aqua ergo in densam flammam effusa non potest, inter ejus partes subeundo, eam suffocare, aut exstinguere, quia aquæ densitatem pænè flamma æquat; nisi aqua majori sit copiâ; aut simul corpus aquâ crassius, ut terra, in flammam incidat, eamque opprimat pondere suo.

17. Hinc fit etiam ut ardentes prunas, ne nimio ardore celerius aquo absumentur, fabri ferrarii soleant subinde aquâ adspargere; quod non auget quidem vehementiam ignis, sed obstat quominus tota ejus vis nimis citò evanescat, aliquas ejus partes exstinguendo. Qua de causa, etiam Naphthæ aquæ exiguâ copiâ affusâ, videtur augeri ardor, quia aqua modica nimis rapidè evanescenti ardori moram affert.

18. Hæc videntur posse de natura eorum mineralium, quæ faciliè ignem concipiunt, summatim dici, neque enim conjecturæ, nostro eò usque pertingere queunt, ut eorum discrimina ostendant. Hoc fortè addere possumus; nimirum in aliis partes illas ramosas tenuiores esse, & poris pluribus perforatas quàm in aliis. Naphtha, quæ ex admotâ face ignem concipere dicitur, ingentem odorem emittit, hoc est, tenuissimas particulas, quæ perpetuò ex eo elabuntur, narèscque adstantium subeunt instar fumi. Ille autem fumus cum continens sit, instar visceri fumi, cum corpore ipsius Naphthæ, statim ac flammæ vim sensit, non modò flagrat subtilissimâ flammâ, sed eam etiam ad Naphtham desert. Exemplo inflammabilis fumi, in Capite sequente, hoc illustrabitur:

19. His ita expositis, non videbitur mirum tantum odorem ex inflammatis Sulphure, Bitumine aut Naphtha elabi, nam pro densitate flammæ densus etiam est odor,



quamvis inconspicius. Flamma quidem eorum partes variè frangit, harumque ramos amputat, sed cum rami possint esse in infinitam tenuiores, fieri potest ut in ipso fumo particulae per aërem volitantes etiamnum ramosae sint, licet plerique & majores sint fracti. Atque hinc fit ut vel ipse odor suffocet, quod *Plinio*, qui nimium ad accensum *Vesuvium* appropinquare sustinuerat, contigit. Cum odor Sulphuris alios in fugam verteret, excitatus *Plinius*, qui super objectum linteum in littore federat, innixus servis duobus assurrexit, & statim concidit, ut rectè sororis ejus filius conjectabat, crassiore fuligine spiritu obstructo.

20. Ut hosce effectus exponeremus, de ratione qui concipitur flamma obiter aliquid dicendum fuit, sed res digna est fusiori expositione, quâ etiam, antequam ad ignes subterraneos deveniamus, indigemus.

### C A P U T III.

*De igne in genere, & in specie Ignibus subterraneis, ac terræ motibus inde nasci solitis.*

1. **A**Ntequàm de ignium subterraneorum natura agamus, de igne in genere nobis dicendum est. Neque enim possemus, quâ ratione materia quibus aluitur possit incendi, ostendere, nisi priùs quomodo excitetur ignis ostenderimus. Igitur illico cujusvis ignis effectus varios recensebimus, deinde ad eorum causas penetrare nitemur; quod ubi fecerimus ad ignes subterraneos veniemus.

2. Pro variis materiis, quæ in ignem conjiciuntur, vel quibus ignis immittitur, varii oriuntur effectus quorum hi præcipui sunt. 1. Si ignis subjiciatur ligno, aut tenuioris ejusmodi contextus materiæ, flammam ex materiæ concipiunt. 2. Sed ut flammam concipiant, oportet

oportet ignem & quæ uruntur aëre circumdari, saltem aliquo, si non amplo & aperto; alioqui suffocatur ignis atque exstinguitur. 3. Inò verò etiam si, in loco clauso, non deest prorsus aër, nisi is aër cum aperto aëre, per aliquod foramen conjunctus sit, ut exire & redire possit; materia incensa exstinguitur, quamvis in aperto aëre ignem semel conceptum, donec tota absumatur, conservare soleat, quod nobis exemplo bituminosorum cespitum, qui in Hollandia uruntur, constat. Candela etiam, in vitreo vase accensa, si accuratè vas clausum sit, ut nullus subire possit aër, brevi exstinguitur. 4. Corpora quæ ignem conceperunt, si pergamus iis ignem admove, dum flammam & fumum emittunt, pro vario eorum contextu densiore, aut rariore, celerius aut serius absumuntur; neque ex iis quidquam, præter cineres, superest. Si liquores sint pingues, aut qui ad vini naturam accedant flammam faciliè concipiunt, & ut cætera consumuntur; sin verò sint aqueæ naturæ, & vase aliquo, materiâ quæ flammam non concipit constante, contineantur, admoto igne, fervent & paulatim in auras abeunt, dum perpetui, pro ignis vi, ex iis elabuntur vapores. 5. Contextûs densioris corpora, qualia sunt quæ metalla dicimus, hoc est, aurum, argentum, æs, ferrum, stannum, plumbum, variæque eorum mixturæ, vi ignis liquescunt, quamquam non intra idem tempus, aut æquè facile. Hydrargyrum, quod liquidum est absumitur exhalationibus, quas emit. 6. Liquefacta metalla, si ignis vis perpetuò in ea agat, pondere multum minuuntur, & tandem exhauriuntur, ut nihil supersit præter scorias, quæ & ipsæ violentiori igne rediguntur in calcem, & tandem consumuntur. Sed aurum, quo purius est, eo diutius vi ignis resistit, nec pondus suum, ut alia metalla amittit. 7. Lapides, & quæ ad lapidum naturam accedunt, aut liquefiunt, in vitream, hoc est, pellucidam materiam, aut in calcem & pulverem rediguntur. 3. Effectum ignis, quasi ab iis quos primos recensuimus diversum, non memoramus eum, quem in nostro

corpore edit. Nam in carnem nostram, eodem modo ac in quamvis aliam carnem, agit; primum eam lenius, si remotior sit, agitat; si magis admoveatur, fervorem excitat in partibus pinguioribus & liquidioribus, quæ effusa in flammam incenduntur, & in auras abeunt, dum partes crassiores in cineres rediguntur.

4. Hosce effectus edit ignis accensus, sed observandum quoque diligenter quomodo accendatur, alatur, atque extinguatur, si velimus ejus naturam cognoscere. Non dicemus accendi alium ignem igne accenso, hoc enim ad superiores observationes pertinet. Sed si desit ignis, potest variis modis generari. 1. Si colligantur speculo concavo radii Solares, id punctum, in quod incidunt, incendunt, si sit materia quæ incendi queat, ut lignum, charta, &c. 2. Si vehementer collidantur silices, profiliunt scintillæ, quod fit etiam in ferro filex tunditur; eaque scintillæ, incidentes in materiam, exempli causâ, sulphuream, aut tenuis contentis, eam illico incendunt. 3. Si lignum ligno, aut ferro, vel alio corpore solido, diu & vehementer teratur, tandem signum incenditur, quod animadvertitur in rotis curruum, qui magna celeritate & diu aguntur, tempestate sicciore.

5. Ignis alitur eadem materiâ adjectâ, quæ eum generavit, aut aliâ quæ facile ignem concipit. Sed sunt materiæ nonnullæ, quæ flammam quidem aut ignem concipiunt, & quæ sponte suâ extinguuntur, nisi aliâ similis materia perpetuò accedat, aut vehementiori bitu adjuventur. Sic lignum ignem quidem & flammam facile concipit, sed si sit solum, extinguitur; at si continuo materia nova sufficiatur quæ una uratur, ignis donec absumptum, seu in cineres redactum sit, servat. Sed sulphur, bitumen, aliæque quæ ex utroque aliquid trahunt, ut bituminosi cespites, & lapidei carbones, sine ullius alius materiæ adjumento, cum semel ignem conceperunt, non prius extinguuntur, quam quidquid uri potest exhaustum sit.

6. Ignis extinguitur, variis rationibus: 1. pabuli

conspicui defectu : 2. aëris inopiâ : 3. affusâ aquâ, aut ejusmodi liquore : 4. injecto pulvere, aut aliâ quâpiam re, quæ flammam suffocet.

7. Ut, quantum licet, omnium illorum effectuum causam inveniamus, incipiemus ab ignis generatione, quæ nobis viam ad ejus cognoscendam naturam aperiet.

I. In igne, qui speculi concavi operâ accenditur, videmus radios Solis, qui igneæ est naturæ, adhiberi; unde mirum non est, si ignis igne accendatur, tota difficultas in eo est sita, ut ostendatur quare urant à speculo concavo reflexi, non verò ab alia re, aut directè à Sole venientes. Hoc autem idèò fit, quod à Sole radii per totum aërem, sparsim & divisim viribus emittantur, atque à superficie planâ, aut inæqualiter asperâ similiter vel non multò aliter reflectantur, quâ ratione dispositis non satis magna vis est ut urant. Itaque opponitur Soli speculum concavum è cujus centri, propter figuram, regione colliguntur ad certam distantiam omnes radii qui in speculum incidunt, & conjunctis viribus urunt. Sic videmus etiam è fornace unde quaque aperto, atque igne instructo, minorem multò ignis vaporem manare, quàm si per foramen exiguum vapor ille exeat. Hoc posito, facile est colligere id quod urit, materiam esse tenuissimam, qualis ea est quâ radii Solis constant, & quam oportet majori esse simul copiâ, ut corpus quodpiam incendat.

8. II. Quando colliduntur filices, aut ferro tunduntur, videtur magno impetu particula ex filice profilire in aërem, ubi rapidissimè in orbem acta crassiorē aërem disjicit, atque in sola tenuissima materia, quæ est in interstitiis & poris particularum aëris natat. Quo fit, ut lucem versùs oculos nostros reflectat, uti ostendimus, ubi de luce agemus; utque, si corpus quodpiam tenuioris contexturæ vicinum sit, eâ scintillâ incendatur.

9. III. Idem ferè in ligno, quod terendo & fricando incendimus, fieri videtur. Particulæ enim ligneæ, dum lignum vehementius teritur, necessariò convelluntur

tur, atque invicem dividuntur, simulque circa ligni superficiem celerrimo motu acquisito aërem pellunt, eodem modo ac silicis particulae, unde nascitur ignis. Sed quia mollius est lignum, neque tam subito, neque tam procul ex particulae in aërem exsiliunt, sed cum superficiem hærent ligni, quod prius calorem aliquem attritu concipit, donec aucto calore, hoc est, partium eius motu, flamma emicat. Huc etiam accedit quod cum lignum, dum terræ radicibus hæret, aleretur terræ succo, cui semper particulae aliquae sulfureæ sunt admixtæ, & qui non modo in lignum densatus est, sed etiam partibus aqueis in vapores digressus, exsiccatus adhæret poris ligni, instar resinæ cujusdam, unde fit ut facilius accendatur. Fortè & in silicibus particulae sunt sulfureæ, quas etiam odor prorsus videtur prodere; nam si duos silices sæpius tundamus, ut plures exsiliant scintillæ, sulphureus odor nares nostras ferit.

10. Ignis semel accensus non ideò perpetuus est, nisi enim flammæ alimentum ex materia quâpiam quæ faciliè flammam concipiat præbeamus, extinguitur. Quod ideò fit quia flamma non constat tantum tenuissima illa materiâ, quam per aëris poros sparsam diximus, & quæ summæ est fluiditatis, sed crassioribus etiam quæ ex materia combusta, cum sulfureis aut bituminosis particulis elabuntur, & quarum vis aërem undequaque incumbentem disjicit. Ex ergo crassiores particulae, cum vehementissimo flammæ motu comminutæ sunt, hæc illac sparguntur, unde fit ut tandem deficientes aërem non amplius repellant, utque aër pondere suo, & vi elasticâ, quæ in eo multis experimentis deprehenditur, tenuissimam materiam opprimat, atque in poros suos iterum recipiat.

11. Verum aliquod tamen est in materiis, quibus alitur, ignis discrimen, quædam enim, nisi perpetuò igni admoveantur & aliquâ quidem copiâ, extinguuntur; alias ubi semel ignis corripuit, non dimittit donec consumperit. Hæc sunt sulfureæ, nimirum, aut bituminosæ,

nosæ, quæ constant partibus ramosis, & inter se mirum in modum implicitis, quamquam raræ alioqui contexturæ. Cùm semel una ignem concepit, non planè ab aliis divulsa, his motum quo cietur communicat, qui ita per totam massam fertur, dum prorsus consumpta sit. In aliis verò materiis, in quibus nulla est, aut exigua viscositas, partes elapsæ, & separatæ vi ignis cæteras non commovent, nisi materia perpetuò in locum, ubi flamma major est, pellatur. Baculi pars altera uritur, dum altera incolumis remanet. Sed tamen si sit major flamma, majorque proinde materiæ copia, latè vagatur, & quidquid uri potest incendit, quia tum temporis multò major est flammæ vehementia.

12. Vix potuimus explicare quo modo ignis alatur, quin simul obiter ostenderemus quâ ratione exstinguatur, quo fiet ut paucis de exstinctione acturi simus. I. Exstinguitur pabuli conspicui defectu, ut diximus §. 10. II. Exstinguitur aëris inopiâ, ut ex suffocatis cespitum carbonibus, quotidie videmus; quia, nimirum, præter materiam conspicuam quâ alitur, videtur inesse aëri nescio quid sulphureum & nitrosum, quod flammæ etiam & igni subtilius alimentum suppeditat: & quod si deest, crassioribus partibus non sufficientibus vehementissimo illi motui conservando, exstinguatur ignis aut flamma necesse est. Itaque postquàm in vase, in quo prunæ occlusæ sunt diligenter, absumpta est (quod brevè tempore fit) nitrosa illa & sulphurea aëris materia, exstinguuntur prunæ. De ea materia per aërem sparsa, ubi de aëre sermo erit, copiosius agemus. III. Facillimum est intellectu quo pacto aqua effusa, aut pulvis injectus flammam opprimant; quæ cùm sint densiora & graviora aëre, pondere suo tenuissimas particulas ex aëre collectas faciliè dissipant, nisi sit ingens vis ignis.

13. Breviter hîc aliquid de fumo, qui flammam antecedere & sequi solet, dicendam nobis est. Sic ergo creari videtur. Cùm partes materiæ urendæ nondum satis commotæ sunt, ut dissiliant magno cum impetu &

& aërem vicinum disjiciendo condensent, adeò ut a eas fluat ex ejus poris materia tenuissima, & sulphuribus flamma concitetur; sunt tamen eæ partes fac commotæ, ut elabantur aliquâ copiâ, & motu levior factæ superiora petant. Pariter cum extincta est flamma, superest tamen satis motus, ut quamquam aër disjici non potest, particula calore convulsæ pergant fumum instar ascendere. Indidem discimus, cur liquores aquæ ignem non concipiant, sed in vapores abeant, id postea ostendemus.

14. His positis, facile est proprietatum atque effectuum ignis rationes reddere. I. Flamma quæ lignum corripuit vehementissimo motu partes ejus agitans, dividit, ac frangit. Subtiliores, & quæ facilius commui potuerunt, in auras abeunt cum fumo, & vaporibus calidum, quem ad ignem accedentes sentimus, efficiunt. Crassiores verò, & quarum ignis non potest contextum prorsus diffringere, in cineres recidunt, quæ constant particulis admodum porosis, quippe in quibus quidquid exedi potuit absumptum est vi ignis. Atque hinc fit ut multam aquam bibant, quæ poros eorum subit. In cineribus etiam est vis quædam salis, quæ particula salinæ, quæ succis terræ mistæ erant, quibus lignum alebatur cum radicibus terræ affixum esse sunt nimis crassæ, & rigidæ quàm ut exhalari cum aliis queant. Sunt tamen & salia volatilia, ut dicuntur, quæ in aërem cum aliis partibus abeunt, quod ex Chymicis distillationibus constat, dum sal fixum remanet.

15. II. Docuimus quare flamma aëre indigeat, ut & III. quamobrem suffocata intereat. IV. Vidimus quare in fumum & cineres abeant materiæ quæ uruntur. V. Liquores duum sunt generum, alii sunt aquei, hoc est, & tenues & sine ulla viscositate; alii oleosi & pingues, ac viscosi. Aqua & similes liquores lebeti injecti, & flammæ impositi primum vehementius commoveantur, quàm naturâ suâ solent (quamvis omnis fluiditas sit, ut alibi videbimus, cum motu conjuncta) ac effervescent, quo in statu ipsi oculi eos vehementissi-



mè agitari docent. Quod dum fit, fumi, seu vapores perpetui ex liquoribus ascendunt, donec planè exhausti sint, quia partes celerius agitatae sensim ab aliis divelluntur, & divulsae, motuque leviores factae per aërem sparguntur. Sunt flexiliores, quàm ut possint in aëre circumactae eum dispellere, atque ex interstitiis, porisque condensati aëris ambeuntis subtiliorem materiam quàm inflammantur elicere; ideoque flammam concipere nequeant. Sed oleosi, & pingues liquores, cum constant partibus sulfuris & bituminis partibus similes, flexilibus quidem, sed multò aqueis rigidioribus, flammam haud difficulter concipiunt. Haec eorum partes tenuiores, & fragiliores variè attritas & confractas, in aërem motu vehementi concitas spargit; alias verò crassiores, & duriores relinquit, quae multò pauciores sunt, ut in omnibus materiis quae flammam concipiunt.

16. VI. Hic esset exponendum quàm ratione pleraque liquefiant metalla, & Hydrargyrum in exhalationes abeat; sed in *Capite de Metallis*, hac de re agemus. Ibidem ostendemus quàm ab igne absumantur. VII. Postea, etiam de lapidum calcinatione dicemus.

17. Ex his, quae diximus, jam satis colligere posse videtur quae sit ignis natura, unde tot effectus manant. Est, nimirum, materia tenuissima, quae è poris & interstitiis aëris in unum locum majori copiâ cogitur, & aliter particulis variarum materiarum vehementissimè commotis quibus aër disjicitur. Atque hinc fit, ut omnes effectus ignis ex motu pendeant, ut ex superioribus haud agrè intelligi potest.

18. Itaque quando ignem *calidum* dicimus, idem est ac si particulas ejus vehementissimè quaquaversum moveri diceremus, neque calor ignis aliud est, nisi vehementior inconspicuarum particularum quaquaversum agitatio. Verùm, ne fallamur, animadvertendum daphnem esse earum vocum sensum; nam quando de metis corporibus sermo est, hoc tantum significant quod modo diximus. Sed cum loquimur de nobis, qui prae-  
ter

ter corpus Mentem sentientem habemus, calor ut plurimum sensationem quæ Menti inest significat, & nos calere dicimus, ubi sensatione eâ afficimur. Nam quamvis eam sensationem non habeamus, nisi postquam ignis, aut alia causa membra nostra commovit, de eâ commotione cogitare non solemus, quando nos calere affirmamus. Verùm hac de re in Parte V. ubi de Qualitatibus. In eadem etiam Parte de Igne, Elementis in star considerato, agemus. Nunc ad Ignem subterraneum properamus.

19. Plurimos esse apparet ex locis, in quibus erumpunt. “ \* Ardet Ætna noctibus semper, tantoque  
“ avo ignium materia sufficit, nivalis hibernis temporibus,  
“ egestumque cinerem pruinis operiens. Flagrat in Phaselide mons Chimæra, & quidem immortali diebus ac noctibus flammâ. Eadem in Lycia  
“ Hephæstii montes, tadâ flammante tacti, flagrant adeo,  
“ ut lapides quoque rivoꝝ & arenæ in ipsi aquis ardeant.  
“ Baculo si quis ex iis accenso traxerit, fulcos, rivos ignium sequi narrant. Flagrat in Bætris  
“ Cophanti noctibus vertex. Flagrat in Medis Sittacene,  
“ confinio Persidis; Susis quidem ad turrim albam  
“ è quindecim caminis, maximo eorum & laterdiu.  
“ Campus Babylonis flagrat, quadam velut piscinâ,  
“ jugeri magnitudine. Item Æthiopum juxta Hesperium  
“ montem, Stellarum modò, campi noctu nitent.  
“ Similiter in Megalopolitanorum agro, tametsi internus  
“ sit ille, jucundus frondemque densâ supra se nemoris  
“ non adurens. Et juxta gelidum fontem, semper  
“ ardens est Nymphæi crater, hanc procul Apolloniâ.  
“ Augetur imbribus, egeritque bitumen, temperandum  
“ fonte illo ingustabili, alio omni bitumine dilutius.  
“ Sed quis hæc miretur? in medio mari. Hiera Insula  
“ Æolia, juxta Italiam, cum ipso mari, arsit per  
“ aliquot dies, sociali bello. Marimo tamen ardet incendio  
“ Æthiopum jugum, torrentisque Solis ardoribus flam-

\* Plinius Lib. II. c. 106.

“mas egerit. Hæc *Plinius*, quibus addi potest in *Insula Thule*, quam nunc *Islandiam* vocamus, sub frigidissimo Septentrionis coelo, à monte *Heck* & circumjacentibus locis vibrari in egelidum aërem flammæ.

20. Sunt & varii loci è quibus fumi egrediuntur, qui admotâ flammâ accenduntur. Apud *Allobrogas*, aliquot miliaribus ab urbe *Gratianopoli*, clivus est in quo hoc ab invisentibus cernitur, & tanta quidem flamma excutatur, ut ova in ea coqui soleant.

21. Si quærat nunc, unde hi proveniant ignes, facilis est responsio, si in animum revocemus ex plerisque iis locis sulfur aut bitumen peti solere, & teterrimum eorum odorem circumquaque spargi, præsertim cum majus incendium imminet. Itaque jam inventa est incendii materia; videndum quâ ratione ignem concipiat. Hoc autem variis modis fieri potest, quos nos omnes non persequemur, uno contenti. Cum ergo Terra usque adeò diversis materiis constet, facile fit ut quibusdam in locis supersint cavernæ, nullâ materiâ, nisi aëre crassiori & sulphureis aut bituminosis vaporibus plenz. Potest autem contingere ut ex cavernæ fornice decidat silex in inferiorem, & scintillam ex alio silice ipso ictu excitet, quæ aut vaporem incendat, aut etiam sulphureas bituminosasque materias vicinas, quæ ubi semel ignem conceperunt eum diutissime servant, & vicinis similibus corporibus communicant, ac tandem si qua detur porta violentissime flammæ emittant, ut sit in *Ætna*, *Vesuvio*, aliisque locis quos antea indicavimus.

22. Hoc autem non fit ubique perpetuò, eodemque impetu semper, quia absumitur ea materia quibus aluntur incendia, nec donec reparata sit effervesce potest. Opus est etiam tempore, ut per venas sulphuris & bituminis serpat ignis in alias fodinas intactas, & quæ nondum incensæ fuerunt. Varii latices, qui per Terram feruntur modò claudunt, modò aperiunt meatus, aliasque in terra mutationes efficiunt, quibus differuntur, aut accelerantur earum materiarum incendia.

Qui-

Quibusdam è locis ferè semper flammæ emicant, sed potissimum noctu, aut tempore nubiloso, vel ante pluviam; quia interdiu & sereniorè cœlo vapores illi dissipantur, antequàm incensi sint, sed nocte frigidiorè, aut nebulis condensato aëre, condensantur similiter exhalationes, atque flammam faciliùs concipiunt.

23. Quando autem evenit ut in vastis cavernis vapores, aut materia etiam spissior subito magnâ copiâ incenduntur, non potest aër crassus speluncarum tanto impetu undequaque disjici, & pelli, quin fornicem, seu superiorem partem cavernarum subito concutiat, totumque simul superimpositum terræ pondus tremefaciat; quo tempore motum terræ sentimus. Quo autem est profundior fodina, quæ incenditur, & quò major copia materiæ, quæ simul flammam concipit, eò terræ motus vehementior est & latius patet. Ejusmodi fuit quem 18. mensis Septembris, anni MDCXCII. sensitus, qui non modò in Provinciis Belgii, finitimisque locis animadversus est, sed etiam Londini eodem tempore, aliisque Angliæ urbibus. Si verò contingat cavernam esse superficièi Terræ propiorem, erumpunt etiam sæpe ex terra ignes, exsistque inferioribus locis, subsidunt sæpe terræ, & pro magnitudine effratarum cavernarum, hauriuntur magnæ arbores, integræque ædificia. Hoc eodem anno, in Insula *Jamaica* Meridianæ Americæ, non modò concussum est Solum, sed etiam subsidit variis in locis, & domus plurimæ absorptæ sunt.

24. Neque hæc meræ sunt conjecturæ, exemplis, & experimentis destitutæ, magnis enim ardentium montium, quos memoravimus, incendiis, conjunctus semper est Terræ vicinæ aliquis motus. Ante aliquot annos, cùm vehementius exarsisset *Vesuvius*, ingens Terræ motus Neapoli, & in totâ viciniâ fuit. Eo incendio, cui propior factus *Plinius* periit, crebris vastisque tremoribus tellus nutabant, & quasi emota sedibus suis nunc huc, nunc illuc abire, aut referri videbantur, ut narrat sororis ejus filius, qui haud procul aberat.

25. Hæc confirmantur experimento non infrequenti, quo videmus cuniculis sub terram, imò & rupes durissimas actis, & pulvere pyrio impletis, integra disjici propugnacula, & ingentes rupes convelli. Pulvis ille constat potissimum sulphure & nitro, quæ incensa in loco arctiore parietes tanta vi pellunt, ut quævis pondera aut disjiciant, aut concutiant.

## CAPUT IV.

### De Metallis.

1. **M**etalla vocamus ea fossilia, quæ igne cocta liquefiunt, & malleo ductilia sunt: ejusque generis septem potissimum numeramus, *Aurum, Argentum, Æs, Ferrum, Stannum, Plumbum, & Hydrargyrum*; quæ variè misceri, & veluti novas mista conficere possunt metallorum species. Verùm hæcce misturas hoc in loco non expendemus, metalla sola nativa considerasse contenti.

2. Metallis sunt communes quædam proprietates, aliæ singulis peculiares, quarum potissimas paucis exponemus, earumque rationem, quatenus licebit, reddemus. Communes sunt tres; 1. liquefiunt: 2. malleo ducuntur in laminas: 3. graviora sunt aliis corporibus nobis notis. De coloribus non agemus, quia pertinet hoc ad Lib. V. ubi de Coloribus in genere dicemus.

3. I. Liquida corpora sunt quorum partes non resistunt tactui, sed faciliè divelli queunt; atque in perpetuo sunt inter se motu, ut, nisi corporis solidi parietibus contineantur, effluant. Talia autem evadunt metalla, quæ solida cum essent, vi ignis liquefiunt; itaque eorum partes, quæ antea juxta se invicem quiescentes tactui resistebant, ita divelluntur, atque agi-

tan-

tantur vi ignis, ut non amplius resistent, & nisi quid obftet effluant.

4. Hinc jam intelligimus igne hoc pacto liquefieri metalla, nimirum, particulæ ignis metallorum subeuntes poros divellunt eorum particulas, easque variè agitant, quo fit ut impulsæ in quamvis partem diffuant, & nisi quid solidi resistat, hac illac elabuntur. Cum autem partes metallorum sint solidissimæ, & gravissimæ, ægrè ab igne confringuntur, nec satis violentum motum accipiunt ut penitus divulsæ in auras abeant, nisi diutissimè, & maximo igne coquantur. Hæc eadem ratio est, ob quam cessante vi ignis, brevi tempore pristinam soliditatem recuperent, quia desinente fluiditatis causâ, desinit etiam fluiditas. Particulæ metallorum pondere suo in se invicem recidentes, elidunt atque excludunt igneas, nisi novæ perpetuò advenientes metallicas undequaque concutiant, continuis impulsibus.

5. Oportet ergo esse metallis omnibus particulas gravissimas, quæ nec ita vi ignis circumagi queant; ut undique aërem disjiciant, adeoque flammam concipiant; nec ita molles sunt, ut, instar aquearum particularum, possint in vapores faciliè dissipari; unde sequitur ut metalla non incendantur quidem, instar ligni, sed nec absumantur, ut aqua solet, quamquam vi ignis liquefiant instar aquæ.

6. Animadvertendum tamen est, iis inesse oportere aliquas particulas tenuiores, fortè sulfureas, aut similis naturæ, quandoquidem ubi aliquamdiu in igne fuerunt, pondere minuuntur, quamvis aliis aliâ celerius, ut plumbum, quod quotiescunque liquefit multum ponderis sui amittit. Sed etiam gravissimorum, ipsiusque auri, longâ in igne mora intensoque calore massa paulatim minor fit; unde colligere est solidissimas etiam partes diuturno motu tandem confringi, & usque adeò atteri, ut eam aut tenuitatem, aut raritatem acquirant, quæ inest levissimis particulis per aërem volitantibus, ac proinde in vapores abeant.

7. II. Secunda metallorum communis proprietas est ductilitas, quâ malleo tusa in longas bracteas & laminas extenuantur; quâquam est quoque, ut postea videbimus, hac in re inter ea discrimen; aurum enim ductilitate, ut pondere, reliqua omnia superat.

8. Ductilitas ea in re sita est, ut massa, quæ mallei tusione ducitur, in longum & latum extendatur; nec tamen solvatur ejus continuïtas. Itaque quæ ductilia sunt, eorum partes ejusmodi esse oportet, ut facîle ad latera aliarum aliarum, non dissolutâ conjunctione, collocentur. Quærendum ergo est quæ aptissima sit figura, ad hunc edendum effectum, simulque aliarum proprietatum habenda ratio, ne, dum unam explicare nitimur, aliis contrarium quidpiam incauti proferamus.

9. Si metalla constent particulis oblongis & quadrangularibus, quamvis in singulis metallis sit aliquid singulare; videtur illa figura eos præstare posse effectus, quos cernimus metallis omnibus communes. Partes enim ejusmodi facîle possunt ab invicem divelli, ut fluidæ fieri queant, vi ignis vehementioris, quæ tamen si desinat, sunt nimis graves, quàm ut eum motum servare possint, quo sit ut iterum solida metalla evadant. Sed, quod hic potissimum spectamus, partes ejus figuræ malleo tuse possunt facîle ita disponi ut aliis aliarum, pristinâ manente conjunctione, latera applicent, atque in longum & latum diducantur. Hic autem non quærimus quæ sit cohesionis particularum, seu soliditatis causa; eæ de re sumus Lib. V. acturi. Satis est, hoc in negotio, nobis experiëntiâ constet, corpora solida fieri liquida & rursus priorem soliditatem, recuperare; eademque corpora, illasâ soliditate, malleo diduci.

10. Igitur conjicere possumus, metallis esse particulas quadrangulas & oblongas; quod etiam experimento confirmatur. Si lamina metalli candefacta fuerit, deinde in incude percussa, & juxta longitudinem suam ducta, difficilius juxta eandem longitudinem frangitur, aut



aut finditur, quàm in aliam partem; quod aliunde ostendi non videtur, quàm ex eo quod partes oblongæ, quæ longiores sunt, juxta longitudinem laminæ sunt duriores, adeoque eâ ratione conjunctiores. In laminis vero metallicis, quæ non sunt malleo percussæ, contrarium animadvertitur, quaquaversum enim æquè facile finduntur, aut franguntur.

11. III. Cum videamus metalla esse gravissima corporum nobis notorum, & gravitas, ut experientia constat, eò major sit, quò major homogeneæ materiæ copia sub minori circumferentia comprehensa; metallis propria gravitas ex horum alterutro oriri videtur. Aut particula singula in se spectata compactissima sunt, nec poros habent, nisi summæ tenuitatis; aut in massa pluribus particulis constante, pauci & tenui sunt, inter ipsas particulas, pori. Potest etiam fieri, ut utrumque simul, in metallis, concurrat. Atque hoc etiam facit quod diximus de figura particularum, quibus metalla constant. Nulla enim figura, eâ quam diximus, aptior est ad compactum corpus efficiendum, minoresque poros relinquendos, quadrangula.

12. Expositis iis, quæ ad metallorum communem naturam pertinent, singula lustrabimus, & ab *Auro* quidem initium faciemus. Fulvi est coloris, omnium gravissimum, omnium maximè ductile, & minimè omnium igne coctum absumitur. Nec interea metallorum est durissimum, quamvis sit compactissimum; nam ferrum multò durius est, & liquefactu difficilior.

13. " Aurum \* invenitur tribus modis, fluminum  
" ramentis, ut in Tago Hispaniæ, Pado Italiæ, Hebro  
" Thraciæ, Pactolo Asiæ, Gange Indiæ. Nec ullum  
" absolutius aurum, ut cursu ipso, tritumque perpositum.  
" Alio modo puteorum scrobibus effoditur,  
" ut in ruina montium. Aurum qui quærunt ante  
" omnia segulum tollunt; ita vocant indicium. Al  
" veus hic est, arenaque lavantur, atque ex eo quod  
" re-

\* Ex Plinii Lib. xxxi. Cap. 4.

“resedit conjectura capitur. Invenitur a<sup>o</sup> quando in  
 “summa tellure protinus, rarâ felicitate, ut nuper in  
 “Dalmatia, principatu Neronis, singulis dictus etiam  
 “quingenas libras fundens. Gummi inventum est  
 “in summo cespite alutatum, si & auro ea tellus sub-  
 “est. Cæterò montes Hispaniæ, aridi, sterilesque, &  
 “in quibus aliud nihil gignatur, huic bono coguntur  
 “fertiles esse. Quod puteis foditur canalicium vo-  
 “cant, alii canalienfe; marmoris glareæ inhærens,  
 “non illo modo quo in Oriente Sapphiro, atque The-  
 “baico, aliisque in gemmis scintillat, sed micæ am-  
 “plexum marmoris. Vagantur hi venarum canales  
 “per latera puteorum, & huc illuc, inde nomine in-  
 “vento; tellusque ligneis columnis suspenditur.  
 “Quod effossum est tunditur, lavatur, uritur, moli-  
 “tur in farinam, ac pilis cudunt. Vocant argentum  
 “quod exit à fornace, sudo isque qui è camino jacta-  
 “tur spurcitia, in omni metallo scoria appellatur. Hæc  
 “in auro tunditur, iterumque coquitur. Catini fiunt  
 “ex tasconio; hoc est, terra alba simili argillæ. Ne-  
 “que enim alia afflatum, ignemque & ardentem ma-  
 “teriam tolerat.

14. “Tertia ratio opera vicerit Gigantum. Cuni-  
 “culis per magna spatia actis cavantur montes, ad lu-  
 “cernarum lumina, &c. Relinquuntur itaque forni-  
 “ces montibus sustinendis. Occursant in utroque ge-  
 “nere filices. Hos igni & aceto rumpunt. Sæpius  
 “verò, quoniam in cuniculis vapor & fumus strangu-  
 “lat, cadunt fracturis c. l. libras ferè agentibus,  
 “egeruntque humeris, noctibus ac diebus, per tene-  
 “bras proximis tradentes, lucem novissimi cernunt.  
 “Si longior videtur flix, latus sequitur fossa, ambit-  
 “que. Tamen in filice facilior existimatur opera.  
 “Est namque terra ex quodam argillæ genere glareæ  
 “mista (candidam vocant) prope inexpugnabilis. Cu-  
 “neis eam ferreis aggrediuntur, & iisdem malleis, ni-  
 “hilque durius putant, nisi quod inter omnia auri fa-  
 “mes durissima est. Peraçto opere cervices fornicum

“ ab ultimo cædunt. Dat signum ruina, eamque so-  
 “ lus intelligit, in cacumine montes ejus pervigil. Hic  
 “ voce ictûve evocari jubet operas, paritèrque ipse de-  
 “ volat. Mons fractus cadit ab sese longè, fragore,  
 “ qui concipi humanâ mente non possit, & flatu in-  
 “ credibili. Spectant victores ruinam naturæ, nec  
 “ tamen adhuc aurum est, nec sciare esse, cùm fodere.  
 15. “ Alius par labor, & vel majoris impendii,  
 “ flumina ad lavandam hanc ruinam jugis montium  
 “ ducere obiter, à centesimo plerumque lapide. Cor-  
 “ rugos vocant, à corrivatione, credo, nimirum, &  
 “ hic labor est. Præcepisse libramentum oportet, ut  
 “ furat is quâ influat; itaque altissimis partibus duci-  
 “ tur. Convalles & intervalla substructis canalibus jun-  
 “ guntur. Alibi rupes inviæ cæduntur, sedemque tra-  
 “ bibus cavatæ præbere coguntur, &c. Ad capita de-  
 “ jectâs, in superciliis montium piscinæ cavantur de-  
 “ centos pedes in quascunque partes, & in altitudinem  
 “ denos. Emissaria in his quina, pedum quadrato-  
 “ rum ternum ferè linquantur & repleto stagno, cu-  
 “ cussis obturamentis, erumpit torrens, tantâ vi, ut  
 “ saxa provolvat.

16. “ Alius etiamnum in plano labor. Fossæ per  
 “ quas profluat cavantur, agogas vocant, eæ sternu-  
 “ tur gradatim ulice. Frutex est roris marini similis,  
 “ asper, aurumque retinens. Latera clauduntur tabe-  
 “ lis, ac per prærupta suspenduntur, canali ita pro-  
 “ fluente de terra in mare. His de causis jam promo-  
 “ vit Hispania. In priore genere (cùm ex puteis ha-  
 “ ritur) quæ exhauriuntur immenso labore, ne occu-  
 “ pent puteos, in hoc rigantur. Aurum arrugiâ que-  
 “ situm non coquitur, sed statim sium est. Invenim-  
 “ tur ita massæ (ut in *Potosianis America Meridionalis*  
 “ *montibus*) nec non in puteis denas excedentes libras.  
 “ Palacrâs Hispani, alii Palacranas, iidem quod minu-  
 “ tum est Baluceem vocant. Ulex ficcatus uritur, & cinis  
 “ ejus lavatur substrato cespite herboso, ut fidat aurum.  
 17. Sic aurum effoditur, effossumque igne scoris  
 pur.

purgatur. Priusquàm de intima ejus natura agamus, de ductilitate ex \* *Jacobo Rohalto*, quod experièntià constat addemus. Gravitas molium æqualium auri & aquæ sunt inter se ut 19 ad 1; adeò ut cùm pes aquæ cubicus 71 libras pondere æquet, sequatur pedem cubicum auri pendere 1349 libras, aut 21584 uncias. Pes autem cubicus complectitur 2985984 lineas cubicas; ac proinde uncia auri continet lineas cubicas  $138\frac{7392}{1384}$ . Itaque si uncia auri in formam cubicam cudatur, alta erit lineis  $5\frac{1}{7}$  & basis ejus erit 26 linearum quadratarum &  $\frac{22}{49}$ .

18. Hoc posito, tenendum est Auri-procutores ex uncia auri efficere 2730 folia quadrata perfecta quorum singula latera sunt digitorum 2, linearum 10. Sed præter hæc folia, sunt quæ ex iis refecantur, quæ ferè dimidiam partem conficiunt. Singulorum foliorum superficies complectitur 1156 lineas quadratas, adeò ut omnia folia ordine sibi invicem applicata lateribus conficiant superficiem 3155880 linearum quadratarum. Ad quod si accedat vel tertia pars, quæ ad minimum in segmenta abit, colligemus hinc Auri-procutores ex uncia auri efficere 4207840 lineas quadratas. Quandoquidem autem is numerus continet 159812 vicibus quantitatem basis cubi aurei uncialis, cubus ille qui, ut dictum, est altus lineas  $5\frac{1}{7}$  extenditur in 159812 plagulas quadratas.

19. Jam hinc summa auri ductilitas apparet, verùm multo magis elucet ex eo quod fit ab Auri-protractoribus. Argenteus cylindrus duos pedes, octo digitos longus, & cujus circuitus est digitorum duorum, linearum novem, adeò ut ejus cylindrica superficies sit linearum quadratarum 12676; ejusmodi, inquam, cylindrus integitur foliis aureis, quæ omnia semiunciam pondere æquant. Postea is cylindrus per chalybea foramina paulatim in filum tenuius ac tenuius ducitur. Ex tenuissimis quæ fieri soleant filis, si centum quin-

E 2

qua-

\* *Physicæ Part 1. c. ix. §. 10. & seqq.*

quaginta pedes Parisini ponderentur, ad 36 granorum pondus accedit quàm proximè. Itaque integer cylindrus debuit duci in filum longum pedes 370200; unde sequitur ut longior quàm erat factus 115200 vicibus; ac proinde ejus superficies 340 vicibus quàm antea major sit. Adde quòd, tenuissimum illud filum in laminam procusum, ut eo sericum tegatur, augeatur superficie, quæ eo pacto sit duplo major, ac proinde 680 vicibus amplius pateat quàm initio, contineatque 8616960 lineas quadratas.

20. Cùm autem filum illud argenteum ita est in laminam procusum, deaurata etiamnum est ejus superficies; adeoque sola semiuncia aurea, quâ cylindrus testus initio fuit, tantæ tenuitatis evasit, ut ejus superficies sit 8616960 linearum quadratarum. Et cùm ea amplitudo contineat 325795 viginti sex lineas &  $\frac{22}{3}$  quâ patet basis cubi aurei uncialis; sequitur ut crassities auri, quo lamina argentea testa est, sit tandem 325795 pars dimidia altitudinis uncia cubicæ auri; adeoque lineæ 5, ductæ sint in 651590 partes æquales.

21. His circa aurum expositis, solet de eo, ut & aliis metallis quæri, an generetur etiamnum hodie in terræ visceribus? & quâ ratione generetur? Quibus quæstionibus ut satisfieri posset, plura nota esse oporteret, quàm hæcenus fuere. Sciendum primò esset, an postquam aurum est ex quopiam puteo, exempli causâ, sublatum, adeò ut exhaustus planè videatur, aliquanto post tempore, denuò novum eodem in loco inveniatur, refosso puteo. Quod nobis non constat, & quod si fiat, majorem fortè annorum numerum requirit, quàm ut certum ejus rei ab hominibus experimentum sumi queat. Fortè etiam quidquid est auri, & aliorum metallorum ab initio rerum, unà cum Terra, genitum est, neque ampliùs ullum gignitur. Secundò, si aurum aliâque nunc quoque in terræ visceribus generentur metalla, ut possemus conjicere ex quibus rebus con-

cre-

crescant oporteret diligentissime fodinas è quibus eruuntur lustrare, & omnia quæ iis admista sunt, aut vicina, variis experimentis ad examen revocare; unde fortasse tandem, post longum laborem, veluti elementa invenirentur metallorum, quorum mixturâ ope caloris subterranei consententur. Fortè etiam post diuturnam investigationem, serò nos oleum & operam perdidisse agnosceremus.

22. Hoc in loco, obiter attingenda etiam iis quæ diximus affinis quæstio, an arte humanâ argentum, aut alia metalla in aurum, vel æs in argentum mutari queant; Multæ narrantur historię, quibus creduli homines decepti à se quoque eam transmutationem inveniri posse credentes, opes suas absumpserunt; & pro auro, quod quærebant frustra, paupertatē invenerunt. Sed cum ejusmodi historię, quibus varii dicuntur aurum ex aliis metallis conflasse, incertissimæ sint, inde ullum ducere confectarium, nemo sapientior sustinuerit. Non videmus quidem ullam contradictionem, quæ aurum fieri ex argento repugnet; sed cum eorum formatio atque intima natura ignotæ sint, nihil ea de re definire possumus. Fortè prorsus impossibile est, fortè ita difficile, ut humanam omnem industriam superet; sed hoc certum est, propter rem usque adedò dubiam, sumptus non posse nisi stultè fieri.

23. Ex summa ductilitate auri possumus hoc colligere, partes quibus constat, magis quàm aliorum metallorum particulas, ad perfectam Parallelogrammi Rectanguli figuram accedere. Sic enim fieri potest, ut ex partes ad latera aliarum aliarum, sine continuitatis pristinae solutione possint pelli, & in tenuitatis summæ bractæas duci. Hinc quoque fit, ut metallis aliis gravius sit, quia quò est perfectior ejusmodi figura, in partibus quibus massa quæpiam constat, eò facilius inter se conjunguntur, & compactius corpus conficiunt, adeoque heterogeneam materiam excludunt. Fortè & particulae ipsæ auri in se minores poros habent, quo augetur gravitas, ut diximus §. II. unde fit ut igne difficulter minuat.



24. Prætermitti non debet hic discrimen, quod, inter aurum & alia metalla, experimento alio deprehenditur. Sant aquæ acidissimæ, & quæ corrodendi facultatem habent, quarum altera *fortis*, altera *regalis*, dicitur. Hæc est vehementior, illa verò minus. Constat autem aqua forti reliqua dissolvi metalla, aurum verò solâ regali absumitur. Quod idè fieri videtur, quod particula nitrosa, & vitrioli, quæ insunt regali aquæ, acutiores sint & tenuiores iis quæ sunt in forti, & tenuissimos antri poros subire partesque ejus, quas cuneorum instar divellunt, separare proinde solâ possint, dum crassiores frustra circa superficiem auri feruntur, nec continuitatem ejus solvere possunt, quia ejus poros subire nequeunt.

25. *Argentum* auro proximum est ductilitate, pondere & facultate resistendi vi ignis, sed albi coloris est. De colore hic non dicemus, neque est quod circa reliqua observemus, nisi quod videatur particulis constare ad figuram aurearum maxime accedentibus, quandoquidem proprietatibus ad eum quam proximè accedit. Quo fit ut facillè auro liquefactione misceri queat, imò verò omni auro insit vario pondere, alibi densa, alibi nona, alibi octava parte, si \* *Plinio* credimus.

26. Nonnisi in puteis, ut idem auctor est, reperitur; nullaque sui spe nascitur, nullis, ut in auro, lucentibus scintillis. Terra est alia rufa, alla cinerea. Excoqui non potest, nisi cum plumbo nigro, aut cum vena plumbi. Galenam vocant, quæ juxta argenti venas plerumque reperitur. Et eodem opere ignium descendit pars in plumbum, argentum autem superne innatat, ut oleum aquis. Reperitur in omnibus pene provinciis, sed in Hispania pulcherrimum, id quoque in sterili solo, atque etiam in montibus, & ubicunque una inventa est vena, non procul invenitur alia. Hoc quidem & in omni fere materia; unde metalla (*quasi per anna post alia*) Græci videntur dixisse, &c. Argenti vena, quæ in summo



“mo reperta est, crudaria appellatur. Finis Antiquis  
“fodiendi solebat esse alumen inventum; ultra nihil  
“quærebatur. Nuper inventa aris vena, infra alumen  
“alba, finem spei fecit.

27. Sic invenitur argentum, quod non aliter purgari  
solet, quàm aurum, ut ex Plinio antea diximus. Aiunt  
Hispanos in America sic factitare solere. Primum om-  
nem materiam, quam ex fodinis eruunt, in mortario  
comminuunt, deinde aquam affundunt, quâ veluti  
massa argillacea confletur. Deinde injecto sale & hy-  
drargyro, iterum ea tundunt sat diu, & aquâ diligen-  
ter abluunt, ut omnes luteæ partes eluantur. Quod su-  
perest est instar massæ mollis, auro, argento & hydrargyro  
mixtæ; quæ in catinum injecta, ope modici ignis, hy-  
drargyro in auras abeunte, purgatur, & veluti in ci-  
neres redigitur, ex quibus vehementiori igne liquefa-  
ctis conflantur laminæ.

28. Diximus suprâ aquâ regali solâ dissolvi aurum,  
cùm aqua fortis reliqua omnia dissolvat. Sed præterea  
observandum aquæ regalis in alia metalla nullam esse  
vim, cujus rei causa quæritur. Observandum ante  
omnia aquam fortem fieri vulgò, distillatione vitrioli,  
aluminis & nitri; aquam verò regalem sale ammonia-  
co præterea constare. Hinc fit ut mixture tot salium  
aquæ regalis partes tenuiores fiant, aptæque ad tenuis-  
simos poros subeundos, tenuissimæque partes divellen-  
das, inter quas cuneorum instar liquoris in quo natant  
motu aguntur; quando verò laxiores poros subeunt ni-  
hil efficiant, quemadmodum cuneorum, ad res con-  
iunctas separandas, nulla vis est, nisi agantur in angu-  
stiores fissuras. Cùm ergo auri pori sint metallicorum  
pororum tenuissimi, solas aquæ regalis particulas ad-  
mittunt, cùm eas subire nequeant partes crassiores  
aquæ fortis. Verùm eadem aquæ regalis partes sunt  
subtiliores, quàm ut latera pororum aliorum metallo-  
rum vi dimovere queant; opus iis est crassioribus aquæ  
fortis partibus, quibus implentur & dilatantur pori pa-  
tentiore.

29. *Æs* ab argento differt, quemadmodum argentum ab auro, ideòque huic negotio immorari nos non opus est. “Vena”, ut auctor est Plinius, eodem quo argentum modo effoditur, ignique perficitur. “Fit & è lapide aroso, quem vocant cadmiam; & ex alio lapide quem chalciten vocant, in Cyprio, ubi prima fuit æris inventio; mox vilitas præcipua, repto in aliis terris præstantiore, maximè aurichalco, quod præcipuam admirationem, bonitatemque diu obtinuit.

30. *Ferrum* memoratis metallis multò durius est, minus ductile, & scoriis plenius. Præterea ferruginem facilè situ, aut humido cœlo contrahit, quod non tam facilè in ære, difficilius in argento, minimè in auro animadvertitur. Experientiâ etiam constat, arte quadam, ferrum multò durius fieri. Postquam enim in liquefactione accuratè purgatum scoriis fuit, lamina ferrea inde procussa in ignem conjiciuntur, donec candeant, candentesque in aquam frigidam conjiciuntur, ac frigefactæ duriores sunt, quàm antea. Si verò eam duritiem laminæ ferreae eripere velis, iterum in ignem conjicienda est, & candens extrahenda, exponendâque aëri duntaxat, ut paulatim frigeat.

31. Si harum proprietatum investigemus causas, non inepte conicere videbimur, 1. partes ferri magis recedere à parallelogrammi rectanguli figura, quàm cæterorum metallorum particulas, asperioresque multò esse, unde fiat ut inter se magis implicitæ sint, difficiliusque proinde dividantur, & liquefiant: 2. eas partes rigidiores esse, cujus rei causam hîc non quaeremus, nam de flexilitate, & rigore Lib. V. agemus; atque indidem fieri, ut difficilius ducantur malleo, atque haud difficulter frangantur: 3. ferrum constare particulis heterogeneis, unde fit ut, quotiescunque liquefit, ingentem scoriarum copiam ejiciat. Eadem de ratione tam facilè rubiginem, quæ propriè *ferrugo* dicitur, contrahit, aëris enim humor & nitrosæ, quæ in

eo volitant particulae, ejus superficiei scabrae adhaerentes varias materias quibus ferrum constat diluant, atque agitant, unde fit ut à se invicem divulsae, lanuginis instar, superficiei ferri adhaereant. Hinc qui id à ferrugine vindicare volunt, cerussa, gypso & liquidâ pice incrustare solent, quae aëris vim non metuant: 4. ignem, in quem ferrum conjicitur, dum id candescit, particulas ejus vehementer agitare, ut sint liquiditati proximae; quo fit ut crassiores & figurarum irregularium particulae, quae antea inaequales & majores inter se relinquebant poros, ad se invicem magis, rigore amisso, accedant, minoresque meatus superint; quo in statu, si in frigidam aquam conjiciantur, motu subito amisso, quiescunt, unde tota massa compactior & durior fit. Ferrum autem probe purgatum, & induratum *Chalybs* solet vocari.

32. Præter id, quod modò de ferrugine diximus, observandum æruginem, atque argenti rubiginem non esse ejusdem coloris, sed aut viridis, aut cœrulei, qui & saepe miscentur. Ærugo multò majori adnascitur copiâ aëri, quàm argento rubigo, quod hujus porum minores sint, partesque solidiores, & fortè puriores. Auro nulla est, quia soliditate suâ, & pororum tenuitate, omnem alienam materiam respuit. Attamen aurum & argentum teneriora sunt ferro, quòd ferro lapidosa videatur inesse materia, quae rigidior est, partesque scabrae magis sibi invicem adhaereant, quàm laxiores, quamquam hæc compactius corpus efficiunt, modò commoda sit earum figura, quales auri & argenti particulas esse diximus.

“ 23. Sequitur \* natura *plumbi*, cujus duo genera, “ nigrum, atque candidum. Pretiosissimum candidum, “ à Græcis appellatum *κασσίτην* (à Latinis stannum) “ fabulosæque narratum in insulas Atlantici maris peti, “ vitilibusque navigiis circumfusus corio advehi. (*Anglia & insula vicina *κασσίτης* videntur dicta, nec ulla erat hac in re fabula*) Nunc certum est in Lusitania.

E. 5.

“ gignit

\*Plinius Lib. xxxiv. c. 16.

gigni & in Gallacia, summâ tellure arenosâ, & coloris nigri. Pondere tantum ea deprehenditur. Interveniunt & minuti calculi, maxime torrentibus siccatis. Lavant eas arenas metallici, & quod subsedit coquunt in fornacibus. Invenitur & in aurariis metallis, quæ aluta vocant, aqua immisâ eluente calculos nigros paulum candore variatos, quibus eadem gravitas quæ auro, & ideo in calathis in quibus aurum colligitur, remanent cum eo. Postea caminis separantur, conflatique in album plumbum resolvuntur. Non fit in Gallacia nigrum, cum vicina Cantabria nigro tantum abundet, nec ex albo argentum, cum fiat ex nigro.

34. Plumbi nigri origo duplex est, aut enim suâ provenit venâ, nec quidquam aliud ex se parit, aut cum argento nascitur mistisque venis conflatur. Ejus qui primus fluit in fornacibus liquor, stannum appellatur, qui secundus argentum, quod remansit in fornacibus galena, quæ est tertia portio additæ venæ. Hæc rursus conflata dat nigrum plumbum, deductis partibus duabus.

35. Hic videmus *plumbum* & *stannum*, quasi unam metalli speciem, habita; nec est inter ea aliud discrimen, nisi quod stannum purgatius sit, & durius, ac levius; plumbum verò sulfureâ, aut aliâ materiâ fossili mistum, molliusque ac gravius. 1. Gravius autem videtur esse plumbum, quod metallicæ materiæ pori, heterogeneâ illâ & tenuiori materiâ sint pleni; cum in stanno prorsus pateant, seu aëre, aut subtiliore materiâ sint occupati. 2. Mollius est, quod particule ejus metallicæ flexiliores, & multe sint aliæ flexiles admodum, quales sunt sulphureæ, aut similes. Atque hinc fit, ut facilis liqueat quàm stannum, & multò magis liquefactione minuatur, cum propter partes quæ in auras abeunt, tum etiam propter Scorias. 3. Vel ex quorlis copiosissimis, quàm sit mista plumbea massa satis liquet, idemque ex rubigine quam contrahit, colligere est.

36. Superest *Hydrargyrum*, sive, *Argentum vivum*, quod quædam similia metallis habet; alia dissimilia. Differt in eo quod est liquidum, & igni impositum facile in vapores abit. Convenit in eo quod plumbo admisto, aliisque artibus solidum fit, & ductile; tum etiam omnium liquorum gravissimus est. Quarum rerum causis investigabimus, postquam quomodo in fodinis inveniatur; aut quâ arte fiat ex Plinio dixerimus.

37. Est \* lapis in argenti venis, cujus vomica liquoris æterni argentum vivum appellatur, venenum rerum omnium. Exest ac perrumpit vasa, permansans tunc dirâ. Omnia ei innatant, præter aurum. id unum ad se trahit. Ideo & optimè purgat, cæteras ejus sordes expuens crebro jactatu fictilibus in vasis. Sed ut ipsum ab auro discedat, in pelles subactas effunditur, per quas sudoris vice defluens, purum relinquit aurum.

38. Præter minium nativum, quod in argentariis fodinis invenitur, est alterum genus, † quod fit exusto lapide venis permisto, non ex illo cujus argentum vivum vomicam appellavimus (is enim & ipse in argentum excoquitur) sed ex aliis simul repertis. \* Et hoc autem secundario minio, invenit vita & Hydrargyrum, in vicem Argenti vivi (ea hic confundimus, sed *Argentum vivum* propriè dicebatur nativum). Fit autem duobus modis, æreis mortariis, pistillisque trito minio ex aceto, aut patinis fictilibus impositum, ferreâ conchâ, calice coopertum, argillâ superillatâ; dein sub patinis accenso foliis continuo igni, atque ita calicis sudore deterso, qui fit argenti colore & aquæ liquore.

39. Jam si earum omnium rerum rationes exquisantur, nihil præter conjecturas afferri potest, sed quæ, modò positis principiis consentaneæ sint, sperni omnino non debent; quamquam, ut evidentibus assensum ne præbeamus cavendum est. Igitur I. liquidum

\* Plinius Lib. XXXIII. c. 6. † Ibid. Cap. 7. \* Ibid. Cap. 8.

dum esse videtur hydrargyrum, quia ejus particulae magis recedunt à Parallelogrammi Rectanguli figura, quam aliorum metallorum particulae, & fortè sunt cylindrorum instar. Anguli qui insunt particulis quadratis, obstant quominus corpora, quæ iis constant, fluida sint; sed si abrais angulis particulae illæ cylindricæ fiant, aut ad cylindricam figuram accedant, multò est corpus illud fluiditati aptius. Si ad hoc accedat summus superficiei in particulis illis labor, qui potest esse in Hydrargyri particulis, non parum ad liquiditatem conducit; ut jam alias liquiditatis causas omittamus.

40. II. Difficile est conceptu, cum summæ sit gravitatis Hydrargyrum, quâ ratione tam facilè, vel modico igne, ejus partes in auras agantur. Sed primum, si nulli non modò rami, sed ne anguli quidem iis sint, quibus impediuntur, faciliùs quàm cæterorum metallorum particulas, divelli eas à se invicem necesse est. Deinde potest fieri ut parvi illi cylindri constant particulis tenuioribus, quæ junctæ quidem dum sunt, cylindros sat compactos faciunt, sed propter summum laborem haud difficulter divelluntur; unde fit ut Hydrargyrum non modò vi ignis in vapores agatur, sed etiam illi vapores, si clauso vase excipiantur, candidi pulveris instar fiant; quo mutatas esse particularum figuras constat. Sic videmus ex aquæ vaporibus concretis, nivem fieri.

41. III. Hydrargyrum tamen, plumbo admisto, ex liquido solidum fit, & ductile evadit, quia molliores plumbi particulae cylindricas & solidas Hydrargyri partes complexæ, impediunt ne ut antea fluere possint; & cum sint ductiles, efficiunt ut tota massa iis & Hydrargyro constans ductilis evadat; quamquam ea non est ejus ductilitas, quæ est aliorum metallorum. Atque hinc fit ut si plumbeis veluti compedibus liberetur Hydrargyrum, quod variis artibus fit, pristinam recuperet fluiditatem.

42. IV. Gravissimum est Hydrargyrum, quia partes, quibus ejus cylindri constant, adeò aptè inter se coagmen-



mentantur, ut nulla relinquant interstitia, adeoque solidissimas consent massas. Fortè sunt orbiculares & utrimque planæ, adeo ut planis lateribus artissime conjungi queant. Ita autem conjunctæ particulæ solidissimum & gravissimum efficere possunt cylindrum; simulque summam ei fluiditatem conciliare, etiam si seorsim sat leves sint, ut in auras abeant. Exemplo ut crassiore rem exponamus, si ex Tabula lusoria *Domina*, ut nunc vocamus, sumas, easque quæ planæ sunt jungas, Cylindrum satis gravem efficies, cum singulæ *Dominae* graves admodum non sint. Idem Cylindrus facillimè volvetur in plano, dum unâ conjunctæ eo pacto manebunt *Domina*, si verò eas divellas & vario situ colloques, percunte Cylindro, perit potissima *Dominarum* volubilitas. Rem quidem ita se habere in Hydrargyro, quasi comperta esset, absit ut affirmemus! Sed hoc, aut simili modo non incommodè effectus, qui ab eo eduntur, posse edi nemo non fateatur.

43. V. In fodinis invenitur Hydrargyrum purum & liquidum, aut mistum & solidioribus aliorum corporum particulis impeditum; ut alia metalla mista & pura occurrunt. Ex Lapide per tubos fluit, unde vomitum æterni liquoris appellat Plinius, hoc est, liquorem qui nunquam conrescit, & ex lapide veluti evomitur.

44. VI. Perrumpit vasa, quæ, nimirum, rima aliquâ hiant, aut porosa nimium sunt; quia lavibus cylindris, hisdemque gravissimis aut per rimas fluit, aut perrumpit pondere suo tenuiora texta, unde fit ut per poros pellis facillè transeat.

45. VII. Omnia ei innatant, propter ejus gravitatem; sed aurum ad se trahit, quia mobilibus cylindris auri superficiem terens, ejus partes quadrangulas & oblongas movet, divulsasque motu poris excipit commodissimè. Cylindri enim inter se poros relinquunt aptissimos, ad Parallelogramma rectangula solida excipienda. Sed cum satis magna auri copia in Argentum



vivum injecta est, ut impleantur omnes ejus por-  
tunc fluiditate amissâ, massam cum auro mollior  
conficit, quemadmodum & cum plumbo conjun-  
gitur.

46. VIII. In pelles subactas cum auro effusum per ea  
sudoris vice defluit, puro relicto auro, quia læves cylindri  
facile per pellium poros transeunt, quos Parallelogram-  
ma rectangula, propter angulos permeare non pos-  
sunt.

47. IX. Ex secundo minio inventa est ars faciendi  
Hydrargyri, quia minium illud aut eo metallo turgi-  
dum est, quod arte memoratâ ex terrestribus minii par-  
tibus evolvitur; aut constat, magna ex parte, orbicu-  
lis quibus cylindros Hydrargyri conflatos esse diximus,  
qui ope ignis in vapores eveci ad se invicem accedunt,  
& in cylindros componuntur. Hinc etiam ex Hydrar-  
gyro puro, vehementioris ignis operâ, adhibitaque  
arte requisitâ, quotidie fit minium; resolutis, mini-  
rum, cylindris, orbiculisque partim confractis, partim  
aliter inter se collocatis; unde fit ut lumen aliter à su-  
perficie Hydrargyri & minii colligatur, atque ad ocu-  
los nostros reflectatur; quæ est variorum colorum  
causa, quam hic fusiùs exponere non aggredie-  
mur.

48. Atque hæc de metallis hætenus, quibus mul-  
tùm abest ut acquiescere eos oporteat, qui eorum na-  
turam penitus cognoscere vult. Nos vulgè notissimam  
obiter attigisse, in hoc Compendio, satis habuimus;  
sed plurima alia in Chymicorum scriptis, iisque qui  
datâ operâ de iis scripserunt legi poterunt. Conjectu-  
ram etiam protulimus, quâ propositum Ænigma haud  
incommodè resolvi posse visum est; aliorum inventis,  
si quid melius occurrat, uti parati; hic enim, si usquam  
alibi, locus est senario Græci Poëtæ:

Μάντις ἀεὶς ὅς τις εἰσιζει καλῶς.

## CAPUT V.

*De Fossilibus, quæ vi ignis in calcem rediguntur.*

1. **F**ossilia tertii generis nobis sunt nunc expendenda; ea autem hanc in classem coniecimus, quæ neque inflammantur, saltem qualia in terræ visceribus inveniuntur, neque malleo ductilia sunt, aut igne liquefiunt; sed fragilia & dura in pulverem comminuuntur, & ab igne in calcem rediguntur. Hæc autem rursus in duas classes redigi possunt. Sunt, nimirum, salia variarum specierum, aut fossilia saltem multum ex Salium naturâ trahentia: & quæ nullam cum sale affinitatem habent, quorum è notissimis aliquot feligemus.

2. *Salia* vocamus omnia fossilia, in quibus salsus, aut acris deprehenditur sapor, quanquam diversus; & primum quidem est Sal propriè dictus, \* “qui aut fit  
“ aut gignitur, utrumque pluribus modis, sed causâ  
“ geminâ, coacto humore aut siccato, Siccator in  
“ lacu Tarentino æstivis Solibus, totumque stagnum in  
“ salem abit; modicum alioqui, altitudine genua non  
“ excedens. Item in Sicilia, in Lacu, qui Cocanicus  
“ vocatur, & alio juxta Gelam. Horum extremita-  
“ tes tantum inarescunt, sicut in Phrygia, Cappado-  
“ cia, Aspendi, ubi largius coquitur & usque ad me-  
“ dium lacum. Aliud etiam in eo mirabile, quod tan-  
“ tumdem nocte subvenit, quantum die auferas. Om-  
“ nis est talis sal minutus, atque non gleba est. Aliud  
“ genus ex aquis marinis sponte gignitur, spumâ in  
“ extremis littoribus ac scopulis relictâ. Alia simi-  
“ lia

\* Plinius Lib. xxxi. c. 7.

“ lia sunt salium genera ex aquis sponte provenien-  
 “ tia.

3. “ Sunt & montes nativi salis, ut in Indis Oromas-  
 “ nus, in quo lapicidinarum modo cæditur ren-  
 “ cens. Effoditur è terra, ut palam est, humores  
 “ densato, in Cappadocia. Ibi quidem cæditur specu-  
 “ larium lapidum modo. Pondus magnum glebis  
 “ quas micas vulgus appellat. Gerrhis Arabiæ oppi-  
 “ do, muros domosque massis salis faciunt, aqua fer-  
 “ ruginantes. Invenit & juxta Pelusium Ptolemæus  
 “ Rex, cum castra faceret. Quo exemplo, postea in-  
 “ ter Ægyptum & Arabiam, etiam squalentibus locis  
 “ cœptus est inveniri, detractis arenis; qualiter & per  
 “ Africæ sitientia, usque ad Hammonis oraculum  
 “ Nam Cyrenaïci tractus nobilitantur *Ammoniacæ* si-  
 “ ipso, quia sub arenis inveniatur, appellato. Similis  
 “ est colore Alumini, quod Schiston vocant, longis  
 “ glebis, neque perlucidis, ingratus sapore sed Medi-  
 “ cinæ utilis, &c. In Hispania quoque citeriore, Ege-  
 “ lastæ cæditur, glebis pænè translucentibus, cui jam  
 “ pridem palma à plerisque Medicis, inter omnia salis  
 “ genera, perhibetur. Omnis locus in quo reperitur  
 “ sal, sterilis est, nihilque gignit; & in totum sponte  
 “ nascens intra hæc est.

4. “ Factitii varia genera. Vulgaris, plurimûsque  
 “ in salinis, mari adfuso, non sine aquæ dulcis riguis,  
 “ sed imbre maximè juvante, ac super omnia sole  
 “ multo, non aliter inarescens. Africa circa Uticam  
 “ construit acervos salis ad collium speciem; qui ubi  
 “ Sole, Lunæque induruerunt, nullo humore liquefcunt,  
 “ vixque etiam ferro cæduntur. Fit tamen & in Cre-  
 “ ta, sine riguis, in salinas mere infundentibus, &  
 “ circa Ægyptum, ipso mari influente in solum. Fit  
 “ & è puteis in salinas ingestis. Plurima densatio Ba-  
 “ bylone in bitumen liquidum cogitur oleo simile,  
 “ quo & in lucernis utuntur; hoc detracto subest sal.  
 “ Et in Cappadocia, è puteis ac fonte aquam in  
 “ salinas ingerunt. In Chaonia, excoquunt aquam.

“ ex

“ ex fonte, refrigerandóque salem faciunt inertem nec  
“ candidum.

5. Seu ars humana ad faciendum salem adhibeatur, seu effodiatur concretus, aut Solis calore, exhaustâ in vapores aquâ, è salinis hauriatur, ad ipsam salis naturam perinde est. Neque enim arte particulæ salinæ fiunt, sed ex aqua, in qua erant dilutæ, eruuntur, sive ab aqueis particulis separantur. Pro locis duntaxat, & calore Solis, acidiorum saporem habent, itaque hîc proprietates salis in genere exponemus, earum causas investigaturi.

6. Igitur 1. sal aquâ gravior est: 2. eâ diluitur: 3. aëri expositus liquefit, modò heterogeneousâ omni materiâ probè purgatus fuerit: 4. aquâ, cui admixtus erat, excessâ, & in vapores exhaustâ, in vasis fundo remanet: 5. Sal numquam corrumpitur, neque carnes quibus adpersum est putrefieri sinit: 6. Est acutissimi saporis: 7. Solum & probè purgatum igne non liquefit, sed in calcem redigitur.

7. I. Cùm massæ salinæ, alicujus molis, in aquam injiciuntur, statim fundum petunt, unde colligere est certam massam salinam, ejusdem molis massâ aqueâ graviolem esse. Quòd inde oritur, quòd in massa salina plus sit homogeneæ materiæ, quàm in massa aquea, quia partes salinæ aptius inter se aptantur quàm partes aqueæ, adeóque minores relinquant poros inter se; ut, indicatâ illarum figurâ, liquebit. Sed si massa salina in aquam coniecta, tandem particularum aquearum attritu & motu diluta fit, facîle fieri potest, ut particulæ aqueæ, sese salinis implicant, eas in poros suos excipiant, & sic quaquaversum secum ferant.

8. II. Dilui autem hoc modo videtur, cùm particulæ aqueæ funiculorum instar, quaquaversum salem complectantur, & motu suo variè concutiant, variâsque in partes simul pellant; partes salinas ad cubicam figuram accedentes, & acutas quidem in angulis sed læves circa latera tandem divellunt, & secum avehunt. Nec ea figura salis merâ conjectura inventa est, sed varia salium

lium genera diligenter Microscopio considerata visa sunt omnia cuspidibus horrere; quamquam anguli in omnibus æquales non erant, neque eodem numero. Sed latera lævia videbantur, ut mirum non sit partes lateribus conjunctas faciliè divelli. Salem communem, seu è mari, seu è fontibus eliciatur, cubicum esse ostendit *Martinus Listerus*, initio Libri de medicatis Angliæ fontibus, Eboraci, editi an. 1682.

9. III. Sal aëri expositus liquefit, quia in aëre multæ sunt particulæ aqueæ, quæ salinis adhærentes eas, uti diximus, liquefaciunt, aut potius dissolvunt. Quod inde liquet, quia cùm aër admodum siccus est, adeoque particulis aqueis minimè abundat, sal in eo non liquefit; citissimè verò in humido, ut quando pluit, aut nubilum est cælum. Diximus autem, ut Sal liquefiat in aëre, purgatum esse omni heterogeneâ materiâ oportere; quia alioqui materiæ ramosæ implicitus, aqueis funiculis ex illis impedimentis expediri non potest.

10. IV. Sal fossilis, & marinus, aut etiam ex fonte salso haustus, ubi coquitur unâ cum aquâ in vapores non abit, sed in fundo vasis remanet; unde fit ut in salinis, postquàm ex iis aqua calore Solis exhausta est, maneat Sal per siccos alveos sparsus. Cujus rei causa non difficilis inventu est, postquàm diximus salem esse aquâ graviolem, necesse est enim id quod gravius est, ultimum in fundo vasis calore exhausti manere. Cùm præterea salinarum particularum latera, ut conjecimus, lævia sint, non potest fieri ut, si aqueis particulis implicitæ aliquantùm evectæ fuerint, non recidant in vas, pondere suo dejectæ, nec aqueis particulis alta petentibus ullo uncino adhærentes.

11. Observandum tamen de Sale marino & terrestri hæc esse intelligenda, quæ Salia à Chymicis fixa dicuntur, quia graviora cùm sint, fixa fundo vasis hærent. Sed sunt Salia, quæ volatilia vocantur, hoc est, acidæ particulæ ex plantarum & animalium corporibus, arte Chymicâ, secreta. Hæ cùm multò tenuiores sint, &

& fortasse contextu rariori in auras facile evehuntur. Ortum quidem hæc salia ducunt ex terrestri, quando quidem terræ succis plantæ & animalia aluntur & au-  
gescunt; sed variis fermentationibus attenuata sunt, at-  
que attrita.

12. V. Proprietas est salis, ex præcipuis, quòd non putifcat, neque ea quibus injectus est, putifcere finat. Sic videmus carnes aliæque, quæ sine Sale facillimè pu-  
tiscunt, ubi Sale, eâ quâ par est copiâ, adpersa sunt, diutissimè sine putrefactione servari. Hoc ut quomo-  
do fiat intelligamus, hîc obiter nonnulla de putrefa-  
ctione dicenda sunt. Carnes, ut allato jam exemplo utamur, putrescunt, cùm aëri expositæ, ejus calore, seu motu vehementiore ita afficiuntur, ut earum par-  
tes motum illum concipiant, & paulatim divellantur, quo fit ut per aërem volitantes nares præsentium sub-  
eant, ita que nervos olfactorios concutiant, ut in Men-  
te tetri odoris sensum excitent. Hoc cùm ita sit, ut putrefactio impediatur, invenienda est ars, quâ carnis partes in eodem situ, contra vim incumbentis, & un-  
dequaque superficiem lambentis aëris, retineantur. Quod non potest commodius fieri, quàm si quid ad ma-  
num fit, cujus partes acutæ & rigidæ clavorum in-  
star carnis particulas perforent, atque inter se arctius conjungant; quales sunt Salium particulae, quarum eam esse naturam antea diximus. Atque hinc fit ut caro salia, non modò non putifcat, sed etiam indurescat, quia nimirum fieri nequit ut particulis rigidis salis sit undi-  
que pertusa, quin durior fiat. Hoc quoque hîc confi-  
derandum, quemadmodum Sal ne caro aëris vi cor-  
rumpatur impedit: sic carnem quo minùs Sal, quo prægnans est, aëris humiditate liquefiat obstare; quia particulas salinas poris suis altè impactas retinens, non patitur eas aëris humore circumagi.

13. Cùm Sal in ignem injicitur, varia patitur, quæ nobis sunt ordine expendenda. Primum, mirum in modum crepitat, sed ea crepitatio brevi tempore desi-  
nit. Hoc autem hinc fieri videtur, quod Sali admistæ  
sint

sint particulæ aqueæ, aut aëreæ, quæ intra concavitates nonnullas latent. Cùm Sal igni injicitur, fervescente ex particulæ latera cavitatum, quibus continentur, magno impetu pellunt, effractisque carceribus in aërem subito diffiliunt; quo fit ut aër aures nostras ita verberet, ut crepitationis sonitum in nobis creet. Hoc inde clariùs colligitur, quòd Sal ficcatus lento igne, atque in pulverem tenuissimum comminutus non crepitet. Idem apparet ex eo quòd crepitatio brevi tempore duret, emissâ enim heterogeneâ materiâ, nihil est in Sale ampliùs, quòd ejusmodi sonitum creare possit.

14. Secundò Sal diligenter ficcatus, & ut Chymici loquuntur, *decrepitatus*, igni in catino impositus calcis instar remanet sat diu, quemadmodum lapides; nec potest nisi violentissimo igne, si nihil admisceatur, liquefieri. Nimirum, particulæ Salis, quæ sunt instar prismatis utrinque acuti, motui per se ineptissime sunt, faciliè enim angulis inter se implicantur. Sed tandem vi ignis, cui nihil non cedit, anguli illi retunduntur, & franguntur, usque adeò ut Sal in liquorem agatur, dum vis ignis durat. Detractus verò igni liquor ille statim concrescit in massam vitro similem; unde etiam in conflando vitro, magnâ Salis & Nitri copiâ utuntur artifices.

15. VII. Hæc videtur esse Salis natura, nec quidquam ad ea quæ diximus addemus, nisi, pro varietate saporis, & acrimoniæ salium, varios debere esse in extremis prismatibus angulos, acutiores aut obtusiores, & extremitates magis aut minùs polygonas, quod etiam oculorum panè testimonio discimus, sed Microscopii ope planè constat. Hinc fit ut Salia linguæ imposita, ejusque fibras, pro cuspidum varietate, variè pungentia saporis non unius sensum in nobis excitent; quod fusiùs non prosequemur, quia ad tractationem *Saporum* pertinet, de quibus in Lib. V.

16. Sali tria fossilium genera addemus, *Nitrum*, *Vitriolum* & *Alumen*; quorum proprietates & naturam paucis,



paucis, prout licet, exponemus. Ut à Nitro initium fiat, est quod nascitur, est item quod operâ humanâ conflatur. “ Exiguum \* est apud Medos, canescentibus sic-  
“ citate convallibus, quod vocant halmyraga. Minus  
“ etiam in Thracia, juxta Philippos, fordidum terrâ,  
“ quod appellant agrium. Aquæ verò nitrosæ pluri-  
“ bus locis reperiuntur, sed sine viribus densandi. Op-  
“ timum, copiosumque in Litis Macedoniæ, quod  
“ vocant chalastricum; candidum purumque proxi-  
“ mum Sali. Lacus est nitrosus, exiliente è medio  
“ dulci fonticulo, &c. Et hoc quidem nascitur. In Æ-  
“ gypto autem conficitur multo abundantius, sed de-  
“ terius. Nam fuscum lapidosumque est. Fit pænè  
“ eodem modo quo Sal, nisi quod salinis mare infun-  
“ dunt, Nilum autem Nitrariis. Hæ, cedente Nilo,  
“ madent succo Nitri XL diebus continuis, statimque ut  
“ densari est coeptum rapitur, ne resolvatur in Nitrariis.  
“ Ipsum autem conditum in acervis durat. Nitrariæ  
“ Ægypti, circa Naucratis & Memphim tantum sole-  
“ bant esse, circa Memphim deteriores. Nam & lapi-  
“ descit ibi in acervis; multique sunt cumuli ea de  
“ causa faxei. Faciunt ex his vasa, nec non frequenter  
“ liquatum cum sulfure coquentes in carbonibus. Ad  
“ ea quoque quæ inveterari volunt, illo Nitro utuntur.  
“ Sunt ibi Nitrariæ, in quibus & rusum exit è colore  
“ terræ. Aphronitrum tradunt in Asia colligi, in spe-  
“ luncis molibus distillans, deinde siccant Sole. Opti-  
“ mum putatur Lydium. Probatio ut sit minimè pon-  
“ derosum, & maximè friabile, colore pænè purpu-  
“ reo.

17. Nullum est inter nativum & factitium Nitrum  
discrimen, nisi quod illud sponte, hoc arte excernatur,  
quemadmodum in Sale fieri vidimus. Quodvis etiam  
Nitrum Salis est species, nec aliter ferè ab eo quod *Sa-  
lem*, propriè vocamus, differt, nisi hisce tribus, quod  
Nitrum probè purgatum Sale acidius, levius, & facile  
ignem concipiat.

18. Si

\* *Plinius* Lib. xxx. c. 10.

18. Si hujus discriminis quærat ratio, aliunde oriri non videtur, nisi quòd 1. anguli quibus utrimque oblonga nitri particula terminantur acutiores sint partium salinarum angulis; quò fit ut Lingua imposita vehementius & aliter eam pungant, unde aciditatis nascitur sensus: 2. nitri particulae sint tenuiores, & poris abundant; quos ubi subierunt, ignea particula nitrosa facillimè agitant, atque in aëre rapidissimè circumagunt, donec fractae sint, unde oritur, ut antea ostendimus, flamma: 3. Hoc ipso fit ut leviores sint, cum salina intra eundem ambitum majorem homogeneae materiae complectantur copiam. Plura de Nitro, & accuratiori legi poterunt in *Historia Naturali Nitri*, Londini edita anno 1670. à *Guilielmo Clarke*. Particulas Nitri consideravit, ope Microscopii *M. Listerus*, & deprehendit sexangulas, tenues, longas, lateribus parallelogrammis, & ex altera parte in Pyramidale acumen desinentes.

19. *Vitriolum*, ut nunc vocamus, à Veteribus dicebatur *Chalcanthum*, estque variorum generum, quae ex *Plinio* describemus. “ \* Græci, inquit, cognationem aris nomine fecerunt & atramento futorio, appellant enim *Chalcanthum*. Fit in Hispaniæ puteis stagnisve, id genus aquae habentibus. Decoquunt ea admista dulci pari mensura, & in piscinas ligneas funditur. Immobilibus super has transstris dependent restes lapillis extentae, quibus adhærescens limus, vitreis acinis (unde *vitriolum dictum*) imaginem quandam aquae reddit. Exemptum ita ficcatur diebus triginta. Color est caeruleus, perquam spectabili nitore, vitrumque esse creditur. Diluendo fit atramentum, tingendis coriis. (Unde *atramentum futorium vocatur*) Fit & pluribus modis, genere terræ eo in Scrobes cavato; quarum è lateribus distillantibus hiberno gelu stirias, *Stalagmiam* vocant, neque est purius aliud. Sed ex eo candidum colorem sentientem violam *Lonchoton* appellant. Fit & in saxorum

\* Lib. xxxiv. c. 12. Hist. Nat.

“ xorum catinis, pluviâ aquâ corrivato limo gelante.  
 “ Fit & Salis modo, flagrantissimo Sole admixtas dul-  
 “ ces aquas cogente. Ideò duplici quidam differentia,  
 “ fossile aut factitium appellant hoc. Pallidius, &  
 “ quantum colore, tantum bonitate deterius.

20. Præter hoc, quod Veteribus propriè *Chalcant-  
 thum* dicebatur, tria Vitrioli solent recenseri genera,  
*Chalcitis*, *Sory* & *Misy*. “ Chalcitin vocant lapidem ex  
 “ quo ipsum æs coquitur. Distat à *Cadmia*, quod illa  
 “ super terram ex subdialibus petris cæditur, hæc ex  
 “ obrutis. Item quod Chalcitis friat se statim, mollis  
 “ naturâ, ut videatur lanugo concreta. Habet autem  
 “ aris venas oblongas. Probatur mellei coloris, gracili  
 “ venarum discursu, friabilis, nec lapidosa.

21. “ Inveterata *Sory* fit. *Sory* autem Ægyptium  
 “ maximè laudatur, multum superato Cyprio, Hispa-  
 “ nienfi, & Africo. In quacunque natione optimum,  
 “ cui maximum virus in olfactu, tritumque pinguiter  
 “ nigrescens, & spongiosum; & Ægyptium quidem  
 “ tale, alterius nationis contritum splendescit, ut *Mi-  
 sy*, & est lapidosius. Uritur carbonibus ut Chal-  
 “ citis.

22. “ *Misy* aliqui tradiderunt fieri, exusto lapide in  
 “ scrobibus, flori ejus luteo miscente se ligni pinei fa-  
 “ villâ. Reverâ autem è supradicto fit lapide, con-  
 “ cretum naturâ, discretumque & optimum in Cy-  
 “ priorum officinis; cujus notæ sunt friati aureæ scin-  
 “ tillæ & cum teratur, arenosa natura, sive ter-  
 “ rea, chalcitidi similis. Hoc admiscet, qui aurum  
 “ purgant.

23. Hæ sunt variæ Vitrioli species, quas singulas,  
 omnesque earum proprietates subtiliter persequi non  
 aggrediemur. Observabimus tantum in genere, 1.  
 ejus gravitatem, quamquam pro speciebus aliqua est  
 diversitas, salis gravitatem ferè æquare: 2. quo purga-  
 tius est, eo acidius esse, & ejus spiritum, ut Chy-  
 mici loquantur, summâ aciditate præditum: 3. cor-  
 rosivum summopere esse, simulque adstringendi vim  
 habere

habere maximam: 4. igne non inflammari, sed in pulverem, seu calcem redigi.

24. I. Æquat salis gravitatem, quia ejus particule æquè compactæ sunt ac salinæ, ideoque sub eadem circumferentia æqualem materiæ homogeneæ copiam complectuntur. II. Est acidissimum, ob acutissimos angulos, in quos particule ejus desinunt, quæ eo acutiores & pungentiores, ut ita dicam, evadunt, quæ omnis heterogeneæ materiæ impedimentis magis expelluntur. Quemadmodum enim culter per se acutus, vim aciem habeat duriorē quāpiam materiā impeditam difficiilius cædit; contrā si purgatus sit, ut libera superius acies, facilius secat: sic anguli vitrioli difficiilius, ac facilius pungunt, & penetrant, prout sunt magis ac minus impediti. III. Mirum non est acutissimas particulas, quæ quosvis poros subeunt, corrodere ea quibus imponuntur: sunt enim terebrarum instar, quæ omni aëre agitata perforant. Simul constringunt carnes quibus immittuntur, quas veluti clavi undequaque subeuntes necessariò coarctant. Quo plures enim in hiantes poros aguntur cunei, eò magis porosa materia constringitur, nisi solvatur ejus continuïtas, nimia cuneorum vi. IV. Eadem de causa Vitriolum igne non inflammatur, ob quam salem inflammari posse negavimus. Ostendit *M. Listerus* particulas vitrioli ex utraque parte acuminatas esse, & ex decem planis lateribus constare, scilicet, ex quatuor mediis planis pentagonis, & tribus ad extrema triangulis.

25. Superest *Alumen*, quod, ut ait *Plinius*, \* intelligitur salsugo terræ. Plura & ejus genera. In quo pro candidum & nigrum, exigua coloris differentia cum sit usus magna; quoniam inficiendis claro colore lanis, candidum liquidumque utilissimum est: contraque fuscis aut obscuris nigrum. Et aurum nigro purgatur. Fit autem omne ex aqua, limoque hoc est terræ exsudantis natura. Corrivatum hyeme, æstivis solibus mutatur. Quod fuerit ex eo præ-

\* *Hist. Nat. Lib. xxxv. c. 15.*

“ præcox candidius fit. Gigniter autem in Hispania,  
 “ Ægypto, Armenia, Macedonia, Ponto, Africa, in-  
 “ sulis Sardinia, Melo, Lipara, Strongule. Laudatissi-  
 “ mum in Ægypto, proximum in Melo.

26. “ Hujus duæ species, liquidum, spissumque.  
 “ Liquidum probatio, ut sit limpidum, lacteumque sine  
 “ offensis fricantium, cum quodam igniculo caloris.  
 “ Hoc *σέλιον* vocant. Alterum genus est pallidi, &  
 “ scabri; ideoque hoc vocant *παρόσσειν*. Vis liquidi  
 “ aluminis adstringere, indurare, rodere.

27. “ Concreti aluminis unum genus *χρὸν* appellant  
 “ Græci, in capillamenta quædam canentia dehiscens;  
 “ unde quidam *τερχιν* potius appellavere. Hoc fit è  
 “ lapide, ex quo & Chalcitin vocant; ut sit sudor qui-  
 “ dam ejus lapidis, in spumam coagulatus. Hoc genus  
 “ aluminis minus sistit humorem inutilem corporibus.  
 “ Interioris (hoc est, in terra abditioris) est alterum  
 “ generis, quod *Strongylen* vocant. Duæ ejus species.  
 “ Fungosum atque omni humore dilui facile, quod  
 “ in totum damnatur. Melius pumicosum & forā-  
 “ minum fistulis spongiæ simile, rotundumque naturā,  
 “ candido propius; cum quadam pinguitudine, sine  
 “ arenis, friabile, nec inficiens nigritiā. Hoc coqui-  
 “ tur per se carbonibus puris, donec cinis fit. Nulli  
 “ vis major, neque adstringendi, neque denigrandi,  
 “ neque indurandi.

28. Alia etiam aluminis memorantur genera, quæ  
 non attingemus. Existimant id quod hodie *Alumen*  
*rupis* vocamus ignotum Veteribus fuisse; quod candi-  
 dum est & ferè pellucidum. Sed omnium affinis est  
 natura.

29. 1. Sapor est salinus, quamquam aciditatem Vi-  
 trioli non æquat: 2. summopere adstringit, unde à  
 Græcis *συμμεία* *παρὰ τὸ σφίεν* adstringere, dicitur. Si-  
 mul rodit & indurat, 3. in calcem igne redigitur: 4,  
 levius est plerumque Sale marino. Quarum propieta-  
 tum ratio, prout conjecturis eam assequi licet, facile  
 ex superioribus colligetur. In forma particularum,

quibus constat, fortè hoc singulare est, quòd sint crassiores, magis scabræ & obtusioribus acuminibus præditæ, quàm aliorum salium. Cætera ut accuratius exsequeremur, multis opus esset experimentis. Ostendit, ope Microscopii, *M. Listerus* Aluminis figuram esse paulò compressiorem, & ex altera quidem parte, quasi vertice, planum sexangulum, habere; ex altera verò opposita similem planum sexangulum, quibus binæ plana quadrangula interponuntur; itaque confici id ex undecim planis, quinque sexangulis, & sex quadrangulis.

30. Atque hæc quidem de salibus hætenus, quæ ad ulterius in eorum examine procedendum manuactionis loco esse possunt. Superest ut de Lapidibus aliquid dicamus, singulas enim species, aut etiam plurimas ut prosequeremur justum volumen esset conscribendum. Lapidem in genere vocamus *Fossilia dura & rigida, quæ comminui in pulverem malleo tusa, & ope ignis in calcem redigi possunt, neque ullo sapore sunt prædita.*

31. Communes hæc lapidum proprietates ex principiis aliquoties memoratis, sic exponere possumus. I. Massa tota lapidum est dura & rigida, quia constat particulis, quarum hæc est natura. De rigore autem & duritie in genere Libro V. agemus. II. Lapidem malleo vehementius tusi in pulverem comminuuntur; quia cum rigidæ particulæ flecti, aut ad latera aliarum fluere malleo cedentes nequeant, necessariò majore vi diffiliunt, earumque solvitur continuïtas. III. Igne lapides non inflammantur, neque in vapores dissolvuntur, propter gravitatem & rigiditatem particularum, quibus constat. Sed cum tamen omnes lapidum partes acutè duræ non sint, vi diuturnâ ignis quidquid minus durum est exeditur, & sæpe lapides in pulverem comminuuntur satis levem. Hic autem pulvis, aut massa quæ supersunt igne adesæ, *calx* vocantur.

32. Antequàm ad id, quod de lapidibus dicendum superest, pergamus, breviter præcipua & notissima calcis proprietas exponenda est. Videmus autem calcem

vivam, injectâ aquâ frigidâ, subitò incallescere & effervesce; cujus rei à Physicis causa quæritur. In animum ante omnia revocandum quod diximus, diuturnâ vi ignis, quidquid fuit in lapidibus minùs durum adefum fuisse, ac proinde poros eâ materiâ plenos vacuos mansisse. Hi verò pori non modò sunt patentiores, & ampliores, quos aëreæ particule subeunt, & implent; sed etiam tenuissimi recessus, amfractûsque varii, in quibus nulla potest esse aërea particula, sed est renuior materia. Dum calx aëri exposita est, in eodem manet statu, nec ulla fit effervescencia, quia aër non incumbit gravius superficiei calcis, neque materia illa tenuior subitò ex poris calcis egredi cogitur.

33. Verùm cùm aquæ copia paulò major, pro copia calcis, in eam conjicitur, aqueæ particule superficiem calcis, & pondere suo, & motu vario (qui omnium liquidorum particulis inest) premunt & impetunt, ita ut poros subeundo contextum calcis subitò dissolvant; quo fit ut subtilior illa materia, quæ in tenuissimis poris calcis continebatur, subitò erumpat undequaque magno impetu, quo illa fermentatio subitanea in aqua excitatur. Quemadmodum enim aqua igni imposita ebullit, subeuntibus innumeris particulis igneis, quæ eam agitant: sic bullitio in aqua, in qua calx est, eruptione particularum tenuissimarum, quæ in calce latebant creatur. Postquam autem aliquam diu aque bullit, particule illæ per ejus poros dilabuntur, ac denique quaquaversùm per aërem dissipantur, unde fit ut desinat effervescencia: haud aliter ac in aqua igni imposita, ubi materia ignea absumpta est.

34. IV. Lapidés, saltem duriores, nullo sapore sunt præditi, quia non possunt eorum particule ita humore dissolvi, ut quod in iis salinum fortè est, sejunctum ab aliis particulis linguae poros subeat, ejusque nervos pungat; quâ ratione saporis sensatio, ut antea jam indicavimus, in nobis excitatur.

35. Lapidés dividi solent in *communes*, seu viles, & *pretiosos*; sed cùm ea divisio ad eorum naturam nihil



faciat, præstat eos dividere in *opacos* & *pellucides*. Opaci sunt *silices* & variorum generum lapides, quibus in ædificiis, figurisque variis efformandis utimur. Nimirum lux quæ, ut alibi videbimus, per lineas rectas solet ad nos pervenire, incidens in eos lapides, aut eos permeare, propter cæcos meatus, non potest; aut, si permeat, curvos amfractus sequitur, adeoque in nobis sensum luminis non creat. Accedunt ad opacitatem varii lapides pretiosi, qui sunt coloribus saturioribus tincti, eadem de causa, quamquam politiones in superficie.

36. Pellucidum est crystallum, pellucidus adamas, & plurima arenæ grana; quia radii lucis per lineas rectas eorum poros permeant; quod fusiùs hic non exponemus, quia lucis naturæ expositio amplior præmitti deberet. Plerique lapides pretiosiores aut pellucidi sunt, quamquam adamantis pelluciditatem non æquant, aut ferè pellucidi, & splendentes.

37. Solent quærere Philosophi, an generentur *salia* & lapides, in terræ visceribus. Sunt qui negent, sunt qui affirmant; neque perspicuum est, à quibus stet veritas. Qui generari volunt, existimant *salia* & lapides liquores esse in terra concretos; putantque ignibus subterraneis, varias in terra excoqui misturas, quæ deinde, per terræ meatus, huc illuc dissipentur, ubi coalescunt, & concretæ à nobis inveniuntur. Nihil hæc eorum conjectura exemplo vitri, quod excoquitur ex arena, lapidibusque in calcem redactis, violentissimo igne, nitroque admisto; tum etiam variarum misturarum, quæ arte humanâ fiunt, & lapides pretiosos imitantur, variis coloribus affusis. Verùm ut potest hoc esse, fortè etiam planè aliter res fit; nec sat nota sunt nobis terræ viscera, ut hoc in negotio quidquam negare aut affirmare possimus.

38. Inter lapides recenseri solet *Magnes*, qui propter singularem naturam accuratiùs à nobis Capite sequenti expendetur.

## CAPUT VI.

## De Magnete, ejusque proprietatibus.

I. **N**on est animus quo primum tempore innotescere coeperit Magnes, ejusque, in inveniendis Terræ Polis, usus, inquirere. Hic tantum Historiam Physicam Magnetis spectamus. Primum igitur varias ejus proprietates experiëntiâ cognitâs; deinde Philosophorum præcipuas, circa dispositionem intimam Magnetis, conjecturas in medium afferemus.

II. Sed ante omnia, observandum Magnetem inveniri in fodinis ferrariis, & colore ac pondere ferum referre. Verum cum ferrum liquefiat igne, & malleo ductile sit; magnes malleo tusus comminuitur, & vix ignis in calcem redigitur; unde colligere est particulas Magnetis duriores esse, rigidiores, ac magis inter se implicitas, quàm ferri particulas, quod observandum, cui quippe in sequentibus futurum.

III. Jam ut proprietates Magnetis, experientia notas, proponere incipiamus; 1. *Primum*, quando liberè ac sine obstaculo moveri potest, constanter partem sui alteram Septentrioni, alteram Meridiei constanter obvertit, adeò ut quæ semel alterum Polum spectare deprehensa est, semper in eum vertatur, numquam in alterum. Liberè autem movetur *Magnes* tabellæ lignæ impositus, ut aqua supernatet.

2. *Secundo*, observarunt Philosophi Magnetem tamen non semper directè Polos telluris spectare, sed aliquantum ad Occasum aut Orientem declinare, sine ulla certa aut constanti ratione.

3. *Tertio*, duo Magnetes intra quoddam intervallum admoti recedunt invicem, aut accedunt, prout variè collocantur. Ea pars alterius quæ Polum Septentriona-

lem Telluris spectat, fuit admota parti alterius eundem Polum spectanti. Contrà pars quæ meridiei obvertitur ad eam accedit quæ Septentrionem spectat, aut vice versa. Has partes Magnetum cum Philosophis *Polos* vocabimus, brevitatis causâ, & Meridionalem quidem eum qui Septentrionalem Telluris respicit, quâdam de ratione quæ intrâ liquebit, Septentrionalem verò qui Meridiei obverti solet.

4. *Magnetes, quarto loco*, se invicem sustinent, vel à se invicem pendent in aëre, modò Septentrionalis Polus unius opponatur Meridionali alterius, adeoque Meridionalis Septentrionali. Interdum etiam Magnes minùs gravis sustinet graviozem, licet gravior leviozem sustinere nequeat.

5. *Quinto loco*, non eandem esse omni Magneti vim ad se celeriter obvertendum Terræ Polis observatum est: quemadmodum non eadem est omnium ad onem sustinenda, aut attollenda vis. Sunt Magnetes qui celerius circumaguntur, ut Polos suos Telluris Polis opponant, quàm alii.

6. *Sextò*, licet ut plurimum Magneti duo sint Poli, qui ita, ut diximus, disponuntur, attamen non defunt Magnetes *αἰάμελοι*, ut ea voce utamur, quibus videntur pleures inesse Poli.

7. *Septimò*, ut magnes Magnetem, ita & ferrum attollit, interdum minoris, interdum majoris ponderis, prorsus ut Magnetem.

8. *Octavò*, si scobs ferri superinijciatur Magneti, ita disponitur ut particulæ ejus rectæ ad Polos dirigantur, inde verò paulatim inflectantur in orbem ut sint axi Magnetis parallelæ, nisi Magnes sit ex eorum numero quos *αἰάμελοι* esse diximus. A est Magnes, B regio Polis opposita, C scobs. Eodem pertinet quod observatum scobem chartæ crassiori aut etiam tabulæ lignæ superimpositam, subjecto Magnete interpositæ chartæ aut tabulæ agitari prout agitur Magnes, modo nimium non removeatur.

9. *Noni*, Magnes ita ferrum virtutis suæ particeps

facit, ut integrâ vi Magnetis, easdem proprietates quas enumeravimus acquisivisse videatur, licet non usque adeò intensas. Præcipuus hujusce rei usus spectatur in Acu nautica, cujus ope Nautæ quovis tempore ubi sit Septentrio ac Meridies, reliquæque adeò Mundi plagæ facile agnoscunt.

10. *Undecimo* loco, observandum Acum Magneticam eis lineam æquinoctialem cuspidem quæ Septentrionem spectat depressiorem habere: sed ubi linea superata est, altera cuspidis de pressior esse incipit. Sub ipsa verò linea, situm suum non servat, nec usui esse potest.

11. *Undecimo* loco, quemadmodum Magnes ferro suam tribuit virtutem: ita ipse ferro munitus multò majus ferri pondus sustinet, quàm quando ferro destitutus est.

22. *Duodecimo* loco, Magnetes corrumpuntur, si juxta se invicem diu jaceant, adeò ut Septentrionalis Polus Septentrionali, Meridionalis Meridionali oppositus sit. Corrumpuntur etiam si in ignem jaciuntur & candentes fiant. Eodem modo etiam minuitur aut interit vis Magnetica in ferro; quod præterea furrugine, cui non ita obnoxius est Magnes, haud parum vitatur.

13. *Decimo tertio* loco, oblongæ ferri partes ita dispositæ, ut altera extremitas Septentrionem, altera Meridiem diu, sine mutatione, spectaverint, sæpe acquisivere magneticam virtutem: quod in antiquis crucibus Templorum observatum est.

IV. Has potissimum proprietates in Magnete experientia deprehendit, quæ sanè haud exiguum laborem Philosophis faceffivere, ut invenirent rationem aliquam tam mirorum effectuum probabilem. Triplici via eò pervenire conati sunt.

1. Quidam dixere esse, inter Septentrionales Polos Magnetis & Meridionales, *συμπάθειαν* quamdam; contra verò inter Septentrionales, & Septentrionales, Meridionales item inter & Meridionales *ἀντιπάθειαν*. Hæc fit, ut se Poli invicem repellant, illâ verò ut se attrahant.

hant. Est etiam, juxta eos *συμπάθεια* inter Magnetem & ferrum, unde fit ut hoc alterius virtutem induat. Hoc modo experimenta omnia proposita feliciter, ut putant, exponunt.

2. Sed alii quærent primò quid sit, *συμπάθεια*, quid *ἀνπαθεία*? Respondent, *συμπάθειαν* esse qualitatem occultam in convenientia quadam & cognatione naturæ fitam. At *qualitas occulta*, si bene pensentur vocabula, est aliquid prorsus ignotum, itaque rotundiùs multò & candidiùs responderent, si pro tot ambagibus verborum, se quare hæc fiant nescire, nec posse conjicere dicerent. Rursus enim quærentibus quænam sit cognatio illa & convenientia naturæ, clariore nullo satisit responso. *Ἀνπαθεία*, seu naturæ repugnantia ac discordia, qualitas etiam occulta est, adeoque eâ voce non magis docemur quare recedat Magnes à Magnete, &c. quàm si tacerent qui ea voce utuntur.

3. *Thales* qui \* *τὸ λίθον ἔστι ψυχὴν ἔχειν ὅτι τὸ πνεῦν αὐτῷ* lapidem aiebat animam habere, quod ferrum moveret, haud clariùs loquebatur, neque clariùs, ut opinor, respondisset quærentibus quid sit ea Anima? Interea, ut hoc obiter moneamus, quàm antiqua sit Magnetis cognitio, inde liquet.

4. Alii observato scobis, prout circa Magnetem disponitur, experimento, inde *primum* collegerunt materiam aliquam esse inconspicuam quæ circa Magnetem in orbem ferretur, neque enim scobs alioqui ita se disponeret sponte suâ, cum corpora sponte suâ non moveantur. Deinde conjecerunt materiam illam fortè causam esse omnium illorum, quæ cum admiratione in Magnete observantur. *Postremo*, Terram ipsam fortè esse instar Magnetis, circa quem similis gyret materia, eodem modo ac circa Magnetem circumagitur; unde fieret ut Magnes eodem modo respectu Telluris disponeretur, ac respectu alterius Magnetis. Horum trium, primum videtur esse indubitatum, duo alia incertiora quidem,

\* *Aristotel. de Anima. Lib. I. c. 2.*

quidem, sed contra rerum naturam non sunt, ideoque negari quasi compertæ falsitatis nequeunt.

5. Hisce suppositis quærendum est quæ sit materiæ illius inconspicuæ figura, quâ tot effectus mirandi edantur. Conjiunt eam esse alii instar pennæ, aut sagittæ pennatæ, quæ adversis pennarum fibris ægrè foramen subit, quod facile ingreditur si ex altera parte immittatur. Figura subjecta rem oculis objiciet. Alii maluerunt striatam illam materiam fingere, hoc pacto. Hæc autem materia certo modo circumacta porum similiter striatum subit, instar cochleæ, quem aliâ ratione mota ingredi non potest.

6. Præterea & Terræ & Magneti poros esse eorum axi parallelos supposuerunt, excipiendis ejusmodi particulis aptos; adeo ut exeant per unum ex Polis, per quem aut adversis fibris, aut inversâ cochleâ retrocedere nequeant; sed si rursus in Terram aut Magnetem redeant per, oppositum ingrediantur Polum. Ita particule quæ Polo A egrediuntur non possunt eodem regredi, sed circumagantur ad Polum B necesse est.

V. Hac expositâ generatim sententiâ, videndum qui singulis conveniat experimentis.

1. *Primo*, quoniam circa Telluris globum materia descripta circumagitur, si quod corpus occurrit, quod habeat poros aptos ad eam excipiendam; ea id corpus subibit, & juxta cursum suum dirigit. Ea parte ingreditur quâ sibi patebunt pori, nec regredi poterunt ejus particule, ob rationem allatam n. iv. §. 6. Cuspis cochlearum, aut pennatarum particularum una parte ingreditur ubi pori ingressui erunt aptati, & si pori occurrant aliter dispositi lapidem circumagent vi motus sui, donec ita situs sit, ut facile eum permeare queant. Semper eadem pars Meridiei, eadem Septentrioni obversa erit, quia per eum solum Polum Magnetis materiæ ex alterutro Polo veniens ingredi potest.

2. *Secundo*, declinatio Magnetis, ad Occasum aut Ortum, oriri potest ex eo quod in ipsius Telluris Polis

aliqua fiat mutatio, adeò ut meatus magnetica materiae huc aut illuc aliquantum flectantur, cujus rei ratio ignota est. At modò nihil naturæ corporeæ contrarium afferatur, memoratæ hypotheseos verisimilitudini non officitur.

3. *Tertiò*, Polus Septentrionalis Magnetis Septentrionalem repellit alterius Magnetis, Meridionalisque Meridionalem, quia materia quæ egreditur per Septentrionalem non potest ingredi per eundem Polum, ob ejus figuram aut motum, ideoque Polus unius Magnetis similem in altero expellit Polum, dum materia magneticae particulae in solidum Magnetem aut invios poros summâ vi incidunt. Contrâ si Polus Meridionalis Septentrionali opponatur, accedunt Magnetes, qui dum liberè utrumque per eorum Poros meat materia, nec quidquam ei resistit, aërem inter Magnetes positum disjicit, & ita gyrare cogit ut ad partes exteriores duorum Magnetum feratur, eosque in se invicem pellat; adeoque appropinquare cernantur, quia minùs pressi inter Polos vicinos majori cedunt pressioni extrinsecus alius Polis incumbenti. Debent autem duo Magnetes non nimium distare, neque enim materia illa magnetica quæ circa eos circumpagitur circulum describit admodum amplum, adeò ut si sint remotiores, extra cum circulum positi vim mutuam non sentiant. Hoc quoque hic observandum, quoniam constat eum Polum Magnetis qui respicit eundem terræ Polum ac alterius Magnetis Polus, hunc expellere: si terra sit instar Magnetis consideranda, necesse esse eum Polum Magnetis qui Meridionali Terræ obvertitur esse Septentrionalem, & vice versâ.

4. *Quartò*, Magnes Magnetem sustinet dispositum ita ut Polus Polo adversetur, quia particulae materiae cochlearis ut pennatae, quæ celeriter pendentis Magnetis subeunt poros, eum sustinent. Nec spectanda est hic Magnetis alium attollentis gravitas, neque enim pondus ei vires addit, sed materiae magneticae copia, quæ eò major in Magnete est quò habet plu-



res poros ad eam excipiendam aptos.

5. Quintò, hæc eadem ratio est diferiminis, quod inter vim Magnetumprehenditur. Qui plures poros habent majorem etiam materiæ aut pennatæ, aut cochlearis circa se copiam retinent, dum enim ea ab aëre Magnetem ambeunte repulsa invenit paratos Magnetis poros, per quos faciliè in gyrum moveatur, circa eum remanet; si verò solido impingat, aliò delabitur. Itaque Magnetes aut destituti poris huic materiæ excipiendæ aptis, aut paucis præditi, aut nullam, aut minorem vim habent.

6. Sextò, Magnetes qui plures pororum meatus habent, decussatim aut aliter directos, sunt ἀνέμοι, nam materia magnetica eà decurrit quæ sibi via patet.

7. Septimò, Magnes ferrum etiam attollit, quia ferrum habet poros Magneticis similes, nec aliâ re differre videtur, nisi quòd sit mollius adeoque mutabilis.

8. Octavò, ex scobe Magneti superinjecta, & circum eum in orbem disposita colligitur materiæ magneticæ motus, supra jam n. iv. §. 4. expositus. Materia magnetica scobem movet, ac disponit prout ipsa movetur.

9. Nonò, ferrum virtutem Magnetis acquirit ob rationem jam §. 7. allatam. Non minuitur ea in Magnete, quia non pondet ex ipsa Magnetis substantia, quæ in ferrum partim effluxerit; sed ex materia extrinsecus ipsi Magneti adveniente, quæ Poros ferri non satis apertos patefacit, adeò ut commodè circa ferrum, ut circa Magnetem, in gyrum ferri possit. Si particula nonnulla quæ circa Magnetem erant remanent circa ferrum, alias à Polis terræ accipit.

10. Decimò, Acus magnetica depressior est cis lineam versus Septentrionem, quia magnetica telluris materia ex terra ingenti copia egreditur non ex Polis modò sed ex regionibus à Polis satis diffitis, propter telluris crassitiem; quæ ab utroque Hemisphærio per-

meatur quod facilius intelligetur si meminerimus terram esse figuræ non Sphæricæ, sed Ellipticæ aut ad Ellipticam accedentis, cujus rei alibi meminimus. Eadem de ratione trans lineam cuspis Acûs Meridionalis deprimatur versùs terram. Sub linea verò ipsa Acus Septentrionem ac Meridiem ampliùs non ostendit, quia materiæ Magneticæ Telluris circuli sunt superficie ejusdem Telluris altiores eo in loco, adeò ut Acus multò inferior sit magneticâ materiâ, quâ proinde non amplius permeatur neque dirigitur. Figura sequens hoc oculis subjiciet. A & B sunt Poli Terræ per quos rectâ linea exit materia magnetica. CCCC materiam magneticam notat quæ ex utroque Hemisphærio meat, adeò ut inflectatur in orbem. D est locus ubi esse supponitur Acus Magnetica, unde satis liquet eam non posse permeari pennatâ, aut cochleari materiâ.

11. Undecimo loco, vis Magnetis ferro ad utrumque Polum addito augetur, quia cùm ferrum magneticum accepit materiam ejus pori aperiuntur, fitque instar Magnetis, quo fit ut major copia materiæ magneticæ circa Magnetem, ferro munitum hæreat, adeoque majora ab ea possint suspendi pondera.

12. Duodecimo loco, Magnetes corrumpuntur si invicem ita oppositi ut materia incidat in poros, per quos ingredi nequit, quia eos paulatim obturat, ac vi perfringit. Si etiam textura Magnetis vi ignis turbetur, vim suam ideò amittit, quia pori ejus corrumpuntur. Ferro idem contingit, quod præterea ferrugine poros aut rodente, aut obturante vim amittit magneticam.


13. Decimo tertio loco, quandoquidem perpetuò circa terram rapitur materia magnetica, mirum non est si occurrenti sibi ferro, & semper eadem ratione directo incidens ejus poros aperiat, & constantes in eo meatui sibi efficiat.


V. Videbuntur forte primâ fronte, memoratæ sententiæ, quibus aut pennata, aut cochlearis per Magnetis poros ferri statuitur materia, *vis penetrans opus*



Pag. 34.


Fig. V.






Pag. 51.

Fig. VII.




Pag. 126.

Fig. VIII.



Pag. 129

Fig. IX.



Pag. 129.


Fig. X.



Pag. 132.


TAB. II.

Fig. XI.




Pag. 402.

Fig. XII.



Pag. 402.

Fig. XIII.





154

207

15

19

10

10

10

10

10



ē satisfacere, ut sanè plerisque haud malè conveniunt.   
tamen in utraque difficultates pænè insuperabiles.

1. Si pennata Materia ejusdem figuræ, eodémque motu acta ex utroque Telluris venit Polo, intelligimus eandem quare Magnes ita dirigatur, ut Polos habeat terræ Polis obversos, eâ commeante utrinque materia; sed quare semper eundem eundem obvertat nullâ ratione constat, cum materia pennata ex Septentrione aut ex Meridie veniens utrumque ex aquo subire possit Polum.

2. Si materia cochlearis variè inversa hoc incommodo non laboret, aliud est quod nec superioris, neque hujus Hypotheses ope solvi potest. Scilicet, cum Magnes sit solidissima materia, dubium esse nequit quin pores multò sint in eo partes solidæ, quàm pori. Igitur cum admoventur duo Magnetes, incidens ab utroque in alterum materia magnetica, & solidas partes plures et poros offendens, deberet utrumque dimovere; nam major est vis illius materiæ solido lapidi & vehementer & magnâ copiâ illisæ, quàm potest esse aëris quem dimovet & ad exteriores Magnetis Polos circumagit, cum præsertim tot poris scatere constet aërem, ut tantum satis liberum ei materiæ concedat.

3. Interea fatendum hanc sententiam ingeniosissimam esse, nec quidquam vero propius hactenus ab ullo excogitari potuisse.

## CAPUT VII.

*De Fontibus & Fluviiis.*

**P**ostquàm materiam solidam, quâ hæc nostra Tellus constat, lustravimus, superest ad fluidam veniamus, hoc est, fontes, fluyios, lacus & maria. Sed antequàm horum naturam & rationes quærere aggrediamur, aliquid necessariò de *Aqua* in genere præmittendum est, quamvis nobis non sit animus omnes quaestiones, quæ circa eam moveri solent, attingere hoc in loco; quædam enim ad Librum V. ubi de *Elementis* agimus necessariò rejicienda sunt.

2. In *Aqua* hæc animadvertimus, quorum ratio à Physicis quæritur. 1. Est pellucida: 2. liquida, ita tamen ut concreescere possit: 3. potest califieri & frigi fieri: 4. facillè potest in vapores, subjecto igne, aut æris calore rarefieri: 5. certi est ponderis cæri, aliisque corporibus collata, sed aëre multo gravior: 6. insipida est & sine odore: 7. putrescere tamen potest, pro locis in quibus servatur: 8. quorundam corporum pora penetrat, aliorum nequit.

3. I. *Aqua* pellucida est, ob rationem allatam super Cap. V. §. 36. ubi de pellucidis lapidibus; quia constat particulis flexilibus, instar funiculorum, quæ nec ita conjunguntur, ut nullos inter se relinquant poros; nec eos intricatos habent, ut possit lux per lineas rectas facillè transmitti. Cùm enim non prorsus conjungantur eæ particulæ, & sint in perpetuo motu, facillè tenuissimæ lucis particulæ eas per lineas rectas permeant; nisi profundissima sit aqua; aut motu à causa externa creato agitetur. Tunc multùm minuitur aquæ pelluciditas, & videtur cærulei coloris obscurioris esse, quod in mari, præsertim agitato, cernere licet. Nimirum,

tunc

tunc temporis, vehementiori agitatione aquarum, & quidem multarum, pori perturbantur, nec recti manent.

4. II. Aqua liquida esse videtur eadem de ratione, ob quam & alia corpora sunt liquida, quam paucis hinc trademus, pluribus eam alibi argumentis confirmaturi. Nimirum, cum ejus particulae sint, ut eas descripsimus, teretes & flexiles, instar funiculorum, relinquuntque inter se poros, subtiliori materia plenos, facile, illa materia vehementissime commota, huc illuc in omnes partes aguntur. Attamen haud difficulter concrevit in glaciem, si materiae illius vehementissime agitata minuatur aliqua ratione motus, quod fit hyeme, seu frigore solo, de quo alibi agemus, seu praeterea eo tempore ex aere decident nitrosae particulae, quae aquarum motum rigiditate sua impediant.

5. III. Cum ejusmodi sint aquae particulae, ut diximus, glacies igni imposita, particularum ignearum motu, facile resolvitur. Haec enim glaciei subeuntes poros magnam vi iterum teretes aquae & flexiles partes incipiunt concutere; & brevi tempore pristinum motum iis restituunt. Si vero ab igne aqua amoveatur, & frigido aeri exponatur, particulae igneae brevi evanescent, & aqua sit ut antea frigida, aut etiam si aeris frigus intensius sit, denuo concrevit. Obiter observandum primo, calorem nihil esse hinc, praeter motum varium & vehementem particularum corporis calidi; frigus vero nihil, praeter earundem particularum quietem. Secundò, calidum & frigidum esse ut plurimum voces *relativas*; & calidum dici à nobis, id cujus partes vehementius moventur ejus membri particulis, quo id tangimus; contra vero frigidum, id cujus partes magis quiescunt, quam nostri corporis partes. Qui calidam habet manum frigidam vocat aquam, quae frigenti tepida dicitur.

6. IV. Aqua, subiecto igne aut solius aeris calore, facile in vapores dissipatur, quia facillime ejus partes separantur, motumque aut ab igne, aut à calore solis accipiunt; quo fit ut aëreae particulae secum facile huc  
illuc

illuc aqueas devehant. De aquæ vaporibus fufius agemus, ubi de Meteoris fermo erit.

7. V. Variis experimentis \* deprehensum est gravitatem aëris, in loco in quo vivimus, esse aquæ gravitati ut 1 ad 840 aut paulò amplius, ita ut aqua aëre fit plusquàm ostingentis vicibus gravior. Qua de causa, videmus vesicam aëre plenam, aut aliud corpus aëre turgidum nullâ ferrè vi posse aquæ immergi. Ac sanè ut aër aquæ immergeretur, oporteret ei addi pondus, quod aquæ ipsius pondus tantò superaret, quantum pondere aqua aërem superat, & aliquantò plus. Hinc etiam fit ut lignum facillè sustineat, & ingentes naves ferat mercibus gravissimis onustas, quæ non possunt solo pondere deprimi, nisi id pondus faciat ut lignum adjunctâ eâ gravitate, fiat ipsâ aquâ gravius. Dignum est etiam observatu, aquam salis, quæ sale prægnans dulci gravior est, majora ferre pondera, quàm dulcis. De gravitate aquæ aëri collatæ postea iterum aliquid dicemus, ubi de Aëre agendum erit.

8. Quæ sunt aquâ graviora, ut metalla, lapides &c. ea in aquam injecta statim fundum petunt, & eò quod celerius, quò sunt graviora. Alia aquæ pondus æquantia, neque superficiei aquæ inatant, neque demerguntur prorsus, sed inter aquam suspensa manent, qualia sunt animalium cadavera.

VI. Aqua insipida est, quia flexiles ejus partes leniter linguam lambunt, sed nequeunt nervos ejus pungere acumine, quo exsunt in nobis saporis sensum. Hic autem puram aquam intelligimus, hoc est, omni salium genere destitutam, qualis est potissimum aqua destillata, & post eam pluvia. Nam fontium etiam salubrium, aqua ex terra aliquantulum saluginis sæpe trahit. Non loquimur hic de medicatis fontibus, in quibus is sapor vehementior est, sed de iis quarum aquæ vulgò bibi solent.

10. Quò purior est aqua, eò minus odora est, eadem enim

\* Vide Dissert. Ed. Halleji in Aff. Anglic. anni 1686. M. de Moio.

enim ratio, quâ sit ut aqueæ particulæ Linguam non pungant, odore omni destitutas esse debere ostendit; neque enim nervos olfactorios in nares admixtæ pun- gere possunt, propter flexilitatem summam, & lavo- rem. Sunt tamen aquæ fontium odore quodam præ- ditæ, verum hoc ipsum indicium est eorum aquam non esse puram.

11. VII. Aqua tamen putrescit, hoc est, crassia & foetida quiete & calore evadit; quod deprehendimus in paludibus, aquisque restagnantibus; & in aqua intra vasa servata, quod magno suo incommodo experiuntur navigantes. Verum observandum est, quod de aqua diximus, id de pura esse intelligendum; contendimus autem nonnisi mistam putrescere, quod probamus 1. experimento aquæ destillatæ, quæ sine putrefactione ulla diutissimè servatur: 2. aquâ pluviâ quæ è cœlo in vasa pura delapsa, & vasibus puris illico diligenter in- clusa, terræque infossa apud varias Gentes, quæ fonti- bus carent, per plurimos annos servatur. Quod indi- cio est putrefactionem ab ipsa aqua non oriri, sed ab aliis rebus quæ aquæ miscentur; quandoquidem pura, qualis est destillata, & è nubibus delapsa, diutissimè, sine ulla putrefactione, servatur. Qua in re observan- dum est vasa, in quibus asservatur, accuratè ne mus- cæ in ea ingrediantur clausa esse oportere, & eâ mate- riâ constare, quæ putiscere nequeat, ut vitro, aut ar- gillâ.

12. Verum aqua in stagnis, aut paludibus quiescens duplici ratione corrumpitur. Prima est in ipsa soli na- turalis, sæpe enim solum sulphure foetente abundat, quo sit ut aqua etiam, quæ sulfur poris excipit, acce- dente calore foetiscat; quod Amstelodami experimur, non modò in urbis fossis, sed etiam in aqua quæ ex fundo, in quo sita urbs est, hauritur, quod fieri vide- mus ubi ædium fundamenta jaciuntur. Itaque ea pu- trefactio non est aquæ imputanda, sed solo. Secunda ratio, ab quam aqua putiscit, sunt immunditiæ quævis quæ in eam conjiciuntur; aut etiam insectorum, quæ  
in

in ea pereunt, corpora; ova item mufcarum, quæ quaquaverfum volitant, eaque deponunt, & unde vermes nascuntur, ut alibi videbimus.

13. Similiter in vafibus ligneis, qualia funt dolia, quibus aqua navigantium clauditur, putrefactio oritur, funt enim ligno fulfureæ partes admiftæ, quod refinæ ejus indicat, & ipfe ligni odor; funt & aliæ immunditiæ, ut ova mufcarum, unde vermes in doliis nascuntur, quod hâc fufus non perfequemur.

14. VIII. Aqua quorundam corporum poros fubit, qui funt fatis patentes, ut ejus particulæ eos fubire queant. Exempli caufâ, Sacchari, & Salium porum ita penetrat, ut particulas eorum fejungat, ac plantæ diluat. Lapidum verò poros non fubit, faltem penitus altius, fed in fuperficie tantum hæret; quò fit ut non defaciat quidem lapides, fed nequaquam dilure poffit. Adhæret autem fuperficie corporum, quia fcala eft, & in extremitates hiantium pororum particule ejus aliquantum immittuntur. Sed ejusmodi humida corpora aëri expofita facillimè ficeantur, quia non particularum ærearum, molles & laves aqueæ particulæ facile abripiuntur. Obfervandum tamen eft, fi corpora pinguedine aliqua illita funt, quamvis in aqua tota immittantur, vix ea madefieri; quia, nimirum, fuperficie afperitates, quibus adhærebat aqua, funt pinguedine æquata, & oftia pororum obturata, adeo ut nihil fuperfit cui poffint aqueæ particulæ inhære, quæ proinde neceffariò defluunt.

15. Quæritur etiam quare aquæ guttæ decidentæ rotundæ funt, quod in guttis pluviis obfervare licet, aliæque guttis alicunde decidentibus? Alii respondent non fieri hoc, ullâ peculiari difpofitione aquæ, fed quia aëre undequaque ex æquo prefæ, neceffariò in rotundam figuram coguntur, quia omnes particulæ aqueæ æqualiter prementi aëri refiftunt. Quod etiam deprehendimus in aliis omnibus liquoribus, guttatim decidentibus.



16. Alii vero, \* qui contendunt particulas aquæ non esse oblongas, & flexiles, ut *Cartesius* conjerit, sed rotundas & laves, mistasque materiâ quadam viscidâ; aiunt viscidâ illa materiâ, quæ plures particulas rotundas complectitur, fieri ut guttæ ita in orbem cogantur, quia particulas aqueas seorsim cadere non finit. Indidem fieri volunt 1. ut guttæ aqueæ suspensæ foliis arborum, aut lateribus vasorum hæreant: 2. ut aqua possit condensari, quia viscidæ particule flexiles sunt, adeoque coarctari queunt, quod probant hoc experimento, quod Florentiæ in *Academia Experimentorum* sumptum est. Globus argenteus concavus aquâ impletus est, per foramen relictum injectâ. Deinde id foramen accuratè liquefacto argento clausum est; quo factò, tundi malleo cœpit globus, qui paulatim minus spæricus factus est; unde cognitum aquam condensari, quia omnium figurarum capacissima est sphaerica. Postea cum percutere globum pergerent, animadvertunt globulos aqueos sudoris instar per paros argenti exire; ac tandem ex globo aperto, aqua magnâ vi erupit.

17. 3. Contendunt aqueas guttas rotundæ figuræ vasis adhæsisse, ex quibus antliæ ope aer exhaustus erat; quod indicio est, vi æris guttas aqueas non fieri rotundas: 4. Si calamus, aut tubus vitreus arctus perpendiculariter in aquam immittatur sæpius, aqua quæ per tubum aut calamum ascendit, secundâ vice altius ascendit quàm primâ, aut baculum viscidæ materiæ injectum secundâ vice majorem ejus materiæ copiam educit. 5. Indidem fieri censent, ut aqua ejusmodi calamo, aut tubo arcto contenta, eo in aëre suspenso, non cadat æris pondera pressa; quia, scilicet materia aquæ viscosa instar retis foramen tubi claudit, impeditque ne particule rotundæ excidant.

18. Nos inter duas sententias hæc quid intersit judicare non aggrediemur, quia res multa, & accurata requireret experimenta, quæ sumere non vacat, nec licet

\* *Alphonſus Borellus de Motionibus Naturalibus, Cap. VII.*

licet. De posteriori tantum hoc observabimus ex ope rationem non reddi, quare aqua baculo, pingui materiâ illito, non adhæreat, nam pinguis & viscidus pinguibus & viscidis faciliè adherent. Verum suspensionem aquearum guttarum facilius exponere videtur quàm Hypothesis superior.

19. His de aqua summam expositis, sequitur ut de fontibus agamus. Fontes solent dividi in eos qui æstivæ, cum cælum diu sudum fuit, exarescunt, & perennes. Illos plerique putant ex aquis pluviiis oriri, hos verò multi ex alia causa, quæ perpetuò eos alit, ut postea videbimus. Illis autem missis factis, de perennibus tantum dicemus, qui sunt aqua, undecunque oriatur, *collectiones ex superioribus terra locis in inferiora defluentes*. Ex multis ejusmodi fontibus constant flumina, in mare aquas suas devolvuntia.

20. Antequàm ad fontium originem querendam pergamus, obiter observandum ex Hydrostaticis omnibus experimentis constare aquæ in vase contentæ superficiem semper ad libellam esse directam, nec ullam ex superficiem partem alterâ, nisi externâ vi, superiorem fieri posse. Cujus rei causa est æqualis undequaque incumbens aëris pressio, cui pariter aqua omnibus partibus resistit, unde sequitur ut superficies ejus sit ad libellam directâ. Inde etiam consequens est, aquam ex fonte defluentem & per tubos derivatam in loco fonte superiora ascendere non posse, quia supra libellam attolleretur, quod, propter rationem allatam, fieri nequit.

21. Cum multi fontes perennes sint, neque æstu ullo exarescant, plurimi conjecerunt eorum aquas ex mari, quod numquam deficit, oriri. Aiunt tubos esse subterraneos, per quos aqua marina ad fontes usque deferretur; qua in re, duæ occurrunt difficultates, quæ non difficulter solvi posse opinantur. 1. Quaritur quomodo fieri queat, ut aqua marina ad summos attollatur montes? 2. Qui etiam fiat, ut aqua fontium salsa non sit?

22. I. Concesso esse in terra tubos, per quos aqua liquiditate & pondere suo procul à mari feratur, conjiciant eam aquam incidentem in loca vicina, subterraneis ignibus de quibus diximus Cap. III. in vapores referri, qui vehementius moti, & facilius per tenuiores terræ meatus dilabentes ad ejus superficiem ferantur; adeoque ad montium ipsorum cacumina, si in montibus tubi sint ad eos excipiendos apti, & supra ipsam superficiem terræ in aërem quandoque evehantur; qua de re, ubi de Meteoris agemus, videbimus. Cum autem vapores, quos diximus, circa terræ superficiem incidunt in loca frigidiora, condensantur iterum in aquam, & guttatim ex superioribus montium, aut collium locis, in interiora receptacula, quæ terra patet, defluentes & per rimas erumpentes fontes efficiunt.

23. II. Fontes autem, quamvis à mari originem ducant, falsi tamen esse non possunt, cum quia salinæ particule aque marinæ admixtæ, cum longæ sint & rigidæ, in terræ arctioribus meatibus hærent; tum etiam quia in vapores non evehuntur, ut antea diximus. Sunt quidem fontes falsi, at eorum falsugo non ex mari, sed ex salis fodinis per quas aqua transit oritur. Non potest enim illac fluere fontis vena, quin salis aliquot particulas humore dilutas secum avehat: quemadmodum & aliis mineralibus pregnantibus aquæ, variis in locis, scaturiunt; quia per fodinas, iis mineralibus plenas, fluunt.

24. Alii verò hanc hypothesin concoquere non possunt, pluribus de rationibus, quarum duas tantum referemus. Primò, vix intelligi potest quomodo, per subterraneos meatus, ad loca usque adeò dissita à mari tanta aquæ copia pervenire queat, ut perpetuos amnesalat, fontibus in altissimis, & à mare remotissimis montibus exitatis; unde maximi defluunt fluvii, ut Rhodanus, Rhenus, Danubius alique. Cum maximæ mutationes fiant, in Terræ visceribus, ope ignium subterraneorum, obturarentur sæpe meatus illi, & passim

sim fontes, qui antea perennes fuerant, exarescerent. Secundò, si hoc ita se haberet, loca mara proxima, si montosa essent, seu campestria, fontibus potissimum scaterent; quippe quæ majorem ex vicinia aquæ copiam acciperent; contrà verò loca à mari remotissima maximè omnium fontibus destituta essent, cùm ad minorem aquæ copiam pervenire necesse sit. Contrarium autem experientia nos docet, cùm in locis mari vicinis, si depressiores sint, vix ulli occurrant fontes, atque ex remotissimis, ut diximus, maxima defluant flumina.

25. Sunt qui pluviz malint tribuere originem fontium; sed hoc quoque incommodo laborat horum sententia, si è solis pluviis oriri dicantur fontes, quod vix perpetui ulli eâ ratione posse esse intelligantur; cum sint interdum maximæ siccitates, quibus plurimi quidem exarescunt fontes, sed multi manent, fortè quidem imminuti sed numquam exhausti.

26. Omnibus hisce diligenter expensis, aliis aliam ineundam esse viam visum est. Constat experientiâ ex omnibus aquis, marinisque adeò ut ex aliis, calore Solis maximos egeri vapores, quâ de re etiam accuratius agemus, ubi de mari sermo erit. Nunc rem omnibus notam supposuisse satis est. Constat vapores ex aquis sublatos non pluviarum modò ritu, sed etiam rotis instar in terram quotidie recidere. Hyemali etiam tempestate, in plagis ab Æquinoctiali linea remotioribus, ingens cadit nivium copia, quæ in montibus altissimis ad mediam æstatem servantur, quo tempore liquefiunt. His autem suppositis, missis illis subterraneis tubis per quos aqua è mari feratur, origo fontium non difficulter describi posse videtur.

27. Cùm maximi \* vapores calore Solis, præsertim intra Tropicos, ex Oceano hauriantur, iique ventis quaquaversum spargantur, necesse est eos incidere in altissimos montes, qui per terram sparsi regionibus, in qui-

\* Ex *Aëtis Londinens. Mens. Jan. & Februar. 1692. Num. 119.* ubi exstat hanc in rem Edm. Halleji Dissert.

quibus vapores vagantur, superiores sunt. Ejusmodi sunt in Europa, *Pirenei*, *Alpes*, *Apenninus*, *Carpathii* alique; in Asia *Taurus*, *Caucasus* *Imani*; in Africa, *Atlantis* varia juga, & montes *Abissime*; in America *Andes*, & *Apalateani* montes. Horum plurima juga regionem, ad quam evehuntur vapores, multum superant, & tam raro aëre ac tam frigido circumdantur, ut non nisi exiguam tenuissimorum vaporum copiam, in summo vertice retineant. At inferiora juga maximam eorum partem, quæ aëris æstu quaquaversum agitur, sistunt. Illic frigore densati hærent, terræque & lapidum rimas subeuntes, in interiora argillæ aut lapidum receptacula confluunt; quæ cum semel plena sunt, quidquid præterea adfluit effundunt. Hæc aqua per latera montium, aut per terræ meatus superficiali proximis defluens in subjectos campos, creat rivus, aut ex meatibus terræ, quæ exitus datur, scaturit. Aqua enim quæ descendit, modò tubis continetur, ad eam altitudinem, ex qua descendit, iterum ascendit; ubi verò tubus deficit, quæ patet exitus, effunditur.

28. Deinde plures rivuli ac fontes in vallem unam incidentes fluvium, aut lacum formant. Si vallis ad mare usque extendatur, prout declivior est, aut minùs declivis, eo rapidius, aut lenius flumen per eam defluit. Si contrà latissimum sit receptaculum, in quod incidit, lacum creat, qui vel aliquà declivitate per fluvii alveum exoneratur, vel clausam aquam continet, quæ illic restagnat, nec nisi vaporibus calore evectis minuitur. Sic formantur fluvii *Rhenus*, exempli causâ, & *Danubius*, in quos, dum per immensos terrarum tractus defluunt, innumeri alii fontes, rivi, & fluvii aquas suas deferrunt. Sic nascitur \* *Fucinus* lacus, in Italia, qui cum inter montes in Marforum regione contineatur, nec quæ elabatur exitum habet, attamen in immensum non crescit, sed aut exsugitur meatibus subterraneis, quale est *os Pitonium*, aut vaporibus exhauritur,

\* Vide *Raph. Fabretum de Lacùs Fucini emissario.*

tur. Sic &, hoc aliisque similibus lacubus multò amplius, Mare Caspium, quod neque minuitur, neque crescit, qua de re diligentius postea agemus, formatur.

29. Hæc autem vaporum in montibus collectio copia, nemini mira videbitur, nisi iis qui in montium jugis numquam fuerunt. Quicunque enim aliquando illic versati sunt, intensius multò frigus, quàm in campestri regione, esse experti sunt. Etiam mediâ æstate tantum illic est frigus nocturnum, ut sine igne vix ferri queat. Hinc fit ut sudâ etiam tempestate, Sole in campis claro lucente, sæpe nebulis per omnem viciniam obfiti sint montes; quod habent vicini instantis pluvie indicium. Hinc fit ut in summis, quæ inter montium juga sunt, convallibus, media æstate, nix servetur, et omnes montium accolæ, aut qui eos visere norunt.

30. Nec in Europâ modò nostra, cis Tropicum Cæleri sita, montes vaporibus madefiunt. Vir harum rerum peritissimus, qui diu in *S. Helena* insulâ commoratus est, narrat sæpe se noctu in vertice montis maris superficiem 2400. pedibus superante, observationibus Astronomicis vacantem, tantam condensationem vaporum, etiam sudâ tempestate, expertum esse, ut intra quindecim minuta optica vitra guttis ita madefierent, ut essent austergenda. Charta etiam in qua scribebat, tam brevi tempore madefiebat rore, ut atramentum humore dilueretur statim ferè ac depromebatur. Unde quanta vaporum copia, in amplissimis montium jugis condensetur colligere est.

30. Si ad vapores accedant pluvie, & nives liquefactæ, dubium non erit, quin ea omnia alendis rivis, & jugibus fontibus sufficiant. Constat certe proximis fluvios pluviiis non parum augeri. Imò verò tempore æstatis ardentissimo, quo nullæ sunt pluvie variis in locis, nonnulla flumina maxima sunt. Sic *Nilus* Ægyptum, sic *Niger* Nigritiam inundat, eo tempore, quo in Ægypto & Nigritia sudum omnino est.

\* Emd. Hallejus.

est cœlum; quia, nimirum, in Abissinia unde fluunt, sunt tunc temporis copiosissimi imbres, per aliquot Hebdomadas. Nives etiam, quæ per æstatem in altissimis montibus liquefiunt, non parum flumina quæ ex illis montibus fluunt, calidissimo anni tempore, augent; quod ex *Rhodano*, & *Lacu Lemanno*, constat, qui æstate semper majores sunt, quàm hyeme.

32. Itaque si densatos vapores, pluviiis & nivibus jungamus, satis supérque liquoris erit ad fontes omnes alendos; nec opus erit fingere tubos subterraneos, per quos maris aqua, in remotissimas terræ partes perveniat.

## CAPUT VIII.

## De Mari.

1. **F**ontium & fluviorum considerationem proximè sequitur Maris, quo omnia excipiuntur flumina, examen. *Mare* vocamus ingentem illam aquæ salæ copiam, quæ ab Septentrione in Meridiem, & ab Occasu in Ortum quaquaversùm terram siccam ambit, in quam omnia flumina delabuntur, & quæ varios amplissimos sinus habet, quorum maximus est *Mare Internum*, seu *Mediterraneum*. Uno verbo *Oceanus* appellari solet, quamquam, pro locis quos alluit, nominibus variis vocatur. In eo tres potissimas proprietates considerant Physici, primò saluginem inexhaustam; secundò æqualitatem, cum tot fluminibus perpetuò influentibus nequaquam augeatur; tertio æstum, quo bis quotidie aqua ejus attollitur, & subsidit. Quarum rerum causæ nobis nunc sunt investigandæ.

2. I. Ad saluginem quod attinet, quæritur primò quare Mare sit salum; deinde quare, cum tantum salis pondus ex eo hauriatur quotidie, non minuatur

G

salsugo,



falsugo, cùm præsertim tanta dulcis aquæ copia perpetuò ex fluviis in mare descendat. Maris falsugo aliunde non videtur oriri, quàm variorum fontium, in quibus similis deprehenditur sapor, & quorum aquis excoctis Sal conficitur, ut antea diximus. Nimirum, cùm per tantos terrarum tractus Oceani alveus porrigatur, credibile est pluribus in locis fodinas salinas, easque amplissimas ei esse subjectas. Diluto autem ejusmodi Sale, mare ejus particulis impletur. Hoc tamen præterea accedit, quòd in mare fluvii undequaque influant; qui cum aquâ dulci innumeras salinas particulas, ex terris quas alluunt, secum deferunt, quæ quædam particulæ in singulis fluviis non sunt eâ copîa, ut aquam fluviorum falsam reddant, omnes tamen in unum alveum collectæ, unde non avehuntur, saltem eadem copîa, mutare saporem aquæ eo alveo contentæ possunt. Observavimus autem antea salia in vapores non abire, unde fit ut omnia quæ in Oceanum devehuntur in eo maneant; dum ingens aquæ dulcis copia Solis calore hauritur. Itaque hæc etiam salinæ particulæ augere falsuginem Oceani possunt. Consideranda est Tem quasi ingens quædam spongia (quam vis sit compaciôr) variis salibus imbuta, pluvix verò, rores, & nebula instar aquæ quæ in spongiam affunderetur, ex qua contractâ falsugine in vas subjectum effluerent. Obiter quidem fluendo, tantum salis secum ea aqua non deferret, quanta esset falsugo aquæ vasa receptæ, omnes tamen guttæ aliquid ad falsuginem totius aquæ conferrent. Fingamus illi vasi ignem subjici, aqua dulcis in vapores ibit, & quod supererit falsius erit. Sed si iterum vapores illi Alembico excepti in spongiam injiciantur, & in vas decident, aqua falsuginem temperabunt, si modò majorem aquæ dulcis copiam, quàm salinarum particularum contineant. Hæc facîle possunt præsentî negotio aptari.

3. Hinc etiam colligere possumus unde fiat, ut maris falsugo neque augeatur, neque minuat, saltem ut hoc possit deprehendi. Non augetur sale injecto, quia

quia perpetuò ingenti copia salinas particulas in varia littora mare egerit, quæ particulæ lapidescunt, neque in mare redeunt. 2. Arte humanâ, ubicunque sunt incolæ, & aëris calor id patitur, Sal ex mari educitur, qui usibus humanis absumtus, maxima ex parte terræ miscetur, & adhæret. 3. Postquàm aqua certam salinarum particularum copiam exceperit, jam iis prægnans ceteras respuit. Non minuitur etiam maris Salsugo, quia non plus Salis illinc educitur, quàm advehitur, aut ex fodinis diluatur. Potest fieri in fodinis, quarum partes aliquot quotidie diluuntur, & per Oceanum sparguntur, ut aliæ adnascantur; dum tenuissimæ particulæ, in poris terræ oblongis & in acumen desinentibus, conerescunt. Quas res describere eorum esset, qui terræ viscera diligentissimè ubique rimati essent.

4. II. Ut sciamus quare aqua marina non augeatur, tot influentibus fluminibus, videndum est annon aliunde quotidie minui possit, dum quotidie augetur. Hoc autem jam indicavimus, ubi de origine fontium egimus, sed est hic accuratius ostendendum. \* Satis quidem constat maximam esse vaporum in aëre copiam, cùm quandoque maximæ nives & pluvix, ex vaporibus densatis, ut alibi ostendemus, confectæ, in Terram cadant. Sed invenienda est ratio æstimandæ, saltem crassius, vaporum illorum copix, quod sic aggreffus est vir doctus.

5. Sumsit vas aquâ plenum, quatuor digitos profundum, & cujus diameter erat digitorum 7 &  $\frac{2}{15}$ , in quo Thermometrum collocavit. Inde subjecto igne aquam calefecit, circiter ut solet esse aër calidissimis harum regionum æstatibus, ut ex Thermometro liquebat. Quo peracto, ex libræ flagello vas illud suspendit, addito ex altera parte æquali pondere. Gradum autem caloris eundem in aqua servabat, admoto, aut amoto igne. Brevi tempore minuebatur aquæ pondus, adeò ut post duas horas dimidia deesset uncia, nisi

G 2

quod

\* Ex *Actis Anglican.* An. 1688. Mens. Octob. & Septemb.  
ex Edm. Halleio.

quod dimidiæ uncia deficerent 7 grana. Abierunt ergo 233 grana aqua intra illud tempus, quamvis nullus animadverti posset fumus, neque calida videretur digitis in eam immixtis. Hæc autem aquæ copia, in vapores intra tam breve spatium, eversa, dignissima est consideratu; hinc enim sequitur, intra viginti quatuor horas ex tantillâ superficie circulari, cujus diameter est 8 digitorum, sex uncias aquæ, aut circiter, in vapores egeri posse.

6. Ut autem ex hoc experimento possit accuratè cognosci quanta sit moles aquæ quæ in vapores abiit, utendum est alio experimento Oxonii à *Societate* ejus Urbis sumto, quo constat pedem cubicum aquæ 76 libras gravem esse. Hic autem numerus divisus in 1728, qui est numerus digitorum cubicorum, qui pede continentur, producit 253 grana &  $\frac{1}{3}$ , aut semiunciam 13 grana &  $\frac{1}{7}$ , quod est pondus digiti cubici aquei. Igitur pondus granorum 233 est  $\frac{233}{253}$  vel 35 partes digiti cubici in 38 divisi. Area autem circuli cujus diameter est 7 digitorum  $\frac{9}{16}$  complectitur 49 digitos quadratos, quibus si divides copiam aquæ in vapores eversa, scilicet  $\frac{35}{38}$  digiti, productum est  $\frac{35}{188}$  vel  $\frac{1}{5}$ , unde liquet aquam in vapores eversam esse 53 partem digiti. Verùm ut facilius sit calculus, supponamus esse 60 partem.

7. Si igitur aqua æquè calida, ac æstate esse solet, ex superficie descripta, evehit 60 partem digiti, intra duas horas; 10 pars intra decem horas evehetur, quæ aquæ copia ex toto mari hausta satis superque sufficiens est ad omnes pluvias, rores & fontes creandos. Hic calculus potest etiam ostendere, quare mare non minuat, neque supra littora attollatur, ut mare Caspium, quod semper æquè altum est. Supponere etiam possumus per Gaditanum fretum perpetuò ex Oceano aquam in Mediterraneum mare influere; quamvis præterea hoc mare ingentem fluviorum numerum excipiat.

8. Ut ergo æstimare possimus, quæ copia aquæ ex mari per vapores evehatur, debet tantum ratio haberi diurni temporis, nocturno enim, æqualis aut etiam major copia aquæ in roribus descendit, quàm in vaporibus evehitur. Æstate quidem dies sunt noctibus longiores, sed considerandum hîc Solêm orientem non eandem vim habere ac in meridiano, & opus esse aliquo tempore ut aqua calefiat. Itaque supponamus, intra descriptam superficiem, quotidie  $\frac{1}{10}$  partem digiti è mari evehi, quod à nemine negari potest.

9. Hoc posito, decem digiti quadrati superficiem maris quotidie in vapores emittent digitum cubicum, unusquisque pes quadratus \* *dimidiam Pintam*, quatuor pedes quadrati *Gallonem*, milliare quadratum 6914 † *Dolia*, & Gradus quadratus, si supponatur 69 milliarium Anglicanorum, 33 *milliones Doliorum*.

10. Jam si mari Mediterraneo tribuamus 40 Gradus in longitudinem, & 4 in latitudinem, ratione habitâ archorum & latiorum locorum, quod minimum tribui ei debet; inde fient 160 gradus quadrati. Itaque totum mare Mediterraneum, die æstivo, emittet 5280 *milliones Doliorum*. Hæc autem copia aquæ in vapores evecta, quantacunque videatur, minima est quæ supponi queat, ex descripto experimento. Considerandum præterea est huc aliquid accedere, quod certis regulis contineri nequit, ventos, nimirum, qui ex superficie aquæ quandoque multò plures partes evehunt, quàm à Sole fieri potest: ut faciliè intelligent qui exsiccat ventos, qui quandoque fiant, in animum revocabunt.

11. Difficilimum est æstimare quantam aquæ copiam mare Mediterraneum ex influentibus fluviis accipiat, nisi ostia fluviorum metiri liceret, & rapiditatem quâ defluunt. Hoc unum potest fieri, ut tribuatur iis potius major aquæ copia, quàm æquo minor; seu ut

G 3

suppo-

\* *Mensura sunt Anglicana.* † *Tonns.*

supponamus eos esse majores quàm reverà sunt, deinde ut comparetur aquæ copia, quam *Thamesis* in mare defert, cum aquâ fluviorum, qui hic considerandi veniunt.

12. Mare Mediterraneum hos novem fluvios, præter multos alios Græciæ & Asiæ minores, admittit maximos, *Iberum*, *Rhodanum*, *Tiberim*, *Padum*, *Danubium*, *Hypanim*, *Borysthenem*, *Tanaïm* & *Nilum*. Supponemus in unoquoque horum fluviorum esse aquæ copiam decies majorem, quàm in *Thamesi*; non quòd in ullo sit tanta aquæ copia, sed ut calculo complectamur omnia alia minora flumina, quæ in idem mare illabuntur, & quorum magnitudo certò æstimari nequit.

13. Ad mensuram ineundam aquæ *Thamesis*, qualis ad *Kingstoniensem* pontem, consideratur, quò æstus maris numquam pervenit. Latitudo ejus alvei est centum *ulnarum*, profunditas verò trium, si ubique æqualis supponatur, quâ in suppositione justam mensuram potius excesseris, quàm intra eam consistas. Hoc ergo in loco sunt trecentæ *ulnæ* quadratæ, quod multiplicatum per 48000 (quæ aquæ copia intra horas 24. defluit, si in singulas horas 2000 deputemus) aut 84480 *ulnas*, producit 25344000 *ulnas* cubicas, quæ intra diem unam defluere possunt, hoc est, 20300000 *dolia*. Quod ampliùs concessum est, in superiori calculo, *Thamesis* alveo, quàm re ipsâ habet, id satis superque est, ut eo contineantur aliquo minora flumina quæ in eum delabuntur, infra pontem *Kingstoniensem*.

14. Nunc verò, si ex suppositione, unusquisque novem eorum fluviorum decies major est *Thamesi*, unusquisque in mare quotidie deferret 203 *milliones doliorum*; atque in universum erunt 1827 *milliones doliorum*, quæ est paulo plusquàm tertia pars vaporum, qui ex mari Mediterraneo intra 12 horas evchuntur. Unde satis apparet fluminibus, in mare illabentibus, non deberi ejus altitudinem augeri. Quæ nec minui potest, propter pluvias & rões quæ perpetuò in aliquam partem

partem maris recidunt, & pondere suo quaquaversum sparguntur.

15. III. Superest, ut in rationem & causam *Æstus marini* inquiramus, & ante omnia quidem sunt ejus phænomena exponenda. *Æstus* ergo maris constat *fluxu & refluxu*, in quibus sequentia observantur. 1. Aquæ marinæ videntur, certis temporibus, in hisce regionibus, à Meridie in Septentrionem decurrere per sex horas; quod *fluxum* vocare solemus. Mare paulatim ad littora attollitur, fluviorum ostia altius subit, & eorum fluentia retrogredi cogit. 2. Sex horis elapsis, per quartam horæ partem videtur aqua eâdem altitudine esse, deinde à Septentrione in Meridiem, per sex alias horas, regreditur, residunt aquæ, & flumina deorsum ferri iterum incipiunt; quod vocamus *refluxum*. Similiter aqua, per quindecim minuta, depressa manet, quibus exactis denuo incipit æstus. 3. Itaque bis intra 24 horas mare attollitur & bis deprimitur, verum non semper eadem horâ incipiunt fluxus & refluxus, quia plusquàm duodecim horas in iis mare absumit. Quotidie circiter 50 minutis seriùs incipit æstus, adeoque si hodie cœperit horâ duodecimâ, cras incipiet decem minutis ante primam. 4. Idem observatur in omnibus Europæ littoribus, quæ Oceanus aluit; sed eò major est æstus, eoque serior, quò littus Septentrioni, seu Polo nostro propior est. Contrà verò intra Tropicos vix ullus animadvertitur æstus. 5. Mare Mediterraneum & Balthicum nullum æstum patiuntur, uti nec mare Caspium. Eveniunt quidem hic nonnulla Anomala, ut quòd in sinu Veneto intimo sit aliqua reciprocatio, & variis in locis sint decursus varii aquæ reciprocantis. Sed eorum hic rationem non habebimus.

16. Præter ea phænomena, observarunt Philosophi convenientiam quamdam in æstu maris cum Lunæ motu. 1. Quemadmodum æstus maris quotidie 50. minutis seriùs incipit: sic Luna in Meridiano est, sequente die, quinquaginta minutis seriùs quàm priore. 2. Quot

vicibus Luna Meridiano nostro imminet, tot vicibus mare attollitur; & quot vicibus in Horizonte est, tot vicibus mare deprimitur: 3. Itaque unâ synodicâ periodo Lunæ, à plenilunio ad plenilunium, æstus marini per omnes viginti quatuor horas circumaguntur; adeo ut, si hoc Plenilunio mare ascenderit horâ duodecimâ, proximo eadem horâ iterum ascensus sit, non prius. 4. Circa Novilunium & Plenilunium, æstus sunt maximi, minimi in Quadrantibus. 5. Præterea cum per omnia Novilunia & Plenilunia, maximus sit æstus, longè maximus est Noviluniis & Pleniluniis, quæ circa Æquinoctia sunt. Alii accuratius initia Februarii & Novembris, quasi maximorum æstuum tempora, signari posse aiunt, post plurima experimenta.

17. Hisce cognitis phænomenis, quamquam omnia æquè semper nota non fuerunt, causam æstus marini esse Lunam suspicati sunt jamdudum Philosophi. Sed terè perinde erat, ac si nihil simile observassent, cum dicerent fieri hoc occultâ quadam proprietate Lunæ, aut *influentiâ* nescio quâ, cujus naturam nullatenus exponebant. Itaque recentiores ad alias rationes confugiendum sibi censuerunt, & in Luna quidem quæverunt causam æstus marini, sed mechanicè in Terram agente.

18. I. Antea aliquoties vidimus corpora quæ in orbem moventur circa centrum quodpiam, ab eo centro niti recedere, & dum nituntur, sibi subjecta corpora premere. Vidimus etiam Lunam circa Terram agi, eo motu, unde consequens est ut Luna subjecta corpora premat, hoc est, aërem vicinum, aut aëri similem materiam. Ea autem pressio ad Terræ usque centrum pertinet, ac proinde quidquid interjacet necessariò afficit.

19. II. Hoc cum ita sit, necesse est aquam quæ subiacet Lunæ, eo tempore quo Luna transit in Meridiano, incumbente aëre magis premi. Partes autem Terræ, quibus ad perpendicularum imminet Luna, sunt inter Tropicos, juxta Eclipticam, quibus in locis sunt amplissima



amplissima ab Oriente in Occidentem per totum Telluris circuitum maria, ut liquebit si in globum oculi conjiciantur. Igitur cum Luna illac transsit, necesse est aquam magis illic quàm alibi premi, adeoque versùs littora septentrionalia, & meridiana tolli; & quoniam Luna bis est in Meridiano quotidie, supra, nimirum, & infra Horizontem; bis aquam ad littora decurrere, & bis in alvei mediam partem redire oportet. Hæc summatim videtur ratio esse æstus marini, quæ ad phænomena sigillatim sic aptari potest.

20. III. 1. Mare in nostris oris debet videri ad septentrionem ferri, tempore *fluxum*, quia Luna nobis semper est ad Meridiem, quippe qui extra Tropicum Cancrī sumus. Atque hoc fieri debet, per sex horas, quibus Luna accedit aut abit à Meridiano, quo tempore maxime premit aquam nobis ad meridionalem plagam oppositam. 2. Postquam verò Luna ulterius transiit; aqua, cujus superficies ad æquilibrium redit, pondere suo, Lunâ non amplius obstante, in medium maris alveum redit. Est tamen aliqua mora, inter *fluxum* & *refluxum*, quia cum aqua cœperit in certam partem ferri, motus ille aliquamdiu aquæ gravitati resistit; præterquàm quòd undæ maris, quod eo tempore attollitur, in viciniâ, magis ad occasum, possunt redeuntibus aliquamdiu obstare. 3. Quinquaginta minutis seriùs incipit æstus, quia, quinquaginta minutis seriùs, transeunte per Meridianum Lunâ, mare premitur. 4. Major est æstus in littoribus maxime septentrionalibus, quia tota maris ad Polos refugientis moles illic sistitur; sed serior, quia cum motus aquarum successivè fiat, necesse est seriùs in iis locis sentiri, qui sunt ab eo in quo incipit remotissimi. Contrà verò intra Tropicos non magnus est æstus, quia aqua potest facillè illine versùs Polos decurrere, adeoque illic non congeritur; sed remotius fluit. 5. Mare Balthicum, Mediterraneum & Caspium non debent æstum pati, quia præterquàm quòd iis non incumbit Luna, cum extra Tropicos sint; in duo priora, qui sinus sunt Oceani, propter angu-

stias fretorum non potest status ille aquarum decursus satis celeriter fieri.

21. Hinc satis apparet, quare motum Lunæ sequatur maris æstus, nec opus est ut vestigia nostra hâc in re relegamus; duo tantum sunt expedienda. I. Noviluniis & Pleniluniis major est maris æstus, quia tunc temporis Luna magis subjecta spatia premit; cujus rei hæc est ratio quòd eo tempore Terræ sit propior, seu in extremis partibus axis minoris Ellipseos, quam circa Terram describit. Hæc autem est experimentis confirmata observatio, corpora gravia centro incumbentia eo magis gravitare, quo sunt centro propiora, ut alibi jam diximus; ideòque Luna in Perigeio, magis gravitat in Terram, quàm in Apogeio. Cum autem in Quadrantibus sit circa majoris axis suæ Ellipseos partes extremas, minùs tunc temporis gravitat, quippe remotior à Terræ centro.

22. II. Circa Æquinoctia, major est æstus Pleniluniorum & Noviluniorum, quia tum Luna medio alveo Oceani perpendiculariter imminens, majorem copiam aquarum utrimque disjicit; quod exemplo hoc exponi potest. Si in vas aquâ plenum injiciatur globus, adeò ut in centrum superficiiei aquæ immergatur, majorem undeque aquarum copiam redundare, & attolli cogit, quàm si parti extremitati propiori immergatur; cujus rei hæc causa est, quòd aquæ molem sibi subiectam pleniùs premat ubi remoti sunt vasis parietes quàm ubi proximi. Similiter Luna premens eam. Oceani partem quæ sub Æquatore est, pleniùs & vehementiùs exundare utrimque aquas pondere suo cogit; quàm si pressio fiat in locis Polis propioribus. Addere etiam possumus mare illic esse, ut alibi diximus, à centro terræ remotissimum; contrà verò ad Polos depressius & propius; unde fit ut illic pressum vehementius ad Polos decurrat, quàm ubi cis, aut trans Æquatorem premitur.

23. Sunt \* viri doctissimi, qui pressioni Lunæ adjungant vim Solis, & rationem haberi contendunt motus Telluris; sed quia ea sunt abstrusiora & obscuriora, faciliiori & planiori hypothefi, in hoc nostro Compendio, adhærere satius duximus. Non addemus etiam quare initio Februarii & Novembris æstus sit, nonnullis in locis, altissimus; nam cum non planè certa sit hæc observatio, in singularia phænomena, à situ terrarum & littorum pendentia, inquirere supersedemus.

\* Vide *Is. Newtonum Phys. Math. Lib. III. Prop. XXIV, & XXXVII. & Joan. Wallisium in Act. Philos. Lond. anni 1666. n. 16.*

PHYSICÆ  
LIBER TERTIUS  
DE  
AERE & METEORIS.

CAPUT I.

*De Aëre.*

1. **A**erem vocamus id corpus pellucidum, quod undequaque terram ambit, & in quo vivimus, dum eum pulmone admittimus, & expellimus. Id Peripatetici, post Empedoclem, elementorum unum esse putant; nec ullum esse corpus quod eo partim non constet, contendunt. Quam quidem controversiam nos hic non attingemus; inquiremus duntaxat in ejus indubitatas proprietates, earumque causas investigabimus, de eo quod de Elementis vulgò dicitur quinto demum Libro acturi.

2. In Aëre hæc considerandæ veniunt proprietates.

1. Est liquidus, nec instar aquæ congelari potest: 2.

Mul-

Multò quidem est levior aquâ, nec tamen gravitate est destitutus : 3. Pellucidus est, seu lucem transmittit : 4. Condensari, & rarefieri facillè potest : 5. Vi præditus est elasticâ : 6. Necessarius est flammæ alendæ, ut & respirationi.

3. Hæ sunt potissime aëris proprietates, quas sigillatim ad examen revocabimus. I. Quare sit liquidus non dicemus, cum jam hac de re, ubi de aqua, egerimus. Sed multò aquâ liquidior est, nec potest concreescere, 1. quia videtur poros multò majores habere, plenos subtiliore materiâ vehementissimo motu agitâ, quâ particula aëreæ huc illuc perpetuò pelluntur; quod liquet ex eo quod aër vase inclusus facillè condensetur, ut postea videbimus, cum aqua hætenus vix ullâ machinâ condensari potuerit : 2. particula aëris tenuiores sunt, & ramosæ, unde fit ut interstitia inter se relinquunt, neque compactiorem umquam massam efficere possint.

4. II. Ubi \* de Aquâ egimus, diximus eum plusquàm 840. vicibus aëre esse graviorem; unde sequitur certâ mole aëris collatâ cum eadem mole aqueâ, 840. vicibus minorem copiam homogeneæ materiæ contineri; unde etiam fit ut cum condensari aër possit, ut postea videbimus, aqua arte humanâ nequeat.

5. Si autem quaratur, quanta sit solius Aëris nobis incumbentis gravitas, hoc variis experimentis Philosophi ostendere conati sunt, quorum duo referemus. 1. Antlias, quarum ope aqua ex profundioribus locis educitur, 32 pedibus aut circiter duntaxat longas esse posse constat; neque enim aqua altius per tubos ascendit; unde collegerunt Cylindrum aëris æquè latum ac Cylindrum aquæ tubo contentæ, ab infimo aëre ad summum, non superare pondere Cylindrum aqueum 32. pedes altum, quandoquidem altiorem aquam sustinere nequit, quamvis antliæ pistillus altius trahatur. Neque enim dubitant quin aqua antliâ contenta vi aëris incumbentis attollatur, quoniam nulla est alia causa ob quam aqua

\* Lib. 2. c. VII. §. 7.

aqua ad eam altitudinem evehi possit. Qui olim metum vacui finxerant, ii nunc planè explosi sunt, & quidem meritò.

6. 2. Alterum experimentum est hydrargyri tubo vitreo contenti. Si fumatur tubus, exempli causâ, quadraginta digitos longus, cujus altera extremitas probè clausa sit, impleaturque Hydrargyro; deinde aperta extremitas Hydrargyro Vasculo contento immergatur, & perpendiculari situ tubus teneatur; descendet Hydrargyrum ad 30 aut circiter digitum (quamquam est aliqua varietas, pro aëris dispositione) non inferiùs, & sic suspensum manebit. Si verò superior pars tubi, quam clausam esse diximus, aperiatur, ut aër illuc subeat, illico totum Hydrargyrum deprimitur in vas subiectum. Unde meritò collegerunt, & Hydrargyrum sustineri, pondere aëris, & pondus aëris cylindri ad summum aërem æquare 30 digitos Hydrargyri.

7. Hoc supposito, corollarii loco addemus quid de altitudine totius aëris hinc judicetur. Alio experimento constat gravitatem Hydrargyri esse respectu gravitatis aquæ, ut  $15\frac{1}{2}$  sunt ad 1, aut circiter; adeò ut Hydrargyri gravitas respectu aëris (supposito aërem esse tantum 800 vicinus aquâ leviolem) esse quod 10800 sunt ad 1, aut circiter; & cylindrus aëris 10800 digitorum, aut 500 pedum, sit æqualis digito Hydrargyri. Igitur si Aër æqualiter ubique densus esset, ut aqua ejus altitudo non superaret multum 5 passuum millia. Verum cum aër rarior fiat, prout Atmosphæræ pondus minuitur, adeoque majus occupet spatium, partes Aëris superiores, multò rariores sunt, latiùsque patent, quàm inferiores. Itaque unumquodque spatium, quod digitum Hydrargyri æquat, crescit cum Atmosphæra. Igitur multò altior debet esse aër, at quantò, non potest definiri, nisi constet nobis quâ proportionem aër rarefiat, prout à centro terræ recedit.

8. III. Pellucidus est aër, quia cum patentissimos poros habeat, & partes ejus faciliè disjiciantur; materiz,

teriz, quâ lux constat, transitum per lineas rectas præbet. Atque hinc fit ut non modò Sol, & Planetæ, qui propiores sunt, lucem ad nos mittant aut reflectant; sed etiam stellæ fixæ ex immensâ panè distantia à nobis cerni queant. Attamen quemadmodum aqua profundior non transmittit omnes radios, qui eam subeunt, quia motu particularum aquearum interrumpitur lucis series: sic quoque in tam profundum aërem incidentes radii multi franguntur atque intercipiuntur. Unde fieri videtur, ut serenissimum cælum non prorsus pelucidum, sed cærulei coloris obscurioris, instar aquæ, appareat; quod quomodo fiat in Cap. de Coloribus ostendemus.

9. IV. Condensatur & rarefit aër, quia cùm sit ramosis particulis, facilè ex particulæ motu vehementiori magis à se invicem disjiciuntur, quod *rarefactio* vocatur: facilè etiam coguntur in minus spatium, dum ad se invicem flexis ramis accedere adiguntur, ita ut quaquaversum diffuat liquida materia quæ inter eas antea erat, quâ ratione fit *condensatio*. Hoc cùm aliis innumeris experimentis constat, tum hisce duobus.

1. \* Si vas aëris plenum sumatur, quod tubus medius permeat utrumque apertus, ita ut tubi extremitas quæ intra vas est fundum ejus non tangat, potest per tubum illum satis magnâ copiâ injici aqua; quâ necessariò aër comprimitur, atque in minus spatium cogitur, cùm optimè clauso tubo aër egredi nequeat, dum aqua injicitur. Quod etiam hinc manifestò liquet, quòd aperta summâ tubi parte aqua summâ vi erumpat, ut postea ostendemus. 2. Sclopeta etiam fiunt, in quæ tanta aëris copia immittitur, ut plumbeum globum maximâ vi expellat.

10. V. Hæc duo experimenta ostendunt in Aëre esse vim *alesticam*, hoc est, redeundi in eundem statum, idemque spatium quod antea occupabat recuperandi, quamprimùm per vim, quâ in minus spatium coactus fuerat, licet. Ideò enim ex vase quod descripsimus aqua tan-

\* Vide horum descriptionem apud Jac. Rohaltum P. 3. Cap. 2.



tantâ vi eijcitur, cùm tubi superior pars aperitur, quâ aër in minus spatium coactus id sibi iterum vindicat, cùm vis major solidæ materiæ obstare desit. Eadem de causâ, Sclopetumaëre plenum, & quidem aëre compresso, ubi aperitur, globum plumbeum emittit. \* Eodem modo etiam Sclopetum, aëre planè exhaustum, cùm externum subito admittit, plumbeum globum celerimè eijcit.

11. Hic, ut hoc negotium penitus expediretur, oportet inquirere in causam motuum elasticorum, seu quâ sit ut corpus vi ex quodam statu dejectum in eum sponte suâ, remotâ vi illâ, redire videatur. Verùm hoc est altioris & prolixioris indagationis, quàm hic, per digressionem inferi queat, & Lib. V. commodius exponetur. Satis est modò res constet, nec dubium esse potest quin cùm multis aliis corporibus, tum etiam aëri ea vis insit.

12. VI. Ostendimus Lib. II. c. III. §. 12. sine aëre flammam, & ignem exstingui, diximusque inesse videri aëri nitrosam aliquam materiam, aut etiam sulfuream, quâ ignis alatur. Nec sanè fieri potest ut aër incumbens tot plantis, animalibus, & mineralibus, quæ calore Solis perpetuo agitantur, dum aëris particulis quaquaversum agitatæ lambuntur, secum non avehat innumeras sulfuris, saliumque volatiliū, quibus ea turgent, ut ex Chymicis experimentis constet, particulas. Igitur nihil eo in loco naturæ rerum non consentaneum exposuimus. Sed addemus hîc experimentum, quo quàm facilè ejusmodi particula in aërem evehantur manifestius constabit. † Confecit vir harum rerum peritissimus liquorem colore rubro sanguinem referentem, atque ex humano sanguine educum. Sapore & odore salinas aut sulphureas sanguinis particulas eo contineri aparebat. Is liquor in phialam

\* *Vide Act. Philosoph. Londinensia Anni 1686. Mens. Februarii.*

† *Rob. Boyleus in Act. Philos. Londin. Mense Septem. 1690. Tit. XVI.*

vitream conditus, ut media duntaxat pars plena esset, in ea instar cujusvis alius liquoris quietus continebatur, dum clausa esset; sed cum aperta fuit, admissusque aer externus, illico ferè albus vapor, qui nullus antea cernebatur, evehi cœpit magnâ copiâ, nec superiorem tantum phialæ partem implevit, sed instar fumi in aërem evolabat, donec phiala clauderetur, quæ alioqui brevissimo tempore planè exhausta fuisset. Omnes etiam alii, ejusdem generis, liquores facillimè in auras, nisi vasitus diligenter obturatis servantur, abeunt.

13. Non debet ergo quisquam mirari aërem ejusmodi particulis refertum à nobis censerì. Hinc autem viri docti existimarunt se posse reddere rationem, quare animalia respiratione, hoc est, aëris adductione in pulmones, ejusque emissionem tantopere juventur, ut sine eâ vivere nequeant. Sed vias prorsus contrarias inveniunt. Alii ergo existimarunt particulas aëris nitrosas in pulmones admissas, per ejus poros in sanguinem pervenire, eumque refrigerare; quâ refrigeratione prorsus indiget, nec motu perpetuo, & affluxu sulfurearum particularum nimium incendatur. Alii verò rati sunt aërem expiratione expulsum secum fuliginosas sanguinis particulas in pulmonibus contentas revehere; adeoque sanguinem refrigerari non admissis particulis nitrosis, sed emissis contrà sulfureis fumis, qui unâ cum aëre emittuntur. Atque hæc posterior ratio experimento allato magis consentanea, verisimilior etiam nobis videtur; quamvis hîc nimium dogmatici esse nolumus.

14. Quoniam autem de respiratione aliquid hîc dicendum, ad naturam Aëris exponendam, fuit; quamvis ad aliam Physicæ partem, quæ de *Animalibus* agit, pertineat etiam hæc materia; attamen pauca, quæ aërem potissimum spectant, ea de re hîc addemus. I. Ad respirationem planè necessarium esse aërem constat multis experimentis, sed hoc potissimum. Machina à R. Boyleo inventa exhauriri aëre ita potest, ut aut nullus

lus superfit, aut exiguâ saltem copiâ; ut variis rationibus, quas non proferemus liquet. Si autem, animal quoddam eâ includatur, deinde exhauriatur aër, brevissimo tempore conturbari, anhelare, ac tandem mortuum concidere cernitur, nisi admissio aëris iterum & quidem quàm citissimè recreetur. Necessitatis autem hujus rationem superiore §. exposuimus.

15. II. Aër quem respirant animalia non debet esse nimis tenuis, quia pulmones non satis potest dilatare, nec totius pectoris pulmones coarctantis nifum sustinere. Itaque, qui versantur in aëre rariore pro una respiratione, duabus indigent, quia omnis fuligo pulmonum non abstergitur respiratione non satis plenâ. Hoc autem observatum est à pluribus, qui in altissimis montium jugis, ubi aër rarior est, quia altior, quàm in campestribus locis, aliquamdiu fuerunt. Quamvis enim\* post ascensum sat diu quievisent, magis anhelos esse quàm fuerant cùm ascendere inciperent, deprehendebant. Similiter in Boyleana machina exhaustâ aliquâ tantum aëris parte, difficilius, & crebrius respirant Animalia. Sin verò crassior sit Aër, ut cùm sunt nebulae crassiores, lentiores respirationem esse sentimus, quia aër vaporibus prægnans non tam facile subit ultimos pulmonum recessus, neque sat celeriter exire potest.

16. III. Oportet etiam aër sit purus & apertus, ut respirationi inservire possit. Observatum est murem vase vitreo inclusum, ita ut nullus externus aër subire posset, quippe quod fuisset hermeticè clausum, intra sat breve spatium in langorem incidisse, & antequàm per tres horas illic fuisset, planè quasi mortuum concidisse. Verùm refracto vasis collo & aëre novo, follis operâ, in vas immisso, paulatim est revocatus veluti ad vitam, motumque recepit; quamvis si diutius in vase mansisset, vix unquam recuperare potuisse videatur. Idem  
etiam

\* R. Boyleus in Act. Londin. anni 1670. Tit. xi. Septembris.

etiam observatum est in aviculâ, in simile vas coniecta. Alii putant in aëre particulas esse nitrosas, quibus refrigeratur sanguis, ut antea vidimus, iisque particulis absumptis, aërem illi usui ineptum esse. Alii verò aërem usque adeò fuligine pulmonum impleri, ut nullam amplius excipiat, adeoque non amplius inspiratus & expiratus pulmones refrigeret, cum in eos eundem fumum quem egeffit referat.

17. Utravis harum opinionum vera sit, res ipsa experientiâ constat; atque hinc fit ut aër conclavis clausi, in quo plures homines sunt, mirum in modum incalascit, & peripneumonicorum pulmonibus non conducit. Indidem etiam fit ut aër magnarum urbium, quamvis in aperto cœlo, non sit aequè salubris ac pagorum, aut villarum; quia ruri liberrimè vento huc illuc disjicitur aër, & perpetuò renovatur; in magnis verò urbibus, ædificiorum multitudo obstat quominus tam facilè exhaustus aut fuligine corruptus aër aliò, ut novus succedat, avari possit.

---

## C A P U T II.

*De Meteoris in genere, Vaporibusque ex aqua ortis, unde Nebulae, Nubes, Rores, Pluvia, Nives & Grandines.*

**M**eteora, voce Græcâ, vocantur à Philosophis omnia quæ in aërem sublimem evadunt, atque illis suspensa sunt, qualia ea quæ in Capitis hujus inscriptione leguntur. Ea in duos veluti ordines partiuntur, sunt enim Meteora quæ vaporibus aqueis formantur, qualia sunt memorata; sunt & in quibus exhalationes ex aliis corporibus eversa deprehenduntur, ut tonitrua, fulgura, fulmina, aliique ejusmodi ignes in aëre subli-

blimi accensi. Hoc in Compendio, eam etiam divisionem sequemur, & à priori quidem Mateororum specie initium faciemus.

2. *Vapores* dicuntur particulæ aqueæ, quæ motu aëris ab aliis divelluntur, & in eo varias in partes feruntur, pro calore aëris, aut vento. Quantâ copiâ ex mari, aliisque aquis educi queant ostendimus Cap. VIII. superioris Libri, atque illinc fluvios & fontes omnes ortum ducere posse diximus. Nunc eos in aëre pendentes considerabimus.

3. I. Sæpe animadvertimus cùm dies calidior sit, neque ventus ullus fiat, ex terrâ humidâ tantam copiam vaporum ascendere, ut crassæ inde nascantur *Nebulae*. Eæ autem, modò sunt inferiores, modò superiores, pro vaporum multitudine & motu. In montibus & campestribus locis, aquæ conspiciuntur; sed frequentiores multò sunt in humidis, nisi quid obstat, ut si expositi sunt ventis. Dissipantur enim facilè vento accedente, præsertim si is ventus sit, qui desiccare soleat. Dissipantur etiam Sole, & sæpe videmus cùm oriente Sole crassæ essent, non multò post planè dissipatas fuisse.

4. Nulla est circa hæc difficultas, manifestum est enim nebulas constare particulis aqueis rarefactis, cùm summopere madefaciant quæcunque iis exponuntur. Eæ particulæ cùm vehementius moventur, altius in aërem ascendant necesse est; si verò sit motus tenuior, terræ superficiem lambant. Nam quò major est eorum, quæ circa Terræ globum sunt, motus, eò longius juxta motus leges, ab ejus centro recedunt. Oriuntur ex omnibus locis humidis, inque iis hærent, seu sint montana seu campestria, nisi disjiciantur vento aut calore, sed diutius in depressis manent, quia minùs sunt ventis expositi, eaque loca majore humoris copiâ madent. At si ventus ingruat, ubicunque sint, ab eo peluntur, & quaquaversùm dissipantur, ut ampliùs cerni nequeant. Sol etiam motum earum augens, aut eas rarefactas dissipat latè per aërem, aut in nubes evehit.

5. Quan-

5. Quandoque nebulæ foetent, non quòd aqua per se foetida sit, sed quia vaporum particulis admistæ sunt ex halationes sulfureæ, quarum is est odor. Hæ autem quæ ad nubes forte statim efferrentur, si nebulæ nullæ essent, nec proinde olfactum nostrum percellerent, irretitæ nebulis iis admistæ hærent, donec disjiciantur nebulæ.

6. II. Altiores nebulis sunt *Nubes*, quas in ère pendere videmus varièque per aërem à ventis rapi. Variarum etiam sunt figurarum, & quandoque adeò raræ ut Solis radios transmittant, sæpe ita densæ ut eos intercipient. Quin & variis coloribus tinctæ, modò albæ, modò rubræ, modò obscurioris coloris cernuntur.

7. Atque ut à coloribus initium faciamus, varii sunt pro situ Solis, & modo quo lucem ejus, respectu nostri, excipiunt. Alibi ostendemus inde omnes colores oriri, nunc obiter indicasse satis erit. Densæ sunt nubes, cum vaporum particulæ, quibus constant, propiores sibi invicem sunt, rariores cum magis à se invicem distant, quod pluribus de causis fieri potest. Cum sunt rarissimæ, tot inter se spatia relinquunt, ut facilè radii Solares permeent, sed plerumque eos intercipient. Ad figuras quod attinet, quas in iis cernimus, ex copîa vaporum, Sole ac vento, omnis illa oritur varietas. Non possunt enim variè densari, rarefieri & per aërem rapi, quin earum mutetur figura.

8. Hæc satis clara sunt, sed difficilius est exponere quomodo in aër pendulæ hæreant. Singulæ particulæ aquæ quibus constant sunt aëre graviore, adeoque cadere in terram deberent, nisi quid obstaret. Duæ autem videntur esse ejus rei causæ, primùm venti, qui sub reglone nubium quaquaversum feruntur, & eodem impetu, quo feruntur, varia leviora corpora secum devehunt, præsertim si ea corpora, sub latè patente superficie, exiguam materiæ solidæ copiam complectantur. Sic videmus chartas expansas, quas pueri *Dracones* vocant, vento, quando sunt paulò altiores, facil-

cillimè sustineri. Similiter particulæ aqueæ, summopere rarefactæ, in eâ altitudine facilè sustentantur. Secundò ex terrâ perpetuò novæ exhalationes & vapores submittantur, qui motu suo, fumi instar, superiores petentes, impediunt quominus Nubes descendant, nisi graviores condensatione fiant, ut postea videbimus. Scernimus vapore ignis, sub camino excitati, leviora corpora per caminum evehi. Imò etiam fumi motu, si insidat in laminam tenuem ferri certo modo dispositam, tantâ vi circumagitur ea lamina, ut veru carne onustum facilè circumagat, dum est aliqua in camino flamma.

9. Sed quæritur inter Philosophos, an Nubium; & Nebularum crassiorum eadem sit dispositio, an verò sit aliquid ampliùs in Nubibus? Sunt qui velint Nubes esse omnibus Nebulis crassiores, adeò ut constent potiùs flocculis nivis, quàm particulis aqueis, eodem modo dispositis ac sunt in Nebulis. Alii satisesse contendunt, si Nubes, instar densiorum Nebularum, intelligantur. Ac sanè Nebulæ, quæ ad juga altissimorum montium suspensæ ex locis subjectis cernuntur, non discernuntur à Nubibus, quamquam vicini nihil præter densam Nebulam animadvertant.

10. III. Cùm in aëre multi semper sint vapores, quamvis quandoque inconspicui hinc fit ut etiam sereno cœlo copiosissimi Rores cadere cernantur, in regionibus pluviâ rarò irriguis. Si quæ enim causa vapores per aërem sparsos colligat & condenset, aut eos ad terræ superficiem pellat, necesse est eos cadere Roris instar, & plantas omnes madefacere.

11. Cadit autem Ros, aut tantùm ante ortum Solis, aut etiam postquàm Sol occidit; ut sequatur occasum Solis, & ortum ejus antecedit. Verùm observandum, ut hoc statis temporibus fiat, oportere esse aërem tranquillum; graviores enim venti, aut procellæ hunc ordinem perturbant. Cùm autem, placido cœlo, in latè patentibus campis, aut in mari, Sole Occidente aurisentiatur Occidentalis, Oriente verò Orientalis, quibus



bus aliquatenus aër refrigeratur; verisimile est iis ventis vapores colligi, atque in terram dejici. Quia porro aura matutina plerisque in locis, ante ortum Solis, animadvertitur, sed saepe vespertina nulla sentitur; hinc fit ut vespertini Rores non cadant ubique, quamvis matutini paucis locis desint.

12. Experimentiâ etiam constat in regionibus calidioribus copiosiores esse Rores, \* unde *roscida astate noctes* Africae memorantur. Hoc autem inde oriri videtur quod calore Solis copiosi quidem Vapores ex aquis subjectis interdum hauriantur, sed eodem calore latissimè rarefacti spargantur, unde fit ut nocturno frigore colligantur quidem & condensentur vapores, atque in terram densati cadant, sed tamen non ita densi, ut pluviae instar delabantur. In frigidioribus vero regionibus, ubi frequentes pluviae, vaporésque ita rarefacti non sunt, maxima eorum pars pluviae ritu cadunt, nec multi Roribus conficiendis supersunt. Præterea in Africa majus solet esse discrimen, astate potissimum, inter calorem noctis & diei; nam cum illic frigidissimæ videantur noctes, quæ reverâ etiam longiores sunt; in septentrionalibus oris, vix die frigidiores sunt; & multo breviores quàm in locis linæ Aequinoctiali propioribus.

13. IV. Nullum videtur discrimen esse inter Rorem & Pluviam, nisi quod Ros statis temporibus cadat, & tenuibus adeò guttis, ut non tam cadens, quàm jam delapsus cernatur; contra verò Pluvia capiosior sit, & quovis tempore cadat. Pluviarum matres esse Nubes satis constat, cum non pluat, nisi Nubes in cælo conspectæ sint, & quò serenius est cælum, eò sint ratiore pluviae. Quærunt duntaxat Philosophi quæ causa sit, quâ fit ut Nubes condensentur, atque in terram demittantur.

14. Ejus rei possunt esse variae causæ, quæ seorsim, aut conjunctæ effectum medere queunt. I. Frigore aëris fieri potest ut particulæ nubium, motu suo amisso,

mi-

\* Plinius Hist. Nat. Lib. II. c. 62.

minùs incumbētis aëris gravitati resistent, ac proinde ab eo compressæ in terram præcipites agantur. II. Fieri potest, ut ventus vapores tantâ copiâ cogat, ut primum Nubes densissimas conficiant, deinde etiam Nubes ipsas ita constringant ut aqueæ particulae coeunt in majores guttas conflent, quàm ut pendere in aëre amplius possint.

15. Hic autem observandum, non omnes ventos Pluviam creare, sed eos tantùm qui secum majorem vaporum copiâ vehunt, qui vapores nubibus supra capita nostra pendentibus conjuncti nimis crassas aquæ guttas conficiunt, quàm ut aëre subjecto sustentari queant; aut ventos, qui, fortè ex parte superiore Nubibus flantes, eas terram versùs præcipites agunt. Hinc videmus, hic in Hollandia, Occidentales ventos, qui peragrato Oceano ad nos veniunt, pluvios esse, propter vapores quos advehunt. Serenitatem verò creant. Orientales, qui è longis terrarum tractibus huc veniunt. Septentrionales sunt pluvii, quia ex Oceano Boreali ad nos flant, sed Occidentales non aquant, quia non evehuntur tot vapores sub gelido Septentrione ac in benigniore Britannici Oceani climate. Meridinaei excitant etiam pluvias, quia cùm constent vaporibus calore Solis incalidiori climate evehitis, ac proinde in altiore aëris regionem sublatis, videntur ex alto Nubibus nostris incumbere, junctisque vaporibus, quos vehunt, in terram eas pellere. Quibus tamen in rebus plurimæ sunt Anomalix, pro multiplicitate causarum in eundem effectum concurrentium, & quæ nos plerumque latent.

16. III. Pluvia etiam potest hoc modo creari, si nimirum vapores tantâ copiâ è terra ascendant, ut pendentibus Nubibus misti, guttas majores conflent. Quod potest fieri placido cælo, & calore intensiore; tum enim Nubes, vorticibus nostris imminentes, immotæ stare videntur, atque interea calore ingens vaporum egeritur copia, quæ postea Nubibus adjuncta, motu partim amisso, eas secum in terram detrahit.

17. IV. Quandóque etiam fit ut ventus calidior ege-  
 lidæ Nubes veluti liquefaciat, ut videmus Nivem ca-  
 lore liquefieri ; seu in guttas aqueas cogat, quæ postea  
 in terram decidunt. Guttae autem illæ eò sunt majores,  
 quò Nubes crassior fuit, & celerius densata est ; tunc  
 enim major copia vaporum simul densatur. Quod vi-  
 demus quandóque æstate evenire, cùm maximo impe-  
 tu, & grandiores guttæ pluviae cadunt.

18. Hic prætermittere non debemus, in regionibus  
 inter Tropicos sitis, cùm Solem verticalem habent, per  
 aliquot hebdomadas, maximas cadere non guttatas,  
 sed urceatim pluvias. Quod hinc oriri videtur, quòd  
 Sol tunc temporis ingentem simul vaporum copiam  
 evehat, eosque summopere rarefaciat, quòd fit ut sub  
 Sole vapores illi ad summam altitudinem attollantur,  
 deinde quaquaversum spargantur, cùm nimia copia &  
 nimis densi sunt, quàm ut in aëre pendere amplius  
 queant. Huc etiam quandóque concurrere ex viciniâ  
 possunt alii vapores densiores, qui in eam aëris partem  
 fluunt, quæ maximè Solis calore rarefacta est, & va-  
 poribus illinc evectis conjuncti ingentes Nubes & Plu-  
 vias creare possunt.

19. V. Cum partes Nubis non liquefunt, ut instar  
 Pluviae cadant ; quandóque vi frigoris concrefcunt, at-  
 que inde nascitur Nix, quæ pondere suo in terram de-  
 cidit. Quin Nix constet particulis aquæ rarefactis, &  
 in glaciem sic concretis, dubitare non possumus, cùm  
 Nivem tabescentem in aquam liquefieri videamus. Fa-  
 cile etiam intelligimus particulas aqueas frigore rigidas  
 factas. & in flocculos coacervatas, ita ut sat magna in-  
 ter se relinquant interstitia, nivem efficere. Quæ nix  
 non est pellucida, ut aqua fuerat, quia rigidiores par-  
 ticulae, temere inter se coacervatae, non relinquunt po-  
 ros inter se rectos, & materiae lucis resistunt.

20. VI. Cùm verò contingit guttas pluvias caden-  
 tes incidere in regionem aëris frigidiorē, sæpe ite-  
 rum in glaciem concrefcunt ; atque in terram sic delap-  
 sa, nobis Grandinem exhibent. Eaq̃ se Grando modò

major, modò minor est, pro magnitudine guttarum pluviarum, quibus constat. Animadvertuntur quidòque variae figurae in Grandine, quarum omnium singillatim rationem reddere non aggrediemur. Varietas illa ex vaporibus, quibus miscentur, ex ventis, calore, frigoreve aeris, infinitisque eorum varietatibus & mixturà oriatur necesse est.

### C A P U T III.

#### *De Iride, Halonibus & Parheliis.*

1. **I**Nter Meteora vix ullum mirabilius est *Iride*, seu *Arcu pluvio*, quem idè Hebræi *Arcum Dei*, Graeci *Thaumantis*, hoc est, admirationis filiam, vocarunt. Ruber, caeruleus, & luteus colores vividissimi quibus tincta est Iris, tam jucundo sensu oculos afficiunt, ut vix satis spectari queant, & admirationem in nobis pariunt. Dignum ergo est hoc Meteorum, in cujuscausas & naturam inquiramus.

2. Primò, animadvertendum nunquam Iridem apparere, nisi in regione Soli oppositâ, aded ut spectantibus Sol à tergo sit. Secundò, semper alicubi plerè, quando apparet. Tertiò, hunc perpetuum esse colorum ordinem, ut extimus sit croceus, aut ruber; proximus flavus; tertius viridis; quartus & intimus violaceus, aut caeruleus. Qui tamen colores non sunt semper æquè vividi. Quartò, quidòque duas Irides apparere, sed quarum altera superior est, & amplior, eisdemque colores refert, at contrario ordine, & multò pallidiores. Quintò, Arcum pluvium semper quidem esse accuratè rotundum, sed non semper æquè integrum apparere, cum sint sæpissimè aut superiores aut inferiores partes mutilæ. Sextò, semper æquè la-

tum

num cerni. Septimò, ex planitie spectatum, nunquam dividit parte circuli majorem, sæpe minorem apparere. Octavò, eò minorem circuli portionem cerni in Iride, quò altior est Sol supra horizontem, & vice versà, modò nullæ nubes obstant. Nondò, cùm Sol est altior 41 gradibus & 46 minutis, nullum unquam apparere arcum.

3. Hæc sunt potissima Meteoris illius *Φαινόμενα*, quorum sunt quærendæ rationes. Horum autem cùm nullum æquè nos afficiat, ac colorum diversitas, variis observationibus factum est, ut ratione hujus rei inventà, cæterarum etiam inveniri possè speraretur. Quod factum est potissimùm inspecto prismate vitreo, in quo iidem colores eodémque ordine cernuntur; & aquæ quam fontes per tubos descendentes in aërem ejaculantur, in quâ, eodem observato situ, arcus coloratus cernitur. Ex duobus illis experimentis, colligere obiter possumus, quod alibi fusiùs demonstrabimus, colores nihil aliud esse nisi sensationes, ortas ex variâ ratione, quâ radii Solis ad oculos nostros reflectuntur; adeò ut in corpore colorato, nihil sit color præter certam dispositionem partium, quâ fit ut lucem Solis varie colligat, aut spargat, adeoque ut lux ad oculos nostros appellens, variè eos afficiat. Hoc præmissò, sunt nobis phænomena memorata diligentius excutiendâ.

4. I. Debet spectator semper esse inter Solem & Iridem, quemadmodum, ut arcum coloratum in aquâ fontis proficiente videat; quia ex aqua, quæ solis lucem versùs nos reflectit, non potest ea lux ad oculos nostros venire, ut par est, nisi sit eo modo sita. Si aqua fontis sit inter Solem & nos, radios ejus non ad nos sed ad Solem ipsum reflectit, aut in regionem nobis oppositam, quo fit ut colores nullos in aqua videamus, ex quâ illi radii ad nos non veniunt.

5. II. Quemadmodum si postquàm coloratum arcum in aqua fontis proficiente vidimus, obturetur tubus ex quo aqua erumpebat, aqueis guttis in terram delapsis, nihil ampliùs videmus: ita nisi sit in aëre

pluvia, nullam Iridem cernimus, quia, nimirum, radii quibus colores illi creantur, ad nos non reflectuntur, nisi à guttis illis aqueis. Itaque sedes, ut ita dicam, Iridis sunt guttæ pluviae, non nubes, ut Peripatetici, aliique censebant.

6. III. Cum colores, ut diximus, oriantur ex variationibus, quibus Solis radii collecti ad oculos nostros reflectuntur, pro vario situ guttarum aquearum respectu Solis & nostri, variè lucem ejus ad nos mittunt, diversâsque proinde in nobis colorum sensationes excitant. Manifestò hoc apparet ex vitreo prisma, quod si ita oculis admoveamus, ut cælum versus id spectemus, ostendit nobis colores contrario ordine dispositos, ac sunt si inverso prisma, oculisque subjecto, in terram vultum convertamus. Ita quoque, prout guttæ pluviae superiores, aut inferiores sunt, varios nobis offerunt colores; quod subtilius & geometricâ diligentia prosequutus est *Jac. Robaltus*, Physice Part. III. Cap. ultimo; nos in hoc Compendio enucleare non possumus.

7. IV. Præter Iridem vividissimam, ex qua radii directius & plenius ad nos mittuntur, potest esse altera superior, in qua iidem colores sint ordine præposito, quia cum guttæ pluviae aliter sint nostri, & Solis respectu sitæ, aliter etiam radios ejus colligunt & ad nos reflectunt. Quod in prisma variè posito, manifestò animadvertitur. Quia autem non modo refringuntur radii (qua de re alibi agemus) dum ex aëre in guttas aqueas transeunt, atque ex guttis in aërem redeunt, sed etiam reflectuntur à quibusdam aquæ aut vitri partibus, prout ea reflectio fortior est & plenior, eò vividiores sunt colores. Si ergo superior Iris non ita plene radios Solis ad nos reflectat, ac inferior, necesse est pallidiores eos apparere colores, qui iis nobis ingenerantur.

8. V. Arcus pluvii forma rotunda debet esse, quia guttæ pluviae, in quas incidunt radii Solares, non sunt omnes æquæ aptæ ad eos reflectendos, sicut par est, ut colores

colores excitentur, sed tantum eæ quas in orbem circa locum quem spectamus videmus. Cum autem nihil obstat, quominus quaquaversum æquè procul prospiciamus, videtur concavæ Sphæræ dimidia pars nobis incumbere; inde fit ut etiam, in spatio aëris nobis obiecto, si totus eâ parte guttis pluviis sit plenus, neque Nubes ulla intercedat, arcum coloratum videamus in iis guttis, ad sensum coloris excitandum æquè aptis, quæ cadunt in aëris arcu quem spectamus. Pro varietate autem pluviae, quæ interdum totum illum arcum occupat, interdum partem duntaxat ejus; & pro situ Nubium, quandoque partem arcus intercipientium, plenum aut mutuum videmus.

9. VI. Semper tamen arcus ille videtur pars esse circuli æquè ampli, quia cum nihil obstat, æquè ampla semper videtur nobis pars Atmosphæræ ad quam cõversi sumus, atque in certa distantia oportet esse guttas ex quibus radii ad nos veniunt, non propiores, aut remotiores; quod *γὰρ ἡμεῖς αὐτοὶ* ostendit, quem citavimus, *Jac. Rohaltus*.

10. VII. Cum pars Atmosphæræ, quam spectamus, ex planitie videatur tantum dimidia pars circuli, non possumus majorem in illâ videre Iridem, cujus duo extrema terram tangunt. Si verò ex altissimo monte, planitiem despiceremus, objecta nobis Atmosphæræ pars, major dimidiâ circuli parte posset videri; adeoque etiam, si tum fortè plueret, Sole à tergo lucente, Iridis arcus major esset.

11. VIII. Cum non quivis Solares radii, nec proinde quælibet guttæ aptæ sint ad excitandum in nobis coloris sensum, sed certus guttarum situs requiratur, & certa reflectio, pro altitudine Solis mutari debet situs Arcus pluvii. Sole autem altiore supra Horizontem, eæ tantum particulae quæ sunt Horizonti propiores possunt radios Solares reflectere, ut hoc in negotio reflecti eos oportet, ideoque minor pars circuli, seu brevior arcus apparet, reliquis infra Horizontem demissis.



12. IX. Quando verò Sol ad 42 gradum pervenit, tum guttarum, quæ coloris sensum parere possent, ita depressus est, nostri respectu, situs, ut omnes infra Horizontem sint; quod geometrica *Æola* demonstravit *Rohatus*, nobis crassius exposuisti satis est.

13. Memoratis observationibus hanc etiam addere possumus, his qui Iridem spectant, si progrediantur, videri eam fugere; quia, nimirum, cum certa distantia requiratur ut colores videamus, mutato spectatoris situ, mutatur etiam Iridis locus, modò pluat ultra eum locum in quo Iridem primùm vidit. Hinc etiam merito colligunt Philosophi, duobus hominibus eandem non apparere Iridem, quia, nimirum, cum non sint in eodem situ, iidem radii ad duos non perveniunt. Ac sanè quando intimæ partes Iridis loco cuiuspiam insigni incumbere ab uno cernuntur; alteri, prout propior aut remior est, ultra aut citra esse videntur.

14. Iridi affines sunt *Halones*, seu circuli, qui circa Solem aut Lunam, variorum colorum quandoque cernuntur; ideoque de eorum naturâ hîc commodum agemus. 1. Ergo observantur ejusmodi circuli, quorum in centro est Sol, aut Luna, adeò ut astra sequi semper eodem situ cernantur. 2. Circuli illi duplici limbo videntur constare, quorum exterior cæruleus aut flavus est, interior ruber. 3. Spatium quod illis continetur, præsertim propè partes vividiori colore tinctas, obscurius est aère eos ambiente. 4. Cum Iris non cernatur, nisi sit pluvia in eo loco, in quo apparet, *Halones* pluvio cælo nunquam cernuntur.

15. Clariora ut hæc sint, huc transferemus hîstoriam observationis *Halonis* circa Solem conspectæ Lutetiae, Maii 12. an. 1667. Sub horam nonam ante Meridiem, Diameter ejus circuli erat 44 graduum, latitudo verò limbi ejus dimidii circiter gradus. Partes superior & inferior tinctæ erant coloribus rubro & flavo, distinctæque colore purpureo, præsertim superior,

\* *V. Act. Londenensia an. 1670. Mens Junii, num. II.*

color

color ruber erat intra circulum flavum, aliæ partes tantum albicantes, nec multum claræ apparebant. Spatium, intra Halonem comprehensum, erat paulò obscurius externo, præsertim circa colores vividissimos. Altitudo Solis, initio observationis, erat 46. graduum. In aëre ferebantur tenues & albæ Nubes, quibus distinguebatur cæruleus cœli color, & splendor Solis minuebatur, qui non major erat, quàm quando Eclipsin patitur. Tempestas erat, pro anni tempore, frigidior, & nocte antecedente gelasie aiebant. Halo eodem colore & splendore conspecta est, ab hora nona, ad sesquidecimam; quo demum tempore languidiores colores fieri cœpere, donec horâ secundâ pomeridianâ evanescerent, postquàm paulò antea splendorem recuperari visi essent.

16. Ut horum *Phænomenon* rationem redderent Philosophi, supposuerunt I. aërem esse plenum tunc temporis particulis glacialibus, instar lentis, aut figuræ similis, quæ possit refractione lucis, ejusque ad nos reflectione colores efficere, quales prismata faciunt. II. Solem aut lunam tum fulgere, ita ut ex omnibus particulis circa ea astra glaciales eæ particulæ volitent.

17. His positis I. Astrum debet esse in Halonis centro, quia ut cernantur illi colores ex refractione & reflectione lucis orti, non modò certa sit oportet glacialium particularum figura, sed etiam eadem omnium ab Astro, cujus lucem refringunt & reflectunt, distantia; quod in guttis pluviis, quibus constat Iris, observavimus.

18 II. Secundò, duplex est Halonis color, quia duplex est lucis particularum refraction, cum subeunt particulas glaciales, & inde reflexæ exeunt. Sed cum, ut variant colores oporteat radios variè colligi & reflecti, ut antea ostendimus, oportet in partibus glacialibus esse varietatem aliquam, quam alii à figurâ earum arcessunt, ut in Iride; alii verò ex ipsa partium illarum dispositione internâ, quam ejusmodi esse volunt, ut sit in iis veluti nucleus opacus circumdatus pellucidâ glacie.

glacie. Quod si sit, necesse est à nucleo aliter lucem reflecti, quàm à partibus extremis, quæ pellucidæ sunt. Et cum color saturior oriatur ex reflectione corporis opacioris, oportet rubrum colorem interiorem videri, cæruleum verò aut flavum exteriorem, quia radii ex nucleis venientes propiores sunt centro, quàm ex partibus pellucidis reflexi.

19. III. Spatium quod est intra Halonem, circa limbum, quâ parte vividissimi sunt colores, debet esse obscurius, quia illic maxima est particularum opacarum copia, ut antea indicavimus. Itaque necessarid iis in locis obscuratur aer. Sunt qui dixerint id spatium contra lucidius esse externo, quòd in id solares radios reflectant particulæ glaciales; verùm hoc est experientiae contrarium.

20. IV. Mirum non est Halones non apparere quando pluit, cum constant glacialibus particulis; quæ si plueret, liquefactæ in terram caderent. Postquam autem, prætergresso astro, non objicitur amplius è regione oculorum id spectantium, glacialium ejusmodi particularum sat magna congeries, tunc temporis desinit Halo.

21. Non modò Halones circa Solem quandòque cernuntur, plures etiam Soles novi circa veterem apparent, qui *Parhelii* dicuntur, quod sint *παραήλιοι*, apud solem verum. 1. Animadvertitur ingens circulus candens, parallelus Horizonti, & transiens per solem. 2. In circuli ejus variis partibus cernuntur Parhelii, quanquam non omnes æquales nec æquè vividi. 3. Nonnulli referunt Iridis colores, alii pallidiores sunt, & circulo similiore. 4. Cum Parheliis sæpe est Halo, quæ Soles vero proximos tangit. 5. Hi Soles non sunt semper eodem numero, quandòque enim sunt quatuor, quandòque sex. Historiam quatuor Parheliorum, Romæ conspectorum anno 1629. 20 Martii, scripsit P. Gassendus, in Ep. ad Renarium.

22. Ut horum phenomenorum verisimilis reddatur ratio, ante omnia supponere possumus ea oriri ex materia

tertia simili ei, quâ creantur Halones, hoc est, glacialibus particulis, quæ per aërem è regione Solis, seu inter eum & oculos spectantium volitant, in quibus tamen potest esse aliqua figuræ diversitas.

13. I. Circulus ille candens gignitur reflexione radiorum Solis è superficie glacialium corporum, ad certam altitudinem circa Solis discum volitantium. Aliæ enim non possunt reflectere ad nos Solis radios, ut par est, hoc in negotio, nisi quæ sunt sublata supra Horizontem ad eundem angulum qui est altitudinis Solis. Unde sequitur circulum illum debere apparere æquè altum ubique, ac Solem, ac proinde parallelum Horizonti.

14. II. In certas partes circuli incidentes radii Solis ad nos geminâ refractione & unâ reflectione veniunt ex glacialibus partibus; unde fit ut imaginem Soli similem, sed Iridis coloribus tinctam referant. Sunt autem inæquales imagines, prout radii directius aut obliquius ad nos reflectuntur.

15. III. Iridis sunt coloribus tincti, ob memoratam causam; aut pallidi, si solâ reflectione ad nos veniant. Quemadmodum enim conspectum Prisma vitreum, ab aliquot passibus, videtur coloris duntaxat vitrei, hoc est, albore subobscuri tinctum, quia radii tantum ab eo reflexi ad nos redeunt: ita in glacialibus guttis, sic radios ad nos mittentibus, nullus color, nisi glaciei solitus, debet cerni. At quemadmodum prisma vitreum ita oculis adnotum, ut non modò reflexos ex superficie radios ad nos mittat, sed etiam his refractos, subeuntes, nimirum, & exeuntes, atque ex oppositâ superficie redeuntes ad oculos nostros, coloribus Iridis tinctum apparet: sic quoque eæ particulæ glaciales, quæ ita sunt respectu Solis & oculorum nostrorum sitæ, ut ab opacis nucleis, quos antea diximus, radii, ingrediendo & egrediendo refracti, ad nos reflectantur; eæ, inquam, particulæ similiter coloratæ nobis videantur necesse est.

26. IV. Non mirum est unà cum Parheliis apparere Halonem, quandoquidem, ut monuimus, ex particulis aut iisdem aut similibus in aëre volitantibus oriri videntur. Non opus est, hîc repetamus quæ de Halonibus antea diximus.

27. V. Plures aut pauciores cernuntur Parhelii, pro copiâ materiæ glacialis, quæ in eadem altitudine, quâ Sol cernitur, per aërem volitat. Hinc quoque alia peculiaria phænomena pendent, quæ hîc non memorabimus, legenda apud eos qui datâ operâ hoc Meteororum exponere aggressi sunt.

28. Ut \* præ oculis rationes memoratæ conjecturæ ponerentur, vir ingeniosissimus confici curarat cylindrum vitreum pedem longum, in quo pro nucleo erat ligneus minor cylindrus. Tum spatium ambiens aquâ impleverat. Denique hæc Soli exposuerat, & oculis spectantium per loca requisita circumlatis, deprehense sunt reflectiones, & refractiones memoratæ. Unde colligi potest idem, in multò minoribus cylindris, fieri posse, modo sint eâ copiâ quæ sufficiat.

29. Optandum esset conspectos fuisse glaciales ejusmodi cylindros, ex aëre delapsos, postquam apparuissent Parhelii; sed quamvis fieri possit, ut aliquando cadant, rariùs tamen hoc fit, quia possunt diu tenuissima corpora vaporibus è terra ascendentibus, & ventis sustineri; deinde etiam, dum cadunt per varias æris regiones, calidiores aut frigidiores, mutari. Præterea glaciales hæc articulæ ventis in alias partes ferri possunt, aut cadere etiam sæpiùs non observare. Certè ut de his, aliisque similibus, certum posset iudicium ferri, tot requirerentur experimenta, ut vita prius definat, quam inquirendi necessitas.

\* *Ar. Bengelius in Ast. Lond. an 1670. Mense Maio, num 21.*

## CAPUT IV.

De Exhalationibus ignitis, Tonitru, Fulgure,  
Fulmine, aliisque similibus.

1. PRæter vapores, qui, Solis calore, è locis humidis evehuntur, aut ex aquâ egeruntur; ex sulfure, bitumine, salibusque volatilibus, ac aliis ejusdem naturæ corporibus plurimæ rapiuntur particule, quas aër, prout sunt graviores, aut leviores, alius, aut propius terræ secum devehit. Hæ exhalationes à Philosophis dici solent, de quibus, earumque effectibus hoc Capite acturi sumus.

2. Cum constet per terræ superficiem multam esse copiam sulfurearum & bituminosarum partium, ac plantas etiam & animalia turgere salibus volatilibus; non mirum est calore Solis varias ejusmodi in aërem evehi particulas, ut modò dicebamus, & antea etiam monuimus. Imò verò aliter fieri nequit, quin plurimæ per totum aërem ventis raptæ quaquaversum volitent; sed ex locis ardentiori æstu adustis, sine dubio plures evehuntur, & nisi aëris fluxu disjiciantur, locorum ex quibus egestæ sunt verticibus imminet. Hoc autem posito, non difficile erit rationem reddere Meteororum omnium, quæ in sublimi aëre accenduntur. Incipiemus à flammis subitis, quas *Plinius* verbis describemus.

3. I. Emicant fuces, nonnisi cùm decidunt visæ, qualis Germanico Cæsare gladiatorum spectaculum edente, præter ora populi meridiano transcucurrit. Duo genera earum: Lampades vocant planè faces, alterum Bolidas, quale Mutinensibus malis

\* *Hist. Nat. lib. ii. cap. 26.*



visum est. Distant quòd faces vestigia longa faciunt, priore ardente parte; Bolis verò, perpetua ardens, longiorem trahit limitem. Emicant & trabes simili modo, quas *δόρυ* vocant; qualis cum Lacedæmonii classe victi imperium Græciæ amiserunt. Fit & cœli ipsius hiatus, quod vocant chasma. Fit & sanguinea specie (quo nihil terribilius mortalium timore est) incendium ad terras cadens inde; sicut Olympiadis CVIII. anno quarto, cum Rex Philippus Græciam quateret.

4. " Lumen de cœlo noctu visum est, C. Cæcilio, Cn. Papirio Coss. & sæpe aliàs, ut diei species noctu luceret. † Fieri videntur, & discursus stellarum. Existunt stellæ & in mari terrisque. Vidit Plinius nocturnis militum vigiliis inhaerere pilis pro vallo fulgorem effigie ea, & antennis navigantium aliisque navium partibus — ut volucres sedem ex sede mutant. Hominum quoque capita, vespertinis horis fulgent. Addi hisce potest ignis, quem *fatuum* vocare solemus, qui variè per terras rapitur. Tantâ copiâ in regionibus, intra Tropicos sitis, noctu cernitur, ut observarit alibi Plinius Æthiopiæ juxta Hesperium montem, stellarum modo, campos noctu nitere.

5. In hisce omnibus aëris ignibus tria sunt observanda 1. sine humanâ operâ, & inconspicuâ ratione eos accendi: 2. variis figuris per aërem discurrere: 3. alias quidem aliis diuturniores esse, sed brevissimo tempore omnes extinguere. Quorum rationes quærendæ sunt.

6. I. Non repetemus hic quæ in Libro superiore, de ratione quâ ignis accenditur, diximus; hoc tantum hic in memoriam revocandum est, ut flammula, aut scintilla appareat, oportere tantum particulam quampiam ita in aëre agitari, ut omnem materiam crassiorem dissipet, & in sola subtilissima circumagatur. Sunt autem materiæ, ut etiam diximus, aliæ aliis aptiores



ad morum illum concipiendum, quales sulphureæ, bituminosæ, nitrosæ, &c. Hisce autem positis, cum est ejusmodi particularum satis magna congesta copia, facile potest calore aëris particula una aut altera subito circumagi, & conceptâ flammâ vicinas omnes incendere. Quam in rem observandum aërios ignes hyeme rarissimos esse, æstate verò frequentes, & quod ardentior ætas eo frequentiores; quod satis indicat materiam, quæ incenditur, aëris calore, hoc est, vario motu & erehi & inflammari.

7. Experimento auri fulminantis, ut vocatur, res ob oculos poni potest. Si aurum aquâ regali solvatur, & præcipitetur ope olei tartari; pulvis qui fundum petiit sensim & sine igne exsiccatus, non modo igne incenditur, sed etiam calore mediocri, & strepitum ingentem edit, quâ de re postea videbimus. Sed & minore sumtu fit aurum fulminans, hoc modo. Sumantur tres drachmæ nitri, sesquidrachma tartari, & una sulfuris, misceanturque & unâ in pulverem tenuissimum contundantur. Is pulvis eodem modo accenditur, sed tantum strepitum non edit. Jam si in animum revocemus multo subtiliores particulas nitrosas, tartareas, & sulfureas in aëre volitare, quam ex sunt ex quibus aurum fulminans constat, facile intelligemus eas mediocri calore in summo aëre posse accendi, modò eâ proportionē quâ diximus mixtæ sunt.

8. II. Pro flantibus ventis, copiâque materiæ, figuris variis eam per aërem ferri necesse est, unde nascitur illa ignium varietas, quam ex Plinio recensuimus, prout variè accenditur. Si ex una parte, & paulatim uratur, *Lampas* dicitur; si verò longus tractus exhalationis simul, *Bolis*. Interea autem dum flammant, fluxu aëris in certam cœli partem quandoque feruntur. Quandoque eodem loco manere videntur, & tum *Trabes* appellantur. Alias discedentibus nubibus, utrinque eorum recedere videtur, quod vento fieri potest, & in ea parte quâ dehiscit, flamma emicat, quod vocatur *Chasma*. Exhalationes autem accensæ sanguineâ specie

cernantur, si minore copiâ sulphuris, cujus flammâ pallidior est, quàm nitri, aut tartari, aut bituminis constent. Ejusmodi lumen, tam noctu, quàm interdum in cœlo apparere potest, imò facilius noctu, propter absentiam Solis; cujus prevalidâ luce, aliæ debiliores omnes obscurantur, nec procul cerni possunt. *Stellæ*, quæ discurrere dicuntur, improprie eo nomine appellantur, cum in aëre nostro sint, & exigua exhalationum copiâ constent. Fulgores & ignes *fatui* videntur constare pinguiori & crassiori exhalatione, quales et oleosis materiis evehuntur, quæ facile quidem accenduntur, sed illic non absumentur, ut sulfuris & nitrosæ.

9. III. Hinc discimus omnes ejusmodi inflammata exhalationes brevi tempore debere cerni, quia materia subtilior, quâ constat, brevi absumpta est. Verum cum ea materia varia sit, ut diximus, non omnis æquâ citò absomitur. Sic videmus flammam ex variis rebus excitatam diutius durare, aut citius extinguui. Oleum sulfuris, aut bitumini admistum diutius flammât, quàm si nitro sit affusum. Itaque nihil est eâ in re magis mirum, quàm in aliis rebus quis inflammamus.

10. Postquàm vidimus, quâ ratione possit flamma calore mediocri in aëre subito accendi, idque auri solminantis exemplo illustravimus, difficile non erit intellectu, quomodo excitentur tonitrua. Primum enim constat, eo experimento, flammam, quæ subito magnâ vi aërem disjicit, excitare quandoque ingentem strepitum. Cum autem possit, ut vidimus, ea copia exhalationum in summo aëre esse, ut particule variorum generum misceantur, & flammam calore modico concipiant; non opus est aliò confugiamus ad exponendam rationem, quâ Tonitrua excitantur. Erit ergo Tonitru *frigor in summo aëre, subitâ exhalationum inflammatione ortus.*

11. Hic quidem de sonitu agere non possumus, obiter tamen observabimus omnibus experimentis consta-

re sonitum non aliter creari, quàm subitâ & violentâ explosione aëris. quâ movetur quaquaversum, & ad aures nostras delatus tympanum, quò est earum fundum stratum, concutit, atque in animo nostro sonitus sensationem excitat. Res ita clara est, adeoque frequentia & facilia experimenta, ut supponi hîc, sine ulteriori probatione, queat.

12. At in Tonitru, præter sonitum, dignum est observatu ita eum exandiri, ut quasi per fornices ferri videatur, & variè frangi. Quod ideo fit quòd memorata flamma accendatur inter nubes, quarum aliæ inferiores, aliæ superiores sunt, inter quas aër concussus fertur. Sic videmus propter inæqualitates telluris, si tormentum explosum è longinquo exaudiatur, infra eum etiam sonitum ad aures nostras pervenire.

13. Ejusmodi flammâ Tonitrua excitari hinc etiam liquet, quòd antequàm exaudiatur fragor, ferè semper flammam videamus. Non est quidem inter motum aëris, & inflammationem exhalationis, ullum ejusmodi intervallum, quale inter conspectum flammæ, & auditionem fragorisprehenditur. Sed quia visio fit solâ ferè impullione, sonitus verò successivo motu aëris, necesse est eum motum seriùs ad aures pervenire.

14. Alii existimant tonitrua excitari, cùm Nubes superior calore subito condensata in inferiorem ita decidit, ut interjectus aër maximo impetu dilabatur, & vix exire, antequàm nubes delapsa sit, possit. Sed vix credibile est Nubem, etiamsi tota in aquam subito converteretur, fragorem ullum excitaturam, decidentem in aliam rariorem, per quam facilè aër erumperet. Neque ullum simile est exemplum. Itaque præstat accensionem exhalationis fragoris causam habere; quamvis enim non semper flamma conspiciatur, non sequitur nullum fuisse; cùm Nubes eam nobis interceptare facilè possint, & alioqui plerumque cernatur.

15. Qui Nubem superiorem in inferiorem collabi  
opi-

opinantur, iidem agnoscunt etiam sæpius interpolatas exhalationes accendi; sed quod aiunt id fieri compressione exhalationum, quæ ita Nubibus constringantur ut expellatur aër omnis admistus, sintque in sola materia subtilissima, id intelligi nequit. Materia certe Nubilum ejusmodi non est, ut possit tam arctè stringere exhalationes interceptos, aptiorque multò est ad flammam extinguendam, quàm ad eum excitandam.

16. Hiscæ ita expositis, difficile non est dictu quæ sit natura *Fulguris*, neque enim quicquam aliud est, præter *inflammatam exhalationem sulfuream, nitrosam, aut simili materiâ constantem, aut variarum mixturâ*. Verum ea accensio quandoque fit cum fragore, quandoque sine strepitu, quandoque in cœlo nubilo, quandoque in sereno, unde aliqua nascitur in ea varietas.

17. Jam ostendimus unde fragor oriatur; sine ejusmodi sonitu fieri potest accensio exhalationis, cum constet materiâ molliore, & quæ non tam subito accenditur. Exempli gratiâ, si constet particulis tantum sulfureis, quæ molliores sunt, nec subito omnes simul absumuntur, non satis vehementer disjicitur aër, ut sonitum exaudire possimus. Sed si sulfureis particulis nitrosæ plures, tartareæque simul admixtæ sint, cum tartareæ & nitrosæ sint rigidiores, tanto impetu omnes simul dissiliunt, motu concepto, ut aërem disjiciant undeque, & maximum sonitum excitent.

18. Quando cœlum nubilum est, sonitus, qui fulgur sequitur, magis est varius & contractus, quia a variè à Nubibus ad nos repellitur; si verò non sit cœlum nubilum, per aperta spacia aër liberius fertur, & æquabiliori fluxu ad aures nostras allabitur. Sæpiissime etiam tum contingit fulgura sine tonitru fieri. Sulfureis tantum particulis inflammatis, & per aërem sparsis: ut cum nubilum est cœlum, sæpè sine flamma fragor auditur, quia hujus conspectus, ut dicebamus, Nubibus intercipitur.

14. Ut plurimum autem contingit, ut post fulgura & tonitrua, aut simul cum illis, oriatur pluvia. Sæpe enim, audito tonitru, augetur, aded ut ex eo nasci videatur. Quod nonnulli ex memorata & confutata hypothesi ita exponunt; nimirum, nubes superiores liquefactas & in inferiores collapsas eas secum in terram præcipientes agere opinantur. Sed non opus est ed confugiamus, nam solus exhalationis inflammatae calor, si paulo copiosior sit, aërisque subito concussio, vicinas nubes liquefacere, & in terram liquefactas deicere facile possunt.

15. Fulgetrum, & tonitru quandoque sequitur Fulmen, hoc est, *rapidissima flamma, quæ ex nubibus ad terram usque deferitur, & omnia obvia prostrernit.* Hæc in eo peculiaria phænomena deprehenduntur: 1. loca celsa, ut sunt montes, arbores, turres, frequentius quàm depressa ferit: 2. quandoque vestes hominum in quos decidunt ussit, illæso corpore: 3. quandoque eorum ossa confregit, illæsis vestibus & carne: Similiter gladium in vaginâ, hac intactâ, liquefecit, aut fregit; vel contra, ambustâ vaginâ, gladio non nocuit.

16. Hæc sunt potissima fulminis phænomena, exceptis istis, quæ ad tempora & loca pertinent, de quibus postea videbimus. Hisce ergo expensis, conjicimus fulmen esse exhalationem, qualem descripsimus, quæ subito accenditur, & quæ sat copiosa est, ut vento pulsa à nubibus ad nos usque feratur. Sunt qui velint nube superiore in inferiorem cadente interceptam exhalationem elidi, & per extrema nubium erumpere. Sed, ut diximus, humore affuso extingueretur potius, ac dilueretur exhalatio, quàm accenderetur & in terram excuteretur. Credibilis est vento accensam flammam dejici, quæ facile, dum materia nondum absumpta est, in terram fertur. Cum autem aut nulli, aut rarissimi venti ad perpendiculum flent, transversum etiam plerumque per aërem feruntur fulmina.

17. I. Ea de causâ, celsa frequenter feriunt, quia dum

dum per aërem obliquè meant, iis occurrunt montes arbores, turres, &c. II. Cum exhalationes quibus fulmina constant tot sunt generum, quot sunt corporum sulfureorum, bituminosorum, & salinorum genera, ex quibus elabuntur exhalationes; dubium non est quin ejus flammæ vis sit admodum varia. Itaque quandoque vestes inflamat, corpus illæsum lambit. III. Interdum carne molliori sine noxâ penetratâ, durior frangit ossa: ut videmus aquam fortem, ac regalem illasâ chartâ & alia metalla & aurum ipsum dissolvere. IV. Eadem de causa quandoque gladius in vaginâ liquefactus est, vaginâ integrâ; ut dissolveretur ejus, si vaginâ testus in aquam fortem immitteretur, illâ vaginâ. In materiam, scilicet, mollem, & rariâ particulis constantem non ita agunt acutæ illæ partes aquæ fortis, quàm in materiam duriorē, cujus poris infixæ compagem ejus solvunt, ut alibi ostendimus.

24. Præterea observamus æstate & autumnō frequentia esse fulmina, quæ hyeme & vere rariora sunt. Cujus rei triplex afferri potest ratio: 1. quòd in summo aëre, hyeme & vere nimium sit frigus, quàm ut accendi exhalationes possint: 2. quòd exhalationes multò pauciores iis tempestatibus, propter frigus, ex terra ascendant; ut enim aliquâ copiâ elabuntur, calor aliquis major requiritur: 3. quòd aër hyeme & vere vaporibus & nubibus aded plenus sit, ut exhalationes omnes diluantur, adeoque inflammari nequeant.

24. Sunt quoque loca in quæ fulmina frequentius cadunt quàm alia; quæ nimirum, exhalationes aptas fulminibus conficiendis emittunt, & unde ventis non ita facilè disjiciuntur. Hinc videmus in calidioribus regionibus, ex quibus vis Solis quicquid exhalari potest è terra elicit, frequentiora multò esse fulmina, quàm in frigidioribus climatibus. Similiter in latè patentibus campis qui à ventis, ut ita dicam, everruntur exhalationes ejusmodi facilè disjiciuntur, atque alio feruntur; sed in locis montibus præaltis cinctis, ubi



tam libera non est vis ventorum, clausæ manent, unde fit ut his in locis creberrima sint fulmina.

25. Terribilis fulminum fragor ita hominum mentes percussit, ut pleræque Gentes crediderint singulari Numinis interventu ea vibrari. Hebræi propterea ignem Dei, fulmen; & vocem Dei, tonitru vocitant. Græci quoque Jovis tela esse fulmina existimabant; donec Philosophi coeperunt in quæstionem vocare,

*Jupiter, an venti, discussâ nube, tonarent?*

Si quæ rariora etiam in aëre evenirent, præfagia ea esse putabant; ut si cælo sereno tonaret, Romani irrita esse quæ eo die cœpissent censebant; donec Physices studium eos illis superstitionibus liberavit. Ac sanè quæcunque in aëre eveniunt, ea certis legibus reguntur, ut quæ non in omnibus aliis corporibus, nec præsentior illic est Deus quàm alibi. Et ad præfagia quidem, quæ inde dicebantur quod attinet, observandum, 1. semper in rebus humanis mali aliquid accidere, seu ejusmodi præfagia præcessissent, seu nulla fuissent: 2. observata esse dentaxat fulmina, aut ignes alios aëreos, cum intuitum quidpiam postea evenit; alioqui negligebantur: 3. vana esse præfagia, quæ quid significant, seu prænuntient ignorant qui ea vident; neminem autem scire posse quid sibi veller Numen eo sermone, si Numinis sermo haberi ea possent. Unde facile est colligere opiniones Ethnicorum, & Christianorum quorundam è vulgo, circa præfagia è Meteoris ducta, superstitionis esse & merus mera figmenta.



## CAPUT V.

## De Ventis.

1. **V**entum nihil aliud esse, præter fluxum aeris, & vaporum quos secum defert, satis quidem notum est; sed plurima sunt ventorum phænomena, quorum causa & ratio non sunt faciles inventu, ut ex hoc Capite liquebit. Difficillimum item est causam & originem eorum accuratè describere. Ut quid possit hoc in negotio fieri ostendamus, considerabimus primum ventos in genere, quatenus constantes aut variabiles sunt; deinde varia eorum phænomena singulatim expendimus; denique de prima eorum origine agemus.

2. Venti dividi possunt in *constantes* & *variabiles*, quorum illi, in certis terræ partibus, quotannis certo tempore flant, & cadunt; hi verò usque adeò variant, ut nihil sit ea in re certi. Cum facilius sit invenire causam constantis effectus, quàm variorum, à constitutibus ventis initium faciemus. Ante omnia observandum constantes & periodicos ventos, non nisi in amplissimis maribus deprehendi. Oceanus autem in tres partes dividi potest. Prima est marium Atlantici & Ethiopici; altera Oceani Indici; tertia Maris Meridionalis vel Pacifici. Quamvis hæc maria sunt in Meridionali plaga, trans Tropicum Capricorni, conjuncta; sunt à Septentrione sejuncta, amplissimis terrarum spaciis, quod ad dividendos ventos satis est. Prima pars est inter Africam & Americam; secunda inter Africam, littora Asiæ, Insulas Indicas, & novam Hollandiam; tertia denique inter Insulas Philippinas, Sinam, Japoniam, & novam Hollandiam ad occasum, littora verò Americana ad ortum. Pro divisione illa marium, in tres

1. Edm. Hallejus in *Atq. Philos. Londin.* anni 1686. num. 183.

quoque partes constantium ventorum dividitur historia.

3. In maribus Atlantico & Æthiopico, per totum annum, Subsolanus spirat, sine ulla alicujus momenti mutatione; nisi quod nonnullis in locis ad Septentrionem vel ad Austrum inclinatur, quod sequentibus observationibus distinctius exponetur. Ad littora Africana, statim ac quis Canarias Insulas præternavigavit, & circa 28 gradum latitudinis Septentrionalis pervenit, satis vehementem Aquilonem experitur, qui aliquantò magis quandoque ad Septentrionem vel ad Subsolanum inclinatur. Comitatur is ventus eos qui ad Austrum cursum dirigunt, usque ad 10 gradum Septentrionalis latitudinis, si centum circiter milliariis à Guineæ littoribus abint. Inde ad 4 gradum ejusdem latitudinis occurrunt loca in quibus summa est malacia, aut aquæ sunt turbines.

4. Qui ad Caribas Insulas feruntur, quò magis accedunt ad littora Americana, animadvertunt Aquilonem magis ac magis ad Subsolanum inclinari, ut quandoque sit Subsolanus. Sed ut plurimum à Subsolano aliquantùm ad Septentrionem declinat. Quando verd ad Subsolanum cursus dirigitur, ejus venti vehementia paulatim minui deprehenditur.

5. Tractus Maris, per quos Venti constantes aut variabiles flant, ampliores sunt ad Americana littora, quàm ad Africana; cum enim venti constantes nulli sentiantur ab iis qui Africana legunt littora, donec 28 latitudinis gradum præternavigarint, ad Americana ad 30, 31, & 32 gradum flant. Trans Æquatorem idem experientia compertum est, nam ad promontorium Bonæ Spei fines ventorum constantium sunt 3 aut 4 gradibus Æquatorem propiores, quàm ad Brasiliensia littora.

6. A 4 gradu latitudinis Septentrionalis ad fines, de quibus modo diximus, qui trans Æquatorem sunt, ventus semper est inter Subsolanum & Austrum, & Subsolano etiam ferè propior. Observandum tamen ad Africano littora Austro, ad Brasiliensia Subsolano propior

rem esse ventum, ut fore planè Subsolaniis sit. Cum  
 ed venit procellosus est & vehemens, nubes cogit, &  
 creat in iis locis pluviam; sed quo magis ad Austrum  
 accedit, ed est serenius cœlum, & ventus tenuior. Ve-  
 rum rarè ed inclinatur.

7. Tempestates mutationem aliquam in constantibus  
 ventis efficiunt, cum enim Sol maximè remotus est ab  
 Æquatore ad Septentrionem, Euronotus in tractu Oce-  
 ni, qui est inter littora Guineense & Brasiliense, magis  
 ad Austrum accedit, & Aquilo magis ad Subsolanum.  
 Vice versà quando Sol ad Tropicum Capricorni pro-  
 perat, Euronotus fit Subsolano propior, & Septentrio-  
 ni Aquilo.

8. Observandum tamen in Atlantico Oceano tractum  
 esse, ubi Auster aut Libonotus perpetuò spirat; non-  
 pe, secundum Guineensia littora, per spatium quod  
 porrigitur, per 500 millaria, eoque amplius, à monte  
 qui *Sierra Lioa* dicitur, ad insulam *S. Thome*. Nam  
 Libonotus constans, iis qui Æquatorem præternaviga-  
 runt 80 aut 100 miliaribus à Guineensi littore distiti,  
 magis ad Austrum accedit. Qui magis Africæ appro-  
 pinquant animadvertunt Australem, aut pœnè Austr-  
 lem fieri ventum, & quando appellant Favonium, aut  
 Favonio proximum esse. Hi venti spirant ad Africanam  
 littora, quando venti constantes flant, sæpe enim ma-  
 lacia est, aut turbines qui ex omnibus cœli partibus  
 spirant; aut Subsolani, qui maximas tempestates  
 creant.

9. Ad Septentrionem Æquatoris, inter 4 & 10 gra-  
 dum latitudinis, atque inter Meridianos Promontorii  
 Viridis, & Insulæ ejusdem Promontorii omnium maxi-  
 mè ad Orientem porrectæ, tractus est maris in quo  
 neque constans, neque variabilis ventus flare dici po-  
 test; æterna enim illic est malacia, quæ non turbatur  
 nisi Fulgure, Tonitru, & Pluviâ tam crebrâ, ut prop-  
 terea ei loco *Pluviois*, nomen inditum sit. Quicquid  
 illic sentitur venti, subito oritur, inæqualibus flatu spi-  
 rat, & per breve tempus, neque per magnum maris

tractum; adeò ut, singulis horis, sæpe sit novus ventus, cui succedit malacia, antequàm alius oriatur. Sæpe in classe, cujus naves invicem cernuntur, singule naves suum habent ventum. In hoc loco, per sex gradus omnibus velis naves tendant oportet; & deficiente vento, per integrum mensem illic moratæ dicuntur.

¶ 10. Ex tribus posterioribus observationibus rationem cognoscimus quarum rerum, quas navigantes in Guineam, aut Orientalem Indiamprehendunt. Altera est, quavis mare sit arctius inter Guineam & Brasiliensia littora, cum id intervallum 500 milliaria non superet, naves, quæ ad Austrum cursum dirigunt, ægrè eum tractum præternavigare, præsertim mensibus Julio & Augusto. Cujus rei hæc est causa, quòd Euro-notus tunc temporis ultra solitos fines spiret, live ultra gradum latitudinis Septentrionalis; & præterea usque adeò ad Austrum convertatur, ut quandoque planè Austro fiat, & quandoque enim ulterius ad Favonium circumagatur. Nihil possunt nautæ aliud facere, nisi ut sequantur ventum; si verò ad Africam cursus dirigatur, navigantes magis ac magis ad Subsolanum converti ventum sentiunt; sed tunc timendum eis est, ut littora Brasiliensia præternavigare queant, aut in vada quæ illic sunt impingant. Contrà si ad Vulturium tendas, ad littora Guineensis accedis, à quibus recedere non potes, nisi ad Insulam usque S. Thomæ, Subsolanum versùs naviges; quod semper faciunt qui Guineam petunt, & mirum prorsus videretur, nisi ventorum ratio nota esset. Cum enim ad id littus accesserunt, ventum aut Africum, aut Libonotum habent, quo spirante ad Septentrionem Guineæ, cursus dirigi nequit. Sed ad ventum requisitum propiùs navigantes in Indiam non possunt accedere quàm, ut Austrum, aut Euro-notum habeant. Hi quidem venti à terra expellunt, sed quò magis eos sequuntur in Indiam navigantes, eo magis contrarios experiuntur. Quando littori propiores sunt, possunt tendere ad Austrum, sed si remotiores sint, non est commodior ventus Euro-noto, aut etiam

etiam Vulturno; quibus plerumque cursum dirigunt ad Insulam S. Thomæ, & ad Lopesium promontorium ubi cum ventus sit ferè Vulturnus, eo utuntur ut eam ad Favonium, usque ad 3 aut 4 gradum latitudinis meridionalis, ubi perpetuus est Euronotus.

11. Propter constantes hosce Ventos, quicumque in Virginiam cursum dirigunt, quàm celerrimè ad Austrum progredi nituntur, ut vehementiorem ventum, quo ad occidentem ferantur, nancisci queant. Eadem de causâ, qui ex America in Europam redeunt, conantur quàm citissimè possunt 30 gradum latitudinis assequi, ubi variabiles venti esse incipiunt; quævis plerumque sint inter Favonium & Austrum venti, qui eam partem Atlantici Oceani perflant.

12. Sunt quidam in Caribis Insulis procellosissimi venti, quos *Ouragans* vocant, & qui circa Augustum mensem eas insulas vexant. Verùm huc illi non pertinent, seu quia neque sunt diuturni, neque per amplum terræ spatium sentiuntur, seu quia semel quotannis non redeunt; quandoquidem uno anno aliquot interdum eas oras devastant, interdum plures, sine ejusmodi procellosis ventis, præterlabuntur anni.

13. Quidquid hactenus dictum est intelligendum de iis ventis, qui in mari à distitis à terra sentiuntur; namque enim de ventis qui terram perflant paucis agere possemus, propter summam varietatem respectu frequentię, durationis, vehementię, & locorum in quibus sentiuntur. Montes, valles, sylvæ, terrarum dispositio, quæ aptiores, aut ineptiores sunt calori reflectendo, condensatio exhalationum & vaporum tantas in iis creant mutationes, ut investigatio eorum, si hæc sigillatim excutienda essent, nullus finis esset futurus.

14. In Indico Oceano, ut ad secundam partem veniamus hujus tractationis, venti sunt partim perpetui, partim periodici; per sex, nimirum, menses, ab uno cardine flant, & per sex sequentes ab opposito. Tempora quibus flant, & pars cœli unde spirant variis

in tractibus Oceani, non facile potuerunt, nisi post multas observationes, notari. Hi venti *Musones* ab Indis vocantur, inversâ, ut putant, Arabicâ voce *Saumon*, quæ mutationem venti significat.

15. Inter decimum & 30 gradum latitudinis meridionalis, sive inter Madagascaris Insulam & novam Hollandiam ventus constans est Vulturinus, qui illic per totum annum spirat, ut in mari Æthiopico sub iisdem latitudinis gradibus, ut antea diximus.

16. Vulturinus spirat per sex Menses, à Junio ad Novembrem, per Oceanum Indicum; quibus elapsis, qui sunt inter 3 & 10 gradum latitudinis Meridionalis, circa promontorium Septentrionale Madagascaris Insulæ, & qui sunt inter 2 & 12 gradum circa Sumatram & Javam, sentiunt eorum oriri, aut aliquem ventum ex his qui sunt inter Septentrionem & Favonium, qui per sex alios menses ab initio Decembris ad Maium fluit. Idem est *Mousson* ad Insulas usque Moluccas, ut postea dicemus.

17. Ad Septentrionem tertii gradus latitudinis Meridionalis, venti inter Septentrionem & Subsolanum positi, ab Octobri ad Aprilem flant in sinibus Arabico, Persicoque, & per totam longitudinem maris Indici, quâ inter Africana littora & Sumatram porrigitur. Aliis vero sex mensibus ab Aprili ad Octobrem, ex contrario cardine spirant venti inter Favonium & Austrum. Atque hi sunt aliis vehementiores, magnasque pluvias creant, cum contrarii serenum cœlum faciant. Observata tamen dignum est ventos neque tam vehementes, neque tam constantes esse in Bengalensi sinu, quàm in Indico Oceano ubi certus ferè semper spirat ventus. Observandum quoque ventos inter Favonium & Austrum ad Africana littora magis ad Austrum accedere, in India vero magis ad Favonium.

18. Est tractus maris ad Austrum Æquatoris, qui est iisdem *Musonibus* obnoxius. Is est inter continentem Africam & Insulam Madagascaris, atque inde ad omne spatium, quod porrigitur ad Æquatorem usque. Ab



Aprilisque ad Octobrem est vehementior Libonum, quem quò magis in Septentrionem progrediuntur, invigantes, eò magis ad Favonium accedere deprehendunt, ut tandem Africus fiat, qui ventus, ut dictum est, eo tempore anni, spirat ad Septentrionem Aëtoris. Ad ventos quod attinet, qui per alios sex menses, ab Octobri ad Aprilem, flant in eo mari, minis sunt noti, quia naturæ Europæi ex India redeuntes inter Madagascaris Insulam & Africam non transeunt. Hoc unum constat in viciniâ ventos esse ferè Subsolanos, qui tamen ad Austrum & Septentrionem aliquarum declinant.

19. Ad orientem Sumatræ & Malacæ, ad Septentrionem Aëtoris, juxta littora Cambaiensis & Sinenfis, *Moufones* sunt ferè ad Septentrionem & Austrum; hoc est, Aquilonem valdè ad Septentrionem, Libonum valdè ad Austrum accedere. Hi venti porriguntur in Orientem usque ad Philippinas Insulas, & in Septentrionem, usque ad Japoniæ altitudinem. Septentrionales *Moufones*, in illis maribus, incipiunt soirare Octobri aut Novembri, Australes verò Majo, & per totam æstatem flant. Observandum tamen cardines ex quibus, in hisce maribus, flant venti, non ita constanter esse eosdem ac in iis maribus, de quibus diximus. Auster sæpe ad Subsolanum accedit; quod videtur oriri ex plurimis illis promontoriis quæ, in cæciliis maria extenduntur, multisque insulis per ea sparsis.

20. Sub eodem Meridiano, sed ad Austrum Aëtoris, inter Sumatram & Javam ad occidentem, Novam verò Gulneari ad ortum, iidem *Moufones* septentrionales & australes; ubi tamen est hoc discrimen, quòd ventus septentrionalis ad Favonium inclinet, meridionalis ad Subsolanum. Sed venti non sunt constantiores in hoc Mari, quàm in superiori; neque mutatio eodem tempore fit ac in Sinenfi Oceano, sed mense aut quadraginta diebus seriùs.

21. Hi contrarii venti non subito sibi invicem, relâque interpositâ morâ, succedunt. Alicubi est mala-



ela per aliquantùm temporis, alicubi varii venti. Observandum præterea extremum tempus *Mouſonis* occidentalis qui Cormandelensia littora perflat, & meridionalis qui in Sinenſi Oceano ſpirat, obnoxium eſſe proceſſis; quatum tanta eſt vehementia ut *Ouraganos* America ſerè æquet, & illo tempore periculoſiſſimam per illa maria navigationem reddat.

22. Tertium mare, aut Oceani tertia pars, quæ paſifica vocatur, amplitudinem duarum aliarum æquat, quippe quæ ab Americano littore occiduo, in eandem coeli plagam per 150 gradus porrigitur. Soli Hiſpani hoc mare navigant, dum eunt ex Hiſpania nova in Inſulas *Maniſſas*, & quidem eadem ſemper viâ, adeò ut non aqua accurata ventorum illic ſpirantium tradi poſſit hiſtoriâ. Verùm ex variis relationibus Hiſpanicis, aliis-que colligere poſſumus ventos illic flantes ſimiles eſſe hiſ qui Oceanum Atlanticum perflant. Venti qui ſpirant ad Septentrionem *Æquatoris* ſunt inter Septentrionem & Subſolanum; qui verò flant ad Auſtrum *Æquatoris* ſunt inter Subſolanum & Auſtrum. Tantâ conſtantia & æquabilitate ex utraque parte *Æquatoris* ſpirant, ut raro neceſſe ſit omnia adhibere vela, atque intra decem Hebdomadas vaſtiſſima illa maris huius extenſio peragraretur. Ignoræ ſunt etiam in eo mari procelle, neque in ullo mari æquè commoda eſt navigatio, cum in eo navigantes certum ſemper ventum, neque epi a quo vehementiorem habeant. Quo factum eſt ut multi crediderint non eſſe opus longiori tempore, in Japoniam & Sinam navigantibus, ſi per fretum *Magellanicum* eò contendant, quàm ſi per mare *Æthiopicum* & *Indicum*, circumactò *Bonzæ Spei* promontorio, navigationem inſtituant.

23. \* Ea eſt ratio Maris *Pacifici*, ſi procul à littoribus conſideretur; ad littora enim ſunt varii venti, & cum flant qui ſunt inter Auſtrum & Subſolanum, aut inter Auſtrum & Favonium, mare eſt ad littora prop-

rer summam agitationem periculosissimum; vel minimo enim vento summopere agitur. Quando cecidit ventus, etiam vehementissimus, subito tanta est maris malacia, quanta posset esse quando per longum tempus nullus spiravit; cum mare Atlanticum, per aliquot dies, postquam cecidit ventus, pergat moveri. Mare Pacificum à terra remotius semper est, ut diximus; aquabili vento actum, sine procellis; ad litora vero multò magis æstuat; cum in Atlantico contrario modo res se habeat, nam ad litora serè semper est aquabile, cum in alto gravissimæ sint procellæ.

24. Limites ventorum constantium, in mari Pacifico iidem sunt ac in Atlantico, porrigiturque ex utraque Aequatoris parte ad 30 gradum latitudinis. Hispani enim ex Manihis Insulis in Americam redeuntes utuntur meridionali *Moufone*, qui per æstatem in illis maribus spirat, & cursum dirigit ad Septentrionem Aequatoris, ad altitudinem usque Japoniæ, ut nascantur varios ventos, quorum ope ad orientem ferantur. *Schootenius*, alique qui per Magellanicum fretum navigarunt, invenerunt limites Libonoti, in eadem latitudine meridionali. Præterea, inter ventos qui in mari Aethiopico, & ventos qui in Pacifico spirant, hoc simile est, quòd ventus ad litora Peruviana, ut ad Angolensia ex Australi cardine spirer, serè semper.

25. Ex hac ventorum constantium historia sex potissimum exsurgunt Problemata, quorum solutionem quaerunt Physici. 1. Quare Venti ex orientali cardine perpetuò spirent, in maribus Atlantico, Aethiopico & Pacifico, inter 30 gradum latitudinis septentrionalis & australis? 2. Quare eos limites nunquam transiliant hi venti? 3. Quare Libonotus litora Guineensia constanter perflet? 4. Quare in Septentrionalibus partibus Indici Oceani, venti qui per sex menses iidem sunt ac in aliis maribus, convertantur in contrariam partem & ex opposito cardine spirent per sex alios menses? 5. Quare

re in constantibus ventis, qui ad Septentrionem Equatoris flant, semper à Subsolano ad Septentrionem inclinent; contra verò qui ad austrum Equatoris spirant à Subsolano ad Austrum inclinent? 6 Quare in Sinensi Oceano venti multò magis à Subsolano in Septentrionem declinent quàm alibi?

25. Ad classẽ constantium ventorum referri possent nonnulli, qui certis temporibus etiam regiones nonnullas perflant. In Græcia & Italia aliisque regionibus vicinis \* " exortum Caniculæ diebus octo fermè Aquilones præcedunt, quos Prodomos appellant. Post biduum autem exortus iidem Aquilones constantius perflant his diebus, quos Etesias appellant; nec ulli ventorum magis statim sunt. Post eos rursus Austri frequentes, usque ad sidus Arcturi, quod exortum undecim diebus ante Equinoctium Autumni. Cum hoc Corus incipit. Corus autumnus, huic est contrarius Vulturnus. Post id æquinoctium, diebus serè quatuor & quadraginta, Vergiliarum occasus hyemem inchoat; quod tempus in III. Idus Novembres incidere consuevit. Hic est Aquilonis hyberni, multumque æstivo illi dissimilis, cujus ex adverso est Africus. Ante brumam autem, ait tandem *Plinius*, sed falsò, septem diebus toridemque postea sternitur mare Halcyonum scæuræ, unde nomen hi dies traxere, reliquum tempus hyemat. Verùm hoc observandum discriminis, inter constantes maris & terræ ventos, quòd marini multò constantiores sint terris, neque adversis procellis tam sæpe turbentur, imò vero quibusdam in locis nunquam.

27. Ad variabiles verò ventos quod attinet, hi in terra potissimum sentiuntur, atque in mari trans limes constantium ventorum, ad septentrionem & ad austrum; hoc est, in parte frigidiorẽ Oceani, & per omnes Oceani qui illic sunt sinus, quorum potissimum sunt mare Mediterraneum, & mare Balthicum.

28. \* Veteres quatuor omnino ventos servavere, ait *Plinius*, per totidem mundi partes, (ideò nec *Homerus* plures nominat) hebeti, ut mox iudicatum est, ratione. Sequuta ætas octo addidit, nimis subtili & concisâ. Proximis inter utraque media placuit, ad brevem ex numerosa additis quatuor. At nostri nautæ rei maritimæ multò veteribus peritiores, Horizontali circulo in 32 partes æquales divisò, præter quatuor ventos Cardinales, viginti octo alios nominarunt; quod navigationi utilissimum, ad Physicam non multum facit, nisi quòd ex omnibus partibus cœli spirare ventos sciendum est.

29. Inter variabiles ventos, alii ubique per omnes terras flant, alii verò in quibusdam terris potissimum noti & frequentes sunt. Sed nulli sunt celebriores illi qui *Ouragani* vocantur & in Insulis Caribis potissimum spirant, quindeque frequentius, quandoque rarius, nullis statis temporibus. Tanta est eorum vehementia ut quidquid stat prosternant, arbores evellant, domos evertant, naves si quas deprehendunt aut mirum in modum circumagant, aut in mare, vel in terram deficiant, imò verò aliquando in aërem attollant, per quem gravissima opera interdum vehunt. Non est eorum flatus æquabilis, sed per impetus qui subinde oriuntur & concidunt; neque lævè flant, per amplissimum terrarum tractum, sed quandoque intra exiguum spatium, quandoque paulò latius. Durant tantùm per aliquot dies, & interdum per aliquot duntaxat horas. Quamvis autem in America frequentiores sint ejusmodi venti procellosi quàm alibi, attramen Europa & Asia eorum immunes prorsus non sunt, quod ex Historiis & Itinerariis plurimis constat.

30 In omnibus ventis, tam constantibus quàm variabilibus hæc observanda, alios nimirum exficcare, alios madefacere; alios congregare nubes, alios dissipare & serenitatem creare; alios esse calidos, alios frigidos. Neque eorum una eademque est ubique ratio,

pam

nam qui in aliis regionibus frigidi sunt in aliis calent, qui hic exsiccant, alibi madefaciunt, & vice versâ, ut aliquot exemplis postea ostendemus.

31. Hæc sunt potissima in ventis observanda phenomena; nam si singula exentienda essent, opus esset integro volumine; præterquàm quòd de multis quæ hæc de re feruntur, constare prius oporteat, quàm eorum causa investigentur. Plurima enim dicuntur, quorum, quia falsa sunt, nullæ possunt inveniri causæ. Itaque iis missis, eorum tantùm, quæ allata sunt, causas quæremus, & à constantibus quidem ventis initium faciemus.

32. Ventus \* rectè decursus aëris esse censetur, adeoque ubi motus aëris in certam partem perpetuus est & certus, ex constanti atque immutabili causâ oritur necesse est. Nonnulli existimarunt motum telluris quotidianum circa axem suum, qui ad Orientem sit, causam esse perpetui Subsolani; quia dum globus in eam partem rapitur, aëris levissimi, & fluidissimi particule retrorsum manent, & ad Occidentem moventur respectu superficiei Terræ. Videtur hæc opinio Experimentâ firmari, quia in iis demum locis est Subsolanus perpetuus, quæ prope Æquatorem sunt, & intra eos Parallelos ubi motus Terræ rapidissimus est. Sed perpetua malacia quorundam maris Atlantici tractuum, non procul ab Æquatore, Occidentales venti litorum Guinæ, Monsonesque Occidentales, qui in Indico Oceano sub Æquatore spirant, satis ostendunt hanc hypothesein defendi non posse. Præterea aër, qui gravitate suâ superficiem Terræ premat, eique adhæret, eundem celeritatis gradum acquireret, ac partes superficiei Telluris; tam ratione motus quotidiani Terræ circa axem suum, quàm motus annui circa Solem, cum hic motus sit circiter trigiesies rapidior priori.

33. Alia ergo quærenda causa, quæ possit eum effectum constanter edere, nec sit iisdem difficultatibus onoxia; & quæ agat juxta proprietatis notas aëris &

aquæ, & leges motûs corporum fluidorum. Ejusmodi est actio radiorum solarium in aërem & aquam, conjuncta cum soli naturâ, & situ vicinarum terrarum continentium. Observandum ergo 1. ex Staticis Legibus aërem, qui minûs est calore rarefactus, ac proinde gravior, fluere oportere ad loca ubi magis rarefactus est, & levior, ut omnes ejus partes sint in æquilibrio. 2. Cum Sol perpetuò moveatur in Occidentem, & ea pars verûs quam moveretur Aër, fit magis rarefacta, cum Sol est in Meridiano, hæc fertur cum Sole in Occidentem; ac proinde tota massa aëris inferioris eò defluit. Sic creatur ventus Orientalis constans, qui postquam movit omnes aëris partes, quæ vastæ Oceani extensioni incumbunt, motum illum conservat, ad reditum usque Solis, quo tempore tantundem recuperat, quantum amittere potuit, quo fit ut spiret Orientalis ventus perpetuus.

34. Ex hac hypothefi sequitur ventum declinare oportere ab Oriente ad Septentrionem cis Æquatorem, & trans ad Austrum; propè enim Æquatorem multò rarior est aër, quàm in remotioribus locis. Ejus rei ratio est, quod in plagis quæ Æquatori subjacent, Sol bis quotannis verticalis fit, neque ab iis recedat plusquam 23 gradibus, in qua distantia cum calor sit instar finis anguli incidentiæ, non multùm differt à calore perpendicularibus radiis creato. Sed sub Tropici, quamvis aliquandiu Sol verticalis sit, attamen cum illic 47 gradibus recedat, ea distantia creat speciem quandam hyemis, quâ ita refrigeratur aër, ut calor æstivus nequeat eundem caloris gradum ei reddere, qui est sub Æquatore, ideoque aër ad septentrionem & meridiem situs, cum densior sit eo qui Æquatori subjacet, utrimque versus Æquatorem decurrat necesse est. Hic motus conjunctus cum eo, quo tota massa aëris ab Oriente in Occidentem rapitur, causa est omnium effectuum, qui in constantibus ventis deprehenduntur; adeoque si mari tota regeretur globi superficies, ubique iidem essent venti, qui in Atlantico & Æthiopico mari spirant.

35. Sed cum mare amplissimis terrarum tractibus dividatur, ratio habenda est naturæ terrarum, & altitudinis montium, quæ varietatem maximam in ventis creare videntur. Regiones Tropieis vicinæ quæ planæ sunt, humiles, & arenosæ, ut Libyæ interioris deserta, sunt obnoxie calori incredibili iis qui non senserunt, cum propter reflexos Solis radios, tum propter calentes arenas. Aër autem eo summo calore rarefactus, cedat necesse est aëri frigidiori & densiori, qui eo ad servandum æquilibrium destituit. Hæc videtur esse causa cur ad Guineensia litora ventus ferè semper inter Austrum & Favonium spiret, cum in tractibus à terra remotioribus sit perpetuus Euronotus.

36. Difficile non est intellectu interiorem Africam summo æstu aduri, quæ magis ad Æquatorem vergit, cum Septentrionales ejus partes usque adeò fervidae sint, ut Veteres, quibus hæ notæ erant, regiones inter Tropicos sitas præ nimio calore habitari non posse crederent. Hinc etiam videtur fieri ut malacia sit perpetua in eo tractu Oceani cui *Pluvius* nomen factum est, & de quo egimus, cum de Atlantici maris ventis verba faceremus. Cum enim sit situs inter Occidentalem ventum qui litora Guinæ perflat, & constantem Orientalem qui per illa maria aërem ad Occidentem defert, aër interpositus, qui æquā vi in utramque partem tendit, manet in æquilibrio. Cum præterea pondus Atmosphæræ minuat ventis perpetuis, qui illinc in contrarias celi plagas spirant, non potest aër sustinere vapores copiosos quos admittit, qui proinde in pluvias densati veridunt.

37. Dum autem aër frigidus & densatus pondere premit calidum & rarum, oportet hunc, pro ratione rarefactionis, altius ascendere versùs summam Atmosphæræ partes; deinde æquilibrii causâ quaquaversum recedere, adeò ut in altissimis aëris regionibus sit contrarius aëris decursus à calidioribus partibus ad frigidiores. Sic veluti per circuitum, si in partibus inferioribus aëris, ventus sit inter Septentrionem & Subsolanum,



ventus debet esse in inferiore regione inter Austrum & Favonium, & vice versâ. Neque hoc est mera conjectura, quando enim transiliuntur limites constantium ventorum, sæpe animadvertunt nautæ momento temporis ventum in punctum contrarium, ut loquuntur, defilire. Atque hoc ipsum Phænomenis Monsunum optime convenit, quæ hac hypothese facillimè exponuntur, alicui explicatu difficillima.

38. Posito ergo in summa regione in circulum, quem admodum diximus, agi aërem, in memoriam revocandum ad Septentrionem Indici Oceani, terras esse usque ad 30 gradum, quibus limites constantium ventorum occupantur, nempe Arabiam, Persidem, Indiam, &c. Hæ autem regiones, propter eandem rationem quam de æstu interioris Libyæ agentes adduximus, sunt intolerandis caloribus obnoxia, cum Sol ad Tropicum Cancræ pervenit, adeoque iis penè verticalis est. Contrà temperatiores sunt, cum Sol ad alterum Tropicum discessit. Hanc in rem aliquid conferunt altissimi montes ad Septentrionem horum littorum siti, qui sæpe hyeme nivibus teguntur, ubi aër ad Austrum veniens refrigeratur. Hinc sequitur, ex regula posita, aërem ab Aquilone versùs mare Indicum fluens, quandoque calidiorem, quandoque frigidiorē esse, eo qui circulatione ex Libonoto defluit; ac proinde decursum inferiorem aëris modò esse ad Libonotum, modò ad Aquilonem.

39. Manifestum est nullam aliam causam horum esse querendam, ex temporibus, quibus hi venti oriuntur. Mense Aprili, cum Sol incipit incendere regiones quæ sunt ad septentrionem Æquatoris, meridionalis Monsun oritur, & per æstatem ad octobrem usque spirat. Cum verò Sol trans Æquatorem rediit, ad septentrionem oritur frigus, atque ad meridiem augetur calor, Aquilo flare incipit, & per totam hyemem ad Aprilem usque durat. Propterea etiam ad meridiem Æquatoris, inter Madagascaris insulam & Africam, Corus Euronoto succedit, cum ad Tropicum Capricorni ab Æquatore Sol procedit.

40. Cum hæc sit constantiam ventorum naturæ explicatio verisimillima, quæ nobis innotuerit, hæc tamē gravissima occurrit difficultas, quare cum in Indico Oceano venti mutantur semel quotannis, nullatals fiat in Æthiopico Oceano, iisdem sub gradibus, mutatio? Nam constat per totum annum ventum inter Austrum & Subsolanum illic flare. Hæc & alia terrarum vicinarum varietatibus fieri videntur, sed eas varietates indicare, quamvis nobis notissimæ essent, difficillimum esset, quia vastissimarum terrarum naturas & asperitates varias animo descriptas habere, rationemque distantiarum considerare accuratè vix possumus.

41. Nullā etiā probabilī conjecturā assequi possumus, quare fines constantium ventorum circa globum sint ubique ad 30 gradum latitudinis, qui gradus raro ab iis ventis transiliatur. Quis etiā cerò dixerit quare partes tantum septentrionales maris Indici sint Monionibus obnoxie, cum in ejus australibus partibus, venti perpetuò sint inter Austrum & Subsolanum? Videtur quidem oriri ex terrarum dispositione, quibus ad Austrum non ita coarctatur mare Indicum, ac ad Septentrionem, nisi nos fallunt Tabulæ Geographicæ. Sed cum hac in re multa nos lateant, quæ necessaria essent ad eas solvendas difficultates, præstat interea dum innotescant ἐπιχειρῆναι.

42. Ad Aquilones quod attinet, quos Etesias Græci vocant, qui per mensem Augustum & finem Julii, in Graciâ, Italiâ aliisque regionibus flant, ut ex *Plinio* vidimus, videntur ex eo oriri, quod Sol qui tempore Solsticii Tropicum nostrum attingit, ita aërem non modò regionem quibus perpendiculariter imminet, sed & vicinarum ad Septentrionem ita calefaciat, ut aër ille mirum in modum ad superiorem aëris regionem ascendant, aërque adeò septentrionalis, qui gravior & densior est, cò decurrat. Postquàm verò aër magna copîa illuc decucurrit & à sole rarefactus est, hoc ad Austrum ampliùs recedente, pondere suo, velati circulo actus per superiorem regionem in Septentrionem recidis.

dit, australemque ventum creat, quem Etesis succedere observavit *Plinius* sere ad *Aequinoctium autumnale*.

43. Inde contrario reflexu aëris & vaporum ad septentrionalem mundi plagam nimiam copiam aggregatorum, nascitur *Corus*, qui est inter Septentrionem & Favonium. Fluxus ille aëris, ut *Pliniano* verbo utar, *annuar*, inde per Hyemem spirant Aquilones qui ex Nova Zemla, & Aquilonaribus Moscoviæ partibus ad nos flant. Hi cum ex amplissimis terris nive & glacie adstrictis veniant, maximum secum deferunt frigus; & eo quidem tempore flant, quia altera parte aëris finis, si ad Septentrionem spectes, exhausta, illinc ubi est gravissimum frigus, adeoque aër densissimus, fiat fluxus necesse est. Prior autem *Corus* est quam *Aquilo*, quia ex ea parte, quæ ad nos deferretur *Corus*, sunt patentissima maria, per quorum superficiem facilius labitur ventus, quam per asperitates terrarum, quæ ex Aquilonis cardine ad nos porriguntur.

44. Hæc eadem ratio ostendit quare constantiores sint venti marini, quam terrestres. Nimirum, maris æquor lambentibus nulla occurrit asperitas, quæ eorum cursum tardet, aut aliò convertat; ad terram perfirmes incidunt in montes, valles, sylvas, aliæque quibus aliorum flecti, & tardari queunt. Ex mari præterea vapores sere æqualiter hauriuntur; sed ex terra, pro vento flante, major aut minor earum egeritur copia, quo fit ut aëris fluxus variè possit mutari.

45. Hinc fit etiam ut tantopere varient in terra venti, qui sigillatim referri nequeunt, atque ad examen revocari, nisi situs & ratio terrarum omnium describeretur quod fieri nequit, cum nemini sint satis computata. Satis erit summarim monuisse montes & sylvas, calorem & frigus, humiditatem aut siccitatem regionum infinitam illam in iis parere varietatem, quæ ad certas regulas revocari nequit.

46. Si querantur rationes procellosorum ventorum, quales sunt in America Ouragani, vix singulorum etiam

accurata reddi posse videntur. Sed primum in memoriam revocandum est, eandem esse omnium liquidorum rationem; ac proinde in aëre motum extraordinarium posse creari, eodem modo quo in aqua excitatur. Excitatur autem motus in aqua violentior, varique in eâ turbines, si ex alto cadat, aut si plures aquarum fluxus contrarii concurrant. Videmus hoc in Torrensis è rupibus cadentibus, & in fluviorum confluentiis, ubi mirum aquarum motum deprehendimus. Si ergo simile quidpiam aëre fiat, oportet savas excitari ventorum tempestates. Potest verò hoc fieri, si vapores, majori numero quàm solent, in locum quempiam incidunt vento acti, quem facile præterlabi nequeant, propter montes in quos incidunt, aut oppositos ventos. Exempli causâ; ventus inter Septentrionem, & Subsolanum positis deferat ex Africa ingentem copiam vaporum in Caribas insulas, incidâ que in continentem Americæ; potest fieri non modò ut fluxui venti montes & sylvæ Panamensis Isthmi resistent, adeoque vapores ibi glomerent, sed etiam ut in litore Americæ occiduo fieri contrarius ventus inter Austrum & Favonium, qui vapores contrario motu actos illuc vehat. Cum hoc evenit necesse est circa Caribas Insulas, & in illototo sinu qui est inter Meridionalem, & Septentrionalem Americam, mirum in modum æstuet aër & vapores in orbem acti quaquaversum ruant, quod in aqua fieri constat. Videmus enim in duorum fluminum confluentibus aquis, si paulò rapidiori cursu eò deferantur ubi miscentur, miros excitari vortices, qui materias injectas circumagunt, absorbentque, ac revolvunt.

47. Hinc intelligimus quare fiat ut corpora gravia in aërem quandoque evehantur Ouragani turbine, deinde in terram abjiciantur. Circumæctus enim aër maximâ vi è terræ superficie vicibus ad nubes ascendit, atque iterum descendit, aut quaquaversum spargitur. Quemadmodum etiam non uno continuo impetu maris commoti aquarum litora premunt, sed undis

dis quaream aliam alia sequitur advehuntur, ut distinctis ictibus terræ alliduntur: sic quoque ventus, quando vehementior est, variis flatibus constat,

*ut undâ impellitur undâ,*

*Urgeturque eadem veniens, urgetque priorem,*

48. Ejusmodi Tempestates latè admodum non grassantur, quamvis incerti sint earum fines, quia vicino aëre leniter cedente, quò latius motus pervenit eò est minor. Sic lapide in aquam magnâ vi dejecto videmus aquam eo in loco vehementer agitari, & in orbem moveri; sed quò magis à centro motûs orbiculares distant undæ, eò lenius eas recedere. Ut enim ejusmodi motus in aquâ non sunt diuturni, sic nec in aëre, eadem de causâ.

49. Quamvis oriantur ubique aliquando extraordinaria ventorum procellæ, aëre & vaporibus in unum locum contrariis flatibus actis; attamen frequentiores sunt circa Caribas Insulas, præsertim quando Solem habent Verticalem, mensibus Junio & Augusto, quia Sole illic aërem rarefaciente, statim venti eò deferunt magnam aëris & vaporum copiam quæ intra Sinum Americanum coacta, circa insulas vicinas mirum in modum æstuat. Quando Sol est cis Æquatorem, ut antea diximus, aër iis in locis magis rarefit, potestque interdum fieri, ut Euronotus, qui constanter trans Æquatorem flat, limitibus suis quandoque egressus Æthiopici maris vapores eò ferat, quò jam Atlantici maris vapores dejecti sunt, & cùm à littoribus Americæ retineantur, circa Caribas insulas necessariò gyrent.

50. Quamquam hæc non sunt absconsa, attamen pro compertis haberi non possunt, nisi pluribus experimentis constaret eo tempore quo *Ouragani* oriuntur, circa Insulas Caribas ventos omnes ex vicinis maribus eum in locum concurrere; quod nobis nondum constet, nec experientiâ cognosci nisi difficulter potest.

51. Nunc ut ad phænomena communia ventorum veniamus, sicet videntur esse, qui quàm minimam vaporum copiam secum devehentes, cùm incidunt in humida corpora, humoris particulas ex iis divellunt. Sic in Hollandia Septentrio & Oriens atque interpositæ cœli plagæ ventos emittunt sicciotes. Ex Septentrionali, nimirum, Oceano qui est sub frigidioribus climatibus, magna vaporum non egeritur copia, si conferatur cum eaque ex aliis Oceani partibus calore evehitur. Si à Septentrione ad Orientem dessectamus, vastissimi sunt terrarum tractus, in quibus mediâ etiam æstate modicus est calor. Reliqui verò venti, & præsertim Occidentales humidi sunt, quòd veniant ex iis locis unde æstus magnam vaporum copiam evehit. Occidentalis potissimum Oceanus ventis, qui illinc spirant ad nos, tot vapores suppeditat, ut ferè semper pluvii sint. At alibi aliter, pro terrarum situ, se res habet. Auctor est \* *Plinius*, *Austrum Africa esse serenum, Aquilonem nubilum*, quòd arida Africæ deserta eos non emittant vapores, qui pluvias magnas creare possint, cùm ingentes ex mari Mediterraneo, quod ad Aquilonem est, evehantur.

52. 2. Venti congregant nubes, qui secum magnam vaporum copiam adferant, quæ conjuncta iis quæ ex nostra regione evehuntur nubibus cœlum implet. Contrâ serenitatem creant, qui multos vapores secum non advhentes, aliò etiam eos qui nobis imminet avehunt. Hujusmodi sunt hic quos antea diximus siccos, contrâ verò nubili, quos humidos esse observavimus.

53. Calidi sunt venti, qui ex regione calente spirant, frigidi qui ex frigidiore; unde facile est intelligere calidos esse ventos qui aërem & vapores vi Solis vario motu actos secum devehunt: contrâ verò frigidos, qui aërem & vapores, aut minùs motos, aut motu ad rectam lineam accedente secum agunt. Hinc videmus vento excitato paulò vehementiore excitari etiam frigus, & contrâ cessante omni vento, æstate molestissimum esse

esse calorem. Similiter flatus folliis, aut alto vehementiore flamma exstinguitur, contra tenuiore vento augetur. Nimirum, vehementior ventus flammam omnem in unam partem rejicit, in quâ nisi sit alimentum copiam major incumbens aeris vi suffocatur; tenuis verò flammæ motum in omnes partes auget, facitque ut materia, quæ uritur, plures particulas divellat.

54. Cæterum ut omnis calor venti, aut frigus oritur è calore aut frigore regionis ex quo flet: ita nec ubique venti iidem calidi aut frigidi sunt. Trans Equatorem, contraria omnino est ventorum ratio, cum enim hic frigidi sunt, qui ex septentrionis cardine spirant, illic ex meridie flantes frigidiores sunt. Scilicet calidi sunt hic Meridionales, non quod ex eâ cœli plaga spirent, sed quia aërem Sole imminente calefactum advehunt: eadem de causâ Septentrionales Antipodibus nostris calidiores sunt.

55. Ex iis quæ hætenus dicta sunt, satis liquet causam venti esse Solem, & motum vaporum. Sed si incipiamus constantes illos & periodicos ventos, quibus perflatur Oceanus, cæterorum fines indicari non possunt, adeo ut possimus ostendere ubi oriuntur, & ubi desinant. Non possumus etiam causam ostendere, ubi quam per certam æstatem flaverit, forè Occidentalis, exempli causâ, ventus, per aliam verò Orientalis. Forasse hæc aliaque indicari possent, si per plures annos in variis regionibus magnâ diligentia ventis, eorumque mutationes observarentur; quod enim nobis varium, & sine lege videtur esse, fortè certas vias habere deprehenderetur; aut saltem quàm latè pateant ventorum flatus sciremus. Sed sine ejusmodi experimentis, nihil est quod affirmemus.

56. Sunt qui velint aquas in terræ visceribus latentes ope ignium subterraneorum in vapores mutari, unde fit ut per rimas terræ exeuntes ventum creent. Quia autem sunt sæpe montes ita siti, ut in unam tantum partem vapores illos defluere permittant, ideo volunt ventorum vehementiam illac declinari. Experimento



mento *Aeolipyla* hoc confirmare nituntur. Est vas æneum, cui est tenuissimum foramen, & in quod hæc aqua intromittitur. In ignem conjicitur, adedò ut aëre quo plenus erat summo opere dilatatus partim exeat per id foramen quod diximus. Tum in aquam frigidam immittitur, quod fit ut reliquus aër condensatus locum faciat aquæ quæ per foramen subit. Quo facto, *Aeolipyla* iterum igni imponitur, atque aqua in vapores resoluta instar venti ex *Aeolipyla* exit.

47. Verùm nullus ab iis ostenditur locus, unde tanto impetu ventorum exeat materia. Nonnullis quidem è specubus aiunt oriri ventos, sed ut verum hoc habeatur, ubique ferè oporteret esse talia loca, cum rarissimi memorentur. Præterea in locis ejusmodi specubus vicinis perpetuò iidem flarent venti, aut saltem frequentissimi essent, quod nusquam observatum. Itaque præstat fateri variabilium illorum ventorum rationem & peculiare causas nobis esse ignotas; præsertim cum in medio mari ejusmodi flent venti, extra constantium fines. Copia major aut minor vaporum, tempestatesque variæ magnum in aëre æstum creant, cujus rationem fortè is demum videret qui totum aërem, simul cerbere, & quæ in eo fiant mutationes nosset, quod supra humanam sortem positum est,

*Plinius Lib. II. c. 45.*

PHY.

PHYSICÆ  
LIBER QUARTUS  
DE  
PLANTIS  
ET  
ANIMALIBUS.

CAPUT I.

*De Plantis.*

1. **L**USTRATIS corporibus, quorum contextus simplicior videtur, nunc ad ea quæ pluribus organis constant, & à Philosophis *viventia* solent vocari, veniendum est. *Viventia* ergo vocantur, quorum organa, succis permeantibus, vegetantur, aluntur, & crescunt; eaque in duo genera dividuntur, *Plantas*, nimirum & *Animalia*. Illæ terræ radicibus inhærentes succos, quibus aluntur, inde trahunt,

neque aliò sine periculo transferri possunt. Animalia vero, quæ cibum ore in stomachum demittunt, quaquaversum moventur, eoque motu delectantur. Est etiam in horum corpore major organorum copia; quare fiat ut de Plantis prius agamus, pro nostra Methodo, quæ semper ex facilioribus ad difficiliora gradum facere conari sumus.

2. Plantarum ergo partes varias, earumque inter se dispositionem, qualis ope Microscopii cernitur, describemus, deinde earum usum investigabimus; ut quomodo vegetentur, alantur & crescant intelligamus.

3. \* Ut à *Caulē*, sive *Trunco* initium faciamus, primum conspiciendum se in eo præbet *Cortex*. Externa hujus superficies constat sacculis, sive utriculis, qui truncum, annuli instar, cingunt. Hi sacci, qui ut plurimum liquore quodam turgent, quandoque eum effundunt, & flaccidiores fiunt, corticemque constanter tenuem & siccum, qui in *Prunis* & *Malis* potissimum observatur.

4. Postquam verò remis ea superficies sublata est, occurrunt varii ordines lignearum fibrarum, quæ retis instar inter se implicantur, & quarum aliis aliæ superimpositæ sunt, ut cæparum philyræ. Intervalla fibrarum sensum minuantur, prout ligno propiores fiunt; adeo ut nulla panè vacua cernuntur, in interiore corticis parte. Hæ fibræ, in minores resolutæ, sunt instar fascium aliarum fibrarum concavarum, & turgentium liquore, qui ex aliis in alias transit. Quandoque rectà per truncum ascendunt, quandoque obliquè serpunt, & sese aliis, ut rete conficiant, conjungunt.

5. Ad intervalla quod attinet, quæ inter eas fibras conspiciuntur, referta sunt utriculis de quibus diximus, qui præterea solent ipsas fibras cingere. In *Cerasis*, aliisque arboribus, cernuntur varii ordines, sat densi, utriculorum qui porriguntur ad lignum, per spatia quæ inter lignosas fibras intersunt. In *Quercu*, Po-

\* Ex M. Malpighii *Anatome Plantarum*.

Populo albâ, & Castaneâ, cernuntur varia corpora talia similia, nisi quod paulò longiora sunt. Constat variis ordinibus utriculorum, horizontaliter dispositorum, & inter fibras sitorum, quibus arcuissimè adhaerent.

6. Superficies externa arborum earum, quæ asperissima est, constat variis foliis & surculis ex arbore procedentibus; unde fit ut in teneris ramis asperitates quædam conspiciantur, quæ juxta longitudinem ramorum ordine constanti porrectæ sunt. Sed præter partes corticis memoratas, in cortice Ficûs, & Cupressi, singularis species vasorum cernitur, quæ sunt in medio cortice, & succum instar lactis emittunt. Cæteroque quamquam est magna in arborum & plantarum aliarum cortice diversitas, quoad magnitudinem & situm fibrarum & utrium inter se, attamen in iis quæ diximus circiter conveniunt. Observandum etiam habere fibras constare quadrangulis concavis, ex superiore & inferiore parte apertis, quibus inter se connectuntur.

7. Jam si queratur, quis sit harum partium usus, videtur per fibras ascendere succus, quo arbores & plantæ aluntur, & sustineri asperitatibus quæ in eis sunt, ubi quadrangula illa corpora, quorum meminimus, conjunguntur. Ex ergo internæ fibrarum asperitates sunt instar valvularum, quibus singula succi guttæ, dum ascendunt, sustentantur quasi per gradus, donec ad summam ascenderint arborem. Præter eas fibrarum, seu tuborum internas asperitates, calor diurnus, frigusque nocturnum, & vis elastica æcis, ventorumque motus multam conducunt ad evehendum humorem ad summas arbores. Utriculi vero transversî, qui fibris adhaerent, excipiunt liquorem qui cum instar ascendit, in utriculos effunditur, & in iis cum veteri succo fermentatur, ac subtilior factus arbores alit. Quâ de causâ in utriculis nonnullarum plantarum, præter inutilem aut superfluum, liquoris particularum transpirationem, is succus varias præcipitatio-

passur. Sic liquorum ex plantis eductorum, & variis ubi fermentarunt, inclusorum, tartarea particula precipitantur, & lateribus vasorum adherent. Hinc fit ut, in cortice Populi & Quercus, occurrant corpora talorum instar, quæ constant multis ordinibus utriculorum plenorum indurata quadam sæce, quales sunt tartarea particula, quæ dolis vinaceis adherent. Hac eadem de causâ, cortex Plantarum facilius inflammatur, quàm truncus; quia cùm sit major copia succi in cortice, quàm in ligno, plures etiam in cortice sunt particula tartarea, quæ faciliè inflammantur.

8. Conjiunt Physiologi succum, quo turgent utriculi, instar chyli esse quo alitur arbor, quia ea vascula, quæ sunt quasi venæ, aut quasi nervi, humefaciunt non tantum corticem, sed etiam lignum, & omnes alias plantarum partes; & quia succus utriculorum concoctior est eo, qui immediatè ex ligneis fibris manat.

9. Præter eum usum corticis in nutritivo succo concoquendo, credibile est eum ad incrementum arboris inservire, quod, ut ex sequentibus liquebit, ita fit. Quotannis novum rete implicitarum horarum gignitur, & horizontalium utriculorum; quod rete dum paulatim solidius fit, tandem ligni substantiam constat trunco adjunctum, gignitur enim in intimo cortice.

10. Hinc colligimus corticem illum internum esse ex primariis plantæ partibus, cùm arbores vivas servet, ut cernere est in Salicibus, Populis & Oleis, quarum lignum sæpe prorsus putrefactum est, dum cortex succo tumens vivas arbores servat. Illæ arbores crescunt, germinant, ramos, frondes & fructus emittunt. Ideoque rerum, Naturæ opifex interiori cortici exteriorem, quasi vestem quâ conservatur, circumdedit; quemadmodum interior cortex lignum tuerur. Solæ plantæ, quæ non perennant, unicuique corticem tenuem, & fibrarum fascies exiguos & paucos habent; sed diuturniores

res habent in cortice interiori plures fibrarum crescentium & tempore duritiem contrahentium ordines.

11. Dempto cortice, occurrit *Lignum*, quod pluribus etiam partibus constat. Porissimæ sunt concavæ fibræ, quasi variis vesiculis contextæ, & juxta trunci longitudinem porrectæ, quemadmodum corticis fibræ. Cùm inter se relinquant intervalla, in hisce quoque cernuntur transversii utriculi, qui ad medullam usque lignum penetrant. Inter fibras concavas aliæ sunt, quæ spirales dici possunt & *trachææ* quæ tanto quidem numero & aliæ non sunt, sed quæ multo majores, & hiare deprehenduntur, quando lignum horizontaliter secatur. Variè quidem sunt fitæ, sed pleraque in orbem circa centrum serpunt. Non sunt æquales ubique, sed per intervalla arctiores videntur, & constare utriculis, ad vi figuram accedentibus, hæud aliter ac *trachææ arteriæ* animalium. Quandoque polygoni cernuntur utriculi, quandoque corusci & laeves sunt, ac subinde obtundi, quod in Insectorum pulmonibus etiam cernitur. Sæpe in una spirali fibra, plures sunt utriculorum ordines qui se invicem constringunt.

12. Cùm resolvuntur hæ fibræ in partes, quibus constare videntur, deprehendimus eas constare quasi laminâ tenui, arctâ, pellucidâ, atque ad argenti colorem accedente. Ea lamina ita inspiram est complicata, ut ejus ora intrinsecus, atque extrinsecus asperet fibræ, ubi inferior pars superiori committitur. *Trachææ arteriæ* animalium perfectorum constat annulis distinctis; sed *trachææ fibræ* arborum sunt similes insectorum *trachæis*, quæ constant longâ fasciâ, in spiram complicatâ, & veluti tenuissimis squamis constante. Quod mireris, si quæ *trachææ fibræ* pars ex herbis, aut certis arboribus hyeme revellatur, sat diu *peristaltico* motu æquid videtur.

13. Præter fasciculos ligneorum & spiraliū fibrarum, in Ficu, & Cupresso, & Apio sylvestri, cernuntur varii ordines tuborum, qui veniunt lacteum liquorem,

rem, ferè inſtar butyri craſſum. Unde colligere eſt in truncis arborum, ex quibus lac, reſina, aut gummi ſluit, ſimiles eſſe tubos, qui eos liquores effundant. Pluræ cernuntur circa Tracheas, quæ in putaminibus Amygdalarum ſunt, qui reſinæ ſpeciem quandam emittant.

14. Inter corticem & lignum, præſertim in Quercu & populo, cernitur materia quædam alba & tenera, quæ *alburnum* dicitur. Videtur tantùm eſſe cortex, cujus fibræ ſint propiores & qui ſenſim ligneæ ſubſtantiæ miſceatur. Fortaſſe fibrarum contextus, qui, creſcente arbore, quotannis trunci cylindro adduntur, in cortice tenuioribus filamentis latent, ſed paulatim expediuntur, & craſſiores ſunt, quod in variis inſectis, ut ſunt Campe, animadvertitur. Forè alburnum duratur in lignum, ſucco quo imbuatur. Sic oſſa quæ conſtant laminis decuſſatim contextis, durantur ſucco illuc influente; quod videre eſt potiſſimùm in dentibus, qui duplici lamina conſtant, quarum exterior reticularis & fibroſa eſt, neque aliud videtur, præter extensionem filamentorum pellis; interior verò quæ à radice ad extremos dentes pertinet eſt duplicata, & quaſi in cirros inflexa. Sed dentalis ſuccus eo influens hæc indurat & occultat.

15. In media ſubſtantiâ lignea eſt *Medulla*, quæ conſtat variis ordinibus globulorum concavorum, & membranulâ tectorum, quod perſpicuè cernere eſt in medulla Nucis & Sambuci. In hoc, inter medullam & lignum, ſunt varii ordines fibrarum concavarum, quibus peculiaris continetur ſuccus, qui facile cernitur, cum concrevit, aut niger fit. In tenerioribus ſarculis medulla non eſt planè in centro, ſæpiſſimè hexagona eſt, & cortici propior, quâ planta meridiei obverſa eſt, prout verò lignum augetur, medulla minuitur.

16. Quamvis autem non ſit eadem prorsus omnium plantarum diſpoſitio, naturâ in omnibus aliquantùm variante; attamen ex innumerarum examine deprehenderunt



derunt Phyfici convenientiam quamdam inter omnes plantas esse, quod *Anatomia Plantarum* prolixè ostendit *Marcellus Malpighius* Italus, cui conjungendus *Nathanael Grew* Anglus.

17. Ex innumeris experimentis constat truncorum partem ligneam contextam esse fibris perpendicularibus, concavis & laxibus, fibris item tracheis, tubisque singulis Plantis peculiaribus, ac denique utriculis, qui horizontali lineâ à cortice ad medullam penetrant inter fibrarum interstitia. Quamvis enim Plantarum teneriorum caules duritiæ lignum non æquent, neque contextus fibrarum quibus constat, corpus cylindricum efficiat; attamen fasciculi fibrarum, qui perreperant earum caules, similes sunt arborum firmitiorum fibris.

18. Hæ autem fibræ trunci plenz sunt succo simili ei, quo fibræ corticis turgent, & corticis quidem fibræ fibris ligneis connectuntur, & sensim duritiem similem contrahunt. Sæpe etiam paulò longior fibra partim lignea est, partim corticis naturam alio in loco servat. Mirum ergo videri non debet, si eâ parte, quâ laceratus est arboris cortex, non amplius crescat arbor sed cortex circum quaque augeatur, instar labiorum vulneribus, & tandem eum locum contegat; ita tamen ut cavitas, quam numquam prorsus replet, super sit.

19. Hinc colligere est esse *Anastomoses*, five meatus, per quos succus ex singulis fibris in vicinas transit; cum, sectis nonnullis horizontaliter, ut pars superior ab inferiori divulsa sit, superiores tamen non siccantur fibræ, sed & postea crescant, quod fieri nequit nisi à vicinis succum aliquem trahant. Videmus præterea augmentum arborum fieri non modò ex interioribus partibus ad superiores, sed etiam horizontaliter, cum pars corticis lacerata est; tum enim cortex qui est ad latera, invicem accedit, non minùs ac superior & interior. Tunc etiam fibræ, & utriculi mirè torquentur, cum solitum situm obtinere nequeant.

20. Succus, quo turgent fibræ, ex radicibus ad summam arborem ascendit, quamvis nullæ sint valvulæ; quod manifestum erit plantanti, exempli causâ salignum ramum, ut summa pars rami terræ insigatur, reliquæ à terra existent. Hi enim rami non minùs crescunt, quam si aliter conversi fuissent, & furculi ex iis orientes cælum etiam respiciunt. Attamen rami sic plantati tam crassi non fiunt, ac si interior pars terræ impacta fuisset.

21. Reperiuntur etiam utriculi horizontales partis lignæ pleni succo, ex aliis in alios transeunte, & variis coloribus, pro plantarum varietate, tincto. Cum recisus est arboris truncus, hi utriculi crassiores, & ampliores fiunt; quod in Quercu potissimum observari licet. Videntur ii utriculi constare membranâ tenuissimâ, quæ tempore incrassescit, quandoquidem succo exhausto superest pellicula mollis & flaccida. In ligno putrido, cernuntur etiam vasa, quorum contextus ambit utriculos, & simile quiddam in medulla sambuci, & aliis animadvertitur. Quo credibile sit ex iis variis succum, quo turgent, in eos transire.

22. Utriculi tam in arborum truncis, quàm in caulibus aliarum plantarum, adnexi sunt perpendicularibus fibris corticis & partis lignæ, quamvis in situ aliquod sit discrimen. In arboribus utriculi angulos rectos cum perpendicularibus fibris faciunt, dum eas horizontaliter secant; sed in plantis tenerioribus, cum fibræ non sint perpendiculares, utriculi etiam incertis ordinibus per eas repunt. Cernitur quoque nexus utriculorum cum fibris in Gallis multò clariùs; atque hæc opinio firmatur quoque contextu florum & foliorum, ut postea dicemus.

23. Præterea observandum Plantas, quibus multa medulla inest, utriculos habere qui à cortice perveniunt ad medullam, atque in hanc liquorem suum effundunt; cum in Plantis magis ligneis, ordines utriculorum instar radorum rotæ circiter siti, semper ad medullam usque non pertingant, sed in media substantia lignea

pe deficient; unde etiam quandoque alii oriuntur, atque ad centrum porriguntur. Ceterum tanta est utriculorumque utriculorum copia, ut reliquis arborum caeteris numero & magnitudine fere sequent. Eadem enim natura omnium horumce utriculorum esse videtur, & observatur quoque medulla furculorum teneriorum, similis esse interiori cortici, qui mox in lignum convertitur, ut & exteriori, cum ejus indurata sunt. Quamobrem in foliis tenerioribus ramis peritus deprehenditur medulla, quæ in truncis duriorum & paulo majorum arborum nulla est.

24. Arbusta quedam, quæ diu non vivunt, multam habent medullam; fortasse ut copiosus humor quiescens amplius spatium habeat, in quo excoquatur, & facilius transiret. Itaque, ut brevi tempore crescant, sic etiam brevi tempore intereunt, quia humor ille quo eorum turget medulla, non eandem soliditatem Plantis illis creat, quæ nascitur ex ordinibus horizontalibus (quibus aliarum truncus partim constat) utriculorum cum perpendicularibus fibris contextorum. Quod sit credibile eorum arbuſtorum medullam nihil esse aliud, præter congeriem utriculorum adnexorum paucos fasciculis fibrarum inæqualiter per caulem sparsarum.

25. Verisimile est, ut jam observavimus, succum qui per fibras ligneas ascendit, exundare & concoqui in utriculis, sicuti in cortice. Quemadmodum autem in perfectis animalibus, novum alimentum chyli subit pristinum sanguinem, variis fermentis prægnantem, ut *lymphâ*, &c. & cum hoc totum corpus pererrat, quæ peragratione ingreditur varios poros carnis & viscerum, ut i fermentis quæ illic sunt assumptis, tandem acquirit dispositionem idoneam ad functiones animales conservandas: sic in Plantis novus succus ex ligneis fibris in horizontales utriculos effusus, in iis invenit succum jam tempore coctum, qui conjunctus instar fermenti evadit. In hisce ergo utriculis succus fermentatione coctus, quasi in receptaculis servatur, ut suppeditet alimentum gemmis novis & foliis, quæ protrusura est arbor.

Hoc admisso, possumus dicere Ceras, & bulbos, & qualvis Plantas esse quasi truncos terra abditos, & incrementa succo plenos, non modo ut suspexit & materiam calorem, quæ cento tempore à Plantis emitti solent, sed ut novum succum subeuntem excoquant. Eiusdem de ratione furculus exiguius, alterius arboris trunco insitus, fructus profert diversæ naturæ ab utroque ex trunco, quo alitur, nascuntur. Vix videretur intellectus ad varietatem pororum posse referri, quæ solamitur natura succi qui ex trunco in furculos transiit. Verus humor horizontalibus utriculis inclusis multum ad hoc conferre videtur; & quo vehementius eius fermentum est, eo maiorem mutationem in novi succi coctione creare potest.

Diximus in lignea substantia, non secus ac in foliis & floribus, esse fibras spirales vel tracheas, nunc flores, nunc pauciores, & quæ semper ambiuntur fasciculo lignearum fibrarum, in trunco arborum. Descripimus etiam trachearum illarum dispositionem, unde intelligere possumus, quemadmodum animalia perfecta summam tracheam arteriam habent constantem annulis cartilagineis, musculis & membranis conjunctis; ita tamen ut in infima ejus parte, quæ per pulmonem spargitur, nulli annuli occurrant, sed variarum laminarum, quarum alias aliæ subire possunt, quemadmodum squamæ, iterumque, ubi necesse est, extendi: sic nos cernere in Plantis & Insectis, loco annulorum, laminam spiralem in unaquaque trachea, quæ extenditur & contrahitur, prout arbores incurvantur aut eriguntur, & prout acre incluso, elasticæque vi prædito, solvantur. Hæ fibræ ferè rectâ lineâ ex radicibus per truncum ascendunt, & per ramos sparguntur, atque hinc per folia, ubi in speciem retis contexuntur.

Usque aded necessaria est omnibus viventibus respiratio, ut magna illa quæ est in viventibus varietas non esset quominus omnia pulmones habeant, quamvis figuræ & magnitudinis diversissimæ. Verum perfectissima animalia pulmones simpliciores & expeditio-

res habent, quales sunt hominum & quadrupedum. Reliqua animalia impeditiores & majores habent, atque hoc quidem ordine, initio facto ab iis quibus minus impediti sunt: aves, pisces, ostreae, aliaque conchylia, insecta, inter quæ Papiliones tantis pulmonibus præditi sunt, ut octodecimum eorum inveniantur rami, qui per omnia eorum membra sparsi sunt. Ultimū locum obtinent, inter Viventia, Plantæ, quibus tantus *Trachearum* numerus inest, ut ne minimæ quidem partes, excepto cortice, iis careant.

29. Omnia hæc pulmonum genera, nescio quid ex liquoribus, quibus ambiuntur, vitæ necessarium trahunt. Animalia perfecta, & ipsa Insecta id ex aëre ducunt. Pisces & Conchylia id ab aqua, in qua natant, secernunt. Plantæ verò, quæ non minus ac animalia vivunt, id nanciscuntur ex terra, aëre, & aqua, unde per poros radicum, ubi ampliores & plures sunt Tracheæ, in eas transit. In animalibus terrestribus, massa omnis sanguinis per pulmones meat, ut aliquā ejus rei particulā imprægnetur; quod in piscibus etiam animadvertere est. Sed in Insectis pulmones per totum corpus sparsi deferunt quod ex aëre traxerunt, in singula eorum membra, quemadmodum ab arteriis edevahitur sanguis. Credibile etiam est in Plantis ligneas fibras & horizontales utriculos ex Tracheis ducere vaporem, qui per earum tunicas percolatur, cum lignæ fibræ Tracheas, hederæ instar, circumdet.

30. Ad usum respirationis in plantis quod attinet, non videntur alia de causa aëre indigere ea viventium genera; nisi quia, cum succus quo aluntur fluidus esse debeat, per Tracheas colantur partes quædam subtiliores aeris, quæ cum sint in maximo motu, fluiditatem succi Plantarum conservant. Præterea cum necesse sit eum succum fermentatum esse, ejusmodi subtilissimi fortè nitri particulæ fermentationem illam juvant. Alioqui succi sale terrestri prægnantes, quibus Plantarum vasa distenta sunt, facillimè coagularentur, nisi materiam quadam externâ vehementius commotâ agitentur.

11. Aër autem Plantarum Tracheis inclusus easdem fere mutationes ac externus patitur, ut constat humorem ligneis fibris contentum, haud aliter ac externum mutationibus tempestatum affici. Hunc videmus frigore concrefcere, eaque rarefactione vasa quibus continebatur effringere, unde fit ut in durissimis etiam arboribus ingentes rimæ, juxta trunci longitudinem, reperiantur. Similiter aër quem Tracheæ claudunt, variè afficiatur necesse est, pro tempestatum varietate, imò verò pro mutatione quæ vicibus noctis & diei in aëre externo creatur. Quemadmodum etiam in Animalibus dilatatio & compressio pulmonum inserviunt ad impellendum in vasa lactea chylum, aliòque succos per similia vasa: sic in plantis, dilatatione Trachearum lignæ fibræ comprimuntur, ut necesse sit eas succum quo turgent in vicinas partes emittere; contra verò Trachearum contractione, alia vasa laxiora fiunt, & novum succum admittere possunt. Succo autem perpetuò impleri vasa plantarum, vel inde liquet; quod si viride lignum incendamus, magnam aque copiam ex eo fluere cernamus.

12. Præter fibras ligneas, tracheasque, & horizontales utriculos, diximus variis in Plantis cerni vasa peculiariter lacteo humore, aut etiam bitumine, vel quopiam alio succo plena. Cernuntur quidem facillimè ea vasa in Plantis quæ ejusmodi lac aut resinam ejiciunt; sed in aliis summa tenuitate fit ut cerni nequeant, nisi forte liquores quos emittunt colore aliquo sint tincti. Cum tamen inter corpora ejusdem generis, videamus semper esse quandam Analogiam; videntur hæ Plantæ non minus ac aliæ, peculiariter habere vasa quibus continetur alimentum optimè concoctum & maxime proprium. Cum is succus sit crassior, & concoctior reliquo, non absurdè credideris peculiare eum esse singulorum plantarum alimentum. Sic in Abiete, Theriacina crassior & concoctior est succo, qui in aliis vasis invenitur. Certè trunci dispositio ab ea conjectura plena non est; fibræ enim lignæ succum suum in



utriculos ejiciunt; neque aliud est vas, præter id quod diximus, aptius ad excipiendum utriculorum liquorem, eumque quaquaversum deferendum; cum circa utriculos variis ramulis serpat, & per totam Plantarum substantiam sparsum sit.

33. Hic autem succus quandoque instar aque pellucidus est; quandoque lutei coloris, quandoque crassior, aut dilutior; ut tot sint ejus species, quot Plantarum. Cum ad singulas partes delatus fuit, in iis coagulatur, eaque ratione eis augmentum creat. Quo est aquosior, qualis conspicitur in Salice & Populo, eo facilius in vaporem abit, minusque aeris inclementie resistit. In Quercu, omnes ordines fibrarum & utriculorum, quasi gluine quodam, sunt connexi, & quidem tenacissimo; quo fit ut lignum ejus sit solidissimum, ægre scindatur, & æri & aque facile resistat. In Ceraso, Pruno, Pyro omnibusque resiniferis arboribus, sæpe contingit, succo illo in vapores elapso, nihil superesse præter compagem exiguorum tuborum, vasorumque rotundorum.

34. Expositis his, quæ in trunco, & ramis arborumprehenduntur, supersunt Radices; sed non opus est iis immorari, quandoquidem eadem habent vasa ac truncus aut caulis, quanquam nonnulla quandoque est Varietas, sed exigui momenti.

35. Porro de usum radicis quod attinet, satis constat per eam sibi succos quibus Plantæ aluntur, attamen nondum pori per quos ingreditur humor, ne ope quidem Microscopii, potuerit inveniri. Sed cum massa tunc constet variis particulis salinis, metallicis & vitreis; si quor ex admixtus sæpe dissolvit salinas particulas, & proprio pondere, vique elastica aeris subit poros quos patentes offendit; quod eo facilius fit, quod ubi summe partes tuborum humore exhaustæ sunt, sequuntur gutta ex inferioribus, quæ ipsa tuborum dispositione in superiora facile ascendunt, unde fit ut radices humore pristino vacuæ facile alterum excipiant, hiantibus poris.

36. In Animalibus, cibi solidi, ope fermentationis, in stomacho vertuntur in liquorem, miscenturque co-



rum particulæ, & si quæ cum aliis convenire nequeunt præcipitantur. Deinde liquores illi incidentes in vena lacteas apertas, sponte eas subeunt, chylusque ea ratione a crassioribus secernitur partibus. Idem fit in terra, quæ Plantis est instar stomachi; salia enim & mineralia, quæ in ea sunt, soluta aquâ pluvîâ, prægnantiaque particulis aëris, & fermentata calore Solis, varias patiuntur præcipitationes, & figuras sæpius mutant, donec in hiantes poros incidentia eos, ut diximus, subeant.

Verùm quæritur quæ demum sint fibræ, quæ eos succos admittunt. In Plantas, quarum radices plene sunt filamentis, credibile est hac succum ingredi, quia ea filamenta sunt tubuli, qui faciliè admittere possunt particulas fluidas, quarum magnitudo & figura ab illis non dissentit. Sed cum omnes Plantæ ejusmodi filamentis non sint ornatae, per corticem radicis succi forte etiam subeunt, & sic in horizontales utriculos, quibus constant involucra bulbosarum quarundam Plantarum, ut Ceparum, irrumpunt. In Rapis quidam, præter utriculos, cernuntur fibræ transversæ, quarum extrema pars in corticem desinit, & quæ etiam terra succi ingredi possunt.

38. Cum plantantur rami saligni, aut populei, aut palmites, deprehenduntur succi ingredi non modò per fibras horizontaliter sectas, sed etiam per ipsam corticem, unde in utriculos transversos defluunt. Ut celeberrimæ radices agant variè inciditur cortex, atque in orbem etiam, ut lignum cernatur, detrahi solet. Dein plantatus ramus, ex parte quæ supra incisionem est, ramentis emittit, quod hoc pacto fieri videtur. Succus per horizontales utriculos subit, fermentatione eos tamens, quo fit ut perpendiculares fibræ præter solium compressæ incurvantur, & ramos etiam extra truncum protrudant, cum succus quo turgent compressis fibræ contineri nequeat.

## CAPUT II.

*De Plantarum incremento, & semine.*

1. **E**X iis quæ jam diximus non difficile est intel-  
lectu Plantarum incrementum, atque inde  
gradus ad earum natales fieri non ægrè potest. Atta-  
men quia res digna est, quæ sigillatim exponatur,  
paullò copiosius eam persequemur; & pauculis qui-  
dem de motu succi in arboribus dictis, ad gemmas, fo-  
lia, flores, fructus, & ramos progrediemur.

2. Ut succi in arboribus motus deprehenderetur,  
viri eruditi sæpius secuerunt corticem arborum, in  
trunco & ramis adeò ut in orbem esset detractus, &  
superior pars corticis ab inferiore transverso digito  
aut aliquantò plus distaret. Semper animadversus est  
cortex superior, unà cum ligno, quod tegebat, ali-  
quamdiu crescere, dum inferioris partis nullum cer-  
neretur incrementum, donec tandem arbor interiret.  
Atque hoc experimentum mensibus Martio & Aprili,  
quibus maximè arbores succo turgent & vegetantur,  
sæpius sumptum est.

3. Hinc collegere 1. aut totum succum, aut maxi-  
mam ejus copiam, ascendere per ligneam partem ar-  
boris, non verò per corticem, aut inter corticem &  
lignum. Certè si per corticem ascenderet, aut inter  
corticem & lignum, pars arboris quæ infra sectionem  
est maximè cresceret, dum superior, aut eodem in sta-  
tu maneret, aut siccaretur; quia in inferiore haberet  
totus succus, aut maxima ejus pars; quo succo alitur,  
vegetatur atque augetur arbor.

4. Collegere 2. incrementum arborum in crassitiem  
fieri, opè succi descendantis, è superioribus arboris  
partibus, non verò ascendentis ex inferioribus. Ali-

\* Vid. Act. Hist. Lond. an. 1687. num. 187.

quo non minus crescerent partes sectione inferiores, quam superiores.

5. Collegere hinc 3. perpetuum esse succi, per ætatem, circulationem, dum succus arborum calore agitur, cum eo tempore arbores crescant, non minus ac vere.

6. At facile non est ostendere quibus tubis ascendant succus, quibusve descendat, neque enim per eosdem ascendere ac descendere potest. Videmus in animalibus sanguinem arteriis in extrema à corde vehi, venis vero à extremis ad cor referri, nec ullum est ea in re amplius dubium. Constat allatis experimentis, in Plantis circulationem fieri, sed quis dixerit utrum succus per ligneas fibras, an per tracheas, an per vasa horizontalia referatur? Crediderim tamen ex ligneis fibris in utriculos succum ita effundi, ut ex superioribus utribus in inferiores decidat, quamvis via describi fortè nequeat. Quod eo nititur, quod suprà à nobis de internis lignearum fibrarum asperitatibus dictum est, quibus sit ut succi facile ascendant, difficulter verò descendant, per eas fibras. Ut ergo in corpore humano vivente omnia sunt, ut loquuntur Medici, *ὁρροα καὶ ψόφοα*: sic in Plantarum corpore, dum vivit, multi fortè ductus aperti sunt, qui in mortuo cerni nequeunt.

7. Succo ergo ita per arboris corpus delato, alitur & vegetatur arbor. Dum varios arborum poros perminat, tenuissima, ejus pars videtur fibras & utriculos, prius quidem formatos, sed tenuitate suâ Microscoporum aciem fugientes, subire eosque inflare paulatim, ut jam novus ordo fibrarum & utrium, inter corticem & lignum videatur nasci. Quotannis nova corticis texta concoctiore succo indurantur, & ligneæ parti conjunguntur.

8. Ad caules verò herbarum quod attinet, cum per unum tantum annum durent, nihil simile in iis sit. Cùmque fasciculi fibrarum lignearum & trachearum, qui per totum caulem sparsi sunt, non admodum densi sunt, neque firmi contextus, nodis sunt muniti quibus

firmantur. Idem animadvertitur variis in arbutis, quamvis interna nodorum dispositio, in omnibus, propter eorum soliditatem, ævni nequeat.

9. Hi autem nodi sunt novi contextus fibrarum lignearum & trachearum, qui extra caulem prominent, ad edenda nova folia, aut gemmam protrudendam. Cum ad hoc necessaria sit magna alimenti copia, & caulis etiam firmitas major, in eo contextu cernitur magnus fibrarum numerus, quarum alie cortici adhærent, alie verò aut folium, aut gemmam efformant. In arboribus verò cum rami protruduntur ex internis fibris prodit contextus fibrarum, qui cylindrum trunci similem conflat.

10. Ut à *Gemma* incipiamus, sigillatim incrementum arborum describere, observandum est primò gemmas arborum non paulò postquam protrusi ceperunt, sed aliquot tantum postea mensibus, frondes, flores aut ramos edere. In Italiæ benigniori cælo, mense Junio gemmæ protrudi incipiunt, ut sequente duntaxat Vere quod abscondunt excludant; & cauda quidem foliorum, quæ quâ gemmæ adhæret latior est, ei est involucri loco. Herbæ etiam æstate pullulant, gemmæque suas diu sub terra occultant.

11. In gemmis integræ continentur plantæ, ex his proditurae. In iis ope Microscopii cernitur caulis exiguus, qui constat ligneis & tracheis fibris, quæ instar medullæ ex media Planta, cui gemma inhæret, produnt, & ejus tantum fibrarum extensio videntur. Truncus verò suppeditat gemmæ præterea corticem, quo involvitur, & qui in varia folia potest dividi, quorum aliis alia, squamarum instar, imposita sunt. Hæc folia fibras ligneas & tracheas, quibus constant, trahunt ex truncis, & rectæ sunt lanugine in Nuce & Vite, cum in Populo aliisque arboribus viscoso liquore sint illitæ. Hæc autem omnia simul, in gemmam collecta, conflant conicum corpus, non aliter in herbis, ac in arboribus dispositum. In Cepis verò formantur gemmæ, in ipso Ceparum centro; in Alliis autem, loca

gem

Plantarum, sunt varia capita, quorum unumquodque complectitur Plantam integram cum radicibus. Est quidem sat magna singularum partium, figura & situs respectu, in variis Plantis varietas; attamen in potissimis omnes consentiunt, ut ex multarum examineprehenderunt Physici.

12. Gemmae omnes, ut eas cum Animalium generatione conferamus, sunt instar *faris*, qui intra corticem quasi intra *uterum* continetur, donec ad certam magnitudinem pervenerit, quam cum consequutus est, foras exit. In Animalibus perfectis augetur fortis, non novorum membrorum formatione aut accessione, sed tantum tenuiorum auctione, si cornua, & dentes excipias. In Insectis novae, quae videntur succrevisse partes, antequam cernerentur oculis, in iis erant, sed tenuiores & aliis impeditae; ac crescendo expediuntur quod in alis, aliisque nonnullis membris, animadvertere est. Idem cernere licet in gemmis, quae continent integram Plantam, sed veluti conglomeratam, & quae nonnisi tempore explicatur. Sic in Erucis cernuntur primum partes veluti inchoatae, & fluidae, pelliculisque inclusae, donec crassiores & firmiores evadant; quod cum consequutae sunt, pelliculae illae exiuntur. Externa quoque folia, quae gemmam tegunt, sunt tantum ad tempus, aut formam mutant, quod in variis Plantis contingit. Haec folia non modo integumentum sunt interiorum gemmae partium; sed succus quo turgent utriculi quibus referta sunt, postquam in iis satis concoctus fuit, regreditur in gemmam, novaeque protrudit folia.

13. Ea de ratione folia illa non habent tantum unicam costam mediam, ut folia quae ad justam magnitudinem pervenere, sed varios fasciculos fibrarum, qui a basi foliorum porrecti finiuntur utriculis iis adnexis. Itaque ea folia non diu durant, aut enim succo exhausto decidunt, aut inserviunt consistendae perpetuum foliorum caudae.

14. Horum quoque diuturniorum foliorum digna est

est consideratu formatio. Primum enim cernitur co-  
ssa succo plena, cui sunt utrinque plurimæ adnexæ fi-  
bræ, ex quibus membranulæ utrium postea pendent,  
quamvis nulæ initio cernantur, sed tantum postquam  
succus eas subiens explicat & dilatat flaccidas membra-  
nulas, quæ postea latitudinem foliorum constant.

15. Si quæramus, quo tempore formentur gemmæ,  
eas protrudi comperiemus, cum major succi copia, par-  
tesque ejus vehementius commotæ fibras vi flectunt,  
atque ex trunco erumpere cogunt; aded ut duplicibus  
fibris factis, ex quæ protruduntur novo indigeant cor-  
tice, quo vestiantur. Ex hoc autem cortice prodeunt  
folia, quibus gemma involvitur. Atque hoc contin-  
get, non modò in veteribus truncis, sed in teneris  
etiam ramis, ubi vehementia fermentati succi facile  
fibras, quibus constant, perrumpit. Hinc videmus,  
mediâ astate, quâ succi vi Solis è terra in Plantas eli-  
ciuntur, & agitantur, primùm nasci gemmas, deinde  
Equante vere, quo novi succi major copia accedit,  
cum terra adhuc mader hiberno humore, erumpere in  
flores, folia, &c.

16. Quamvis res plerùmque ita se habeat, nascan-  
tûrque plures gemmæ tempore solito, quàm alio; at-  
tamen cum copiosus est succus, etiam alieno tempore  
gemmæ prodeunt. Atque hoc potissimum animadverti-  
tur, in ramis & truncis cæsis, ubi copiosior est suc-  
cus, cum in partes resectas non amplius spargatur.  
Hinc in Italia, vere adulto, putantur Rosetæ, colle-  
ctis primùm Rosis; ut ab eo tempore gemmas protru-  
dant, Rosæque Autumno iterum edant.

17. Gemmæ jam extra arborem aliquantùm promi-  
nentes, *Rosæ* habent quibus extremæ earum partes re-  
guntur; eaque folia sunt duntaxat fibræ & utriculi,  
qui eo usque continuantur. Cortex arboris protensus  
contextum cylindricum fibrarum lignearum constat,  
quo etiam Tracheæ continentur; quibus omnibus col-  
lectis constat foliorum cauda. Fasciculi earum fibra-  
rum deinde dilatantur; atque ex costa, quæ per folii  
longi-



longitudinem porrecta est, prodeunt fibræ lignæ & tracheæ, quæ junctæ iis partibus, quibus anastomoses habent, contextu suo folium formant, unâ cum utriculis, qui implent spatia inter fibras relictæ, & pro varietate foliorum variis præditi sunt figuris. Hæc autem omnia, in foliis recta sunt tenuissimâ pelliculâ spinulis horrente, aut subtilissimâ lanugine. Extremæ partes foliorum, quæ inæquales sunt, constant fasciculis fibrarum, quæ hîc illic prominent adjectis protuberantibus corpusculis, quæ viscidum succum, dum tenebra sunt folia, vomunt, sed quæ æstate siccantur. In nonnullis foliis, utriculi sunt oleoso quodam liquore turgentes; atque in nonnullis aliis, ut in Foliis Ficuum & Mororum, perspicuè cernitur vas lacte referunt, inter alias fibras; neque aliorum arborum foliis analogum quodpiam vas deesse videtur.

18. Folia autem Autumno cadunt, cùm ea petioli pars quæ trunco adhæret corrupta est. Sed antequàm hoc fiat, succus utriculorum in vapores abit, & qui est in fibris putrescit, fortasse quia sat multas volatiles particulas non habet. Cæterum ille succus in foliis concoquitur, quemadmodum in reliquis arborum partibus.

19. Jam si quæraturs Foliiorum usus, in Plantis, conjectere Physiici folia id ipsum arboribus esse, quod cutis est Animalibus. Pellis animalium constat nervis, arteriis, venis, vasibus lymphaticis, tendinibus & glandulis. Partes succi nutritivi quæ eò influunt, novam illie figuram adipiscuntur; superfluous humor seceratur tubis, qui faciliè cernuntur; variæque nova fermenta illac percolantur, adeò ut succus in partes Animalium interiores regressus ea alere, vitamque eorum sustineri possit. Quamobrem dum laborat cutis reliquum etiam totum corpus ægrotat, quod in morbis cutis cernere est. Similiter videmus omnia Plantarum, vascula in foliis desinere, ut per illa superfluous humor exundet. Quinimò ut in cute, sic in foliis, pilî exigui conspiciuntur.



20. Ea conjectura, examine animalium minus pectus, firmari potest. Constat Insecta, quæ in nimio Plantis, in Vivendum ordine, superiora sunt, fac magnam humoris copiam cuti vicinam habere, & tam sæpe deponere cutem, aut saltem cuticulam, ut in perpetua mutatione esse videantur. Sic Plantæ quotannis folia abiciunt, aut si non abiciunt, intra id tempus, quod in semper viridibus cernitur, in quendam *marcescentiam* prolabantur, quo fit ut æstate sequente succrescentibus novis loco cedant.

21. Videntur ab omnium rerum Opifice non alia de causa dari arboribus rami, quam ut generent veluti ova, unde novæ Plantæ nascentur. Flor est veluti uterus, qui ea ova complectitur, & qui ea in ærem suo tempore edit. Vicinus est gemmæ, & per hyemem unâ latet, donec æstatis calore excludatur. In Plantarum simplicissimis, primum occurrit gemma, in qua latet semen ovalis figuræ, quamvis ejus caro, seu *perispermium*, cum primum formatur, non appareat. Folia involucri, quo gemma tegitur, paulò inferius, quasi corticis continuatio, prodeunt. Atque hinc exeunt floris folia, quæ constant etiam extensione fibrarum lignearum & trachearum, variisque utriculorum ordinibus. Circa ea folia tuberculi, fungorum instar, conspiciuntur, aut pili qui viscosum liquorem vomunt. Hinc etiam nascuntur filamenta & columellæ, quæ in mediis floribus cernuntur, & in extrema parte farinaceam substantiam habent. In aliis Plantis, folia & filamenta prodeunt sub corpore ovali, in quo semen latet, ita ut id involvant.

22. Conjeciunt Physici, ut modò inauimus, totum quidem florem esse instar uteri, qui semen quasi foetum continet; sed eo officio singulari ratione fungi exiguam columnam, quæ è medio flore prominet. Est concava, & habet vesiculam liquore plenam, ubi sunt principia feminis; & in quo paullatim augetur, & maturefcit. In Animalibus oviparis, uterus unâ cavitare constat, cui adnexa est tantum unica tuba; cum in viviparis,

videtur, sint duo ovaria & due tubæ: sic in Plantis, quandoque est unus uterus, unumve ovarium, cuius os est aperta; quandoque verò plures uteri, pluraque ovaria. Extrema pars earum tubarum ornata est exiguis canalibus, per quos viscosus succus, ceterib; in istas, manat. Quà re fit, non modò ut nutritivus succus purgetur, sed & insectis aditus in uterum præpediatur. Est enim foramen, quò aer subit, ut copiosior & facilior sit superfluum transpiratio. Uteri huius conservandi causâ, videntur aliæ florum partes formari.

23. Dubitant Physici an florum folia inserviant etiam concoctione succi nutritivi, anve ex iis in uterum redeant, prout de aliis gemmarum foliis antea dictum est; an verò ad purgandos duntaxat superfluo humore Plantarum succos, ut semen maturescere & indurari possit. Fortè utrumque usum ea præstant folia.

24. Semen, unde nascuntur Plantæ, quando maturum est, inclusum cernitur peculiaribus involucris, quæ ei etiam uteri usum præstant. Multis in Plantis, semen usque adeò crescit, ut fructus evadat, quò vesci solemus. Ii fructus, ut plurimorum examine liquet, libris, & utriculis succo turgentibus constant, quamquam fibrarum & utriculorum situs omnibus idem non est. Alii fructus habent Pericarpium, aut carnem mollem, quæ circumdat semen propriè dictum, ut ficus, racemi, cerasa, poma, &c. In aliis ea caro paulatim indurêscit, & lignea tandem evadit, quod videmus fieri in fructibus Nucis, Cupressi, Pini, &c. In Plantarum nonnullarum fructibus, semen est exterius, caro interior, ut in Fragaria, &c. Denique usque adeò fecunda & varia est Natura, in seminum & fructuum dispositione, ut omnia eorum discrimina notari nequeant.

25. Cum manifesta analogia, inter Animalia & Plantas, plurimis in rebus deprehendatur, hac quoque in re planè singularis est; quòd in variis cernere liceat speciem quandam umbilici pertuli, ut in Cucurbitis.

Is umbilicus sensim porrectus, quæ definit formam involucri, quod *Amnion* analogum est. Semen seminat paullatim expeditur, & primum ad extremum *Amnion* cernitur. Conspiciuntur illie ante omnia duo foliola aperta, aut separata, & corpusculum adnatum in acumen desinens, quo fit credibile illis esse æquæ Plantam truncum, radice & duobus foliis constantem. Ac sanè cum foetus ille, nonnullis in Plantis, in quibus dilucidius cernitur, diligenter consideratur, in eo eadem partes, ac in Planta, unde natus est, inveniuntur.

26. Crescente *Amnion* crescit etiam foetus, & variis quidem in Plantis circa *Amnion* cernuntur ordines utriculorum, qui videntur esse loco involucri, quod in Animalibus *Chorion* dicitur. Sed in fructibus folliculo contentis, cernitur tantum liquor, qui tamen membrana illius loco esse videtur. Fontem habet is liquor in alia parte Plantæ quæ, servatâ analogiâ Animalium & Plantarum, *Secundina* dici potest, unde versus futurum fluit.

27. In leguminibus hæc *Secundina* initio est tumidior, quemadmodum & *Chorion*, in Plantis in quibus conspicuum est. Sed crescente *Amnion*, duæ illæ partes minuantur, ac tandem *Amnion* planè incremento Plantæ absorbetur. Quæ de causa, nonnulli crediderunt humorem seminalem, ex *Secundina* in umbilicum fluere, deinde per *Amnion* spargi, ubi prima Plantæ initia formantur.

28. Videtur *Amnion* crescere non solum ôpe succi, qui per umbilicum subit, sed etiam humoris per *Chorion* percolati, quia paullatim *Amnion* obliteratur. Et cum Planta seminalis umbilico careat, per quem humorem quo alitur excipere possit, cumque intervallum quod est inter ejus folia, plenum sit succo *Amnion* contigui, fortasse succus percolatus per *Chorion* & *Amnion* tenuissimæ illius Plantæ folia subit, atque inde in truncum delabatur. Non desunt etiam Anatomi, qui existiment partem succi, quo alitur foetus, per ejus pellem subire

Procreatio verò Plantæ seminalis intra uterum, etiam inter arcana, quæ nullâ arte cognosci potest, recensetur. Sæpè rami ex arbore resecti, & plantati, fructus & semina emittunt; unde apparet, in singulis variarum Plantarum partibus, id esse quod ad ea emittenda requiritur. Exiguæ etiam Plantæ, in gemmis prius latentes, quotannis prodeunt, & Plantas ita propagatione conservant. Conjiunt nonnulli particulas, quæ augmento Plantæ inserviunt, in horum zonatilibus utriculis eam figuram induisse, quâ sit simul junctæ novam forment Plantam, hoc est, eorum fibrarum perpendicularium, quibus adnexi sunt varii utriculorum ordines.

Non sine admiratione simile quidpiam spectamus, in metallorum & salium concretionibus, in fungis, atque in arborum extraordinariis tumoribus, ubi similis semper partium dispositio eternitur. Posset ergo fieri ut succus nutritivus Plantarum, eandem dispositionem servaret, postquam eorum vasibus egressus est, quam antea habuit; adeo ut cum sit in Plantis prout debet esse, ut formet ramum aut saltem gemmam, ejus particulae egressæ eodem ordine & modo, quo antea, coeant, & forment quod vulgò semen Plantæ vocatur, antea quandoque *seminalem Plantam* diximus. Propterea extrema radix hujus Plantæ semper est versa ad eorum fibrarum ex quibus est nata, & reliqua, quæ sunt veluti ramorum initia, magis illinc recedunt. Cernimus in remotiore hac parte exiguam gemmam duobus latioribus foliis, quibus seminis caro efformatur, cinctam. Semen ergo nihil aliud esse videtur præter gemmam, quæ ex Planta decidit, atque in terra solum geminare potest.

Verum ad conservandum semen, non modò est uterus, de quo diximus, sunt præterea duo involucra; quæ cernuntur, postquam semen est capsula evulsum. Exterius est firmius, & instar cartilaginis contextu omnium vasorum, quæ in Planta cernuntur, constantis. Interius & spongiosum est plerumque tubulis pertusum,

sunt aliquod aliud osium habet, quo succum extrinsecus trahit. His partes possunt Plantarum *Secundina* vocari, ut antea fecimus.

32. Ceterum quamvis in Plantis omnibus analogum quidpiam cernatur, attamen est summa inter eas varietas, in forma uteri, in involucriis, & modo quo partes illae augentur, quae omnia in hoc opusculo perscrutari non possumus.

33. Olim & hodie multi existimarunt plurimas Plantas sponte nasci, cum quia in illis nullum potuerunt scire animadvertere, tum etiam quia sine humana cura, in locis in quibus nemo eas sevit, crescunt. Sed primo potest esse semen Plantarum ita exiguum, & quae in iis Plantae partibus, ut inveniri non poterit. Secundo quamvis humana manu semina in terram eversa non fuerint, nihil obstat quominus ope ventisparva in ea loca sint, in quibus eae Plantae sine hominum cura crescunt.

34. Duo posteriorem hanc sententiam mirè confirmant. *Primum* est quod nunquam nasci in iis locis Plantas ignotas, sed semper solitas in regione crescere, videamus; quod non fieret, si sine semine, concursu fortuito succorum terrae, plantae formarentur. Cum enim nihil earum formam disponderet, constanti quadam ratione, consequens esset ut Plantae formarum nunquam conspectarum quotidie è terrae gremio egerentur. *Alterum* est petitum ex sumpto, circa hanc rem, certissimo experimento. Cum in superficie telluris possint esse, ut diximus, varia semina, ventis haec illac, sine humana opera sparsa; effossa est profundior humus, ex fossa aliquot pedes alta; deinde ea terra vasa est injecta, quod rigatum & campana vitrea tectum, ne quid seminis posset ingredi, Aëri & Soli expositum est; & saepius etiam remota aliquantulum vitrea campana, ut aër subire posset. Si Plantae sponte nascerentur, in ea terra natae essent, non minus ac in ea quae ex superficie soli desumpta erat; quod tamen nunquam factum est, quamvis per plures menses vasa

Capitulum De Plantis & Animalibus. 235

Soli exposita fuissent, & rigata aquâ puteali. Igitur Plantas omnes ex seminibus nasci, quamquam ob tenuitatem semper conspicua non sunt, credibile est.

35. Semina matura in terram decidunt, aut in eam conjiciuntur, ubi humore per poros accepto tumescunt, & germinant, calore Solis humorem agitante. Duo sunt *seminalia*, de quibus diximus, quæ analogæ sunt albumini ovi, aut ei rei quæ in animalibus vitæ paræ dicitur; ea, inquam, folia humorem ex terra trahunt. Is humor, pinguior succos seminibus solvens, suppeditat Plantæ materiam unde crescat, & alatur.

36. Hac autem viâ feruntur terræ humores. Exterior involucrium seminum subeunt, deinde interior per tubulos quibus est pertusum, ut diximus, aut per exiguum foramen, quod quandoque in seminibus cernitur, unde in seminalia folia ingrediuntur. Tum folia illa colorem mutant, & præter modum inflantur, donec deficiente humore siccentur & concidant, quod fit ubi Planta ad modicam magnitudinem pervenit. Ea vero folia, si antea evellantur quam sponte aruerint, ægerime Planta crescit.

37. Eo modo augentur Plantæ, quarum semina in terram projecta sunt, sed aliquid dicendum præterea de his, quæ in aliis Plantis nascuntur & crescunt, quales sunt Quercum Viscus, Muscus, Fungi. Hæ ergo Plantæ sunt aliis veluti insitæ, & conjunctis vasibus suis Plantarum quibus inhaerent fibris, idem alimentum trahunt. Nonnullæ sparsa semine speciem suam conservant & propagant, ut Quercum Viscus. Aliæ nullum adhuc animadverti potuit semen, ut Fungorum, & Mucilaginis. Hanc enim deprehendit Microscopium congeriem Plantularum esse violacei coloris, & quandoque crystalli instar pellucidarum. Ad hunc quod attinet, notum est eos ex variis materiis nasci, ac potissimum ex ligno; nec quidquam in his videri posse, præter ingentem filamentorum numerum, quæ



quæ ex ligno prodeunt, & quæ in fasciculum, quorum caulis formatur, colliguntur.

38. Oportet tamen aut hisce Plantis semen esse, tenuitate inconspicuum, aut ramis huc illuc vento delatis eas propagari. Succus, qui earum utriculus continetur, fermentatur accedente novo succo, & dum erumpit filamenta effingit, quæ attolluntur, prout hoc pelluntur ac sustentantur. Deinde simul juncta filamenta caulem efficiunt, qui, ubi copiosius deest alimentum, externo aëre pressus, tandem inflectitur; quæ inflectione capita fungorum formantur. Videtur ergo ventus fungorum particulas varia in loca deferre, quæ si incidant in lignum humidum, radicibus illis accrescant in fungos.

39. Postquam descripsimus contextum & incrementum Plantarum, Coronidis loco, aliquid de earum morbis, & interitu dicendum est. Cum vita Plantarum constet motu succorum, quibus aluntur, per organa earum aperta & rectè disposita, quo fit, ut frondes & ramos emittant; morbi earum omnes videntur oriri aut ex corruptione succorum quibus aluntur, aut ex organorum pernicië. Non possumus hæc sigillatim persequi, satis erit quædam summatim monuisse, unde de omnibus iudicium ferri possit.

40. Potest mutatio succo Plantarum inferri variis modis; quibus fiat ut in morbos incidant, aut etiam intereant. Si Planta quæpiam tenuioris contextus, & calido cælo assueta planteretur in loco frigido, septentrionibusque exposito, brevi tempore incrassescit succus, contrahuntur tubi, quo fit ut lentius & difficilius moveatur, ac tandem obturatis meatibus coaguletur; quo facto, nullo novo succo per clausas fibras succedente, intereat Planta necesse est. Gelu etiam Hyemale coagulat quandoque arborum succum, eoque concrezione rarefacto, perfringit plurimas fibras; unde fit ut sequente vere, corrupto succo, laxatisque fibræ, arbor vix ulla folia emittere possit, aut plane areseat.



41. Potest fieri ut Planta iis in locis plantetur, aut seratur, quæ non suppeditent ei satis magnam copiam succi quo possit ali, aut succum nimis salsum, aut vi-  
 cino laborantem. Sic Salices & Populi, quæ humi-  
 da locis veniunt, quia indigent magnâ humoris copiâ,  
 & transferantur in loca sicca, brevi tempore intereunt.  
 Vice versa Pinus & Abies, quæ in aridis crescunt locis,  
 indigentque succo minùs copioso, sed concoctiori, si  
 ad fluvium plantentur, aut intereunt, aut nunquam  
 eam magnitudinem perveniunt, quam in montium  
 jugis attingunt, aut tam diu non vivunt. Videmus  
 etiam, in bituminoso & salso solo, neque magnas, ne-  
 que longævas arbores nasci; quia salioribus succis,  
 aut obcurantur tubi per quos defluunt, aut nimis fer-  
 mentantur, aut vasa arborum perfringuntur. Quod  
 in hoc nostro Amstelodamensi solo cernere est; in quo  
 neque magnas arbores, neque longævas videmus. Pla-  
 rime etiam à trunco ad summos ramos, teguntur  
 unico, hoc est, exiguis foliis, quæ nascuntur ex suc-  
 co undequaque erumpente. Asperrimum etiam habent  
 corticem, & rimis nimium hiantem, propter fermenta  
 succi vehementiora, quæ earum fibras perfrun-  
 gunt.

42. Organa arborum vi externâ franguntur, ut si  
 rami majores, aut nimia copiâ rescentur, aut cortex  
 detrahatur, adeò ut succi circulatio commodè fieri  
 nequeat. Tunc temporis laborare necesse est arbo-  
 res, paucioresque ramos emittere, pauciores etiam  
 frondes, aut externâ vi aëris in viscera admissa cor-  
 rumpi. Quemadmodum autem vulnera in animali-  
 bus, si nimis magna non sint, neque sanguinis circula-  
 tionem obstant, diligenter curata sanantur: ita etiam  
 vulnera arborum, crescente cortice, aut aliter inflexis  
 fibris, quandoque curantur. Sed ut, si in animalibus ni-  
 mis subito sanguinis effundatur copia, aut sistatur ejus  
 circulatio, vel multum impediatur, oriuntur gravissimi  
 morbi, aut subita sequitur mors: idem etiam in Plan-  
 tis animadvertere est. Quia per corticem fit descen-  
 den-

dentis, & nutritivi succi circulatio, si detrahatur a circulatione impeditur, brevi tempore Arbor interit, succus enim qui per ligneam partem ascendit, arbori non sufficit.

43. Possumus hic aliquid addere de morbis, Insecta arboribus creant, plurimis & periculosis, ubi de Insectis sermo erit, aliquid ea de re dicemus.

44. Tandem mors arboribus, aut maxime & tandem vi morbi, aut senio venit, ut animalibus nihil aliud est, præter cessationem circulationis succi nutritivi, per ea organa per quæ solent ascendere ut desinat Planta quidquam protrudere, tuncque, aut putrescat. Hoc autem evenit vi interna, aut externa, aut ipsa circulatio futura organa teruntur, & variè vitiantur, ut tandem muneribus suis fungi amplius nequeant. Atque etiam modo intereunt Animalia, alia aliis citius prout organa firmiora illi sunt, aut infirmiora, ut prout externa vis serius aut citius admoveatur.

45. Qui plura de Plantis volet, adeat duos Scriptores, antea à nobis nominibus appellatos.

### CAPUT III.

#### *De Zoophytis & Insectis.*

1. **I**nitio hujus Libri paucis potissima discrimina Plantarum & Animalium descripsimus, eoque in situ & motu sita esse diximus. Plantæ, nimirum, terre adherentes, succum, quo aluntur radicibus trahunt; neque aliò, nisi vi alienâ transferuntur. Animalia verò solidiori cibo pleraque vescuntur, ore sumunt, & quaquaversum vagantur.

2. Philosophi tamen inter hæc media quædam Vi-

ventia

variâ poni posse observarunt, quæ idem Greci *ζωογονήματα* vocant, quasi *Animalia plantar*, quod cum ore non sunt famant, neque radicibus terræ adherent, nec membranâ conchæ adnexâ ab ea nunquam discedant, ut Ostrea, Limaces, aliæque conchyliorum genera. Hæc nullo motu gaudent, nisi quod concham, si clausa sit, aperire possunt, aut corpus ex conchâ exferere eamque circumferre sependo; quæ res à Plantis differunt. Hoc etiam est inter eas differentiam quod cum plantæ ex ea terræ parte cui radicibus hærent alimentum trahant, *Zoophyta* ex conchâ nullum ducant succum, sed eas tantum munus inter habeant. Cum horum maxime mobilia sunt moveantur, consistantque corpore molli & viscido carne composito, sine ejusmodi tutamine nimis se succenderentur.

3. *Insecta* vocantur minora animalia, seu volucritia, seu reptantia, qualia sunt muscarum infinita genera, vermes, formicæ, minoræque animantia, quibus potissimum *insecti* nomen convenit. Hæc *ἰνsectα* à Grecis dicta sunt, quia habent in corpore varias *εἰσόδους* sive *invasuras*.

4. Horum genera, quæ innumera sunt nec satis digesta à Phisicis, lustrare aut describere non aggredimur. Nondum sat multa experimenta collecta sunt, ut possit quidquam absoluti, in hoc rerum genere, fieri. Præterea cum constet, ut inter Plantas, sic inter Animalia quandam esse Analogiam, satis erit postea perfectiora descripsisse, ex quibus de cæteris judicium fieri aliquatenus poterit. Interea, ut antehac fecimus, ubi de Plantis loquebamur, varia etiam de animalibus minus perfectis adspargemus.

5. Phisici veteres, ut Plantas varias sine semine orti putabant: ita etiam solâ putrefactione sive fermentatione nasci Insecta existimabunt. In hanc opinionem incidere, quod ex carnibus putrefactis vermes exire, dein muscas evolare cernerent. Videbant etiam

Aristoteles de Hist. Anim. Lib. 1. Cap. 1.

in plantis tumores oriri, ex quibus postea pertusis varia animalculorum genera erumpebant, quod solâ fermentatione succi acidioris fieri censebant. Ob hæc aliâque idgenus experimenta, minùs perfecta animalia calore Solis potissimum generari contendebant Philosophi.

6. Sed cum tutum non sit credere ejusmodi viri, qui quàm primum universam naturam in numerum habere volebant, ideoque plurima temerè solebant affirmare, recentiores Physici rem, ut par erat, ad examen revocaverunt. Horum aliquot experimenta, de Insectorum generatione, proferemus, unde liquet ex seminibus, aut ovis non secus ac reliqua viventa nasci.

7. Ineunte \* æstate vir diligentissimus in Etruria tres serpentes, quos *Anguis Æsculapii* vocare soleat, occiderat, eosque ut putrescerent in cistulam apertam conjecerat mortuos. Haud multò post vidit eorum carnes scatere vermiculis conicæ figuræ, nullo pedum iis vestigio apparente. Hi vermiculi carnes serpentium continuo vorare cœperunt, nec eorum corporum moles duntaxat, sed etiam numerus quotidie augeri videbatur, aliique aliis majores erant. Ea in loco manserunt, donec caro aliqua fuit serpentium adhærens ossibus, sed postquàm nudata fuere ossa, omnes abierunt.

8. Verùm ut videret quid fieret iis vermibus tres ejusdem generis serpentes 11. Junii occidit & vasi vitreo eorum cadavera injecit, quo aperto post triduum in putrescente carne innumeros vermiculos vidit. Absumptâ carne, sine dubio abissent, si qua via iis parvisset, sed cum nulla esset qua evaderent rima, 19. ejusdem mensis, plurimi cœperunt veluti sopiri, nec loco moveri. Deinde corrugati, atque in se collecti sensim ovi figuram induebant, donec 21. ovi candidioris instar prorsus evasissent. Is color postea in aureum, deinde subrubrum, ac tandem in quibusdam in nigri-

\* *Francisc. Redus de generat. Insectorum.*

centem mutatus est. Ea autem ova quæ initio mollia erant, paulatim dura & fragilia evadebant.

9. Curiosius consideratis rubicundis illis & nigricantibus ovīs, aliquod inter ea discrimen animadvertum est. Omnia quidem annulis inter se compositis constare videbantur, sed nigrorum annuli magis erant distincti, rubicunda verò tam altas strias non habebant, erantque ferè polita. Utrisque erat in altero extremo, concavitas exigua, sed in nigris major, & quidem qualis apparet in pomis, quâ parte petiolo detracta sunt.

10. Hisce ovīs separatis, atque in duo vasa vitrea charta clausa conjectis, post octiduum, ex uno quoque rubro ovo rupto putamine exibat musca coloris cinerei. Ea primùm veluti torpebat, neque alas exserbat; sed intra octo minuta alæ illæ exseriebantur, explicatæque, pro corporis magnitudine, ei aptabantur. Dum inciperet moveri musca, pro livido ac cinereo colore, quo corpus ejus tinctum antea erat, viridem vividissimum induebat, atque usque adeò augeretur, aut inflabatur ejus corpusculum, ut jam quo modo tam parvo ovo contineri potuisset vix intelligeretur.

11. Ex ovīs verò nigris, post quatuordecim demum dies, nigrae muscæ, eæque majores erumpebant, albore undulatæ, piloso ventre, & in imo rubente, quales cernuntur circa macella, & morticinam æstate volitare. Cum primùm nascerentur, deformes erant, & torpebant, neque alas explicabant, sed intra pauca minuta volucres fiebant. Fuere & nonnulla ova nigra, ex quibus post vigesimum tantum diem, exclusæ sunt alius generis muscæ, neque iis, quæ vulgò circa menas volitant, neque majoribus illis nigris similes, quarum descriptionem habet Fr. Redus.

12. II. Hisce experimentis sumptis, sex vasa paravit vir acutissimus. In primum conjecta sunt duo serpentium memoratorum cadavera: in secundum, pullus columbinus: in tertium, caro vitulina: in quartum,

equina caro : in quintum, capo : in sextum, cor vervecis. Omnia, intra viginti quatuor horas, aut paulò majore intervallo, vermes ediderunt; qui post quinque aut sex dies, in ova mutati sunt.

13. Ova ex vermibus, in carnibus serpentinis, & nata, rubicunda erant, atque intra dies duodecim muscas alias cærulei, alias violacei coloris emisserunt. Ex columbinis carnibus non modò rubicunda, sed etiam nigra ova orta esse videbantur; & ex rubicundis quidem, post octiduum, muscæ virides, ex nigris vero die decimo quarto, quâ parte acutius ovum erat, erumpere nigri culices albo colore undulati. Eodem tempore, ejusdem generis culices prætextati è reliquis ovibus nati sunt, nullo discrimine, nisi quòd ex corde vervecis, nonnulli etiam violacei & cærulei coloris prodierunt.

14. III. Mediâ æstate, pisces aliquot ex Arno flumine, qui *Barbi* dicuntur, in cistulam apertam conjecti, post quatuor horas innumerabilem minutissimorum vermium copiam edidere. Præterea circa commissuras cistulæ interiores, & circa vermes innumera etiam erant ova illic affixa, & veluti conglomerata, quorum alia candida, alia crocea videbantur; fracto verò putamine, liquorem candicantem emittebant, albumine ovorum avium tenuiorum, & minùs viscosum.

15. Sequentie die, ex omnibus illis ovibus enati erant vermes, vacuatâque liquore putamina, eo quo generata fuerant hærebant loco. Vermes, qui pridie ejus diei nati fuerant, duplò tum majores erant, & postero die, quòd miraculo erat, tantæ erant magnitudinis ut singuli septem circiter grana pondere æquarent, cum antea viginti quinque aut triginta vermes similis unius grani pondus non excederent. Tot majorum & minorum Vermium examina, brevissimo tempore, quidquid supererat carniû in piscibus absumpserant, ossibus accuratissimè denudatis. Cum postea obcuratâ diligenter cistulâ evadere niterentur, sed frustra, quinque vel sex diebus, post natales, in ova transformabantur.



mabantur. Deinde circiter post octiduum, varii generis muscæ ex iis exhibant, nisi quod nonnulla nigra ova, post tertium & vigesimum demum diem, exclusa sunt, cum in aliud vas prius fuissent translata. In gens ex iis nigrorum culicum prodiit numerus, qui ovorum numerum quàm longissimè superabat. Itaque aperto vase, & fractis aliquot ovis, unumquodque putamen deprehensum est 25, aut 30, aut etiam 40 completi culices.

16. Eadem hæc experimenta, in multis aliis carnum speciebus, sumpta sunt, & in iis nasci semper visa sunt muscarum examina, eaque variorum generum, quandoque plura, quandoque pauciora. Quod forte cum olim animadvertissent, qui insecta ex putrefactione nasci censebant, in illa sententia mirum in modum confirmari sibi videbantur. Sed sequentia experimenta contrarium ostendent.

17. I. Qui hæc experimenta sumpsit, semper animadvertibat, antequàm vermes è carnibus exire viderentur, volitare atque in iis residere muscas ejusdem speciei, cujus postea examina inde evolabant. Itaque mense Julio, in vasa quatuor amplioris orificiù immisit serpentem unum, pisces aliquot fluviatiles, & carnem vitulinam, eaque diligenter chartâ occlusit, ne ulli subire posset musca. Vasa item quatuor alia cepit, in quæ easdem carnes conjecit, atque hæc aperta reliquit. In utrisque putrefacta brevi est caro, & in aperta quidem vermes paulò post, cum liberè ingressæ essent muscæ, conspecti sunt; at in occlusis nullus vermis conspectus est, quanquam per plures menses Soli manserunt exposita. Pisces, exceptis spinis, in aquam feculentam & turbidam erant conversi. Tum fœcibus residentibus aqua limpida fiebat, nisi quod in superficie tabefactæ pinguedinis guttulæ quædam naterent. Ex serpentis etiam cadavere multa aqua manavit, sed ipsum illæsum remansit, non secùs ac si recens in vas conjectum fuisset. Anguillæ exiguam aquæ copiam emittebant, sed tumidæ factæ, amissæque pristinâ figurâ,



figurâ, tandem in glutinosam quandam massam abibant. Virulina verò exsiccata est. Neque ulli unquam in hisce carniû generibus, occlusis vasibus contentis, conspecti sunt vermes.

18. II. Similia plurima, eodem eventu, experimenta sumpta sunt; & ne quid intentatum prætermitteretur, non semel aliquot frustra carnis vasibus inclusa in terram defossa sunt, nec ulli in iis generati sunt vermes, cùm carnes muscis expositæ semper verminarint.

19. III. Non exigua vermium in bubula carne generatorum copia occisa distributa postea est in duo vasa, quorum unum clausum, alterum apertum fuit. In clauso nihil generatum unquam est, in aperto verò novi vermes nati, qui in ova conversi in muscas ordinaras abibant. Idem evenit, occisis plurimis muscis, & in duo vasa similiter divisiss.

20. IV. Ne quis fortè diceret idè generationem nullam in occlusis vasibus esse factam, quòd aër in vasa clausa ingredi non posset, idem tentatum est in vasibus tenuissimo carbaso, per quem meare aër facillè poterat dum excluderentur muscæ, involutis. Nec ulli tamen vermes illic generati sunt, quanquam carnes per plures hebdomadas servatæ erant.

21. Cùm vas involutum carbaso immissum esset majori vasi muscario, quo æstate ad servandam carnem uri solent, sæpe conspectæ sunt muscæ, vermesque vagari circa ea vasa, carnis odore allekti, & omnia tentare, ut per carbasâ laxiora ad eam pervenirent. Sed modò non ingrederentur, nulla animalia in putrefactis carnibus unquam nata sunt.

22. Hinc & ex aliis plurimis experimentis, meritò collegere viri docti, ex ovis à Muscis depositis, aut etiam vermibus quos calidissimo tempore anni majores emittunt Muscæ, nasci vermes in carnibus; adeoque frustra eos esse qui putrefactioni eam generationem tribuerent. Nec certè ulla proferuntur experimenta contraria, quæ si ad examen revocentur falsâ non compariantur, ut ostendit prolixè, *Fr. Redus*.

23. Neque

23. Neque in carnibus modò deponunt ova aut vermes, sed in aliis omnibus corporibus, circa quæ volitant, & potissimum in iis quibus vesci solent. Sic caseus, qui partim vermiculosus erat, divisus adedò ut pars non corrupta seorsim poneretur in vase puro, corrupta in alio, nullos parte sanà vermes, nullasve muscas edidit; sed ex vermiculosa natæ sunt innumere nigricantes muscæ. Hinc collegere Physici ne in caseo quidem vermes nasci, nisi qui à muscis geniti sunt.

24. Nasci etiam ex putrefactione vulgò credebantur vermes in foliis, fructibusque, cum ex arbore evulsis, tum etiam arbori inhærentibus. Ut à prioribus initium faciamus, pluribus constat experimentis in variis fructibus putridis nunquam esse natos vermes aut muscas, si modò servati & putrefacti essent in loco, in quem muscæ pervenire non possent; unde colligere est in iis eodem modo insecta nasci, ac in carnibus & caseis putridis. Experimentum tantum unum profereamus, unde hallucinatio fortè nata est.

25. In cucurbita cruda, vel cocta, apertoque aëri exposita ordinariæ muscæ nasci sæpe sunt conspectæ, ratione jam expositâ. Sed quandoque singulare quiddam contigit, quod animadversione dignum est. In cucurbita cocta ovisque permixta nati plurimi vermiculi, cum tempus quietis & eorum in ova transmutationis instaret, ita se volutarant, ut hac pulve cooperti globulis similes facti essent; ex quibus postea muscæ nascebantur, adedò ut qui sub pulve ova latere non observasset, ex terrestribus globulis muscas natas esse non agrè credidisset. Atque hinc fortasse Veteres tanto consensu ex limo, quem Nilus abiens in Ægypto relinquit, innumera nasci insecta prodiderunt, quasi ex limo ipso formarentur, cum ova duntaxat in eo latentia calore Solis excludantur.

26. In fructibus arboribus inhærentibus, earundemque foliis sæpissimè latent papiliones, seu in fructibus

! Er. Redm. de Gener. Insect. p. 135.

ipsis additi sint, seu in foliis tuberculo quodam sint involuti; quorum multa genera apud laudatum scriptorem legere licebit. Hinc plurimi credidere ex fructibus illis aut foliis nasci, solâ fermentatione, ea insecta quæ ex iis prodire cernuntur.

27. Sed omnia illa nascuntur ex muscarum ovis, in iis locis depositis. Quicumque accuratè eos fructus eâve folia lustrabit sæpissimè ova illa, antequàm excludantur, inveniet, unde postea examina papilionum prodeunt. Initio Maii \* vir diligentissimus in foliis Sambuci invenit ingentem ovorum copiam, eorûmq; minutissimorum & flavi coloris. Ex illis ovis, post paucos dies, innumeri prodire vermiculi, qui folia Sambuci sibi apposita avidissimè deglutierunt. Creverunt sensim, flavique coloris evaserunt, multis maculis rubris distincti. Cauda mediam lunam referebat, caput acuminatum, & tenuissimum. Crustas quasdam, pedum loco, ex imo ventre producebant. Eorum deinde maxima pars vigesimo Maii immobilis fiebat, à cibo omni abstinebat, nec eò minùs initio colorem & figuram servabat: Sed primo Junii, sex vermes corrugati in ova mutabantur ferruginei coloris. Ex uno, duodecimo Junii, musca prodiit, ordinariis minor, alis duabus cartilagineis, candidis, & corporis longitudinem superantibus; pedibus flavis sex; & cornibus duobus coloris ferruginei, è capite nonnihil prominentibus. Dorsum ejusdem coloris erat, sed dilutioris, cui subiecta macula flava. Venter flavi coloris vividioris, & transversis lineis distinctus. Statim ac nata erat excrementum deponebat candidum, & biduo post moriebatur.

28. Similia in aliis ovis, quanquam diversi generis erant muscæ, observata sunt; nec mirum, cum muscæ arbores circumvolitent, ab iis variis in partibus deponi ova. † Sed ea insecta non ubique deponunt omnia. Duriora enim, & quæ continent succum, quo animal

\* Fr. Redus, p. 193.

† M. Malpighius Annot. Plant. P. 2 p. 37.

nutritur, in quamvis arboris partem dejiciunt. Nec interest siccam esse, unde fit ut in Ulmis aliisque arboribus, in partibus siccis, innumera inveniantur ova; ex quibus, cum pertusa sint, apparet animalia prodita. Molliora verò ova inveniuntur duntaxat in foliis; vel si majore indigeant humore, muscæ ea immittunt in teneras arborum gemmas, quas perforant terebrâ suâ; quæ est cuspis concava, quâ dum terebrant, ova emittunt. Si non sint gemmæ, in quas ea inferant ova, in flores, in fructus, in frondes, & quasvis alias teneras arboris partes ea immittunt.

19. Ut quomodo hoc fiat intelligi possit, sciendum basin terebræ esse ovario muscarum conjunctam; & cum sit concava, ova in variis tubis sparsa, per eam cavitatem ex eorum corpore prodeunt. Neque conjectura hæc est Physicorum, vir accuratissimus muscam vidit gemmæ quercinæ incumbentem, quæ contracto corpore reliquo terebram exserebat, atque in gemmam immittebat. Dum hoc ageret musca, tumorem vidit qui hoc spectabat circa basin terebræ; qui tumor cessavit & cœpit denuò, idque aliquoties. Deinde sublata illinc muscâ, invenit in gemma tenuissima ova pellucida, iisque quæ in tubis muscæ supererant, simillima.

20. Insecta hæc terebrâ armata eam faciliè incurvant & erigunt; & videntur ejus ope lacerare pellem Plantarum, aut fructuum, quorum humore vescuntur. Cum in ea terebra sit liquor acidus fermentationique creandæ aptus, quando guttulam ejus in teneram Plantæ partem effundunt, succus nutritivus alieno liquore auctus, præter modum fermentatur, creatque Plantæ tumorem. Sic cum Vespa aliquem pupugit, creditque in vulnus, quod aculeo fecit, aliquantulum liquoris quo turget, fermentatio, quæ illic excitatur, carnes tumefacit. Idem accidit in Plantis, ubi fermentatio, quæ fit in transversis utriculis, eas inflans, creat tumores, qui *Galla* vocantur. Non ampliùs ergo mirum videbitur, si dixerimus Insecta quæ ex fo-

liis, gallis aut fructibus prodeunt, nequaquam ex eorum substantia corrupta, sed ex ovis illic depositis nasci.

31. Cum per omnia Insectorum genera ire non liceat, sitque aliquid in omnibus analogum, describamus hic ex *Fr. Redo*, Insectum ex Locustarum specie, quod Tusci *Carvallucum* nunc vocant. Id est duplicis generis, nam alia sunt viridia duabus lineis parallelis, per latera & totam longitudinem corporis porrectis; alia coloris ferruginei. Caput habent summæ tenuitatis, & os quale locustarum esse solet. Passu incedunt gravi & lento; pedes eis sex, & singuli pedes flexuras sex habent. Anteriores pedes ei commissuræ, supra quam caput adnexusum est, subjecti sunt. Omne spatium, quod est inter posteriores pedes & extremam caudam, aliquot habet seu nodos, seu annulos, seu *extremas*, & ab ultimo nodo porriguntur subtilissimi aculei duo. Universum eorum corpus quinque digitorum transversorum longitudinem non excedit, & plerumque ejusdem ubique crassitie est; si scæmellas excipias, quarum uterus quandoque majori ovorum copia tumet.

32. Tam masculi, quam scæmellæ, exuvias quotannis integras deponunt, haud aliter atque serpentes, aranei, Insectaque alia. Hæc autem spolia sunt tantum subtilissima tunica, quâ totum corpus regitur.

33. Hæc externa est dispositio, sic autem se habent viscera. Est canalis ab ore, per totam corporis longitudinem, ad foramen ultimo caudæ nodo vicinum porrectus, qui œsophagi, stomachi & viscerum loco est. Circa id intestinum, varia cernuntur tenuissima filamenta, quæ venarum & arteriarum vices præstare videntur. A medio corpore ad extremam usque caudam ingens est ovorum numerus, inter se colligatorum, neque tenuissimi grani milli magnitudinem superantium. Alia mollia, alia dura sunt; illa sunt flava, & pellucida, duriora verò intus flava putamen habent

bent nigrum. Ova illa mollia & dura quandoque septuaginta numerata sunt.

34. Hæc autem animalcula, ut pleræque muscæ demptis visceribus, vivere sat diu possunt. Capite etiam abscisso non minùs vivunt, quamvis caput ipsum brevi intereat. Per quinque aut sex dies, truncus variè movetur, sine capite; excrementa egerit, & ova deponit. Ex membris autem abscissis fluit liquor viscosus, qui illis est loco sanguinis; quo fit ut capita abscissa iterum trunco aptari & hæerere queant, quia veluti glutine retinentur. Sed ideò putandum non est capita vitam recuperare, aut ex trunco quidquam in ea transire & vice versâ, nam brevi postea truncus omni alimento destitutus concidit.

35. Ex hisce colligere possumus eos toto cælo aberrasse, qui crediderunt ex putrefactione Infecta nasci; sed si queratur, qualis ergo sit prima eorum in oviformatio, rem nos latere fatebimur. Sunt quidem qui in oviformata aiunt animalcula omnia, sed queritur iterum, quomodo formentur alia animalia quæ ex iis nascuntur quæ in oviformata latent. Quidam eò devenerunt, ut dicerent à Deo initio rerum primis animalibus indita fuisse corpora omnium animalium, quæ unquam nascitura erant; adeò ut ovaria eorum omnia individua specierum omnium complecterentur, quæ latentibus saculis, cum nasci dicuntur, conspicua duntaxat fiunt, incremento paulatim assumpto.

36. Sed quamvis divisibilitas materiæ in Infinitum possibile hoc esse ostendat, præstat nihil hæc de re deducere. Nam qui solo calore, mechanicis quibusdam legibus formari animalia censuerunt, ii & conjecturam meram, & rem æquè facilem intellectu proferunt; ac si quis diceret, projectis in aërem pulveris granis, Aeneidos paginam, postquam ceciderunt, deceptam posse cerni.

37. Hoc unum fortè dicere possumus, corpora Infectorum esse veluti sacculos, aut vesicas coarctatas, antequam nascantur, sed succis & aëre subeuntibus in-



flari subito sacculos, quo fit ut muscæ, tam brevi tempore crescant, ut vix credibile sit ex ovis tantæ tenuitatis eas produisse.

## C A P U T IV.

### *De Reptilibus, & præsertim Anguibus.*

1. **R**eptilia & Pisces, ex æquo pedibus carent, magna saltem ex parte; si enim Lacertas excipias, serpentium varia genera, vermes, lumbricique omnes pedibus sunt destituti. Sed Pisces in aqua solavivunt, ut diu ex ea educti vivere nequeant, reptilia verò per terram serpunt, & ut quædam sunt aquatilibus: alia aqua, nonnisi potius causâ, utuntur. Nos hîc neutrorum plenam historiam tradere aggrediemur, sed questionibus duntaxat nonnullas eò pertinentes delibabimus.

2. Serpentes nobis erunt instar omnium Reptilium, & quæ potissima in iis observanda occurrent paucis trademus. Alia eorum generationem, alia anatomiam corporis, alia motum, alia denique venenum spectant. Non immorabimur iis quæ habent cum reliquis animalibus communia, qualis est ratio nutritionis, quam ubi de humano corpore sermo erit, oratione persequemur.

3. Sunt qui ex medulla spinali hominum, putrefacta nasci angues scripserint, & ut miraculo fides fieret, hominem facinorosum fuisse, ut hoc eveniret, voluerint. Sed fabulam esse dudum observavit Eroditi. Alii ex serpentis cadavere putrefacto nasci alios serpentes prodiderunt, quod vermes ex muscis in iis natos vidissent, & temerè angues credidissent.

4. Verius Plinius, lib. x. cap. 62. quanquam admittit

\* Plin. lib. x. cap. 66. *Elia. Hist. Anim. lib. i. cap. 51. Vide & Hyeme. Radum de Gen. Insec. p. 96.*



etiam aliquot fabulis: " In terrestribus ova pariunt  
 " serpentes. Coeunt amplexu adeò circumvolutæ si-  
 " bi ipse, ut una existimari biceps possit. Viperæ  
 " mas caput inserit in os, quod illa abrodit voluptatis  
 " dulcedine (*falsum hoc esse recentiores plurimi iteratis*  
 " *experimentisprehenderunt,*) Terrestrium eadem so-  
 " la intra se parit ova unius coloris & mollia ut pisces.  
 " Tercio die intra uterum catulos excludit, deinde  
 " singulos singulis diebus parit, viginti fere numero  
 " *quandoque etiam plura*) Itaque cæteræ tarditatis im-  
 " patientes perrumpunt latera (*hoc falsum esse qui rem*  
 " *experti sunt contendunt*) occisâ parente. Cæteræ ser-  
 " pentes contexta ova in terra incubant, & fœtum se-  
 " quente excludunt anno.

Quidam \* existimarunt serpentes, quòd venenati  
 sint, nigrum habere cerebrum, sed falsum esse expe-  
 rientia docuit, cùm album sit in viperis. Vanum e-  
 tiam quod iisdem observatum, cerebrum viperarum  
 non superare pondus quatuor granorum milii, cum sit  
 triplo gravius.

6. Ventriculus omnibus ferè serpentibus laxiori in-  
 testino similis est, & uno ductu è faucibus ad caudam  
 producit. Quo fit ut quod vorant sacci instar absor-  
 beant. & sæpe ita distendantur eo quod vorarunt, nec  
 sit cirò concoquere possunt, ut immobiles fiant. † Pro-  
 diderunt testes αὐτόπλαι esse, in insula Java, serpentes,  
 quas Buar vocant, tantâ alvi capacitare, ut integros  
 aptos hauriant, & in Ternatæ captam esse, quæ ultra  
 quadraginta pedes longa esset. Habuit Medicus, qui  
 Jayæ vixit, serpentis, quem ipse cum aliis occiderat,  
 cruribus 36 pedes longas. Quo factum est ut fides ad-  
 liberetur Plinio, qui auctor est \* in Italia appellatæ  
 Buar, in tantam magnitudinem exire, ut Claudio Princi-  
 pe occisa in Vaticano solidus in alvo spectatus sit infans.  
 Sunt, nimirum, earum corpora instar sacci, qui fa-

\* Vide Red. Obser. de Viperis, p. 209.

† Jac. Sontius Hist. Nat. lib. v. cap. 3.

‡ Hist. Nat. lib. viii. cap. 14.

cilè dilatatur. Ante *Plinium*, scripserat *Megasthenes*, in India serpentes in tantam magnitudinem adolescere, ut solidos haurirent cervos, taurósque; & propterea mendacii inculatus fuerat, sed perperam.

7. Scripserant nonnulli, neque renes, neque uretères in serpentibus comparere, sed accuratiores alii eas partesprehenderunt. Et urinarii quidem ductus à renibus separati dehiscunt, non in intestinum rectum, sed in tenue foramen situm in scemellis inter utrúmq; orificium uteri. Itaque lotium quidem emittunt, sed excrementis mistum, ut aves aliæque ovipara animalia.

8. Multiplicia sunt in illis uteri cornua, in quibus ingens ovorum copia, eorúmq; quasi rudimenta inveniantur, instar globulorum glutine quodam invicem adhærentium. Itaque pleræque, ut diximus, serpentes sunt oviparæ, exceptis pauculis, & præsertim *Viperis*.

9. Omnibus serpentibus sunt à cervice ad extremam caudam vertebræ & costæ frequentes ac solidæ. Anteriores & mediæ corporis partes spiritu adducto præter modum turgent, & validioribus costis instructæ non tantum ad insidiosos saltus, sed & ad deglutendam facile prædam multum conferunt. Harum enim crebarum costarum & vertebrarum ope, vehementius multo sugunt, & in ventriculum exsuctam prædam demittunt, quàm si minus crebræ forent: vertebrarum quoque vi facilè eriguntur & sustentantur, earumque multitudine corpus in gyros quosvis haud ægrè colligitur.

10. Rependo posteriores earum partes contractæ subsistunt, dum anteriores progrediuntur sese extendentes & vice versâ. Alia verò reptilia, veluti undulatum, sese movent, dum variæ corporis partes simul explicantur, & contrahuntur. Sed cum lumbrici & serpentium aliquot genera non celerrimè moveantur,

\* *Gnail. Piso Hist. Nat. & Medicæ, lib. v. cap. 1. Fr. Redi Olserv. de Viperis, pag. 102.*

sunt serpentes nonnullæ, quarum crates costarum & vertebrarum adeo est firma & expedita, ut sagittæ ferre instar iratæ ferantur, præsertim in calidioribus regionibus.

11. Hoc quoque dignum est observatu, partes corporis Viperarum, tam externas quàm internas, postquam in varia frustra sectum est, diutissime moveri; quod hac de causa fieri videtur. Sunt, nimirum, serpentium carnes multò compactiores, quàm aliorum animalium; unde fit ut id quod motum in animalibus creat, quidquid tandem sit, serius evanescat, aut elabatur ex carnibus Serpentinis, quàm ex aliis mollioribus.

12. Eadem, ut videtur, de causa, ut hoc obiter dicamus, \* Viperæ aliæque serpentes non aliquot tantum dies aut hebdomadas, sed plures etiam menses sine ullo cibo in vase clausæ servantur. Per octo, novem & plures quoque menses servatæ omnem suum vigorem non amiserant, cum & mordere possent & veneno interficere. Si ex earum corpore multa transpirarent, brevi tempore exhaurirentur, ciboque ut resisterentur indigerent; sed ex compacta illa carne, paucæ elabuntur.

13. Cum sint plurimæ serpentes & in Europa, & in aliis regionibus venenatæ, ab Eruditis quæsitum est quanam in re situm esset, id venenum, & quâ ratione interficeret. Circa hæc in varias itum est sententias, quarum potissimas recensēbimus, ostendemusque quid experimentis variis ea de re comperiri potuerit.

14. Multi crediderant fel Viperarum sedem esse veneni, quod per subtilissimos ductus à vesica fellea ad coram dentes transmitteretur. Imò verò dixerant fel illud haustum præsentissimum esse venenum. Verùm plurimis præsentibus, Viperarius Magni Etruriæ Ducis fel Viperæ mistum aquæ, sine ullo incommodo, hausit. Datum etiam est felibus, canibus, gallis gallinæis, pavonibus aliisque bestiis hauriendum, nec ullo

\* *Fr. Rædi Obsex. de Viperis, p. 169.*

modo nocuit. Est etiam vulneribus variorum animalium affusum, sine ulla noxa; quod idèd factum, quia sæpe contingit ut ore sumpta nihil noceant, vulnèri instillata occidant venena, quale est oleum Tabaci.

15. Cùm observatum esset dentes Viperarum vaginis quibusdam reectos esse, in quibus vaginis stagnat humor oleo amygdalarum dulcium simillimus, ilque humor, cùm Vipera mordent, necessario effundatur; dum vaginæ comprimuntur, nonnulli existimant eum liquorem ex felle eò deferri & lethalem esse ore sumptum. Sed iisdem experimentis, deprehensa est ejus opinionis falsitas. Non modò is liquor epotus est ab hominibus & brutis, innoxiusque fuit, sed etiam capita aliquot Viperarum semiviva, & confossa variis modis, ut omnis sanies exiret, sic in aquam coniecta sunt; quæ turbida data est hædo & anati, sine periculo.

16. Verùm hoc non satis erat, ut liqueret venenatum non esse eum humorem, nisi & vulneribus instillaretur, sine noxa. Varii ergo pulli gallinacei & columbini vulnerati sunt novacula, instillatusque in vulnera Viperinus ille liquor, & omnes quidem intra tres aut quatuor horas obierunt. Neque Viperarum duntaxat vivarum liquor pullos exstinxit, sed idem contigit affuso vulneribus eo qui ex palato & gingivis Viperarum, aliquot antè diebus mortuarum, expressus fuerat.

17. Hinc ergo plerique collegerunt venenum Viperarum non esse aliud quidquam præter eum succum, qui in illorum gingivis latet, & qui cùm mordent in vulnus quod faciunt influit, sanguinique mistum ceterò occidere; quamvis alias in stomachum demissus innoxius sit. Eadem ratio esse videtur omnium aliarum serpentium, quæ mordendo letificera videntur.

18. Nec videtur ex felle profluere ille succus, nam præter experimentum allatum, 1. fel Viperarum est viridis

viridis coloris satis vividi, humor verò ille ferè sine colore. 2. Fellis est sapor amarus & vellicans, hujus verò humoris dulcis, nec multùm diversus ab oleo amygdalarum dulcium. 3. Nulli tubi potuerunt inveniri, qui ex felle ad os Viperarum eum succum vehant. Habet quidem fellis vesica meatus per quos fel in intestina effundat, sed nullos per quos in superiores partes mittat; si enim prematur vesica, ut simul inferiores meatus claudantur, fel nullum exire potest in superiores partes: contrà verò si inferiora versùs prematur, paulatim fel omne in intestina effunditur. Itaque ille humor generatur in capite, & per salivales ductus in palatum & gingivas Viperarum fertur. Ac sanè in fundo singularum vaginalium, cernuntur duæ glandes per quas humor potest percolari.

9. Confirmatur hæc sententia ratione, quâ morsus Viperarum curari possunt. Præscribunt inter alia Medici scarificationem, quâ ex tempore sanguis aliqua copiâ eliciatur, aut applicationem cucurbitæ, aut jejunæ Hirudinis, aut exsuctionem vulneris ab homine. Quibus rationibus humor ille, antequàm toti massæ sanguinis misceatur, elicitur. Neque surgenti periculum ullum imminet, quandoquidem animalia morsu Viperarum occisa, sine ullo periculo comeduntur.

10. Antequàm ad rationem, quâ venenum in sanguinem agit, deveniamus, paucis Viperarum dentes per quorum superficiem labitur describemus. Vipera ergo utriusque sexûs habent tantùm duos majusculos dentes, qui *canini* vocari solent, & qui ex osse superioris maxillæ eminent; unus ex hoc, alter ex illo latere. Sunt recti vaginis, non dissimilibus iis quas habent Felis, & in quos unguis solent recondere. Intra vaginas, ad radices duorum majorum dentium, enascuntur alii minores, ad septenum quandoque numerum, & dispari magnitudine. Dentes majores duritie non æquant, neque ita adherent maxillæ, quæ sit ut fa-

cilè excidant cum majores dentes sine vi non possint evelli.

21. Hi majores dentes sunt concavi à radicibus ad acumen, quod microscopio deprehenditur, & in excicatis etiam nudis oculis cernitur. Qua de causa maleo contusi faciliè in longitudinem finduntur, & in tres aut quatuor oblongas particulas dividuntur.

22. Hinc factum ut nonnulli crediderint dentes esse receptaculum veneni, atque ex eorum cavitate in vulnus descendere. Sed contrarium liquet, cum apprehensa viperæ os vi aperitur, tum enim etiamsi dentes sunt vaginâ tecti, venenatus ille liquor incipit per dentis superficiem, à radicibus ejus ad acumen descendere.

23. Cum dentes non contineant venenum, solâ etiam punção non nocent. Homines & bruta eos saepe sine agra, deglucierunt. Iis animantia varia sunt puncta, postquam detracti erant, hominumque manus contrahentium læsæ, sine ullo periculo, quia succus ille venenatus omnis absterfus erat. At resectum Viperæ caput, dum aliquis in eo esset motus, neque dentes evulsi, necdum os probè purgatum fuisset, demum animalia saepe occidit.

24. Ut nobis constat Viperarum morsum esse lethalem: ita nihil est minùs notum ratione, quàm eorum venenum in venas illapsum mortem tam subitam inferat. Certum est quidem, oportere venenum sanguini misceri ut noxium sit, sed quam mutationem inferat sanguini ignotum est, neque experimentis ullis inveniri potuit. Nonnulli crediderunt coagulari sanguinem, aut in altero ventriculorum cordis, aut in omnibus venis, quia animalium eo veneno occisorum sanguis conoretur erat. Verùm in aliis contrarium sæpe deprehensum est, ut si aliquot experimentis standum esset, æquè posset dici Viperinum venenum occidere nimirum resolvendo sanguinem, aut eum subito incendiendo.

25. Ut sciamus quid oriatur ex mistura duorum liquorum, & quare id fiat, oportet naturam illorum liquorum,

quo,



# Cap. IV. De Plantis & Animalibus. 297

quorum nobis esse plenissime perspectam. Nota esse debent magnitudo, figura, & motus particularum quibus constant, ut intelligamus quomodo inter se componi queant; & alia fortasse sunt, quæ ne suspicamur quidem, quibus tamen ignotis, ulterius progredi non licet.

16. Hæc cum ita sint, atque experimentis comprobata esse videantur à viro diligentissimo, alius tamen in eum insurrexit, negavitque, 1. Ullo modo venenatum esse succum qui ex gingivis Viperarum defluit, & innoxiam duntaxat salivam esse contendit.

2. Idem Viperarum venenum situm esse vult in spiritibus quibusdam animalibus vehementissimo motu actis, atque ex irritata duntaxat Vipera effluentibus.

3. At etiam demorsorum à Vipera animalium sanguinem semper coagulatum à se deprehensum fuisse, aut coagulationi proximum.

17. Ut primum ostenderet, dixit Columbæ vulnus incisum sub alis, & femore, eodemque momento utriusque vulneri affusas guttulas liquoris flavi expressi ex gingivis duarum iratarum Viperarum. Postea autem consultam fuisse, vulneraque obligata, ne liquor ille efflueret. Attamen nullum incommodum sensisse columbam, in inspectis postea vulneribus deprehensam liquorem illum coagulatum, & vulnera postea sua sponte curata fuisse.

18. Respondit Gallo Pharmacopola Medicus Italus, quæ esse arte, ut in sanguinem læsi animalis immictatur liquor viperinus. Nam si vulnus nimis angustum est, subire non potest; si amplius æquo, vix potest impediri copiosa effusio sanguinis, qui secum viperinum succum avehit, & absterget. Ac sanè repetitis Florentinae experimentis anno 1670. eadem comperit, quæ antea exposuimus. Itaque oportet aut Lutetia non satis commodè facta experimenta, aut Italicas Viperas alte-

\* Moseo Charrai in Novis Experimentis circa Viperas Lutetia editis, an. 1689.



rius esse naturæ ac Gallicæ; quorum prius multo verisimilius est, ne dicamus Pharmacopolam hominem esse vanum.

29. Secundo loco, ex irritata duntaxat Vipera, adeoque viva, spiritus lethiferos exire volebat *Charraſius*. Ait se curasse ut una eademque Vipera aliquoties morsu appeteret frustum panis, compressis ejus maxillis singulis vicibus; totiesque id esse à se repetitum, ut non solum liquor ille totus exhaustiretur, sed etiam ut sanguis ex gingivis profluere. Deinde eandem illam Viperam fuisse irritatam, & momordisse Columbam, quæ tesquihorio post mortuæ est. Addit etiam mortuam Columbam à Vipera non irritatâ, quamvis adesset ei succus ille flavus, nihil mali esse passam.

30. Sed primum difficile est judicatu, an totus ille succus exhaustus sit nec ne, facile enim potest fieri ut aliqua ejus supersit copia, cum exhaustus credatur. Deinde plura experimenta iterum magnâ curâ repetita opponit *Charraſius Rado*, quibus constitit ei mortuam Vipera succum non minus occidere ac vivam, si vulnere immittatur. Apud ipsam scriptorem legi poterunt, unum duntaxat memorabile proferemus. Collectus fuerat in vase vitreo liquor omnis venenatus, qui potuit ex capitibus ducentarum quinquaginta Viperarum exprimi. Liquor ille aliquandiu servatus primum instar glutinis factus est, & colorem succini imitabatur. Intra triginta dies planè exsiccatu erat, ut friabilis fieret, & facile in pulverem redigeretur. Ille autem pulvis vim lethiferam non amiserat, etenim animalia, quæ laesa datâ operâ fuerant, & quorum eo inspersa sunt vulnera interierunt.

31. Ad ultimum quod attinet, circa coagulationem sanguinis, id neque est perpetuum, neque satis certum indicium. Multis enim, qui morbo, aut aliâ morte interierant, inventus est sanguis coagulatus.

32. Inter reptilia sunt *Limaces*, qui ex ovis etiam, ut reliqua, nascuntur, quod in Epistola Italica Bononiæ, An. 1683. editâ probavit *Antonius Felix Marſilius*,

que anno sequente Latine versa & edita est Augustus Vindelicorum.

## CAPUT V.

### De Piscibus.

**P**isces in varia genera solent dividi, prout habitant mare, amnes aut stagna, vel prout squamis aut molliore pelle tecti sunt; vel denique ratione magnitudinis. Sed cum hæc omnia accidentalia sint, neque per se magnam mutationem dispositioni partium internarum quibus constant, afferant, ea omitemus. Tanta est Piscium copia, totque species per omnes orbis terrarum aquas sparæ, ut quæsierint Veteres terrestriane, an aquatilia animalia plura essent, & adhuc sit sub iudice.

1. Nos hic non tentabimus Anatomiam pleniorẽ Piscium dare, cum nondum sit multa ex stent experimenta, ex quibus tota hauriri, observatis variorum Piscium discriminibus possit; præterquam quod hujus Opusculi brevitatis hoc non patitur. Adiri à Curiosis poterit Tertia Pars Anatomies Brutorum Ger. Blasii ubi plurimorum Piscium dissectiones habentur. Nos hic perissimas duntaxat partes delibabimus.

1. Cum Piscium capita, corpori collata, sint majora quam cæterorum animalium; tamen multo minus iis inest *Cerebrum*, quam cæteris. Duæ enim tenues moles, in anteriore capitis parte posite, locum cerebri tenent. *Medulla oblongata* in Piscibus simili omnino ratione ac in avibus duas insignes protuberantias, laterales cavas habet; ac sane si ex cerebro desinant tenuissimi vapores, qui *Spiritus animales* dici solent, eo-

Th. Willis de An. Brutor.

rumque

rūmque ope animalium motus fiat, cava illa in Piscibus & avibus iis excipiendis & demittendis esse debuerunt paria. Nam ut Pisces natant in aqua, corporis totius impulsu, agitatione pinnarum, quibus aquam faciant: ita & aves in aëre veluti natant, impetu quodam, soloque alarum remigio utentes, provehuntur, immotis pedibus. In *Cane Carcharia*, cujus pondus ter mille libras superaverat, cerebrum vix tres uncias æquabat. In Pisce ex *Cantum* genere, qui evisceratus quindecim libras superabat, & unā cum visceribus viginti sex libras æquabat, inventum est cerebrum cujus pondus vix erat trium denariorum.

4. In † Piscibus sunt odoratus foramina utrinque gemina, quæ clauduntur membranulâ vicinâ si obtendatur, aperiuntur si recedat. Desinunt ea foramina in rotundam quandam cavitatem. Simillima sunt in avibus, ex utraque rostri patte, sed ad pulmones usque porriguntur.

5. In *Oculis* Piscium hoc singulare est, ut sint antea prorsus sphaerici, aut ad sphaericam figuram accedentes, quod plurimis, & vulgatissimis experimentis constat. Ac sanè nisi essent ejus figuræ, in aqua penè cecutirent, ut rationes opticæ, quas hic non attingemus, ostendunt.

6. *Nervi optici* reliquorum animalium multiplici quadam materiâ consistent; binis, nempe, membranis, quæ desinentes formant duas tunicas, corneam & uvæam, & medulla quadam quæ in retinam abit. Hæc à cerebro ita porrigitur, ut videatur tantum Cerebri medulla compactior & densior; atque in tenuissima fila resolvitur. At si inspiciantur Pisces, res alio modo se habere deprehendetur. In *Xiphia*, qui ingentem oculum habet, opticus nervus solitis quidem membranis involutus est, sed non solidus & continuus in interior-

\* Nicol. Steno in Cap. Libro de Juxtaagla addito.

† Cor. Viç. Schneider. lib. iii. de Cathar. cap. 2.

\* Marcell. Malpighius in libro de Cerebro.

re parte, nec filamentis distinctus, inter quæ pori cer-  
nantur, nec cavitate ullâ præditus. Medicullium alba  
cerebri substantia est, eaque veluti in extensam placen-  
tam densata & compressa; vel, si mavis, crassior lami-  
na piâ matre involuta, & in conspicuas plicas circum-  
ducta. Ea quandoque totam nervi diametrum, recto  
tramite decurrens occupat; quandoque in gyros intra  
nervi tunicas flectitur. Singule plicarum circumvo-  
lutiones piâ cinguntur matre, per quam vagantur san-  
guinea vasa facie conspicua, quæ undique propagines  
emittunt, quibus id involucrium firmatur. Extrinse-  
cus dura mater omnia vestit, à qua optici nervi robur  
& semitas potissimum oritur, isque in fasciculum ve-  
luti colligitur. Quod liquebit, si duram matrem,  
juxta longitudinem, sequeris, nerveasque fibras qui-  
bus conjunguntur membrane laceraris; tum enim ner-  
vus opticus in insignis latitudinis placentam, aut cras-  
siores membranam vasculis irrigatam laxatur. Unde  
sæpius ut dubitarint nonnulli, an retina sit peculiaris  
membrana, an verò cerebri duntaxat extensio. Hæc  
autem non in Xiphia tantum, sed etiam in Thyn-  
no, aliisque majoribus Piscibus, constanter observata  
sunt.

7. Aliud præterea \* discrimen ab aliis observatum,  
cum, nimirum, in cæteris animalibus nervi optici ad  
utrumque oculum tendentes, sint ad se invicem incli-  
nati, nec tamen prorsus conjuncti, sed tantum ad  
sammum superficiæ tenus; in Piscibus decussatim è ce-  
rebro veniunt. Nervus enim, qui ex dextra oblonga-  
te medullæ parte oritur, in sinistram oculum desinit;  
& contrâ, qui è sinistra parte oritur, ad dextrum por-  
tigitur.

8. In Piscibus, observatu dignæ sunt Branchiæ ad Ca-  
piti latera, per quas aqua ore excepta ejicitur, † Ostrea-  
rum Branchiæ sic describuntur, quæ longè maximæ  
sunt, cum per dimidiam partem ostrei extenso, cur-  
tilla alia viscera & pænè membra magnitudine superent,

\* Th. Willisus de An. Brui. † Id. Ibid.

Branchiarum cirri quatuor sunt, & singulis veluti bini lobi; quorum superior latior & crassior, inferior tenuior & contractior est. Usaqueque duplicata est, & geminas pinnarum series coalescentes continet. Ad singulas branchias arteria & vena pertinent, quæ per cirros veluti reptantes propagines exiles utriusque generis per omnes fimbrias emittunt. Inter hæc vasa, sunt foramina varia, quæ ductibus manifestis aquam musculorum circularium inferiori commissurâ absorptam, in pinnarum interstitia devehunt. Branchiarum motus ipso conspectu deprehenditur, nam musculi circulares, qui eas complexi conchæ adhaerent, laxati ad extremas concharum margines percingunt; quo tempore, laxæ etiam branchiæ aquâ imbuuntur. Contracti verò musculi introrsum adducuntur, simulque ex branchiis modò admissa aqua excernitur. Existimant nonnulli, admissione illâ, & reiectione aquæ, aërem aquæ mistum ab Ostreo separari, & absorberi. Alii partes aquæ nitrosas, aut subciliores, quæ spirituum loco sint.

9. Hinc \* coniecere viri docti Branchias Piscibus esse pulmonum loco; in quibus sanguis, qui multis vasibus eò deferretur, refrigeretur. Ac sanè ut aërem in pulmones adducimus, & rejicimus: sic Pisces aquam in os admissam per Branchias revomunt. Atque hoc confirmatur ingenti copiâ vasorum, quæ in Branchiis cernuntur, & eò deferre sanguinem videntur, eadem de causa, ob quam per animalium perfectiorum pulmones transit.

10. Sic describuntur vasa Branchialia *Sturionis*, *Salmonis* & *Aselli*. † Aorta corde egressa, & versùs mentum ascendens, ramos ad dextram levamque emittit. Horum quisque illico divisus ad duo latera Branchiæ fertur, ubi singuli illi arteriosi rami iterum dividuntur, & Branchiam non procul ab ossea basi trajectiunt, ac tandem plurimos ramusculos emittunt, qui per le-

\* Nic. Steno de Roia Anm.

† Bo. Willis de Ang. Brw.

tera Branchiarum sparguntur, Aorta, in Branchias ascendens, Venæ Cavæ truncus ascendens junctus est, & una progreditur. In Branchiarum pinnis propagines venarum minores, majoresque ductus basi propiores, propaginibus & ductibus arteriosis comites se præbent, liquorem respondent. Si enim ductus majores aperias, cum venosis, tum arteriosis, foraminum in pinnae ducentium series apparebit. Liquorem etiam niger in arterias injectus, per Venas redit. Pars tamen duntaxat illius liquoris per foramina in pinnae fertur; pars vero altera canales recta permeat, & deinde in Aortæ truncum descendentem influir. Unde colligere est sanguinem in Piscibus, unoquoque circuitu ferè totum intra Branchias transire, ab Arteriis in Venas delatum.

11. Hinc gravis etiam injecta suspicio eos ipsos Pisces, qui pulmonibus carere videntur, respirare tamen, seu aut nitrosum quid, aut aëreum in venas trahere ex aquæ poris. Ac sanè si aquæ, ubi sunt Pisces, incipiant putrescere, aut si nimio calore, vel frigore particule aëreæ vel nitrosæ abigantur, aut corrumpantur, intereunt Pisces. Si nimis angusto loco claudantur, aut si plures sint quàm par est, in Piscina; etiamsi aqua eos omnes facile contegunt, & locum motui liberrimum præbent; attamen moriuntur, quia non est in ea aqua tot Piscibus sat magna pabuli illius vitalis copia.

12. Quam in rem singulare experimentum affertur. Cum sumpta esset Phiala sat ampla, & dimidia ex parte repleta aqua, ut circiter Pintam contineret, in eam per collum satis latum demissus est Gobius, qui celerrimo motu per aquam agitabatur, dum Phiala aëri aperto fuit exposita. Deinde intra Machinam Pneumaticam positâ Phialâ, aër ambiens cœpit hauriri, & eo usque exhaustus erat, ut vigesima circiter pars superesse judicaretur. Paulò post hæc sunt observata. Cum collum phialæ longum esset, cernebatur, qui-

Ex Rob. Boyle in *At. Lond. an. 1670. Tir. VII.*

dem



dem magna copia bullarum circa Piscem, sed reliqua aqua nullam spumam emittebat, nec multas bullas. 2. Piscis dixit vomere & ore & branchiis ingentem copiam bullarum; & si parumper quiesceret, novæ bullæ adhaerebant pluribus corporis ejus partibus, in primis pinnis & caudæ. Tum si natans eas bullas dissiparet, denique quiesceret, novæ bullæ circa eum cernerentur. 3. Toto fere illo tempore hiabat, branchiasque moritabatur, ut solebat, antequam Phiala inclusa esset, sed sub finem, quandoque neque aërem hians nec captabat, neque ullum emittebat. 4. Tandem stupor cernebatur, nec eo minus velociter natabat, sed verò paullo post celerius movebatur, quasi bullis illis emissis letatus. 5. Tribus horis, postquam inclusa Phiala fuerat, motum omnem amiserat Gobius, & fere rigidus videbatur. Tum verò aer & aqua extrinseca, apertâ machinâ, intromissa sunt, quibus resocillatus eque ac antea movere coepit, & per decem dies in Phiala vixit.

13. Hinc credibile sit, per poros Branchiarum, partes quasdam aëreas in corpora Piscium subire, adeo ut illi tumeant; quandoquidem exhausto vicino aëre, ex Piscium corpore bullæ egrediuntur aëreae. Eæ autem cavitates, per quas aer admittitur, videntur iis esse loco pulmonum; & fortè etiam illac regreditur.

14. Quamvis in plerisque Piscibus non cernantur *Pulmones*, quia aërem purum non ducunt; sunt tamen multi pulmonibus præditi, ut Balæna, Phocæ, Delphini, alique. Verùm hi Pisces in summa aqua piscium versantur, ut aërem capiant, neque in fundo diu manere possunt. Videntur aërem pulmonibus excipere, deinde aquam subire, sub qua paulatim eum expirant; eoque prorsus reddito, ad summam aquam redire.

15. Digni sunt observatu pulmones Ranarum, facileque id potest fieri, propter structuræ simplicitatem, & quia membranæ, carnèsque, quibus constant, pellucidæ oculos in intimas partes non ægrè admittunt.



In Rana ergo, scisso juxta longitudinem abdomine, erumpunt pulmones utrinque cordi adherentes, qui non ut in cæteris animalibus illico flaccescunt, sed tenses perdurant, quo fit ut sub aqua Rana aliquamdiu vivere possint. Primo intuitu, nihil aliud esse videtur præter membraneas vesicas, maculis ordine dispositis distinctas, ut corium Piscis, qui Squamæ dicuntur. Figuræ & extimis protuberantibus referunt potius pineum. Sed si accuratius, opæ Microscopii, inspiciantur omnia, non macule cernuntur sed ingens vasculorum copia, ex vena & arteria pulmonaribus predominantium, & quæ ita miscentur, ut sæpe inter se conficiant. Cavitas pulmonum non est lævis, sed variis alveolis ferè hexagonis, quos parietes distinguunt, aspera.

16. Cor † aliquot Piscium habet tantum unum Ventrículum quod in Raia, Rana, Testudine aliisque amphibis observatum est. Unde sanguinis circulationem paulò aliter in hominibus, & animalibus perfectis fieri, quàm in variis Piscibus liquet. Sic non totus plane sanguis per pulmones Ranarum, aut branchias Rariorum transit, sed ea pars quæ illac fertur reliqua mista san recedit.

17. Uterus Piscium non multum abhorret ab utero Avium, de quo postea; sed omnium Piscium non est equè similis. Raie uterus maximè affinis est Gallinarum utero. Habet enim Ovarium duplex, quod in commune receptaculum vicibus ovum unum effundit.

18. Ovarium \* in Ranis fœmellis duplex cernitur, quod in Serpentibus, Lacertis & Salamandris qui eas dissecuerunt animadverterunt. In media alba substantia puncta sunt nigricantia, quæ fortum Ranarum constituunt. Striæ adiposæ copiosis ovaria propagunt.

\* M. Malpighi in Ep 2 ad A. Borellum.

† Olaus Jacobus in Tr. de Ranis. Nic. Steno Ej. de Raia.

\* Jacobus, ibid.

bus adocuantur. \* Alius qui Piscem ex Canum genere anatomico cultro secuit, curiosusque oculis illustravit. Ovarium etiam in utroque latere unum vidit, quibus plurima ova continebantur, magnitudine colore, & figura discrepantia. Alia erant alba, alia aqua, alia flavescentia, alia rotunda, alia oblonga, alia multis tuberculis inaequalia. Sacculis duobus longis similia erant Ovaria. Oviductus item geminus erat, licet utrique & exitus ad podicem idem fuerit, & idem in abdomine infundibuli ostium. † Similia sunt in Raia observata, sed ova \* sunt singularis figurae (quod tamen in aliis etiam Piscibus marinis observare est). Sunt, nimirum, quadrata & oblonga, testamque molli lamugine vestitam habent, ex cuius quatuor angulis toridem lingulae exeunt. Aperta testis exhibet albumen tenue, vitellum vero puniceum est coloris, cum cicatricula insigni. Ad ingressum Ovarii, sunt duo corpora albicantia, & glandulosa, quae succum album sat magnâ copâ evomunt, qui videtur albuminis, & testis, quando induratus est, materia.

19. Omnium Piscium, exceptis Crustaceis, caro & ossa sunt ut in aliis animalibus disposita, adeo ut ossa carne semper tegantur. Partes etiam internae à capite ad extremas partes circiter eundem ordinem servant. Verum in Astaco, † Cancro, Gammaro, Squilla, &c. qui sunt retrogradi, inversus etiam est ordo. Neque enim ossa teguntur carnibus, sed carnes ossibus. Pedum, capitis, dorsi, caudae, aliarumque partium motuum, aut immobilium musculi ferè omnes (exceptis temporalibus) integumentis crustaceis includuntur. Providentiâ divinâ ita formati sunt, quia cum inter scopulos & aspera saxa vivant, & finem impellente vehementius quandoque iis allidantur,

\* Steno de Cane Carcharia.

† Steno in Diss. Raia.

\* Gualterius Neulham.

† Th. Wilisus de Anima Brutorum.

crassa, ut vitales essent, veluti *navalia* muniri eos oportuit. Ne autem crustacea integumenta membranas aut carnes subjectas asperius comprimant, aut confringant, intrinsecus molle crasso purpureo, tanquam molli panno, vestita sunt. Ut ossa & carnes inverso sita sunt: ita & interiores partes se habent. Hepar, stomachus, & uterus capiti propiora sunt, cor in dorso adnectitur. Quin & medulla spinalis non dorso & supra viscera, sed infra, inferiori corporis parti incumbit, ac Sterni ossibus, sive commissuris, innodatur.

10. Tam pauci Nervi \* e Piscium cerebro exeunt, & per corpus sparguntur, ut non videantur eorum motibus sufficere. Sed tantus e spinali medulla procedentium numerus est, ut planum compositum ex eorum sectionibus transversis longè superet spinalis medulle transversim sectæ planum; unde omnium nervorum extremitatem non esse in cerebro credibile est, adeoque omnes motus Piscium a cerebro non penderent; quod circa alia animalia vulgò creditur. Idem confirmari videtur spinalis medullæ crassitie, quæ in Piscibus eadem permanet toto Spinae ductu, cum tamen, si nervi per eam a cerebro usque descenderent, oporceret, eam sensim magis, magisque attenuari, quandoquidem, quo est caudæ propior, eò plures nervos emittit.

11. Alii Pisces sanguinem habent, seu purpureum liquorem per venas & arterias fluentem; alii loco sanguinis liquorem instar aquæ. Sed præter vasa, quæ venarum & arteriarum vice funguntur, † habent etiam nonnulli, ut qui sunt testacei generis, rubos apertos, quibus aqua ad ultimos serè eorum recessus vehitur. Quod videtur idè a Creatore omnium factum, quia cum sæpe in secco maneant, & aqua interea indigeant, ut vivere possint, utriculos eà plenos in corpore suo habeant necesse est. Illo penu durante, in aperto aëre,

\* Steno de Cane Carcharia.

† Willisius de Anima Brutorum.

æquè ac sub aqua vivunt, sed illo exhausto, brevi moriuntur, ni iterum aquâ integantur.

22. Digna est, quæ observetur, in Piscibus plurimis, sanguinis circulatio, aut ejus liquoris qui loco sanguinis est; cum, ut jam obiter observavimus, careant altero cordis ventriculo. Sic aperto Ostreo, infra ventriculum, occurrit Pericardium, ubi est Cor albicans, unâque auriculâ amplâ & nigricante præditum. Referato Pericardio, cor pulsans conspicitur, & singulis Diastolis humorem viralem è vena Cava admittens, deinde singulis Systolis in Aortam è regione sitam eum propellens. Aorta exceptum humorem, per tripartitos ramos, corpori dividit. Pars superius fertur ad caput, hepar, & stomachum; pars in musculum rectum reflectitur; sed longè maxima magno Aorta trunco ad Branchias, ut diximus, delata, illic in ductus minutissimos & numerosissimos dividitur.

23. Postquam ad extremas partes ita delatus est sanguis, aut humor qui sanguinis loco est, per Aortæ ramos, regreditur per Cavæ rivulos. Conspicuum hoc est in pulmonibus Ranarum, quibus etiam est unicus cordis ventriculus. \* Apertâ Ranâ, & etiamnum vivente, ope Microscopii, sanguinis contrarii motus cernuntur. Per ramulos enim arteriæ in pulmonis varias cellulas delatus, aut eas uno vel altero ramo pertransit, aut è ramis desinentibus in eas depluit, & per sinus varios circumductus undique spargitur; donec veniens ad loca, in quibus resorbentes venarum rami hiant, in eos incidat, & sic ad cor referatur. Alii rami arteriarum sunt cum venarum ramis ita contexti, ut Anastomosi jungantur, & immediatè sanguis ex arteriæ ramulo in venæ ramulum effundatur.

24. Hinc quidem colligere est sanguinem Piscium non semper totum per pulmones transire; sed tantâ copiâ eò desertur, ut id quod respiratione trahit, non difficulter reliquæ sanguinis massæ affundat. Plurima alia non injucunda in iis, à viris harum rerum studiosis,

\* Malpighius in Ep. 2. ad Borell.

observata sunt, quæ brevitatis causâ non attingimus. Superest duntaxat, ut de eorum generatione pauca quedam addamus.

15. Inter Pisces, quemadmodum inter serpentes, alii sunt ovipari, alii vivipari. Qui \* pilo vestiuntur animal pariunt, ut ait *Plinius*, ut *Pristis*, *Balæna*, *Virolus*. Hic parit in terra; pecudum more, secundos partus reddit. Parit nonnunquam geminis plures, educitque mammis foetum, nec ante duodecimum diem educat in mare, ex eo subinde assueticiens. † *Delfini* pariunt catulos, decimo mense, æstivo tempore, interm & binos. Nutriunt uberibus, sicut *balæna*, atque etiam gestant foetus infantiâ infirmos.

16. Alii ova emittunt variis temporibus, & variis modis, ut observarunt naturæ rerum curiosi, quibus tamen per omnia credere necesse non est. \* Pleræque feminae innumerabilia in mari, stagnis, ac fluviis ova ejiciunt quorum maximam partem mares ejusdem generis, aut aliorum, devorant. Quod nisi fieret, implerentur omnes aquæ piscibus. Quæ non absumentur, calore excluduntur, alia citius, alia serius, pisciculi ex ovis elapsi magnâ celeritate natare incipiunt, sine ulla matrum cura. † *Torpedo* octogenos foetus habens invenitur, eaque intra se parit ova præmollia, in alium locum uteri transferens, atque ibi excludens. Simili modo omnia, quæ cartilaginea appellantur. Ita fit ut soli piscium & animal pariant & ova concipiant. *Silurus* solus omnium edita custodit ova, sæpe & quinquagenis diebus, ne absumentur ab aliis. Ceteræ foeminae in triduo excludunt, si mas attingit. Hæc *Plinius*.

17. Idem auctor est *Ranas* parere minimas carnes nigras, quas *gyrinos* vocant, oculis tantum & caudâ insignes: mox pedes figurantur caudâ findente se in posteriores. *Mirumque*, inquit ille, *f. nostri vitâ resolu-*

\* *Lib. ix. cap. 15.*

† *Ibid. cap. viii.*

\* *Vide ejusdem lib. cap. 1. & seqq.*

† *Ibid. cap. 51.*

vantur in limum nullo cernente, & rursus vernis aquis nascuntur quæ fuere; naturæ perinde occulta ratione, eam omnibus annis id eveniat.

28. \* Sed Plinium in multis falli & generationis ordinem invertere docuit experientia. Sperma Ranarum, è lacu sumptum, vitreo vase exceptum, radiisque solaribus expositum, sequens exhibet spectaculum. I. Cernuntur ova, in quibus mediis est globulus nigricans; instar seminis Cataputiæ minoris. Ei globulo est, intra putamen ovi, liquor albicans circumfusus. II. Apparet fissura quædam in medio globulo nigro. III. Pars anterior globi obtusa manet, posterior acuitur, & aliquantum loco movetur, relinquitque exiguam cavitatem. IV. Ranula erumpit ex ovo, & caudæ remigante, in aquis natat. Est instar vermiculi crassi, obrosoque capite. V. Nescio quid quod ex capite (& protuberans primum conspicitur,) sensim evanescit. VI. Oculi apparent, adhibito Microscopio, satis amplii. VII. Rotundum cernitur oris vestigium, quo injectum gramen, attingunt, & fortè aliquatenus sugunt. VIII. Appendicula, intestino similis, in aquam de lapsa, cedit illis in alimentum. Sunt qui existiment excrementum esse ranularum, quod iterum sorbeant & concoquant. IX. Maculæ apparent per cutem sparsæ, striæque in cauda. X. Pedes posteriores erumpunt, quorum digiti etiamnum sunt tenui membranâ involuti. Anteriores, in membrana interea latitantes, dissectione cernuntur. XI. Pedes anteriores expédiuntur, eoque tempore Ranula, cui cauda est longa, quatuorque pedes, Lacertæ haud absimilis est. XII. Cauda sensim angustior fit, & Ranæ corpus, quod membranulâ involutum erat, eam exuit. XIII. Cauda tandem deponitur, Ranæque expeditior facta, nullam postea mutationem patitur.

29. Verum quidem est quod ait *Plinius*, Ranas instante hyeme in limum resolvi; tum enim frigore enectæ putrescunt. Sed falsum est easdem vere sequente

\* *Olaus Jacobæus in descript. Rana.*

nasci, quæ enim tum cernuntur ex ovis æstate antecedente depositis nascuntur, cum calor æris ea potest excludere.

30. Sunt \* qui mirabilia narrant de Piscibus in terra natis, & fodiendo inventis, quod in Melita insula fieri & deprehendi aiunt. Sed primò vix est credibile eos Pisces, in terra esse natos, cum in dura nasci nequeant, neque etiam in molli quâ diluerentur. Secundò potuit, ubi terra compactior est, olim fuisse stagnum, quod exsiccatum fuerit piscibus in luto hærentibus, quibus postea superimposita fuerit terra, unde sit ut fodientibus sese offerant.

31. Non potest obijci soliditas eorum corporum, quæ quandoque æquat lapidum duritiem; aut mollietates, quâ in pulverem faciliè quandoque comminuuntur. Faciliè enim potest fieri ut sales terrestres, aut minerales succi, ita poros piscium subeant, ut eos indurent, instar lapidis, nam & multa alia falsis fontibus immissa lapidescunt. Facile etiam contingit, ut eriscentur tantum, aded ut vehementiùs compressi in pulverem abeant. Ossa igne diutiùs cocta, cornuâque curvi philosophicè, ut loquuntur, calcinata, magnitudinem quidem & figuram servant non admodum mutati; quamvis friabilia sint, ut ex tactu liquet.

\* N. Steno in Ep. de Cane Carcharia.



## CAPUT VI.

## De Avibus.

1. **E**Xternis etiam quibusdam accidentibus, *Avibus* varia genera dividuntur. Prima distinctio, iudice *Plinio*,<sup>\*</sup> pedibus maximè constat, aut enim aduncos ungues habent, aut digitos, aut palmipedum in genere sunt, uti Anseres & aquaticæ ferè aves. Aduncos ungues habentes carne tantùm vescuntur, ex parte magna. Verùm hæc omitemus, quæ ad corporis Avium intimam dispositionem cognoscendam nihil faciunt; eaque trademus quæ, præ cæteris, in avibus singularia sunt.

2. Ut à capite incipiamus, partibus externis omittis, † si os effractum sit, conspiciendam se præbet *dura mater*, quæ totam cerebri massam arctè complectitur. In anteriore parte, ubi cerebrum in duo hemisphæria dividitur, sinus est in longum extensus, qui tamen nullâ falce in interstitia demissâ, minùs profundè cerebrum subit. Deinde ubi hæc membrana cerebrum, & cerebellum separat, duo sinus ad latera formantur, quibus quartus, ut in aliis animalibus, addendus, sed magis ad posticam capitis partem vergens.

3. *Durâ matre* amorâ, occurrit *pia mater* valde tenuis, neque crebris vasorum plexibus, ut in aliis animalibus, distincta, sed subtilissimo fibrarum contextu constans. Ambit cerebri superficiem planam & æquabilem, nullisque gyris & amfractibus præditam.

4. Si ad ipsum cerebrum accedamus, præterquam quòd desunt avibus *corpus callosum*, *fornix* & *corpora striata*; cerebri figura, in volucris, collata quadru-

\* *Plinius Hist. Nat. lib. x. cap. 11.*

† *Tu. Willisus de Cerebro.*

pedum & hominis cerebro, inversa videtur. Cum enim in homine & brutis corticalis pars cerebri exterior sit, cui substrata est medullaris: in avibus inferior cerebri compages, quæ mole crassiori constat, corticalis loco est, membrana verò extima & superior ventriculorum concamerans, medullaris est. Ventriculi, in Hominis & Quadrupedum cerebris, infra & prope fundum; in Avibus superius, & juxta oram exteriorum, siti sunt.

Discriminis hujus quidam hanc rationem excogitant, quòd in cerebro perfectiorum animalium non modo oriantur spiritus animales, sed etiam variè moveantur multiplicésque usus præstent. In parte, nimirum, corticali gignuntur, atque in medullari, quæ subjecta & satis ampla est, circumaguntur variis-que cidentur motibus. In Avium verò cerebro locus quidem est satis patens generandis spiritibus animalibus, sed vix in eo circumagi possunt. Nempe, inquiunt, Avium cerebra muneribus Phantasiæ aut Memoriae non multum occupari videntur. Existimant eos, ad tuendas functiones animales, in medulla oblongata potissimum versari, atque inde per reliquum corpus defluere. Ac sane ad medullam oblongatam due sunt, ut jam diximus, insignes protuberantiæ, quæ tantæ sunt, cum reliquis cerebri partibus collatæ, ut pœnè alterum cerebrum videantur.

6. In medio caudice medullari, cui protuberantiæ memoratæ utrinque adnascuntur, rima est ad infundibulum pertingens, ad quem utriusque ventriculi orificia dehiscunt, ut videantur serositates illac è cerebro defluere. Conjiciunt nonnulli hæc cavas prominentias, in volucris, corporis callosi vicem supplere, atque in iis variè spiritus animales moveri. Cum autem in Avibus spirituum animalium usus totus ferè, ut judicant, ad facultates sensitivas & locomotivas pertineat, non ad Memoriam aut Phantasiam; præcipuus eorum locus ibi esse debuit, unde quàm citissime in reliquum corpus defluere possint, nec ullus alius

aptior est cavitatibus illis medullæ oblongatæ adherentibus.

7. Sed cum varia hæc sumantur quæ incerta sunt, quæ de facultatibus, nimirum, dicuntur ope spirituum animalium functiones suas exercentibus, ne jam deformatione eorum spirituum, & receptaculis quibus continentur dicam; conjectura hæc non est eodem loco habenda, ac quæ oculorum constant testimonio. Cavendum imprimis ne res ipsas huiusmodi conjecturis accomodemus, cum conjecturas ad res exigere oporteat, quod tamen sæpe faciunt Philosophi.

8. *Arteria Carotides*, quæ ad Avium majorum cerebrum sanguinem evehunt, usque adeo exiles sunt, ut nulla sit proportio inter eas, & perfectiorum animalium arterias. Trunci earum intra Calvariam, sine divaricatione ulla, in plexus retiformes, eodem quo in aliis animalibus modo, juxta glandulam pituitariam ascendunt, & recta cerebrum petunt, vasorumque exiles quasdam propagines cum ad externum ejus ambitum, tum per interiores recessus distribuunt.

9. Ad latera rostri, *Nares* in Avibus animadverti observavimus antea. Præter tubum, qui ad pulmones pertingit, in intimis earum partibus, cernuntur tubuli membranacei, vesicarum instar. Ad summam partem, ex anteriore parte cerebri, duo feruntur nervi, quorum membrana ex membranis cerebri, medulla ex ipso cerebro trahitur. Hi nervi usque ad initium rostri porriguntur. Itaque tubuli illi videntur esse, in Avibus, organa olfactus, postquam enim odorifera corpuscula ad eas pervenerunt, eas subire videntur, & nervos eò usque porrectos agitare. In Hominum verò & Quadrupedum capite supra narium tubos, os est cribrosum, multis foraminibus insigni, quibus non duo, sed plures, iique admodum exiles nervi feruntur, & tunica narium intima operientem inferuntur; quo fit ut ea narium membrana sensui odoris aptissima sit.

\* *Conrad. Vell. Schneiderus de Osse Cribroso.*

10. Itaque hoc quoque, ratione ossis cribrosi & nervorum olfactoriorum, est inter homines & aves discrimin. In homine per foramina ossis cribriformis ex integumentis cerebri plures quidem, sed exiliores descendunt nervi ad intimam narium membranam. At in Avibus duo sunt duntaxat, in osse anteriore cerebri, foramina, per quæ duo nervi ad rostrum feruntur, sed, pro mole Avis, majores, quàm singula nervorum humanorum filamenta.

11. Si cranium Avium pluribus foraminibus pateceret, irrupentis aëris copiâ offendi posset cerebrum, volatilisque impediri. Imò foramina illa in Aquilis, arte aucta, dicuntur obistere quominus tam altè sese efferre queant. Ac sanè si nimiam aëris copiam volantes, adverso vento, naribus exciperent, vix possent cursum tenere.

12. Consideratu digna est avium *Trachea Arteria*, ad quam aër ex naribus fertur. \* Cum in Hominibus & in Quadrupedibus, musculos vocis efformandæ necessarios cernamus summæ Tracheæ adnexos, in Avibus, juxta longitudinem sæpe protensi sunt; & plura etiam sunt in Aquila musculorum paria, paulò supra Arteriæ divaricationem. † Observatus est in nonnullis musculus & faucibus ad summum thoracem porrectus. Ubi desinit Trachea fit ossea, ampliaturque in receptaculum aëris ingens. Mox dividitur in duos ramos cartilagineos, deinde membranaceos.

13. In Cygno mirabilis est asperæ Arteriæ structura. Per colli longitudinem juxta Oesophagum porrigitur, donec ad Sternum perveniat, in cujus capsulam incurvo flexu recondit. Postquàm verò pervenit ad hanc cavitatem, reflectitur, egrediturque angulus sterni, atque in claviculas medias ascendit, quibus ut fulcro nixa ad thoracem flectitur. Si contingerit Cygnum, aut ætatis, aut naturæ vitio, carere Sterni

\* Nicol Steno in *Myolog. Aquila*.

† G. Blasius in *descrip. Anatis*.

‡ Bartholinus in *Cygni Anas*.

capsula, aspera Arteria rectâ procedit, breviorque est quàm in aliis Cygnis. Antequàm autem ad Thoracem & illic sitos pulmones perveniat, laryngem efformat cum osse Hyoide, latâ membranâ vestito, & fistulam referente; superius latâ sed angustâ rimâ, inferius verò angustiore & depressiore. Postea, priusquam pulmones subeat, in duos ramos divaricatur (quod & in aliis Avibus observare est) Bronchiis non absimiles, tumidiore medios, & quâ pulmonibus viciniore sunt angustiores.

14. Humana quidem aspera Arteria in ramos & Bronchias dividitur, sed postquàm pulmonum substantiam ingressa est. At ejusmodi esse debuit Cygnorum Trachea, ut possent vivere, quemadmodum vivunt. Cùm enim è stagnorum fundo victum petant, nec tamen aquam subeant toto corpore; indigebant primùm longissimo collo, ut eò pertingere possent, corpore exstante ex aqua. Deinde cùm sæpe per dimidiam ferè horam, collum in fundum aquæ extendant, pedibus in altum elatis cœloque obversis, ex ea Arteriæ parte quæ est in Sterni capsula, quasi ex penu quodam, spiritum hauriunt. Denique copioso aëre opus erat pulmones per bifidos ramos implere, ut tantum corpus, vesicæ instar aquæ supernataret.

15. Adnexi sunt Tracheæ *Pulmones*. In Anatibus pulmonum munere funguntur vesicæ membranaceæ, ad ventris inferiora porrectæ, quod status vehementior per Tracheam immissus ad oculum ostendit. Quod proximè Tracheæ conjunctum idrubicundi oris coloris est, & dorso adhæret; arque hoc propriè dictus *Pulmo* habetur. † In Aquila, similiter pulmo est coloris rubri, qui ad renes usque descendit extremis Bronchiis, & abdominis mediam capacitatem late occupat, adeò ut aër per utrumque foramen immissus, quod vix pilum admittens in abdomen hiat, quaqu-

\* G. Blasius in *Anat. Anatis*.

† Olai Burrichii *Aquila Anatome*.

terum hujus cava impleat. Quod etiam in aliis Avibus tenetur.

16. Neque hoc frustra machinatus est rerum omnium Opifex, magnâ enim illa aëris copiâ, quâ turgent Avium corpora, muldò leviora fiunt, quàm si exigui essent pulmones, & corpus totum crassioribus & compactioribus carnibus constaret. Præterquàm quodd penur levissimæ sunt, quæ aërem verberant, nec corpus quidem, pro suâ amplitudine, grave est; quia tam solidum non est, ac Quadrupedem corpora.

17. Non defuerunt qui contulerint *Ventriculorum* & *intestinelorum*, in variis animalibus, dispositionem, qui poterunt ab harum rerum curiosioribus consuli. Cum nulla ferè avis tam singularem ventriculi dispositionem nacta sit, ac Gallinæ, ejusdemque generis aves, quæ granis vescuntur, eam hîc paucis describemus, omittis aliis Avibus.

18. Gemino † ventriculo instructa est Gallina, quorum tamen alter, nempe, superior, nonnisi improprie ita vocari queat. Est membranaceus saccus qui à medio collo ad Sternum usque porrigitur, & qui escâ tumidus facillè potest cerni & tractari in vivo animali. *Intestinus*, solet appellari, estque comparata, non ad coquendum atque in chylum resolvendum alimentum, sed ad excipienda frugum grana, & aliquatenus emollienda, ut postea in ventriculum propriè dictum demittantur.

19. Plerorùmque animalium ventriculi tenuibus constant membranis foris candicantibus, intus verò crustâ villosâ, molli & lubricâ obductis. At Gallinæ ventriculus carne solidâ compactus est, & colore rubicundo, ejusque interior superficies inæqualibus ac duris cartilaginibus incrustata exasperatur.

20. Latitudo duplo major est, quàm longitudo; & quamvis totius ventriculi insignis sit magnitudo, attra-

\* Nohem. Grew, in *Comparativa Anatomia Ventric. & Intest.* Anglice edita anno 1682.

† Jean. Peyerus in *Anat. Ventr. Gallin.*

men propter carniū crassitiem, ne nucem quidem admittere potest. Totius machinæ figura est ovali proxima, atque utrinque nonnihil depressa, extuberantibus in media quasi collibus quibusdam. Extrema semicircularia sunt, & æqualia, ac in obtusam & rotundam oram finiuntur.

21. Constat totus stomachus duobus paribus musculorum, quorum exterius crassius, interius verò tenuius; & membranâ nervis & tendinibus constrictâ. Est consideratu dignissimus fibrarum in eo situs, quem tamen brevitatis causâ, omitemus, cum præsertim facile in elixa ea parte Gallinæ cerni possit. Musculorum junctorum ea est facies, ut duobus corporibus semel-naribus cornua sibi mutuò obvertentibus adsimilari queant.

22. Sublatis duobus musculis, apparet Membrana nervo-tendinosa; crassa & densa eo in loco, ubi par musculorum laterale adnatum hæret, in fundo autem & dorso reliquisque ventriculi confiniis, tenuis & delicata, sed intrinsecus crustâ quadam villis perpendicularibus constante munita.

23. Ventriculo secundum longitudinem aperto, cernitur ea crusta in utroque pariete, dura & crassa, ad eò ut callosa aut veluti cornea videatur, & subluvei coloris sit. In exteriori superficie cavitates habet, quibus adnectuntur transversī musculi. In interiore verò sunt sulci transversī, quibus fit utrinque asperitudo. Inter hosce sulcos continetur esca, hoc est, granorum particula comminuta, admixtis plurimis lapillis duris & splendentibus, plerumque albis. Quandoque etiam vitrea, imò etiam acicularum frusta illic inveniuntur.

24. Hæc est ipsius stomachi descriptio, sed præterea duo in eo considerata sunt foramina, alterum nempe in quod definit *Oesophagus*, & per quod alimentum concoquendum decidit in ventriculum; alterum per quod concoctum in intestina descendit, quod *Pylorus* solet vocari.



15. Oesophagi extremitas, antequàm ventriculum libeat, in quendam quasi bulbum rubentem extubescit, quem si extrinsecus inspiciamus, variis orbiculis & circellis, per membranam musculosam transparentibus, constare videbimus. Si membrana illa, quæ fibris circularibus & rectis tenuissimis contexta est, auferatur, tum tota circulorum illorum compages corneæ carunculis subrubentibus, oblongis, teretibus, densisque ordinibus musculosæ membranæ imbricatim appositis, coagmentata. Earum caruncularum bases, extrinsecus, instar circulorum, transparent per membranam.

16. Caruncula illæ aut, si glandulas mavis, juxta longitudinem dissecæ cavæ deprehenduntur, earumque extremi apices in gulæ cavitatem patentibus ostiolis hiant. Si bases earum presseris mucum subviscidum & albicantem effundunt apices, eoque etiam liquorem madent interni glandularum parietes. De hujus succi usu, postea videbimus.

17. Alterum orificium, quo transitus concoctis cibis in intestina patet, est ejusdem propè altitudinis & ex ampla cavitate, in Pylorum fibris rectis & circularibus præditum, inque intestina ductu nonnihil retorto desinentem, arctatur. Est autem veluti quoddam sepimentum transversum, inter utrûmque orificium, idque protuberans; quo in loco nonnunquam grana optimè comminuta, aut liquor turbidus invenitur.

18. Sunt etiam in ventriculo Gallinæ Venæ, Arterię & Nervi, sed de quibus nihil dicemus, quia hoc singulare non habent. Præstat generatim observare autem omnium Opificem, singularum specierum ventriculos ita elaborasse, ut aptissimi sint excipiendo alimentum ei speciei conveniens, respuant verò victus animalis constitutioni contrarios. Quod exemplo memorato manifestius fiet, si singularum partium usum quæserimus. Cum enim Gallinæ vescantur granis variorum frugum, ita dispositus est earum ventriculus, ut

*Mola vivens* dici possit, quemadmodum ostendet primum, quibus constat, examen.

29. *Mola* in tres partes potest dividi, in *Infundibulum*, *Molam*, & *Incorniculum*, quæ partes in Gallinæ stomacho inveniuntur. *Infundibulum* vocari potest glandulosus Bulbus de quo diximus, in quo sæpe magna est granorum copia, & qui ostium, per quod introitus in molam patet constituit. Hujus infundibuli munus est deglutita, vel ex Ingluvie suppeditata grana excipere, eaque aliquamdiu asservata in ventriculum demittere. Ne autem pondere granorum, plura simul illabantur, quàm probe comminui possunt, fibris quibusdam musculosis orificium hoc in orbem cinctum est, quarum constrictione, quæ pondere pleni ventriculi sit, & incumbentia grana sustinentur ac sustentur, & regurgitationi jam illapsorum obviam itur.

30. Præterea escam, hoc in loco, idèd nonnihil morari necesse est, ut priusquàm ventriculum subeat liquore è glandulis, quæ illic sunt, fluente imbuatur. Si quæretur quis sit succi illius usus, credibile est adhiberi ad sicciora alimenta mollienda ac diluenda, & fortè etiam ad ea fermentanda. Certè nisi sit liquor quispiam subtilis, & cujus partes facilè motum concipiant, & ea quibus affunduntur perinde afficiant; vix ac ne vix quidem licebit intelligere quì aut grana frugum, aut carnes, aut aliud quodvis alimentum, tam brevi tempore dissolvantur, & in tenuissimum Chylum convertantur. Solo profectò calore fieri hoc non posse variis experimentis constat.

31. Sunt qui crediderint acidum esse eum liquorem, sed cum gustu, tum etiam aliis experimentis contrarium liquet. Margaritæ enim quæ acidis facillimè dissolvuntur, Gallinis deglutiendæ datæ postea ex eorum stercorebus integræ sublatae sunt. Attamen videtur omnino concoctionem juvare is succus, quandoquidem non in Gallinarum duntaxat, sed & in aliarum Volucrum ventriculis glandulæ illæ concavæ reperiuntur. Et cum illa pars plurimis arteriis & nervis

vulvis

vili semper instructa sit, fortasse ex nervis eò defluit, ut ex arteriis etiam, liquor aliquis subtilissimus, qui id quod diximus præstet.

32. Sunt etiam in aliorum animalium, hominúmque intestinis plexus glandulosi, iis quos descripsimus per similes, nisi quod sint minores. Fortè utrorúmque aut idem, aut similis est usus. Cúmque homo aliáque animalia, ut Castores, glandulas ipsi ventriculo implantatas gerant; videntur ex in Gallinæ aliarúmque Avium ventriculis, extra sitæ esse singulari de causa. Nimirum, callositas interna membranæ stomachi, lapillique qui in ejus sulcis occurrunt apices glandularum hæderent, easque tandem attritu planè deleverent.

33. In ipsa Mola, sunt musculorum, ut diximus paria duo, & membrana callosa, quâ introrsum stratus est ventriculus. Cùm musculi motui membrorum sint comparati, credibile quoque est musculos stomachi Gallinarum motui ejus, & terendis granis, inservire. Dum itaque musculus dextri lateris obliquè deorsum movetur, musculus sinistri lateris fursum agitur & vicissim. Quâ reciproca agitatione, aliquamdiu durantes, effracto granorum cortice medulla exprimitur, & in farinam commolitur. Tum liquori è glandulis memoratis stillanti permissa, in pulvem tenuem ac liquidam abit, ex qua chylus in intestinis postea fit, futurum sanguinis & partium solidarum alimentum. Si accuratius inspiciatur horum musculorum dispositio, optissima hisce effectibus edendis comperietur, quod brevitatis causâ omittimus.

34. Musculi verò dorsum atque fundum ventriculi stipantes, contrario lateralibus fungi munere videntur. Hærenim callosam ac ferè corneam utrinque membranam conjungentibus, & sic interjecta grana atterentibus; illi sese, cùm opus est, contrahentes superficies membranæ dimovent, ut hians stomachus cadentia ex infundibulo grana denuo excipiat. Præterea superior, dum constringitur. Infundibulum claudit, impeditque quominus id quod molæ injectum est regurgitet. Inferior

ferior verò contractus obstat quominus esca, non satis concocta, in intestina decingat. Cum vero in pulcrum redactum est alimentum, ita fortè moventur musculi, ut id intestina impellant.

35. Quis calli, aut corneæ duritiei membrana sit, partim dictum est. Superior enim & inferior, impetu muscutorum, inter se commissæ grana frugum attrerunt & frangunt. Sulcis etiam ac prominentiis quibusdam exasperantur, ut attritio inter tot veluti scopulos vehementior sit. Atteruntur quidem ipsæ minime prominentiæ, sed fibræ à membrana nervo etiam nosa suppullulantibus, sensimque obrigescentibus reparantur: quemadmodum consumptos dentes reparari experientiâ constat.

36. Cavitatem, quæ est inter utramque membranam, recipiendo granorum, lapillorumque demensio comparatam esse res ipsa ostendit. Exigua proinde est, & instar rimæ, nec eo minùs septa & constructa musculosis fibræ, ne plus in eam ingeratur, quam commodè simul digeri potest. Nimio infarcto cibo, musculis ab officio cessantibus, quandoque Gallinæ intereunt; quod extraordinario cibi pondere, aut simili violenta de causâ fieri necesse est.

37. Ad id quod cavitate continetur quod attinet, duplicis id est generis, esca nempe, aliæque quæ ehere Gallinam non possunt, qualia sunt lapilli, frustula vitrea, & ferrea. Neque temerè hæc videntur deglutire, quippe quæ sunt ad commolenda tritici grana attritione aptissima. Nam non quosvis lapillos, aut calcem Gallinæ vorant, sed durissimos quosque, splendentes, & crystallinos, qui atterendo non ita facile consumuntur.

38. Incerniculi aut receptaculi nomine venit ventriculi fundum, Pylorus, cum suo antro & intestinis. In has enim partes comminuta alimenti massa concidit, & à furfure & admistis quisquiliis percolatione purgatur. Est autem Pylori sedes elata, & descensus ex eo mollior, ne frumentum è mola præcipiti lapsu excidat antequam

iniquam comminutum sit. Ob id limes etiam est interpositus, quo, ceu pariete intergerino, ne attrita cum integris commisceantur, provisum est. Fibra- rum etiam dispositio ostendit ostium Pylori non sem- per diductis faucibus patere; sed aliquantum dunta- xat debuisse, ne vel nimium uno impetu delabatur, vel quod nondum satis est subactum.

39. Cum per ventriculi partes sparserit Nature O- pita venas, arterias & nervos, horum usus quaeritur, non qui communis est cum reliquis animalis membris, sed ventriculo singularis. Ventriculo venæ & arteriæ alimæcum præbent copiosum, fieri enim nequit quin perpetuo motu multum substantiæ suæ amittat, quam proinde oportet perpetuo reparari. Nervi spiritibus valentur implere fibras ventriculi, easque magis inten- dere, tum etiam perpetuo movere.

40. Hæc potissimum singularia observata sunt, in Gallinarum ventriculo, cujus fabricam qui novit, si- mul intelligit dispositionem ventriculorum totius gal- linæ gregis, Meleagridum, item Anatum, Anse- ræque domesticarum, & sylvestrium, in quorum sto- machis similia cernuntur.

41. *Renes* \* Columbarum, diligenter inspecti, de- pectuntur. Sunt constare singuli tribus glandulis rotun- dis, secundum longitudinem inter se conjunctis, per quarum extimam superficiem ductus fertur, qui in In- testini Recti extrema desinit, eoque vehit album quod- dam, & liquidiusculam excrementum; quod mistum crassioribus purgamentis, per Intestinum eò delatis, si- mul egeritur. Atque hoc commune est omni Avium generi, cui cum desit Vesica, album illud corporis ex- crementum per Renes deferretur in Intestinum rectum, inde foras eficitur.

42. Vas illud quod in Renibus avium animadverti- tur illis est instar *Ureteris*, † qui sic describitur ab iis qui accuratius id lustrarunt. Per totam renum con-

\* Olav. Borrich in anatomia Columba.

† M. Malpighius de Renibus.

cavam longitudinem vas quoddam excurrit subalbugine à quo hinc inde rami procedunt, qui sensim latiores tubæ instar, facti, innumeras vasorum alborum collectiones admittunt à peripheria progressas; ita ut debitas hæreas an hæc candentia vasa à pelvi, quasi digiti manu, procedant, an verò latiores sint pelvis portiones in quas, ut in infundibula copiosas illa vasa serositate urinæ effundant.

43. *Uteri*. Gallinæ substantia est carnosissima, crassissima, pluribusque & majoribus plicis firmata. Figura ejus interna est ovalis, adeò ut videatur esse *mollis*, ut loquuntur, in quo ovum eam figuram accipiscitur. Eo enim in loco ovum perficitur, albumine cingitur, & testa contegitur.

44. Est in superiore parte Uteri processus quidam, qui *Oviductus* vocari potest, ob causam quam postea videbimus. Is prout ascendit altius, sensim gracilescit, minoribusque & paucioribus plicis constat, donec tandem in membranas abiens infundibulum constituat, quod totum Ovarium complectitur. Quamvis contractus quatuor digitos transversos vix excedat, attenuatus explicatus tres Hollandicæ ulnæ quadrantes excedit. Una cum Utero, membranâ dorso alligatus est, ne loco motus, & implicitus aliis visceribus vicellorum transitum moretur, utque liber & apertus eos molliter excipiat.

45. *Oviductus* & *Uterus* duabus constat membranis; quarum exterior lævis, interior verò, corrugata est, & multo, tenuique albumine mader, unde vitellus descendens augetur, circumpositoque paulatim albumine perficitur. Hujusmodi est constitutio Uteri & *Oviductus*, in Gallina, quæ etiamnum ova parit, sed in effœta adeò minuti sunt ut tenuissimas membranas referant; neque amplius flexuoso, sed recto ductu ad Ovarium tendant. *Oviductus* etiam pars inferior in effœtis clausa est, ut quæ prius ovis patuerat, ne vehementi quidem flatu aperiatur.

\* *Regu. de Graef.*



*Ovarium*, sive locus in quo vitelli continentur, est infra jecur, ad spinam dorsi, supra arteriam descendentem. Nihil est præter membranam vasculorum genere laxè intertextam, in qua est propemodum vitellorum multitudo, quæ in eum conglomerata cernitur. Hi sunt rotundæ figuræ & cujusvis magnitudinis, idque inter minimum & maximum interest discrimen, quod est inter granum lupini, aut etiam decuplo minus, & fructum nucis juglandis aut mespili.

Hi autem vitelli non sunt perfectorum ovorum habendi, sed tantum primordia, sive rudimenta ovorum, quæ in racemo eo ordine, eaque magnitudine disposita sunt, ut quotidie ejecto ovo succedat alterum. Nullum enim ovum in Ovario cinctum est alia tunica, vitelli tantum cernuntur, qui prout mole aucti, à mediis aliis veluti erumpunt; ut liberiùs crescant, dum minora in medio racemo sub majoribus latent. Dum ita augentur singuli vitelli, præter tunicam propriam, aliam ab ovario mutuantur, quæ illos circumsecus complectitur, si eam partem excipias quæ remotissima est ab eo loco in quo ovum veluti petiolo racemo adhæret. Hoc clarè liquet si immisso in petiolum tabulo, flatu exterior tunica distendatur, quæ in ovum nondum sat maturis interiori arctè est conjuncta, in maturis verò ita dissolvitur, ut vitellus suâ sponte cadat, aut contractis exterioris membranæ fibris expellatur. In Gallina delapsus ex Ovario Oviductu excipitur, & per eum ad Uterum fertur, remanente exteriori tunica, cum petiolo racemo affixâ. Hæc autem tunica evanescit, quemadmodum in foetis Gallinis totum solet Ovarium, cujus loco nescio quid glandulosum remanet.

Postquàm *Ovum* ad justam magnitudinem crevit, egeritur à Gallina, quæ deinde ei debet incubare aliquamdiu, ut calore suo commoveat materiam quæ putamine continetur, donec paulatim veluti emergat pullus; qua de re multi copiosè scripserunt, quorum scrip-



scripta integra, aut in compendium redacta habet *Gr. Blasius ad calcem, P. 2. Anatomie Brutorum.*

49. Omnes hac de re sententias referre per institutum breviam non licet. Quid experientia constat duntaxat trademus, & primum quidem ovum antequam incubet Gallina describemus, deinde quæ sensim in eo mutatio per incubitum fit ostendemus.

50. In Ovis sex \* tunicæ deprehenditur si diligenter inspiciantur. Est 1. tunica quæ testæ adhæret: 2. occurrat alia quæ ejusdem coloris & tenuitatis est, cavitateque subtenditur, & ovum arctè complectitur. Hæc dextrè detractâ 3. cernitur albuminis tenuioris tunica, venis, arteriisque, modò post aliquot dierum incubationem inspicitur, insignis. Entislo hoc liquore, 4. involucrium colliquamentum cui innatat pullus, sive hujus Amnion conspiciendum se præbet. 5. Tandem albumen crassius, & 6. vitellus peculiaribus vestitur & pullò in fundo ovi subjacent.

51. In Ovo nondum † incubato, sed secundo, hoc est, quem pepererit Gallina cui non deest Gallus, cernitur cicatrix inter Chalazas, ferè medio loco inter ovi extrema posita, ejusque magnitudo in ovo Indicæ Gallinæ lentem non excedit. Si Microscopii ope inspicitur, cernitur circulus candidus in centro, cum tenuissimis vesiculis pœnè continuus. In hoc colliquamentum continetur in quo pulli carina candidis zonis delineata natat. Ex Zonæ quandòque in extremitate interruptæ sunt, & spacium, inter eas comprehensum, est plumbei coloris succo plenum. Circa hæc est fascia quædam, quæ constat crassiore parte, ad vitelli naturam accedente, & parte liquidioris & fuscioris coloris. Iterum circa hanc fasciam est colliquamentum rivulus, qui & ipse cingitur angulari quadam & candidante zonâ.

52. Hæc est Cicatriculæ, in ovo nondum incubato, descriptio. I. At si vel per sex horas incubatum fue-

\* Gualther. Needham.

† Mars. Malpighius in Ep. de Ovo Incubato.

mutatur, carina enim avis videtur inniti vesiculae, & sunt evanida quædam capitis inchoamenta.

Mutantur etiam fasciæ variae quibus involvitur.

II. Post duodecimam horam, carinæ non modò caput cernitur, sed etiam orbiculares vesiculae, ubi postea sunt vertebrae, hinc inde adnexæ conspiciuntur. Est quidem aliqua hac in re varietas, aliæque in circumfluis humoribus mutationes, quas brevitercans omittimus. III. Post octodecim horas, non modò, quæ diximus, paulò clariùs cernuntur, sed etiam alarum inchoamenta. IV. Elapso die, amplior est tota cicatricula, & clausis utrinque zonis alarum, utrinque etiam tumor est, & Zonæ ad latera incernuntur.

V. Post triginta horas, cicatriculae circuli augentur, solvunturque. Area vicina varicosis vasibus circumdatur, quorum primùm color vitellinus, deinde ferrugineus est. In ea area vesicula est, & in capite polli cernuntur geminae appendices turgentium oculorum. Sunt intra Zonas variae vesicæ, loco cerebri, quodoque quinque numero. Inde producta spinalis medulla in extremitate opposita dilatatur, & tum etiam cor cerò apparet, circa medium corpus.

Hinc nascitur quæstio, corne, an sanguis prior existat, quam solvere facilè non possumus, quia hîc sensum auxilio destituimur. Hæc certò constant, ante incubatum, carinæ stamina observari, deinde incubatis primis horis vertebrae, cerebri & spinalis medullæ inchoamenta cum alis, & inductâ carnea portione manifesta fieri; corde, vasibus & sanguine latentibus. Cum tamen appareant in area umbilico vicina simili, probabile est cor carinæ appendi, præsertim quia sæpe, ante trigessimam horam, conspectum fuit. Unde non ineptè quis conjecerit, cor & vasa priùs eundem esse, sed influente demum sanguine conspicua fieri.

VI. Circa horas triginta sex ab incubatûs initio, omnia auctiora cernuntur; amplior enim facta cicatricula

cicatricula umbilicalem aream vasculis varicosis co-  
opertam exhibet. Illa reticularia vasa spatiis varia-  
rum magnitudinum distinguuntur, & nonnulla alia  
rectiora speciem trunci exhibent. Quod eorum con-  
firmat conjecturam, qui suspicantur plexus integros  
vasorum umbilicalium prius in cicatricula esse, & sub-  
euntis tantum humoris diductione & motu conspicui  
fieri.

56. VII. Post quadraginta horas, evidentiores va-  
narum furculi ab extremo limbo cicatriculæ in cor di-  
ducuntur, Carinâ in colliquamento natante, sacculus  
vicinus Amnion futurus, & alter amplior Chorion ef-  
fecturus emergunt. VIII. Subsequentibus horis, do-  
nec altera dies præterlabatur, umbilicalia vasa, que  
primò coloris erant sublutei, mox ferruginei, tandem  
sanguinea evadunt. Post biduum verò exactum, ci-  
catricula ad latus vitelli hærens sensim horizontalis fit.  
Cerebro pulli additum cernitur cerebellum, & plera-  
que aliæ partes augentur. Cor etiam manifesto pul-  
sat, exceptumque à venis sanguinem, à cordis dextro  
ventriculo in sinistram ferri videmus.

57. IX. Triduo elapso, cicatricula parum declinat  
ab horizontali situ, pullus in ventrem jacet, & cere-  
bri cristata vesicula præ cæteris pellucida emergit.  
Alæ extenduntur, crurumque, & uropygii inchoa-  
menta existunt. Cor auctius ita pulsat, ut clariùs cir-  
culatio sanguinis animadvertatur.

58. Sequentibus denique diebus, nam omnia perse-  
qui longum esset, ita omnis membra augentur & ex-  
pediuntur, ut post vigesimum diem pullus exeat. Ex  
quibus colligere est pullum jam initio formatum esse,  
& paulatim duntaxat augmento partium conspicuum  
fieri, quod prius inconspicuum erat.

CAPUT VII.

De Animalibus perfectioribus, & potissimum  
de Homine.

**N**ON est sat magnum inter Quadrupedes & Homines, ad corpus quod attinet, discrimen, ut de illis necesse sit seorsim agere. Itaque de humanum tantum corpore agemus, & quæ de hoc dicemus, ceteris potissima quæque, de reliquis perfectioribus animalibus dicta esse censi poterunt. Nec tamen plenam humani corporis Anatomiam tradere aggredimur; res enim est majoris operæ, quàm ut in hoc compendium inferi possit. Satis nobis erit, si quæ dicimus manuductionis loco hæc studia primum salutantibus esse possint. Primum quidem crassius humanum corpus describemus; deinde paulò accuratius singulas ejus partes lustrabimus.

1. Ut à superioribus partibus ad inferiores descendamus, primum occurrit Cranium, quo effracto conspiciendam se præbet *dura mater*, quæ membrana est satis valida; deinde altera tenuior, quam *piam mater* vocitare solemus. Hæ cerebrum arctissime ambiunt, quod primo adpectu nihil est præter substantiam albam & mollem, quæ producta continuatur per os, quem ossa, quibus spina dorsi constat, conficiunt.

2. Truncus corporis, qui à collo ad femora pertinet, cavitatem suam varias partes complectitur. Summa cavitatis superior *ventriculus* dicitur aut *pectus*, complectiturque *Pulmones*, in varios lobos divisi. Hi videntur complecti membranam quæ *Pericardium* vocatur, & in qua continetur *Cor*, quod est in humore  
N quodam

quodam urinæ simili. Cor autem vinculis, basi ejus adnexis, pertinet ad vertebrae, seu ossa dorsi, acumenque habet aliquantum ad sinistram latum inclinatum, quo fit ut extrinsecus sinistro lateri propius esse videatur.

4. Infra pulmones & cor sunt superioris ventriculi fines, ubi est *Diaphragma*, hoc est, membrana crassior, quæ ab inferiori dividitur. Sub *Diaphragmate* est *Jecur* ad latus dextram, *Lien* verò ad latus sinistram. Inter *Jecur* & *Lienem* est *Stomachus*, seu *ventriculus* propriè dictus, in quo cibi coquantur, derivantur per *Oesophagum*, qui tubus est juxta dorsi vertebrae porrectus. *Stomachus* duobus foraminibus est pervius, per quorum superius subit cibus concoquendus, per inferius verò, quod *Pylorus* dicitur, in intestina concoctus descendit.

5. *Intestina* vocamus longissimum tubum membranaceum, qui prout extenditur, varia sortitur nomina. Qua pertinet ad ventriculum vocatur *Duodenum*, deinde *Jejunum*, tertio *Ileon*, quarto *Colon*, quinto *Rectum*; quibus additur sexto loco *Cæcum*, quod est inter *Ileon* & *Colon*, estque tubus membranaceus, qui exitum nullum habet. Tria prima minutiora sunt, tria verò sequentia crassiora. Hæc omnia intestina sunt Membranæ, quæ *Mesenterium* dicitur, adnexa; eaque Membrana ipsa è dorsi vertebrae pendet.

6. Præterea inferiori ventriculo continentur *Ren* vertebrae affixi, & *Vesica*, quæ urinæ est receptaculum. His addendus in foeminis *Uterus*, cum suis tubis ad *Ovarium* porrectis. Atque hæc sunt partes internæ consideratu dignissimæ, de quibus sigillatim est agendum, nam quæ diximus ad intelligendum earum situm duxerat dictum est. Alia præterea sunt, quæ idèd omiffa in crassa descriptione, quòd intelligi nisi hisce præmissis satis non possent.

7. Ut à capite ordiamur, *Cerebrum* in duas partes divisum est, anticam & posticam. Prior, quæ amplior est, ipso cerebri nomine signari solet: posterior *Cerebellum*

dictum dicitur. In anteriore parte sunt duæ cavitates, scilicet ventriculi, ita siti ut conjungantur meatibus cum tertio, qui in Cerebello est. In superiore parte ejus meatus, est glandula, quæ *Conarion* dicitur, basi ex cerebro suspensa, de quâ multa recentiores Philosophi, de quibus alibi agemus.

8. Sublatis Cranio & subjectis membranis, occurrit substantia *corticalis*, vel *cinerea*, tam in cerebro quàm in cerebello. Hæc substantia ab iis, à quibus diligentissimè expensa est, deprehensa est constare ingenitæ collectione *glandularum* ovalis figuræ. An autem hæc glandulæ in alias minores dividantur non constat, quia ob earum mollietatem non satis commodè tractari possunt. Sed iis insunt arteriæ, venæ, fibræque albæ quasi nervi.

9. De glandulis postea plenius agemus, interea observabimus, si harum eadem sit ac aliarum ratio, ex sanguine per arterias admissio in iis glandulis succum præparatum excerni, qui in fibras albas transit, quasi in *arteria* vasa, dum reliquus sanguis eo succo spoliatus relinquitur in massam sanguinis cui miscetur, subiens extremas capillares venulas.

10. Fibræ autem hæc albæ sunt radices omnium nervorum qui postea in fasciculum collecti & contexti id efficiunt corpus candens quod *Callosum* dici solet, estque continuum cum *Medulla oblongata*, quæ est spinalis medullæ initium, & constat fasce tenuissimorum nervorum. Atque hæc Medulla potissima videtur Cerebelli pars.

11. In hisce partibus, veteres & recentiores Physici quæsivere sedem Imaginationis, Memorix, Sensuumque, & magnâ fiduciâ conjecturas suas in medium protulerunt. Sed inspectum accuratius Cerebrum, cum simplicissimum videretur, constareque partibus parum aptis ad ea exercenda munia, sapientissimi quique parum firmas esse eas conjecturas judicarunt, Ventriculi, qui quasi receptacula *spirituum animalium* habebantur, ple-

M. Malpighius de Cerebro.

rúmque inveniuntur pituita pleni, ut *clonatum* possint  
 sint loco, quæ superfluum humorem partem excipiant  
 & per infundibulum ejicient. *Conarion* nihil est præ-  
 ter cerebri quandam excrescentiam, quæ pituita, non  
 spiritibus animalibus, undequaque alluitur. *Medulla*  
 oblongata est plexus, ut diximus, nervorum, hoc est  
 tubulorum, qui à nobis, in superiore Capite descripti  
 sunt. Itaque ex ipsa constitutione partium nihil po-  
 test, circa usus earum in imaginando, recordando,  
 sentiendoque, satis certum colligi.

12. Hoc duntaxat paulò verisimiliùs conijcere licet  
 1. glandulas cum cerebri, tum cerebelli secernere suc-  
 cum, qui subeat nervosas fibras eò pertinentes: 2. suc-  
 cum illum constare corpusculis, quæ sunt veluti instru-  
 menta sensuum: 3. eundem, postquam cavitatem om-  
 nem nervorum implevit, exundare in partes contiguas  
 easque tumefacere. Non omnino temerè ea corpuscu-  
 la sensuum instrumenta esse conijciuntur, quia cum  
 ligaturis, aut vehementioribus compressionibus eorum  
 sistitur cursus, ut fit in vertebrarum dorso luxationi-  
 bus, nervi qui sunt infra luxationem, ligaturam aut  
 compressionem laxiores fiunt, membræque quibus in-  
 sunt & motum & sensum amittunt. Potest itaque fi-  
 ri, ut succus qui nervos subit, eos intendat ita ut vel  
 levissimo concutiantur.

13. Indicata *nervorum* origine, quomodo dividan-  
 tur & quò tendant videndum. Dividuntur in septem  
 paria, quorum primum par est duorum nervorum op-  
 titorum, qui ad oculos feruntur, retinamque tunicam  
 efformant: secundum ad oculorum musculos tendit:  
 tertium, quartum & septimum ad linguam pertinent:  
 quintum ad aures progreditur: sextum per collum de-  
 scendit, & dividitur in multos alios nervos, qui per  
 ventriculos superiorem & inferiorem sparguntur. Præ-  
 terea ex medulla spinali innumeri prodeunt qui per  
 omnes artus latè vagantur, atque in iis terminantur.

14. Omnes nervi sunt instar tuborum duabus mem-  
 branis rectorum, quæ multis nihil aliud videntur præ-  
 ter



ter ducit & pax matris productionem. Interna nervorum pars constat magno numero tenuissimorum filamentorum, qui tandem separantur & ita per artus sparguntur ut oculos fugiant. Sed cum misti sunt melle carneæ quæ *musculus* dicitur, ut distingui ab ea amplius non possint, iterum colliguntur, *tendinemque* efficiunt qui ossi adnectitur. Atque hinc pendet motus animalium, ut alibi videbimus.

15. Ex faucibus descendit tubus constans annulis cartilagineis, membrana connexis, qui *Aspera Arteria* ab Anatomis dicitur. Is in Thorace *Pulmones* subit, in quo per innumeras *bronchias* aërem spargit. Deprehenduntur in Pulmonibus innumeri *arteriæ venosæ*, & *venæ arteriosæ*, de quibus postea dicemus, rami. Præter hos & *Asperæ Arteriæ ductus*, nihil est in Pulmonibus quod membranaceum non sit. Toti constant tenuissimis membranis, quæ ita implicite sunt ut efficiant innumeras vesiculas ovales, circa quas serpunt, & miscentur rami venæ & arteriæ pulmonaris, qui in dispositi sunt ut meatibus inter se & cum *Asperæ Arteriæ ductibus* conjuncti sint.

16. Usus Pulmonum ea in re situs esse videtur, ut aërem in vesiculas memoratas admittant, inspiratio nemque & respiratione vitam Animalis conservent, ut alibi jam diximus. Addimus hinc iis quæ de respiratione observavimus, cum de Aëre ageremus, cum extenui ramuli venæ & arteriæ circa pulmonares vesiculas serpent, contingere sanguinem, qui iis ramis continetur, perpetuò agitarum & compressum vesiculis, quæ inflantur perpetuò, & flaccescunt, melius misceri quàm alioquin fieret. Atque hoc videtur necessario requirere sanguis qui ex corde immediatè illic fertur, cum Chylo sit refertus, qui, cum nondum circumactus fuerit, sine dubio crudior est, & crassior.

17. Semper quidem satis notum fuit Cordis figuram esse conicam proximam, eiùsque carnem esse compactissimam; sed fibrarum ejus dispositio non ita dudum

Anatomis innotuit. Cùm in cocto Bovis corde diligenter inspicerentur fibræ deprehenderunt Anatomici externas non rectâ à basi, ad ejus acumen, procedere, sed flexuoso ductu, internas verò rectâ & sine ullis flexibus à basi ad acumen ferri.

18. Ea cordis dispositio effecit ut judicaretur cor esse duplex musculus, & quidem ita dispositus, ut si contingat intervalla, quæ sunt inter fibras flexuosas, subito impleri materiâ fluidissimâ, necesse sit longius & arctius fieri; contrâ verò si ea intervalla exhauriantur, & quæ sunt inter fibras interiores impleantur, Cor brevius fieri, & dilatare oporteat.

19. Sunt in Corde duæ cavitates, quæ *septo medio* dividuntur. Altera cavitas ad dextram, altera ad sinistram est sita. Longitudo earum latitudinem superat, sed sinistræ potissimum cavitatis longitudo major est.

20. Singulæ cavitates, quæ & *auriculæ* & *ventriculi* dicuntur, gemina habent ostia ad Cordis basin sita. Ad ingressum ostiorum sunt pelliculæ, quæ januarum loco sunt, & *valvulæ* appellari solent; eæque ita dispositæ ut in unam duntaxat partem aperiri possint. Alterum ostiorum, quæ patet dextra cavitas, tres habet hujusmodi valvulas, quæ ea dispositione sunt, ut ingressuro sanguini facillè pateant, regressuro verò clausæ sint. Oppositum ostium tres quoque habet valvulas, contraria ratione dispositas, ut egrediatur quidem facillè sanguis, sed redire in hoc nequeat. Ex duobus verò sinistræ cavitatis ostiis, alterum non rotundæ sed ovalis est figuræ, duasque habet valvulas quæ sanguini irrumpenti cedunt, sed erupturo illac adversantur. Oppositum ostium tribus aperitur, & clauditur valvulis, contrario modo sese habentibus, ut quod cor ingressum egredi quidem illac queat, sed redeunti clausæ sint. Cui usui illa sint postea clarius ostendemus.

21. Dissecto *Jecinore*, cùm nulla cernerentur oculis conspicua vasa, existimarant Anatomici congeriem esse venarum

venarum sensum fugientium, in quas vena quæ porta dicitur spargitur. In infima & concava parte Jecinoris est *vasicula fellis*, ex qua rubus prodit, qui in duos ramos mox dividitur. Alter ramorum reflexus in Jecur ipsum regreditur. Alter verò, qui *Cholodochus* meatu solet dici, ad initium *Jejuni* intestini pertinet, in quod fel effunditur per tenuissimum foramen.

22. Hæc primo intuitu in Jecinore deprehenduntur, sed qui ejus \* dispositionem accuratius rimari sunt, plura alia nos docent, quæ paucis complectemur. Si limaces dissecentur, animadvertitur glandula subnigra, juxta intestinorum longitudinem porrecta, & quam situs vasorumque connectio Jecinoris loco esse ostendunt. Ea glandula, pelle quâ continetur extra, dividitur in plures lobos, sive conicæ figuræ particulas. Singuli lobis, Microscopio inspecti, subdividuntur etiam in multa granula rotunda, à se invicem distincta, & quæ tamen cum toto lobo conjuncta sunt ope vasculorum quibus adhærent: haud aliter ac uvæ singulæ racemo petiolis adnectuntur. Si Laceratarum jecur inspiciatur, non est opus Microscopio, solis oculis lobi illi faciliè distinguuntur. Idem cernere est in Piscibus, Muribus, Sciuris, &c. quorum jecinora non multum discrepant.

23. Si animalium perfectiorum dissecuerimus jecur, nulla re ab aliorum jecinore differre deprehendemus, nisi quòd lorum distinctio non tam faciliè cerni possit, quia arctius sibi invicem adhærent, & ægrè divelluntur. Attamen horum quoque animalium adeoque hominis, jecur nihil est, si vasa & membranas exemeris, præter compagem glandulorum racemorum, ut ita loquar.

24. Est autem duplex in animalium corpore glandum genus, quarum aliæ conglomeratæ, aliæ conglobatæ ab iis qui accuratissimè de iis egerunt dictæ sunt. Posteriores habent superficiem læviorem, singulasque seorsim glandulas exhibent. Priores verò, præterquam

*M. Malpighii.*

quod variis veluti *glandulis* constant, vas habent *excretorium*, hoc est, tubum iis proprium, per quem *Stomachum* ex sanguine per eas excrementum fundunt. *Pancreas* exempli gratia, quod est corpus glandulosum, circa *Intestini primi* exortum, spatiumque inter *lienem*, *ventriculum*, & *jecur* vacuum, dorsum versum, implet; *Pancreas*, inquam, vas habet excretorium, quod in *Duodenum* liquorem evomit, cui magna in *Animali Oeconomia* munera tribuerunt multi *Recentiores*. *Glandulae parotidis & maxillares*, similiter habent tubos, quibus os *salivam* instruunt. Ejusmodi etiam sunt *seminarum*, in omnibus animalibus *mammæ*.

25. Similiter in *Jecinore*, *Cholidochus* meatus est vas excretorium, quo *bilis* à sanguine *secernitur*; hac, nimirum, ratione. Cum *Jecur* plenum sit ramis *venarum Cavæ & Portæ*, variè ejus *substantiæ* *irretitis*, *extremitates capillares* eorum *ramorum* in *glandulis* memoratis *desinunt*. Sanguis autem per *Portam* in *Jecur* investus iis *glandulis* *suppeditat* *biliosam materiam*, quam ex sanguine *separant*. Deinde per *peculiares tubulos*, *sanguineorum vasorum comites*, atque in *iisdem glandulis* *desinentes*, *partem biliosæ materiæ* in *Cholidochum meatum*, qui est horum *vasorum veluti truncus*; *partem* verò, per *similes tubos*, in *Vesiculam fellis* *emittunt*. Est quoque *tubus*, qui *Cysticus* dicitur, qui *incidit* in *Meatum Cholidochum*, *formatque tubum communem*, per quem *bilis*, tam ex *Vesicula fellis*, quam ex *Meatu Cholidochi* in *Duodenum* *effunditur*.

26. Sanguis eo pacto *biliosis particulis* *purgatus*, per *extremos Cavæ capillares ramos* *regreditur* ad *Cor*. *Ii enim rami* *sensim augentur*, donec efficiant *majorem truncum*; qui ex *convexitate Jecinoris* *prodiens rectè* ad *Cor sanguinem* *desert*. Itaque, hac in *parte*, *sanguis* per *Portam* *vehitur* *eodem modo* ac per *Arterias*; sive ex *trunco* ad *extremos ramos* *transit*, cum per *Cavam* ab *extremis ramis* ad *truncum* *fluat*.

17. De *Liene*, diu Anatomi nihil penè norant, nisi *Lienem* potissimum eum permeari, quibus crassus *musculus*, quo videtur primo intuitu constare, irrigatur. 1. secundò ab eo ad stomachum meatum esse, qui *Lien brevis* dicitur. De ejus usu, multi multa dixerant, sed nihil satis explorati, aut quod verisimilitudine sua *monum* percelleret proferre potuerant. Imò verò non defuerunt viri docti, qui id viscus aut inutile, aut etiam moribus nonnullis noxium esse putarunt, quòd Canes, quibus detractum fuerat, non modò con-  
valescent, sed etiam quandoque velociùs quàm antea currere visi fuissent.

18. Tandem \* *Lien* à viis diligentissimis accuratius inspectus, visus est constare membranis contextis, quæ inter se cellulas relinquunt, quales in radiis mel-  
liæ cernuntur. Hæ cellulæ sunt sibi invicem adnexæ  
visis fibris, & vasibus, quæ per eas porriguntur, eâ-  
que proinde trabium instar fulciunt. Earum figura  
non est eadem, neque ad certum figurarum genus po-  
tèst referri. Interea omnes sunt inter se perviæ, mea-  
tusque illis patet in tubum, qui est instar venæ, totam-  
que longitudinem lienis medius inter utrûmque latus  
percurrit.

19. Cellulæ videntur idèd comparatæ, ut innume-  
ræ glandularum, aut vesicularum racemos contineant.  
Glandulæ ovales sunt, & subalbæ, quarum munus est  
et sanguine per extremas arterias allato peculiarem  
succum excernere. Huic succo magis coquendo mul-  
tum conducere possunt nervuli, qui eodem tendunt.  
Dein satis in *Liene* coctus, per cellulas, in venosum,  
quem diximus, tubum fertur, atque hinc per venæ  
*Splenicæ* ramum in *Jecur* pervenit.

20. Non indignum est observatu, circa memoratas  
glandulas, eas nullum ramum ex venosò tubo trahere,  
quæ in re differunt à glandulis *Jecinoris*, quæ in bilio-  
forum vasorum extrema succum suum effundunt. Adde-  
quòd tubus, qui *Lieni* excretorii vasis loco est, unde

\* *M. M. Malpighius.*

quaque innumeris tenuibus foraminibus pertusus est, per quæ quod ex cellulis defluit in illum fertur.

31. Si quæretur quis sit usus succi, per glandulas excreti, non facilis est responsio, quia purus haberi nequit; cum in cellulas decidens illico iterum sanguini misceatur. Itaque ejus natura satis cognosci non potest, nec proinde ejus usus certus & exploratus statui. Attamen sumpta sunt experimenta nonnulla, quæ non ineptæ conjecturæ viam munire possunt.

32. Ex variis destillatis, Chymicâ arte, Lienibus, defluxit liquor, qui empyreuma redolet, & qui affusus sanguini recens emissio bullas in eo excitat, nigrumque colorem ei conciliat. Ex iisdem Sal est eductum, qui perinde empyreuma redolebat, primumque sapor acidus erat, deinde etiam amarus. Neve quis putet eam aciditatem igne, ut quidam existimant, Chymici, creatam fuisse; sed contrâ ut in Liene eam prius fuisse constet, totus Lien, cellulae ejus, membranaeque, &c. saporem habent acidum. Si in lac conjiciantur, turbidum & foetidum faciunt, nec parum ejus colorem mutant.

33. His positis, succus qui per glandulas excernitur, non videtur sanguini iterum misceri, nisi hinc magnam quampiam utilitatem trahat jecur; quod ex *Vena splenitica* colligitur. Neque enim in truncum venæ Cavæ redit, ut reliquæ omnes, quæ sanguinem ex visceribus referunt, postquam excretio aliqua in eo facta est, sed per Portam immediatè in jecur devehit sanguinem.

34. Cum ergo Lien propter usum jecinoris esse videatur, hujus verò munus sit bilis excretio videtur spleniticus succus ad hanc excretionem quidpiam conferre. Nimirum, iterum fermentat sanguinem, quo fit ut ejus variæ partes facilius separentur in glandulis in quas incidit. Fortasse etiam sanguis, in quem acidæ illæ particulae in jecinore infusæ sunt, aliquot earum servat, quas in Cavam deferret, atque hinc in Cor, quâ ratione fit, ut fermentum illud toti massæ sanguinis



sanguinis commune fiat. Hinc sanguis eam dispositionem nancisci potest, ut facilius liquores, quos seorsum deferre, glandulis percolandos, prout pori earum apti sunt iis excipiendis, tradat, exempli gratia ad formandam salivam, succum pancreaticum, succum nervosum, &c.

34. Dignum est præterea observatu membranam, quæ Lienem involvit, plenam esse *vasibus lymphaticis*, quæ in *receptaculum Pecqueti*, superfluas serositates devehunt ex arteriis. Atque hinc intelligere est inutile non esse æconomiae animali Lienem, cujus detractio si animalibus nonnullis nocere visa non est, necesse fuit accretionem aliquam carnis, ejus loca, usum ejus aliquatenus præstitisse.

35. Partibus memoratis vicinus est, ut antea diximus, *Stomachus*, sed de eo iterum dicemus, ubi de Nutritione agemus. Iis quæ de Intestinis diximus, addemus ea involvi *Omento*, hoc est tenui membrana, in qua sunt multi sacculi adiposi, qui venas & arterias complectuntur. Fortè hi sacculi in eum peculiarium usum sunt facti, ut adipem, nimirum, aliud devehant.

36. *Renas*, ut jam diximus, hoc munere funguntur, ut urinam secernant, suntque instar duarum spongiarum, in quibus mediis est concavitas, quæ *pelvis* dici solet, & serè semper urinâ turget. Ex pelvi duorum renum vasa, quæ *Ureteres* dicuntur, ad vesicam urinam deferunt, quamvis ita collo Vesicæ inferantur, ut nullus illic cernatur meatus, per quem in Vesicam incidere possit Urina.

37. Secretio autem urinæ fit, ope glandularum quæ per Renum superficiem sparsæ sunt; & in quas à Corde deferretur sanguis; per extremos Arteriarum *emulgentium* ramos. Postquam sanguis in glandulis memoratis serum superfluum reliquit, redit per *emulgentes* venas in Cavam; serum verò decidit in tubos innumeros, fibrarum instar, & quidem sæ validarum; quæ

*Malpighii*.



unà junctæ conficiunt id quod *carnosa renum pars* dicitur, & quarum singulæ in glandulam desinunt. Hinc serum in Pelvim cadit, unde in Vesicam, ut diximus, per Ureteres devehitur.

39. Hic autem in animali œconomia mirum planè est 1. quomodo ex Stomacho tam brevi tempore perveniant liquores in Renes & Vesicam, cum nullus tubus sit, qui ex Stomacho ad Renes tendat, aut etiam ex Intestinis. Nullus certè hætenus deprehendi potuit, aramen innumeris experimentis constat haustum liquorem, brevissimo post tempore, per Urinam à multis eimiti. Si misceri eum dixeris sanguini, vix tempus sat longum esse videtur, ut tanta liquoris copia in Cor pervenire possit; atque illic, per arterias emulgentes, in Renes ferri. Si quis censeret in corpore vivo tubos esse apertos, qui in cadaveribus cerni nequeant, oportebit tubos illos magnæ esse tenuitatis, alioquin etiam in cadavere invenirentur: si autem tantæ sunt tenuitatis, ut Anatomorum fugiant oculos, quantumvis perspicaces, qui potest tanta aquæ emissio, tam brevi tempore, fieri? Si dicas corporis humani tubos variis meatibus jungi, ut omnes inter se apti & connexi sint, si non immediatè, saltem aliis interpositis; hoc, quamvis verum, non solvet difficultatem, nam tuborum inter se commissuræ, ita ubique non patent, ut tantam liquoris copiam transmittere tam brevi tempore possint.

40. Mirum est 2. quâ ratione ex emulgente arteria possit per glandulas Renum percolari serum sanguinis, cum meatus nullus cernatur, quo per glandes in fibrosos tubos & pelvim pervenire possit; quod dicendum etiam de conjunctione Ureterum cum Vesica. Si injiciatur liquor in emulgentem arteriam summâ vi, ut cernatur meatus, si quis sit, instantur quidem glandes, & colorem injecti liquoris induunt; sed in memoratos tubos, qui ad pelvim pertinent, nihil ex illo liquore pervenit.

42. Attamen si aperiatur venter Canis viventis, et  
que arte vinciatur vena emulgens, & ureter alterius  
Renem, vivente adhuc sat diu animali, summopere  
infatur Ren, propter sanguinem qui eò defertur, nec  
per venam, aut Ureterem aliò percurrere potest. Hoc  
autem in statu, si Ren juxta longitudinem secetur, sa-  
tis distinctè glandulæ, tubique fibrei cernuntur. Vi-  
deur etiam, nonnullis in locis, cerni nexus glandula-  
rum cum fibris, sed obscurius. Sed quamvis non cer-  
neretur meatus ullus, necesse est tamen aliquem esse,  
cum non modò glandulæ humore impleantur in arte-  
riam immisso, verùm etiam tubi vicini compressi uri-  
nem emittant.

43. Itaque hoc in negotio, ex ipsa partium dispo-  
sitione, & usu manifestò colligendum est quod oculos fu-  
git; eoque posito, ejusmodi meatus esse, ut per eos  
brevis tempore, in vivo animali, ingens transmittatur  
humoris copia, quamvis quomodo hoc fiat hætenus  
invenire non potuerint Anatomi, & nec alia multa  
expedire.

44. Veteres, qui non satis norant venarum & arte-  
riarum discrimen, existimabant Renes vim quandam  
attractivam habere, quâ emulgerent sanguinem sero,  
per venas & arterias quæ in eas tendunt, unde etiam  
nomen *emulgentium* nactæ sunt. At Philosophi accu-  
ratiores, quæsi verunt quid esset ea vis *attractrix*? nec  
respondum ullum tulerunt, nisi esse *qualitatem occul-  
tam*, quod idem est ac si dixissent qui has voces primi  
invenierunt, esse nescio quid quod non intelligerent,  
quo fieret ut Renes emulgerent sanguinem sero, quod  
Idiotæ ipsi poterant æquè ac Philosophi respondere.  
Deinde temerè supposuerunt vim illam esse in Reni-  
bus, quidni enim dicere quispiam potuisset esse san-  
guini vim *transitoriam*, quâ Renum poros permearet?  
Itaque postquàm eò pervenimus, quo per experientiam  
& rationem ire licet, præstat fateri nos ulterius pro-  
gredi non posse; quàm ignorantiam nostram, inusita-  
tis vocibus, velare.

44. Hæc cum in maribus, tum in foeminis confideratu dignissima sunt; superest *Uterus*, foeminino sexui peculiaris. In omnium quadrupedum foemellis non gravidis, est instar erumenæ arctissime clausæ, sed quæ foetu admissio, facile dilatatur, sensimque augetur. Sunt autem ei adnexi ductus, qui *Tubæ* solent vocari, ad *Ovarium* usque porriguntur, & per quos ex ovario, ut in aliis animalibus, in Uterum decidunt *Ova*, in quibus latet foetus; qui paulatim evolvitur, & crescit in Utero, donec pariendi tempus adsit. Sed hæc paulo plenius describenda sunt, quanquam pleraque hæc pertinentia, datâ operâ omittimus, in Anatomorum libris legenda.

45. In Vaccis \* foetis, est tunica quâ introrsum vestitur *Uterus*, tenuissima, & membranacea, foraminibusque exiguis ita pertusa, ut per ea in cavitatem Uteri humor viscosus perpetuò fluat. Is humor fontem habet in vasculis luteis, quibus an glandulæ adnexæ sint necne non satis constat; credibile tamen est aliquas esse, quandoquidem secretiones succorum glandularum ope fieri solent. Continua huic tunica est substantia rubicanda, & glandulosa; per quam vasa uterina sanguinem vehentia mirum in modum contorta & implicata sparguntur, atque hinc inde ramos ad intimam tunicam mittunt. Hæc vasorum dispositio videtur à Naturæ Opifice ita esse comparata, ut facile Uterus dilatari sine vasorum fractione possit; hæc enim cum sinuosa admodum sint, haud ægrè dilatato utero extenduntur, eique aptantur. Hæc substantia tegitur crassiore tunica carnis fibris, copiosisque instructa. Orificium verò internum Uteri est summopere rugosum, plicisque variæ longitudinis, crassitie, & figuræ arctè clauditur.

46. *Tubæ* uterinæ geminæ in Vaccis summopere etiam sunt contortæ. Superiores earum partes quæ ad Ovaria pertinent, sunt laciniatæ, fimbriæ instar, cuius partes inequaliter producerentur. Hoc in loco sa-

\* Ex *M. Malpighio* & *Ger. Blasio*.

capla est earum cavitas, sensimque attenuatur donec cornibus uteri inseratur, ubi in Vaccis nondum foetus ita clauditur, ut flatus ex superiore parte immissus iterum subire quidem facile possit, ex utero in Tuba ascendere vix queat. Fimbria autem Tubæ scaret minutissimis glandulis, per quas excretio succi alicuius videtur fieri, quo fit via labentibus ovis lubrica, & mollis, ne rumpantur. Adhæret autem Tuba membrane laxiori, & ligamento membranaceo ad ventris interiora aliquatenus recedenti; quo fit ut quoties Tuba inflatur, erigiturque, ad Ovarium accedat, idque firmis suis ita amplectatur, ut facile ovum excipere possit.

47. Ovarium constat coacervatione variarum vesicularum non unius magnitudinis, & quarum maximæ nucem avellanam magnitudine æquant. Nonnullæ sunt tenuissimâ tunicâ, ut facile lacerari queant; aliæ vero crassiore, ut rumpi, sine vi, non possint. In aliis est limpidissimus liquor, in aliis turbidior & crassior, candidi aut obscurioris coloris. Ceterum omnes hæ vesiculæ sunt fibris inter se connexæ. Hujusmodi ovarium duplex est; ad dextram, nimirum, & ad sinistram singula sunt ovaria.

48. Ex illo vesicularum racemo, maxima, aut proxima Tubæ, tempore conceptûs, in Uterum per tubam cadit, ubi paulatim, ut diximus, augetur, quod constat variis experimentis, quorum multa legere licet apud Th. Harveum, de Generatione Animalium, aliosque. Constat \* etiam in mulieribus esse Ovarium ejusmodi, quale descripsimus in Vaccis. Nec defuerunt, qui ex cadavere desumptum coqui curârent, ut facilius Ova, quæ vesicularum instar erant, secernerentur. Ex racemo tum facile evelluntur, materiâ quæ intra tunicam continetur, quemadmodum in ovis ut, coctione indurata. Alioquin facillimè rupta vix commodè tractari, & cerni queunt.

49. Ut autem Pullorum in ovo formatio non sit ita

\* Vide Car. Drelincurtii libellum de Examinatum Ovis, & Experimenta Anatomica.

ut primum solæ Pulli partes formentur, sed etiam umbilicalia vasa, quæ postea evanescunt, effinguntur: sic quoque perfectiorum animalium formatio prima addit vasa, à quibus postea separantur in lucem edita. Imo verò in hisce multò operosior est Natura, exceptis paucis. In avium formatione nulla cernitur *Placenta*, plures verò habent Oves, Vacca, Capræ, Cervæ, Capræ, Damæ, &c. In hominis tamen formatione est unica, quæ ita ab Anatomis \* describitur. Est, inquit, carnea substantia, quæ circulum refert, & figura placentam imitatur, unde nomen suum nata est. Fundo Uteri quasi radicibus apta est, & per sat longa vasa foetui adhæret. Ex ea parte quæ foetum respicit, in sua superficie, venas & arterias insignes habet, miro ordine eam pervadentes. Altera verò, quæ Utero adhærescit, rubra & inequalis est, nec ulla conspicua habet vasa. Si accuratiùs inspiciantur hæc omnia, liquebit Placentam nihil esse præter contextum radicum vasorum umbilicalium, connexorum inter se materia quadam, per quam eorum percolantur succi.

50. *Vasa umbilicalia* ex Placenta ad foetum, per membranas quibus involutus est, ducta sunt, constantque, *Funiculo*, venis, arteriis, & *Uracho*, quæ variè extra foetum explicantur, carneisque fibris miscentur, donec subeant ejus Umbilicum.

51. *Fœtus* tribus membranis involvitur, quarum extrema *Chorion*, proxima *Allantoides*, intima *Amnion* dicitur. Harum trium membranarum extimam & intimam perreptant etiam vasa umbilicalia, & Amnion foetui conjungunt, totamque simul massam Utero Placentæ radicibus affigunt. Intra easdem membranas continentur humores limpidissimi, qui initio foetura aliter se habent, ac sub finem. Hoc enim tempore, si eis effundas spiritum nitri, non mutantur, sed initio, ut Chylus solet, incrassantur, & candescunt.

52. Alia non indigna quidem observatu, nec ea pau-

\* Ex Fabr. ab Aquapendente de format. fœtus.

causæ addi posse novimus, sed brevitatæ causâ, aut de rationibus, à nobis omittuntur. Jam si partium minorum usus à nobis quærat, primum responsum necesse est circa hæc non *autem*, sed conspectas tantum posse proponi; itaque, quantumvis verisimiles, iis quæ cernuntur æquiparari neutiquam possunt.

33. *Placenta* idè esse videtur, cum ut ei mollius incumbat fœtus, tum etiam ut retineatur quasi radicatus, ne nimium per Uterum sursum deorsum feratur, pro gestantis variis motibus. Adde & huic, ut vellet vasorum umbilicalium, eosdem ac hisce, partim saltem, usus posse attribui.

34. *Funiculus* \* umbilicalis primum judicibus Anatomis, inservit conservationi vasorum umbilicalium, quæ complectitur. Deinde membranas inter se, & cum fœtu connectit. Imò etiam fœtum ipsum sustinet veluti suspensum. *Arteria* sanguinem à corde fœtus, ad cornuculas Chorii, atque ad Amnion devehunt. *Vena* verò cum eundem referunt, tum etiam ex matris Arterii exceptum ad Cor fœtus vehunt, quâ circulatione alitur & vivificatur fœtus. *Utrachus* inservit excretioni urinæ. Etenim alterâ parte fundo Vesicæ conjunctus, alterâ ad Allantoïdem tunicam extenditur, & ad eam, Tubæ instar, dilatatur, ad initium umbilici angustissimus. Atque hac urina egeritur, ut docet *anatomia*.

35. Præterquàm quòd *Chorion* integrum fœtum cum reliquis tunicis complectitur & fovet, umbilicalium vasorum ramificationes varias sustinet, quæ sine dubio sanguinis circulationi conducunt. In extremitate utraque Chorii variorum animalium, ut vaccarum, glandule sunt, in quibus excretus succus flavus non parum sortè ad temperandum rectè sanguinem confert.

36. *Allantois* multò tenuior est, pellucet; neque ullos habet vasorum ramos, videturque excipiendæ uri-

\* Ex Nic. Hobokenio in secundâ Anatomia, aliisque.

na, quâ turget, destinata, Nec totum Amnion complectitur, si propriè loquamur, sed tantum cingulistar cingit, cumque sic in longum protensa sit & duplex intestini instar, idèd nomen *Amnion* hoc est, intestini quo farcimina fiunt, duxit.

57. *Amnion* succum complectitur in quo foetus velutinat, & præterea instar Chorii vasa habet varia, ex umbilicalibus emissa, glandulasque, quæ eundem usum præstare videntur. Sed præcipuus est conservatio succi, quo foetus alitur; hunc enim nutritivum succum esse ostenderunt Anatomi, cum ex sapore & consistentia, tum etiam quia prorsus similis in Embryonis ventriculo cernitur.

58. Olim existimarant Embryonem umbilico solo alii, quodd falsum esse ostendit memoratum experimentum; si enim succus quo alitur per umbilicales tantum venas subiret, nullum unquam inveniretur in stomacho alimentum, sed immediatè sanguini misceretur. Verum is succus os ingressus in stomachum descendit, unde etiam fit ut infantes recens nati illico oblatam nutricis mammam sugant, sugendo, nimirum, antequàm nascantur assueti. Excrementa etiam in eorum intestinis inveniuntur, quæ nulla, ex Veterum Hypothesi, esse possent.

59. De hominum, animaliumque perfectiorum generatione multi eruditi viri scripsere, & plerorumque nunc ea est sententia ut existiment ex Ovario cadere ova in Uterum, atque illic haud aliter crescere ac ova Gallinarum, quamvis tot involucra non habeant. Est tamen hoc dissidium, inter eos qui ex Ovo hæc animalia nasci solent dicere. \* Alii vesiculas, quæ in Ovario cernuntur, Ova propriè dicta esse existimant. Alii verò censent eas Ova non esse, sed inservire efformandæ glandulæ lutei coloris, quæ ad separandum & excludendum Ovum, quando maturum est, multum conducit.

60. Ova autem in Uterum ex Ovario cadere contra-

\* Vide Regn. de Graaf, & M. Malpighium.

dunt



nam plerique, 1. quia ex Analogia constante, quæ inter omnia Animalia cernitur, circa potissimas corporis partes, non potest ejus partis alius esse usus: 2. quia constat animalium perfectiorum foemellis excidere ova, quod jam à Veteribus observatum: 3. quia quandoque in Tubis per quæ Ova in uterum incidunt, videntur Embryones.

Si Exploditur verò, & quidem meritò eorum sententia, qui ex humore solo, Mechanicis legibus, per calorem Uteri, formari Animalia contendunt. Nec certe hoc facilius intellectu est, quàm injecto in Cati-  
onem metallo, calore ignis, formari posse Horologii  
partes, & partes reliquas; quod tamen nemo sanus as-  
sumeret. Alii quondam Naturam Plasticam formatio-  
nis præesse existimant, quæ ita materiam, quæ anima-  
lia constant, efformet, & sensum effingat. Sed con-  
jectura est, quæ verisimilior non est aliorum sententia,  
qui corpora omnium animalium, quæ unquam nasci-  
tura essent, & plurium aliorum, formata in primarum  
seminum Ovariis à Deo conjiciunt; nec ullam  
mutationem iis contingere, nisi quod ex inconspicuis  
sunt augmento partium conspicua. Certè, ut alibi  
videbimus, materia in infinitum dividi cùm possit,  
nihil obstat quominus animalia aliis alia minora in infi-  
nitum esse queant..

## C A P U T VIII.

*De Venis, & Arteriis, Circulatione Sanguinis.  
Item de Vasis Lymphaticis.*

1. **T**otum corpus humanum scatet tubis, per quos Sanguis per omnia ejus membra fluit. Alii constant pelle tenui, suntque ingenti numero per to-  
tum

tum corpus sparsi. Facile ita possunt comprimi, sanguis per eos fluens sistatur, vocanturque *Vena*. Alii verò crassiori tunica constant, neque usque adeo ad extremam pellem, tantoque numero pertinent, solentque *Arteria* dici.

2. Maximæ totius corporis Venæ ac Arteria sunt patissimum quatuor, quæ sunt basi Cordis adnexæ, hiantque in quatuor ejus, quæ descripsimus, superiore Capite, ostia.

3. Tubus qui pertinet ad id ostium dextri ventriculi Cordis, ubi sunt tres valvulæ, quibus introsum pulsus pater ingressus sanguini, Vena est, quæ *Cava* vocatur. Ea non procul à Corde juxta dorsi vertebra porrecta in duos ramos dividitur, quorum alter superiores partes petit, dividiturque iterum in ramos innumeros tenuiores, qui per eas sparguntur. Hic ramus *Vena Cava ascendens* dicitur: alter verò ad inferiores artus descendit, per quos spargit ramulos suos, & vocatur *Vena Cava descendens*. Itaque omnes omnium artuum Venæ, si pulmones & cor excipias, sunt rami Venæ Cavæ. Nec possunt excipi, quæ Mesenterium perreptant, hæ enim in unicum coeunt Truncum, cui *Vena Porta* nomen est, & qui subit inferiorem partem Jecinoris; atque ex superiore ejusdem Jecinoris parte egreditur *Ramus hepaticus*, Venæ Cavæ conjunctus, antequam Cor subeat. Itaque & hic Ramus hepaticus & Vena Porta cum omnibus suis ramis, haberi possunt Cavæ divorgia.

4. Vas, quod hiat ad alterum ostium ventriculi dextri Cordis, ubi sunt valvulæ quæ extrorsum pulsa egredienti corde sanguini patent, Arteria est quæ subiens pulmones illic in ramos dividitur innumerabiles. Veteres hanc *Venam Arteriosam* vocarunt, quia existimabant, quanquam sine ratione, ad dextrum Cordis ventriculum venas tantum pertinere; Arterias verò ex lævo ortum ducere.

5. Tubus qui adhæret ostio sinistri ventriculi, cui sunt valvulæ duæ irrupenti sanguini patentes, Vena est,

Veteres, eodem errore ducti, *Arteria Venosa* indiderunt, & cujus rami per Pulmones sparsi sunt. Vas verò quod adhæret alteri ostio ventriculi sinistri Cordis, & cujus valvulæ tres egressuro Corde sanguini patent, dicitur *Aorta*, sive *Magna Arteria*. Non procul à Corde, juxta dorsi vertebrae porrecta ad Venæ Cavæ latus, truncum suum in duos ramos dividit, quibus sanguinem in superiores & inferiores partes, instar Venæ Cavæ, diffundit.

6. In variis Venarum locis, præsertim ubi in duos dividuntur ramos, deprehensæ sunt valvulæ, ita dispositæ, ut intromisso in Venam stylo, & ita pulso ut ab extrema Vena ad Cor tendat, facile cedant; contrà vero impulsio contrariam in partem stylo, à Corde nimis ad extrema, resistent.

7. Constitit quidem semper, ex quo vel prima Anatomie elementa innotuerunt, sanguinem per Venas & Arterias fluere; sed unde & quò flueret, hoc demum seculo innotuit. Veteres existimabant eum à Jecinore proficisci, quasi ex officina in qua parabatur; partem ejus exiguam in *Venam Portam* cadere, atque illinc in omnes ejus ramos, sed longè maximam in Cavam ferri, & per ejus ramos similiter diffundi; ita tamen ut pressi Jecinori sanguinis pars non spernanda ventriculi dextrum cordis peteret, ubi bifariam divideretur, ut in Pulmonem simul per Venam Arteriosam, & in ventriculum sinistram per medium septum effunderetur. In hoc ventriculo, ut putabant, convertebatur in arteriosam sanguinem, sive spiritum vitalem, qui Pulmonem per Arteriam Venosam peteret, & per Aortam in totum corpus spargeretur.

8. Censebant igitur Veteres Sanguinem semper moveri à medio Corpore ad extrema, neque unquam reverti. Cùmque existimarent non procedere sanguinem, nisi prout ad nutritionem animalis absumebatur, inde consequens erat sanguinem lentissimo agi motu; atque in Venis & Arteriis restagnare potius, quàm fluere. Hoc autem absurdum esse vel solus arteriarum pulsus,

sus, quo manifestum est guttam sanguinis propellatam satis ostendit. Falsum est quoque per medium Cordis septum quidquam transire, quod ipso ejus inspectu liquet. Nec etiam ea opinio cum valvularum consensu fitu, per quas licet quidem Sanguini ad medium corpus per Venas redire, sed non licet à Corde eò defluere. Verùm exposita veriore sententia, quàm falsa sit superior ita liquebit, ut ampliore confutatione non indigeat.

9. Cùm Vena Cava perpetuò sanguine turgeat, is sanguis valvulas sibi objectas pellit, quibus pro dispositione suâ cedentibus, Cordis cavitatem implet, eaque impletionem valvulas easdem dejicit. Idem fit in Arteria venosa, quæ pertinet ad valvulas eodem modo dispositas. Cùm autem Cordis sit maximus calor, ut experientiâ constat, guttæ in id delapsæ subito effervescent, & rarefiunt; quo motu nituntur per ostia Cordis elabi, nec tamen egredi possunt per ea quibus subierunt, propter rationem allatam. Itaque valvulas oppositas pellentes, iis cedentibus, illac elabuntur in geminas arterias oppositas; & sanguis ventriculo dextro egressus per Venam arteriosam ad Pulmones tendit, qui verò in sinistro fuerat Aortam subit. Nec potest, ob valvularum dispositionem, ut jam diximus, sanguis regredi; unde fit ut jam vacui ventriculi ingressuro sanguini, quâ irrumpenti patent valvulae, non resistant, novâque sanguinis guttas excipiant, quæ eandem ac præcedentes mutationem patiuntur.

10. Ut autem intelligamus, quâ ratione perpetuus is esse sanguinis decursus possit, in animum revocandum est, quotiescunque Vena Arteriosa admittit sanguinem ex Corde illapsum, eo sanguine necessario impelli eum quo jam turgebat, ut per extremos ejus ramos egredi cogatur, & subire hiantes extremitates Arteriæ Venosæ, per quam ad Cor redit. Sunt enim inter Venam Arteriosam & Arteriam Venosam manifestæ, & oculis conspicuæ in Pulmonibus Anastomoses, per quas ex priori in posteriorem facile

facile transit sanguis. Similiter Aortæ sanguis novo  
 efferente pellitur, erumpensque per extremos ejus  
 arterias subit. Venæ Cavæ vascula; cum per con-  
 junctas, tum etiam oculorum aciem fugientes Ana-  
 stomoses.

11. Igitur Sanguis ab extremis artubus ad Cor redit  
 per Venam Cavam, ingrediturque ventriculum dex-  
 trum Cordis, unde in Venam Arteriosam transit  
 deinde in Arteriam Venosam; atque hinc in sinistram,  
 ventriculum Cordis, unde ad extrema membra decur-  
 rit, per truncum & ramos Aortæ, qui Anastomosibus  
 conjunguntur ramis Venæ Cavæ, per quos ad truncum  
 sanguis regressus iterum dextrum Cordis ventriculum  
 facit. Atque ita fit *sanguinis circulatio* Veteribus ig-  
 nota, & hoc demum sæculo à Th. Harveio Anglo in-  
 ventum.

12. Cum ipsa vasorum dispositio hunc Sanguinis gy-  
 rum satis comprobet, attamen & aliis manifestis ex-  
 perimentis præ oculis ponitur. I. Si animali vivo de-  
 tachatur ita pellis, ut vena quæpiam conspicua fiat,  
 deinde ea vena ita à vicina carne separetur, ut submis-  
 sibile vinciri seorsim queat; vena illa inter ligaturam  
 & Cor manifestò exhauritur & flacceffit, contrà verò  
 inter ligaturam & artus extremos inflatur. Si eo in-  
 loco venam aperueris inter Cor & Ligaturam, exigua  
 tantum sanguinis elabetur copia; cum si pungatur in-  
 ter ligaturam & corpus extremum, tantâ copîa sanguis  
 erumpat, ut facile necari eo profluvio animal possit.  
 Hinc manifestum est sanguinem ex artubus extremis  
 ad Cor per Venas ferri, non à Corde ad extrema, ut  
 existimabant Veteres. Idem etiam liquet ex ratione  
 quæ Chirurgi sanguinem emissurî artus vincire solent;  
 cum semper, non inter Vinculum & Cor, sed inter  
 vinculum & extremam Venam aperiant, quod mirum  
 est à Veteribus non fuisse observatum.

13. II. Alterum experimentum sumitur ex Venis  
 pelli proximis, quarum pars aliqua conspicua ita digito  
 premitur, ut sanguini ab extrema vena redeunti meatus  
 tus

tus intercludatur, intereâque superior pars venæ in-  
comprimatur alio digito ad superiora ex inferioribus  
sensim ducto, ut sanguis ad Cor repellatur; superiori-  
bus Venæ partibus evanescentibus, inferioribus vero  
tumescentibus. Si ne hoc quidem sufficit, ut decur-  
sus sanguinis ostendatur, tollatur digitus, quo meatus  
sanguini intercludebatur, & tum sanguis, quasi amore  
aggere, ab extremis ad media fluere ex tumore Venæ  
intelligetur.

14. *Anastomoses* etiam, singulari demonstrantur ex-  
perimento. Aperitur pectus animalis viventis, & post-  
quam paulò supra Cor vincta est Aorta, inter vincu-  
lum & Cor secatur. Quo peracto, non modo sanguis  
universus venarum, sed etiam arteriarum effunditur  
brevis tempore ex Corde, per sinistrum ventriculum,  
per quem sanguis in Aortam transire solet. Hoc au-  
tem fieri non posset, nisi ex Aorta paterent sanguini  
meatus in extremas venas, quibus ad truncum, deinde  
ad cor refertur.

15. Dum autem sanguis in orbem, per Cor & ve-  
nas fertur, in Corde & arteriis pulsationem excitat,  
quam manu cordi & arteriis extrinsecus apposita sen-  
timus, & in Corde etiam ex visceribus animalis vivi  
tracto videmus. Quod quâ ratione fiat, querunt  
Anatomi & Philosophi, & in duas quidem, circa cor-  
dis pulsationis causam, abeunt sententias. Alii existi-  
mant, quotiescunque in ventriculos Cordis incidit no-  
vus sanguis, eum misceri particulis prioris, quæ super-  
sunt in Corde, & quæ sunt ei instar fermenti, quo  
subitò effervesceat & dilatatur. Eâ autem rarefactione  
sanguinis existimant cordis ipsius substantiam dilatari,  
quod *Diastole* vocatur. Deinde sanguine ex ventriculo  
dextro in Venam Arteriosam, & ex lævo in Aortam  
effuso, Cor laxius fit & longius, quod *Systole* dicitur.  
Sed difficile est intellectu, quâ tam brevi tempore san-  
guis in Corde fermenti acquirat naturam, aut quomo-  
do non exhauriatur fons liquoris, aut corporis solidi,  
quod sanguini mistum in fermentum eum commutat.

16. Alii



16. Alii pulsationem cordis non sanguinis motui  
 animalibus, in ipsam cordis substantiam  
 tribuunt. Certè cum cor duplicis gene-  
 ris fibrarum texturâ constet, ut in ejus descriptione,  
 Capite, diximus; si fluant spiritus animales  
 per eas fibras, quæ à basi ad acumen rectâ tendunt,  
 facile est Cor dilatari; contrâ verò si incidant iide  
 spiritus in eas quæ sinuoso ductu à basi ad acumen per-  
 tinent, dum sinus delentur & longiores fiunt fibræ,  
 facile est cor longius fieri. Sed quomodo vicibus ita  
 mutantur ex nervis spiritus animales, nemo hætenus  
 observationibus docuit. Præterea prout sanguis cele-  
 rius aut lentius movetur, ut constat exemplo febrici-  
 tantium; cor etiam frequentius aut tardius pulsât, quod  
 videtur ostendere rem ex sanguinis motu oriri. Sed  
 præ variæ causæ huc concurrunt, cum notæ, tum  
 incertæ, de quibus certum judicium ferri nequit.

17. Quærent etiam Philosophi, quâ copiâ sanguis  
 singulis pulsationibus in Cor infundatur, & quo tempo-  
 re totius sanguinis absolvatur circulatio? Cujus copiæ,  
 & temporis ratio ita inita est.

18. In ove\* quæ viva 118 libras pondere æquabat,  
 inventæ sunt tantum 5 libræ &  $\frac{1}{4}$  sanguinis, quæ est  
 tantum  $\frac{21}{172}$  ponderis ovis. In agno, cujus pondus fuit  
 10 librarum &  $\frac{1}{2}$  dum viveret, erat tantum sanguinis  
 libræ  $\frac{1}{2}$ , quæ est ferè vigesima ponderis pars. In Anate  
 quæ viva erat librarum 2 & 14 unciarum, inventa est  
 sanguinis 1 &  $\frac{1}{2}$  & 53 grana sanguinis, quod minus est  
 quam 18 pars totius ponderis viventis Anatis. In Cu-  
 culo cujus viventis pondus erat 10 Unciarum, 7  
 drachmarum, & 50 granorum; fuere duæ Drachmæ  
 & 17 grana sanguinis, quæ est circiter 30 ponderis  
 pars.

19. In dextro ventriculo Cordis Canis, inventæ sunt  
 O 6 unc.



6 uncia sanguinis, postquam in jugularem venam injectus fuisset liquor, quo sanguis coagulatus est. In alio etiam Cane, cui idem factum fuerat, major sanguinis occurrit copia, & eorum quidem corda sanguine concreto summopere erant distenta. Itaque supponamus quatuor duntaxat sanguinis uncias simul in cor, sine vi, admissas; néve majorem copiam sanguinis, quam reverâ sit, admitti simul dicamus in cor humanum, quod amplius multò est, & ampliora habet vasa, statuamus etiam quatuor tantum uncias, singulis Diastolis, admitti.

20. Si singulis minutis 75 pulsationes attribuamus, erunt tantum 4500 intra horam, & 18000 uncia sanguinis intra id tempus transmittentur. Nam hic posterior numerus oritur ex priori per 4 multiplicato, qui est numerus unciarum, ut diximus, singulis Diastolis, Cor subeuntium.

21. Jam verò si supposuerimus sanguinem humanum eandem circiter servare proportionem cum pondere hominis, quam in aliis animalibus observavimus; cumque id in quo maxima sanguinis copia invenitur, agnus, nimirum, habeat tantum vigesimam ponderis sui partem; sequetur in homine 160 libras pondere æquante, sanguinem non superaturum 8 libras live 128 uncias. Quâ supputatione admissâ, totus sanguis 140 vicibus intra horam circumagetur, hoc est, ferè duabus vicibus intra minutum.

22. Plerique alii Anatomi supposuerant dimidiam unciam summum, singulis Diastolis cor influere, & copiam sanguinis in corpore humano esse inter 15 & 25 libras. Sed modò allata supputatio, ut accuratior esse videtur, ita duobus humani corporis phenomenis exponendis inservire potest, quæ alioqui vix possunt expediri. Primum est subita refectio, quam ex liquidis alimentis percipimus, quæ brevissimo tempore per omnes venas diffundi videntur, præsertim si tenuiora sint; ut vinum, quo hausto, si generosius sit, intra minutum, nos totos calefieri sentimus. Alterum est, de

de quo superiori Capite diximus, Urinæ subita secretio, quæ fieri non potest per alia vasa nisi quæ ad Renes pertinent, hoc est, per arterias emulgentes, per quas tamen tanta copia liquoris, & tam exiguo tempore ad Renes ferri nequit, nisi totius sanguinis circulatio celerrima sit. Addere possumus Chyli in Utera nutritum transitum, quem eò deferri, nisi per arterias, non posse hinc apparet, quòd nulla sint peculiaria vasa quibus ex stomacho in Mammæ vehatur, & quem tamen celerrimè illuc ire experienciâ constat.

23. Hinc jam intelligimus unde Arteriarum oriatur pulsus, cùm enim ex Corde in Aortam effundantur aliquot sanguinis uncie, tantus sanguinis affluxus, undè inflatur, ex ejus trunco ad ramos omnes subito fertur. Postquàm vero unâ Systole expulsus sanguis ad extremos ramos arteriarum pervenit, aut etiam antequàm eo pervenerit sequitur altera unda, quâ inflatur iterum arteria, & sic porro

— undà impellitur unda,  
Urgeturque prior veniente, urgetque priorem.

24. Præter vasa, in humano corpore à Veteribus deprehensa, & quæ oculis etiam incuriosis conspicua sunt, hoc sæculo Anatomi, cùm alia multa, tum *Ductus Lymphaticos* invenerunt, qui tenuissimis membranis constant, valvulis referti sunt, originemque à glandulis ducunt, ex quibus aut in venas sanguineas, aut in lacteas, liquorem limpidum vehunt; quo fortè crassior æquo sanguis, aut chylus attenuatur. Cùm sint inventu difficiles, nec semper eadem ratione per membra animalium ferantur, nondum satis plenè Anatomicis innotuisse videntur. Ideoque non opus est ut prolixius de iis, in hoc Physicæ Compendio, agamus.

## CAPUT IX.

*De Sanguificatione, Nutritione & Calore Animalium.*

1. **P**ostquàm egimus de sanguinis in Animalium corpore circulatione, de ejus formatione paucis etiam dicendum est. Norant quidem Veteres ex alimento sanguinem formari, sed quàm ratione id fieret, aut quibus viis in eum perveniret alimentum concoctum ignorabant; quæ omnia recentiorum Anatomorum felicior industria retexit.

2. Postquàm cibus in stomacho satis concoctus fuit, & in liquorem redactus, quamquam crassiores, in intestina decedit; quæ si totus præterlaberetur, nullâ sui parte in Animalium corpore relictâ, prorsus inutilis esset. Sed cùm sint in eo tenuiores partes, & crassiores duntaxat egerantur, ex tenuioribus fit liquor candens, lactis instar, qui *Chylus*, dici solet, & quo admisso sanguis augetur, animalque alitur & vegetatur. Veteres existimabant Chylum ex intestinis extremis venæ Cavæ ramulis attrahi, quibus propterea vim exsugendi tribuebant. Deinde, ut opinabantur, Chylus ad Jecur ferebatur, à quo etiam attrahebatur, atque in sanguinem colore rubro ei communicato, mutabatur. Sed quamvis magno supercilio hæc affirmarentur, cùm per se absurda, tum etiam experientiæ contraria erant.

3. Itaque ut ductus, & motus Chyli melius cognoscerentur, instituta est Animalium vivorum dissectio, & Canibus datus est copiosus cibus, ut postquàm eum concoxissent, in spirantibus visceribus quæreretur Chylus. Hac arte *Casparus Asellius*, Cremonensis, invenit venas lacteas per Me-

Mesenterium, inter venæ Cavæ ramulos, sparsas, & quarum extremitates ad intestina pertinent, unde in eas Chylus ingreditur. In iisdem ductibus, deprehenduntur etiam Valvulæ, per quas licet quidem Chylus ab intestinis recedere, sed eò retrogredi vetatur.

4. Paulò post *Asellium*, \* *Joan. Pequetus*, Medicus Parisiensis, medio hoc sæculo, invenit primùm à Mesenterio, seu à venis Asellii ductus ferri in amplius receptaculum subiectum, in quod vehitur totus Chylus. Vidit deinde ex eo receptaculo sursum per Thoracem ad Subclavias Venas serpere alios ductus chylicos, per quos Chylus sanguini affunderetur. Utrumque hoc inventum est ab eo, dum circa motum cordis occuparetur, nec tale quidquam animo versaret. Exemptis enim visceribus, cruoréque absterfo, conspicuus fuit lacteus liquor, & candicantis Thoracis ductus, quos ulterius sequutus circa Diaphragma & Mesenterium ad pectus esse deprehendit.

5. Ut, inventis Chyli ductibus, quam in partem ferretur sciremus, hoc artificio usus est Pequetus. Subclavias venas, sub eo loco quo sanguinem in Cavam effundunt, ligari oportet, ut subiectus liquor ad superiora transire non possit. Deinde aperto dextro Cordis ventriculo per eum emittitur omnis sanguis, qui circumculum erat, purgatúrque diligenter spongiis admotis. Tum premuntur lacteæ venæ digitos sursum ducentes per receptaculum ad ductum thoracicum, quæ juxta vertebrae ascendit. Paulatim ea vasa exhauriuntur, & ita Chylus ad Cor fertur, ut totus in cavitatem dextram cordis incidat. Unde colligere necesse fuit chylum ex intestinis lacteas venas Asellianas subire, deinde in receptaculum Pequeti ferri, postea ex eo per Ductum Thoracicum ascendere in Subclavias Venas, per quas in Cavam, ac tandem in Cor vehitur.

O 3

6. Cùm

\* Vide Pequeti Experim. Anatomica nova Paris. an. 1651 edita.

6. Cùm hi ductus in Canibus tantùm conspecti essent, dubitabant nonnulli num similes in hominibus invenirentur, quòd in Cadaveribus humanis inveniri, aut satis distinctè demonstrari non possent, quia ea paucis horis post pastum aperiri oportuisset, quo tantùm tempore turgent chyliiferi ductus. At non multò post edita Pequeti inventa, contigit Lutetiæ \* duos milites ebrios strictis gladiis certare, quorum alter gravissimè vulneratus à concurrente plebe ad Chirurgum delatus est, ubi antequàm curari vulnus posset, interiit. Chirurgus cadavere servato, & paulò post dissectione ejus instituta, chyliiferos ductus manifestò pluribus ostendit, chylòque exhausto in receptaculum lac immissum est, quod haud aliter ac chylus per eosdem tubos delatus ex ventriculo dextro cordis effluxit.

7. Hinc manifestò liquet Chylum non admisceri sanguini in Jecinore, ut existimabant temerè Veteres, nec proinde Jecur esse sanguinis Officinam, quod jam ex ejus visceris descriptione satis collegimus. Ipsa etiam exsugendi facultas inanis planè est, cùm liqueat ex lacteorum vasorum dispositione Chylum sponte suà ea subire, & cùm ingressus est, non posse regredi; quo fit ut novo liquore priorem perpetuò impellente, sanguini indefinenter affundatur. In hiantia, effluxu prioris liquoris, vasa, pondere suo, & mobilitate liquoribus omnibus communi fertur Chylus, sine ulla attractione, & cùm redire ingressus nequeat ulteriores valvulas impellit, quibus omnibus superatis in sanguinem cadit.

8. Chylus eo modo in sanguinem delatus materiam quàm augeatur perpetuò ei præbet, alioqui brevi exhauriretur, transpirationibus perpetuis corporis Animalium. Antequàm quomodo in sanguinem converti possit Chylus inquiramus, sanguinis jam formati tradenda est brevis descriptio.

9. Sanguis, diligenter Microscopii ope inspectus, con-

constare deprehenditur tribus partibus. 1. Est serum  
aqueum, quod constat particulis polygonis & pelluci-  
dis: 2. Sunt variæ fibræ, seu particulæ fibrosæ admi-  
sta: 3. globuli rubri. Sed quia in sanguine ex vena  
emisso & coagulato, fibrosa substantia partim rubris par-  
ticulis est intertexta, massamque concretam cum iis  
conficit; partim in sero aqueo dissoluta est, idèd olim  
in sanguine purpureum duntaxat liquorem, & pellu-  
cidum aqueum esse existimabant. Sed ubi Micro-  
scopium adhiberi cœpit, fibrosa substantia inventa  
est.

10. Utautem cognoscamus, quanta sit horum trium  
in sanguine copia, hoc institui potest experimentum.  
Libræ aquæ calidæ tantum sanguinis ex aperta vena  
profluentis affundi sinamus, ut aquam pondere uncia-  
rum trium & drachmæ unius augeat. Deinde hic si  
per chartam percoletur, in charta manebit crassioris &  
concreti sanguinis uncia dimidia, cum drachma unæ.  
Substantiæ verò aqueæ, leni destillatione in vas subje-  
ctum delapsæ, erunt libra una, sex uncia & drachmæ  
sex. Substantiæ verò fuscæ erunt drachmæ duæ, cum  
semisse. Itaque aquæ drachmæ tres cum dimidia in  
auras abire videntur, aut in charta, dum percolatur,  
herere. Quia tamen rubris globulis videtur adhuc ad-  
mixta esse substantia illa fibrosa, massa sanguinea quæ  
superest iterum est tepidâ aquâ diluenda, deinde per-  
colanda; ac tandem, post lenem exsiccationem, san-  
guineæ tincturæ supererunt drachmæ duæ & aliquot  
grana. Unde colligere est vix duodecimam esse in san-  
guine rubicundæ materiæ partem, eumque potissimum  
serosis & fibrosis particulis constare. Hoc autem expe-  
rimentum, in sanguine hominis plenâ valetudine uten-  
tis, sumptum est.

11. Cum hæc sit sanguinis natura, intelligere est  
Chyli maximam partem in serum & fibrosam substan-  
tiam abire, exiguam verò in rubras particulas converti,  
quod videtur variis coctionibus fieri. Sic in pulli for-  
matione, observavimus fuscum primum liquorem cer-  
ni,

ni, qui paulatim, dum coquitur, rubrum colorem induit. Quandoque unà cum sanguine \* erupit ex apertis venis manifestus Chylus, aliquot horis post pastum; unde liquet non unam circulationem requiri, ut sanguinis indat speciem.

12. Ut sanguinis natura pernoscat, etiam arte Chymicâ ad examen revocanda est, † quod fecerunt viri docti, qui in eo per destillationem Chymicam duobus esse salium genera, & duo olea animadverterunt. Est nimirum sal volatilis, & sal fixus ad marini naturam maximè accedens. Hæc autem simul mista variè sanguinem temperant, pro varia eorum proportione. Sanguis etiam, eadem de causâ, variè admisto Chylo afficitur, quod pluribus experimentis deprehensum est. Atque hinc fortè maxima morborum oritur pars.

13. Nunc ut ad *Nutritionem* veniamus, & ordine progrediamur, ante omnia in perfectioribus animalibus cibus ore manditur, seu dentibus conteritur, quod dum fit salivâ aliquatenus miscetur & maceratur. Deinde in stomachum cadit, ubi concoquitur; coctusque in intestina delabitur, per Pylorum, subtilioresque ejus partes Venas Lacteas subeunt; unde in sanguinem eâ viâ, quam diximus, feruntur.

14. Quærent Physici quâ ratione in stomacho concoquatur cibus, & Veteres quidem fieri hoc calore dicebant; sed cùm Piscium stomachus nullo calore sensibili præditus sit, & tamen cibos non minùs concoquat, alia ejus rei quærenda fuit causâ. Videmus etiam quotidianâ experienciâ multùm abesse, ut quod acerrimo calore coquitur, æquè celeriter dissolvatur, ac quod in animalium stomachum demittitur. Canes ossa dentibus comminuta, & deglutita inter aliquot horas concoquunt; quæ vix aliquot diebus, in olla cocta, in pulvem abeunt.

15. Ve-

\* Vide *Art. Philos. Lond. anni 1665. Mense Novemb. Num. X.*

† Vide *R. Boylei appar. ad Hist. sanguinis.*



15. Verisimilius ergo est fermentis nonnullis eam fieri dissolutionem, cum constet variis liquoribus corpora etiam solidissima dissolvi. Potest primum aliquid ad concoctionem conferre saliva, quæ est aliquot salinis particulis prægnans. Deinde cum in stomacho humano sint glandulæ, ut diximus, cum de Gallinarum ventriculis ageremus, quæ liquorem spirituosum evolvunt, credibile est eo liquore ciborum particulas dissolvi, atque in pulvem subalbam converti.

16. Cum sanguis humanus plenus sit sale volatili, spirituosisque oleis, quæ facillimè inflammantur; credibile est subtilissimas horum partes, arteriis in stomachi glandulas delatas, cibo mistas brevi tempore eum dissolvere. Quod tamen ut certò affirmari posset, indigeremus variis experimentis, circa eas sanguinis partes sumendis; quæ interea dum sumantur, ne conjecturæ plenum assensum præbeamus cavendum erit.

17. Non opus est hîc repetamus quâ viâ feratur in venas Chylus, sed cum unâ cum sanguine per totum corpus agatur, eum in venis, in quas varia ex variis glandibus incidunt fermenta, coqui dubium non est. Dum autem ita sanguis per corpus fertur, fieri non potest, quin variæ ejus particulæ carnibus aut ossibus adhæreant, eorûmq; molem exsiccata & indurata augent, nisi carnes & ossa aliunde minuantur. Atque hoc est, quod *Nutritio* dici solet, quæ quando copiosior est, augmentum corpori parit.

18. Ut initium faciamus à primis Animalis exordiis, dum in Ovo latet, videtur quidem potissimarum saltem partium rudimenta habere; sed cum ea tenuissima sint & molliâ, aut, si velimus, subtilissimarum membranarum instar, quæ subeuntibus novis particulis conspiciuntur; nutritio prima fœtus nihil aliud esse videtur, præter accessionem particularum vitelli ovi, quæ sacculis membranaceos inflant, & distendunt. Deinde dum sacculus ille, calore matris agitatus, tenuissimos illos tractus pererrat, partes quædam ejus hîc illic pro ra-

tione porulorum quibus excipiuntur hærent, quo fit ut augeatur moles foetus. Postea perpetuâ coctione, accessioneque variorum salium, partes quædam indurescunt, fiuntque instar musculorum, variis fibris constantium, deinde muscoli indurati osseam naturam acquirunt.

19. Hinc in foetu \* quinque, vel sex hebdomadam, musculis ossa mollitie non cedunt; cumque iis sint tendinibus adnexa, nihil videntur esse præter tendinum adeoque musculorum continuationem, quæ induruit paulatim. Nec sanè cartilaginee & membranæ, seu tendineorum filamentorum expansiones, ut ossium duritiem contrahant ineptæ sunt, & sæpe in ossa reverà mutantur. Non rarò Aorta circa cordis basin, non in Cervis modò & Bobus, sed etiam in Hominibus ætatis provectioris, ossa deprehenditur.

20. Foetu jam eo usque adaucto, & effecto, ut ossa duritiem aliquam contraxerint, potest considerari Nutritio ratione carniæ & ossium. Ad carnem quidem quod attinet, reliquasque molliores corporis partes carni intertextas, nutritionem ejus sanguinis operâ fieri Veteres & Retentiores consentiunt, sed non est una eorum circa rationem, quâ sit, sententia.

21. Veteres existimabant sanguinem, postquam ad extremos & tenuissimos venarum pervenerat ramos, iis egredi mutarique veluti in rorem, qui densatus instar glutinis fieret; ex quo glutine singulæ corporis partes ad se id attraherent, quod sibi quibusque conveniret, idque in substantiam suam commutarent. Itaque, si iis credimus, caro ad se attraheret quod alendæ carni aptum esset, ossaque similiter, attractumque in carnem & ossa converterent, *virtutibus*, ut loquebantur, *attractricibus*, & *assimilatricibus*.

22. Verùm cum hæc opinio contraria sit circulationi sanguinis, certissimè demonstratæ, si nihil aliud esset, rejicienda foret. Sed præterea nullo modo ostendit quâ

quæ ratione fiant ex mutationes in sanguine; & virtus nescio quas, quæ intelligi nequeunt, fingit; adeo accuratius philosophantibus nullâ ratione satisfacere possit.

13. Multo convenientior est rerum naturæ eorum sententia, qui existimant sanguinem in corde rariorem factum, & magno impetu in arterias erumpentem, quaquaversum niti iis egredi, adeoque per poros, si qui pateant, elabi. Cum autem pori arctiores sint quam ut liberè per eos quaquaversum sanguinæ particule possint moveri, certâ duntaxat viâ quâ porus patet progrediuntur; & dum alias aliæ immediate sequuntur, continuæ fiunt, fibrâmq; efformant, aut fibrâ partem.

14. Ossa verò aluntur admissis in poros particulis sanguinis durioribus ac minùs flexilibus, quales sunt salinæ, quas ei inesse observavimus. Quandoque in animalium recens mortuorum fractis ossibus inventæ sunt guttulæ sanguinæ, unde colligere licet per ossium poros sanguinis partes meare. Deinde arte Chymicâ resolutis ossibus, animadvertimus præter phlegma & oleum foetidum, multum salis volatilis ex iis elabi, remanente capite mortuo, quod crassius sulfur, & salem fixum complectitur. Itaque credibile est sanguinis particulis salinis, sulfure irretitis, potissimum ossa constare, adeoque ejuscemodi particulis ali-

15. Si quis quærat, quis sit ergo medullæ in ossibus usus, quoniam iis alendis non inservit? respondent medullam esse oleosam sanguinis partem purissimam, vesiculisque tenuissimis inclusam, cujus est duplex usus. Primum à sanguine in circulum acta, resorpta, salem qui in eo est ne nimis acris sit, obtundit, ut sit omni pinguedine, & fluidiorem sanguinem reddit. Secundò medulla, dum ossium poros variè permeat, impedit quominus fragilia sint, ut essent, si planè sicca forent, nullâque pinguedine imbuta. Sic arundines, quibus scipionum instar utimur, oleo incoquantur ut flexiliores sint, alioqui nimis rigidæ, præ siccitate, facillimè

cillimè frangerentur. Hoc autem animalium ossibus planè necessarium est, ne oneribus, quæ sustinere ea oportet, frangantur.

26. Eadem suppositione, facilè exponitur calli, qui ossibus adnascitur, generatio; nempe, partes salinæ & oleosæ quibus pori ossium permeantur, quando per ductus solitos ferri non possunt, & ossa æqualiter augere, in effracta parte, quâ egressus patet hærent, & inaequalem callum generant.

27. Si dum nutritione adduntur carni & ossibus partes, nihil ex animalium corpore elaberetur, aut minor copia particularum absumeretur, quàm accedit; crescerent mirum in modum, & perpetuò. Sed cum corpus poris sit refertum, ut vel ex sudore constat, & calore perpetuo agitetur, in auras abeunt innumera subtiliores partes quæ ad extremam cutem accedunt, quibus fit ut incremento imponatur modus. Tenerè tætere, dum plures accedunt partes, quàm abeunt, crescunt animalia; cum verò totidem abeunt ac subeunt, eodem in statu manent; sed si contingat plures egredi quàm succedere, ut fit morbis & senectute, decrescunt.

28. Præter calorem, quem motu vehementiore, aut in Sole positi, aut ad ignem accedentes sentimus, est alius constans ac perpetuus, qui *naturalis calor* dici solet. Hic si extinguatur, actum est de tota Animalis Oeconomia, adestque eo destitutis mors præsentissima.

29. Videtur is Calor oriri ex motu sanguinis, non eo duntaxat quo à corde ad extrema tota sanguinis fertur & moles, sed potissimum vario motu singularum ejus particularum, quæ dum quaquaversum agitantur, commovent vicinas nervorum fibras, & caloris sensationem, in Mente nostra, procreant. Is autem motus sanguinis videtur oriri ex mistura variorum fermentorum, quæ sanguini illabuntur, ex Glandibus plurimis. Sic videmus oleum Tartari, & oleum Vitrioli mista vehementer agitari, atque ita incallescere,

ut

ut liquor iis conflatus effervescat, & tangentium manus calefaciat. Nonnulli sanguinis, ut diximus, fermentationem potissimam in corde fieri opinantur, atque inde calorem in reliqua membra manare, sed res difficultate, ut ostendimus, non caret.

## CAPUT X.

### De Animalium Sensibus & Motu.

1. Cum de Nervis ageremus, diximus eos videri ex arteriis desinentibus in easdem glandulas, ex quibus nervi originem ducunt, trahere subtilissimas sanguinis partes, quæ *spiritus animales* vulgò dici solent. Observavimus etiam Nervos spiritibus animalibus turgentes posse esse instrumenta sensuum; sed res est nunc copiosius diducenda, cum ad Animalium cognitionem pertineat.

2. *Sensus* summatim spectatus nihil aliud est, præter *sensendi facultatem*; quæ prout variis organis utitur, varia sortitur nomina. Scholastici propterea aiunt esse *sensum internum*, quem *communem* etiam vocant, & *sensus externos*, seu *particulares*. Hisce volunt sensationes ad illum internum & communem deferri, qui eas discernat. Sed, ut diximus, est unica facultas quæ variis utitur organis. Una enim in nobis eademque Mens sentit quod auribus, oculis, naribus, tactu, & visu ad eam defertur, ut in *Pneumatologia* ostendimus.

3. In unaquaque sensatione, tria distinguenda sunt:  
1. est *actio* objecti in corporis nostri organa. Exempli causa, ante ignem sedemus, caloremque sentimus; primum, ea in sensatione, considerandus particularum ignis appulsus ad corpus nostrum, quod iis afficitur: 2. Est *passio* organi. Sic corpus movetur particularum

larum ignis appulsu : 3. Moto organo, *percellitur* Mens sentitque corpus suum affectum fuisse.

4. De hac postrema sensationis, ut ita dicam, parte, non est hic agendi locus ; ad Pneumatologiam ea, potius quàm ad Physicam pertinet. Sed de duabus prioribus dicendum nobis est, quæ ad solum Corpus spectant. Ante omnia observandum, quamvis sensus quinque soleant numerari, quos antè diximus, omnes ad unum posse referri ; *Tactum*, nimirum ; nullum enim objectum corpus nostrum afficit, nisi Tactu, ut postea de singulis ostendemus. Sed ut organa distinguerentur ; Tactus partibus omnibus corporis attributus est, quæ admoveri superficiei objecti possunt, & in pelle propriè ejus sedes constituitur. Verum si pro organis distinguendi erant sensus, plures fortè fuerunt constituendi, plura enim sunt quibus sentimus. Exempli causâ, fames & sitis sunt sensationes vehementes, quæ sua habent organa ac proinde potuere sensum singularem, aut etiam geminos facere. De singulis tamen paucis agemus, quia sunt plurima circa hæc cognitione dignissima.

5. Ut à *Visione* initium faciamus, & ab oculo, qui ejus organum est, ordiamur, sic ab Anatomis describitur, quatenus hoc ad institutum nostrum, visionem nempe, pertinet. Primam se conspiciendam præbet *Tunica cornea*, quæ pellucida est, & ad latera videtur alba. Proxima sequitur *Tunica uvea*, quæ pertusa est, eâ parte quæ *pupilla* dicitur. Circa hanc Tunicam est humor, qui *aqueus* vocatur, quod aquæ speciem refert. Postea occurrit corpus pellucidum, lenticularis figuræ, *ciliaribus ligamentis* suspensum, quod dicitur *humor crystallinus*, estque paulò convexior quâ parte in caput obversus est, quàm quâ pupillam respicit. Pone humorem crystallinum oculus plenus est humore viscido, memoratis limpidiore, & crassiore quidem aqueo, sed tenuiore crystallino ; qui humor dicitur *Humor vitreus*. Fundum verò oculi est stratum tenuissimo rete, quod constat nervi optici filamentorum texturâ, quæ *Tunica retina* vocatur.

6. Si nervi optici intra Cranium inspiciantur, accedere ad invicem cernuntur, & plerumque tunicâ saltem uniri; deinde iterum sejungi, & tenuissimis filamentis per cerebrum spargi. De iis plura diximus, cum de Piscibus, in quibus maximè sunt conspicui, ageremus.

7. Jam ut paucis dicamus quomodo fiat visio, ante omnia observandum nullum posse fieri nisi ope *luminis*, cujus naturam & phænomena cum nondum exposuerimus, accuratè hac de re hic agere non possumus. Satis erit si dicamus radios luminis à superficie corporum ad oculos nostros pertinentes, tunicas, humorésque pellucidos variè permeare, ut videmus radios in vitrum incidentes non eodem modo id pertransire. Qui ad perpendiculum, hoc est, in mediam pupillæ partem, rectà incidunt, ii fundum oculi rectà petunt; sed qui obliquè pupillam subeunt, per tunicas, humorésque refringuntur, adeò ut non rectà ad fundum perveniant; quod refractionem Legibus, quas tradere nondum possumus, constat. Hinc fit ut radii varii in Retina coeant, pro eorum refractionis ratione. Radii autem dum motu suo varias partes Retinæ concutiunt, filia nervi optici movent, motusque ille ad cerebrum pertinet; ut videmus chordas musici instrumenti, si tense sint, non posse in extremitatibus moveri, quin motus ille totis chordis communicetur. Ex occasione autem ejusmodi motûs, ad cerebrum pertinentis, excitatur in Mente nostra idea objecti, quo organum externum perculsum fuit, & sic peragitur visio. Verùm hic spectamus duntaxat quæ in corpore fiunt.

8. Cum autem notum sit objecta omnia, è regione, oculis nostris opposita non semper, aut non æquè distinctè cerni, quærendæ sunt ejus rei rationes. 1. Objecta nimis tenuitatis non reflectunt ad oculos nostros sat multos radios, ut retinæ filamenta movere possint, ideoque non cernuntur. 2. Objecta nimium remota, à quibus quidam sat multi reflectuntur radii,  
nisi



nisi sint lucida, fugiunt oculos nostros, quia eorum radii intercipiuntur variis lucis motibus, aut impulsio-  
nibus, aut opacis corpusculis aëris. Sed lucida tantū  
vi radios pellunt, ut omnia illa impedimenta superent.

3. Quo remotiora sunt objecta, eò pauciores radios ad oculos nostros pertingentes emittunt, ideòque eò mi-  
nora videntur. 4. Quò plures radios mittunt, eò vi-  
vidiora cernuntur, præsertim si radii vehementiùs im-  
pellantur, quo fit ut nonnullorum corporum, ut Solis,  
non possimus vim sustinere, propter concussam æquo-  
vehementiùs Retinam. 5. Minus verò lucida corpo-  
ra, aut etiam planè opaca, pro copiâ radiorum,  
eorumdémque vehementiâ clariùs aut obscuriùs cer-  
nuntur.

9. Diximus radios ex partibus singulis objectorum  
oportere in Retina colligi, eòque fit ut sit sensatio &  
distinctior & vividior, quando singula objecti puncta  
reflexis radiis Retinam afficiunt. At si contingeret Ra-  
dios colligi ultra Retinam, aut cirra, aut nullo modo  
cerneretur objectum, aut confusius esset; ceterioribus  
enim radiis Retina nullo modo concuteretur, ulterio-  
ribus verò molliùs & confusius.

10. Si rigidis essemus oculis, qui nullatenus flecti  
possent, nihil videremus saltem distinctiùs, nisi quod  
certâ distantia à nobis remotum est, ita ut radii ex eo  
corpore reflexi, & in oculo refracti, in Retina coi-  
rent; rationes enim opticae certam distantiam requiri  
ostendunt, si eodem in statu maneat oculus. Sed ita  
oculos habemus ut planiores, aut convexiores fie-  
ri possint, ut ex variis distantis radios æquè colli-  
gant.

11. Quando ergo cupimus cernere objectum, quod,  
pro statu ordinario oculi, remotius est, quàm ut di-  
stinctè perspicui possit, sunt quatuor *musculi recti* qui-  
bus oculus fundum versùs contractus planior fit, quò  
retina sat vicina sit crystallino humori, ut in eam in-  
cidant conjunctiones radiorum, ex singulis punctis ob-  
jecti reflexorum. Si verò cupiamus objectum æquo  
pro-

propius lustrare, oculos fit longior seu convexior duobus *musculis obliquis*, quibus involvitur. Tum distantia quæ est inter humorem crySTALLINUM & Retinam satis magna fit, ut radii ex objecto proxime in oculum incidentes, colligi possint in punctum Retinæ. Atque hoc semper fit, nisi objectum sit prorsus oculis appositum, quo situ conturbatur planè visio.

12. Hoc quoque animadversione est dignum, pupillam dilatari aut contrahi posse, prout necesse est. Si simus in loco lumine prorsus illustrato contrahitur, si in loco obscuriore dilatatur; quo fit ut subita lux oculos aliquantisper hebetet, & è loco illustrato in obscurum transientes, veluti cæcutiamus. Nempe, ubi est ingens lucis copia, tantà vi pupillam subit, & in Retinam incidit, ut hanc in interiora capitis pellat, quo in situ oculus fit longior & contractior pupilla; ubi verò est lux tenuior, oculus in statum suum redit, & dilatatur pupilla, ut quidquid est radiorum colligat.

13. Cùm radii lucis refringantur ex aëre in oculum incidentes, ut solent cùm ex medio rariore in densius incidunt; non idem fit in animalibus in aqua viventibus, quod in iis quæ in aëre degunt. Radii enim ex aëre in humorem aqueum incidentes refringuntur necessarid, quod non fit quando ex aqua, in qua natant Pisce, in aqueum eorum humorem incidunt. Itaque non possent colligi in eorum Retina, nisi huic incommodo obviam isset Naturæ Opifex, qui propterea iis dedit convenientissimum humorem crySTALLINUM, qui potè sphaericus est, cùm in nobis sit lenticularis.

14. Quæri solet, quare senes objecta propiora confusus cernant? Quod fieri credibile est, quia cùm senes plerique macilentiores fiant, & sicciore, oculi eorum ita contrahuntur ut minùs sint convexi, & aliquantò latiores, quàm quando minùs provectæ ætatis erant. Ea autem dispositio oculorum non patitur radios ex objecto propiori profectos in Retina coire. Quà de causa, id objectum confusè vident, nec quidquam cer-

cernere possunt distinctè, nisi sit in requisita distantia: quamquam enim oculi contrahi aliquatenus possint, in organis siccioribus, ac proinde durioribus, tanta mutatio fieri nequit. Hinc etiam intelligimus, quare senes perspicillis indigeant; quod enim in oculis eorum fieri nequit, id fit ope perspicilli. Radii, scilicet, qui nimis divergebant quàm ut in senum Retina colligi possent, convergentiores ope vitri convexi fiunt; ac proinde ita incidunt in oculos, ut in Retina conjungi facile queant.

15. Cùm verò nonnulli naturâ habeant oculos longiores & convexiores, quàm alii; distantia quæ interjacet inter humorem crystallinum & Retinam major est solito, quo fit ut remotiora objecta, æquè ac alii, cernere nequeant. Radii enim ex iis profecti, antequàm Retinam attingant, coeunt, atque iterum sejuncti dissipantur.

16. Multa alia de visione proponi solent, sed quæ non possunt in hoc Compendio expediri, satis erit ea principia posuisse, quæ viam muniunt reliquis intelligendis. Qui plura volent, poterunt inter alios adire *Jac. Rohaltum*, qui ad calcem I. Partis Physicæ prolixè hac de re egit.

17. Quæ hætenus diximus ad actionem objecti in oculos duntaxat pertinent. Hoc autem ad plenam sensationem non sufficit, cùm videamus homines cecos, in quorum oculis nullum vitium deprehendi potest. Postquàm radii in Retinam inciderunt, eamque commoverunt, motum illum oportet ad cerebrum usque pertinere, ut fiat sensatio. Sed ad quam partem necesse sit motum illum pervenire, & ubi desinat hætenus inveniri non potuit. Alii *Glandulam Pinealem*, sive *Conarion* eam esse partem judicarunt, quòd unica sit, & fasciculus nervorum opticorum non procul ab ea sit. Alii *Medullam oblongatam*, quæ unica etiam est, & in quam nervi in spinam dorsali descensuri collecti sunt. Sed hæ sunt meræ conjecturæ, & nulla pars est cerebri in quam omnia nervorum paria ita concurrant, ut possit

possit omnium sensationum particeps esse, earumque veluti commune centrum dici. Præstat itaque fateri, postquam intra cranium sensationum motus persequuti sumus, in tot vias spargi nervos, ut errore viarum confundamur.

18. Hinc quoque colligere est non facile esse dictu quare quod geminos oculos ferit, simplicem efficiat in cerebro sensationem; putabant enim veteres Sensem illum communem, utriusque oculi impressionem sentire; alii nescio quæ fila nervorum *sympathetica* finxerunt, quæ tandem utrimque coirent, & unam imaginem in cerebro efficerent. Sed sensus ille communis merum est commentum, neque in unum ita usquam cœunt nervorum opticorum filamenta. Digna tamen est quæ hac de re legatur nova theoria visionis, \* *Guillemi Briggs*, ut & ejus † *Ophthalmographia*.

19. Gravis etiam est difficultas in invenienda causa multiplicis judicii, quod à nobis fertur de Objecto sensationis extra nos posito. Vidimus enim sensationem, quæ *Visio* dicitur nihil esse præter commotionem cerebri, aut nervorum saltem opticorum qui ex cerebro originem ducunt. Motu autem illo excitatur, 1. imago Menti obversans: 2. illi imagini simile quidquam extra cerebrum nostrum judicamus: 3. de ejus distantia & magnitudine judicium ferimus: 4. colorem aliquem ei attribuimus.

20. 1. Quis nexus est inter motum cerebri, & imaginem quam videmus? quæ similitudo motûs nervulorum, & innumerarum omnis generis imaginum, quæ nobis obversantur? Attamen constat, modò organa rectè disposita sint, & lux splendeat, radiis in oculos admissis, omnia quæ nos ambiunt à nobis cerni, nisi propter tenuitatem aut distantiam nullos ad nos remittant radios. Rem novimus, sed si verum fateri velimus, modum prorsus ignoramus. Qui Deum hoc in negotio interponunt, quo volente & cognoscente, mo-

\* In *Atq. Anglicanis. Ann.* 1682. num. 6.

† Edita primum anno 1676. & deinceps aliquoties.

motus cerebri objecta menti offerant, rem incomparatam affirmant, & novas difficultates prioribus addunt.

21. II. Quæritur, cum motus sit in cerebro, & idea rei, quæ extra nos est, immediatè obversetur Menti, quid fiat ut motum illum cerebri non sentiat; neque ideæ adhæreat, sed illico extra corpus Archetypum ideæ, quâ percellitur, quærat? Ad prius quidem quod attinet, videtur esse naturæ Lex, ut hoc ita fiat, motum, nempe, cerebri non animadvertamus, sed ex ejus occasione, objectum à quo excitatus est. Quomodo autem ea Lex exsequutioni mandetur nescimus. Ad posterius verò quod spectat, videmur nascentes, cum objecta externa nobis sese offerrent, consensuque esse semus imagines eas, sine nostra operâ, in nobis excitari, aut Menti obversari, neque in nobis ipsis quidquam simile sentiremus; videmur, inquam, judicasse sapius objecta illa, quæ cerneremus, esse extra nos. Imò verò ideas objectorum ab iis non distinguebamus, solâque acriore meditatione deprehendimus res esse diversas. Hinc factum ut quotiescunque ita percellimur, de re externa statim cogitemus.

22. III. Non modò objecta extra nos esse judicamus, sed etiam quantoperè distent à nobis conjicimus, quod sit variis experimentis, paulatim à vitæ initio sumptis. Cum vidimus objectum dissitum, & ad id primùm pervenimus, de ejus distantia fortasse vix ullum judicium tulimus; sed cum quotidie talia sumeremus experimenta, tandem consuetudine illâ factum est, ut inciperemus judicia de distantia objectorum ferre; ac denique ita assueti ei rei simus, ut illa rapidissima judicia, ut ita dicam, vix animadversione in nos conversâ deprehendere in nobis possimus. Non loquemur hinc de mensura distantie, seu de numero pedum, aliarumque ejusmodi mensurarum, quam esse inter nos & objecta judicamus; pendet hoc ab usu ejusmodi rerum, & à judicandi consuetudine.

23. Si sint inter objectum, quod potissimùm spectamus,

omnibus, & de cujus distantia judicare volumus, alia ob-  
 jecta; his consideratis, de ejus distantia facilius, & si  
 omnia videre possumus, tutius judicamus. Sed ubi  
 omnia non videmus, ut si sit inter Turrem remo-  
 tum & nos murus interpositus; aut nihil cernimus,  
 cujus ope, veluti gradibus, ad objectum remotissi-  
 mum, dimetientes spatium interjectum, pervenire  
 possumus; tum difficulter certa judicia ferre possumus,  
 modo verò nonnisi casu verum assequimur. Judicamus  
 plerumque, exempli gratiâ, Turrem quæ est trans  
 murum ei contiguam esse, & Stellas, cum fixas, tum  
 erraticas, non esse, nisi aliquot milliaribus, à nobis dis-  
 tectæ.

14. De Magnitudine objectorum eodem modo ju-  
 dicamus; paulatim, nimirum, experimentis quotidiana  
 magnitudinem objectorum compertam, saltem ut  
 videtur, conferimus cum distantia comperta, atque  
 inde paulatim ex iis quæ novimus ad ea quæ ignora-  
 mus judicia ducimus, quæ sunt fallacissima. Ut e-  
 nim, circa distantiam, facile fallimur: ita etiam ficti-  
 tiam magnitudinem objectis tribuimus. Sic postquam  
 Astra non esse multum dissita judicavimus, perperam  
 non multò majora esse quàm apparent censemus. Hinc  
 etiam fit, ut orientem Lanam majorem esse credamus,  
 quàm cum est in Meridiano; quia cum videamus ma-  
 gna terrarum spatia inter eam & nos, cum oritur, sita,  
 remotiorem, adeoque majorem judicamus; quàm cum  
 est in Meridiano, ubi major apparere deberet, quia est  
 propior.

15. IV. Colorem etiam, qui est modificatio Men-  
 tis nostræ objectis tribuimus, simili errore. Cum e-  
 nim nonnisi præsentibus objectis cœperimus colores  
 videre, existimavimus eos objectorum superficie in-  
 esse, cum sint in nobis; ut vel hinc liquet quòd ima-  
 ginando possumus conspectum colorem ita Menti obje-  
 cere, ut præsentem intueatur, unde manifestum est  
 esse Mentis modificationem ex occasione motus cere-  
 bri ortam, non *qualitatem*, quæ superficie objectorum  
 ad-

adhæreat, & à nobis immediatè cernatur, ut vulgè putant. Sed hac de re in Lib. V. ubi de *Coloribus*.

26. Proximus Visui sensus est *Auditus*, cujus organum est *Auris*, objectum *Sonitus*. De organo paucè agendum, deinde de objecto. *Auris* externæ partes oculis subjæctæ descriptione non indigent, sed cum oculi non possint ad intimum cavitatis quæ cernitur recessum pervenire, opus fuit Anatomico cultro ut patefieret. Cavitas, cujus initium videmus, flexuoso ductu pertingit ad tenuem & siccam membranam in ejus fundo tensam & osseo circulo adnexam, quæ membrana *Tympanum* vocari solet. Intra illud, in Antro quodam, occurrunt tria ossicula, cum musculo arque inter se connexa, quæ *Malleus*, *Incus*, & *Stapes* dicuntur; primum impositum est secundo, secundum tertio. Cæterum Antrum illud, in quo illa sunt, rotundum fere est & aëre videtur plenum. Circumquaque variz sunt cavernulæ, ad quas via est à majori Antro aperta. In hisce cavernulis, sparsim latent rami tenuissimi quinti Nervorum paris, quod ad aures porrigitur. Est etiam ejus ramus qui Tympani membranæ instar chorde subensus est. \*

27. Tale est Auditus organum, de Sonitu quo afficitur hîc multis non agemus, quia res amplio rem tractationem requirit, quam in Lib. V. rejiciemus. Hic tantum supponemus, quod alibi probabimus *Sonitum* duplici sensu posse intelligi. Aut enim significat id quod sentimus cum sonorum corpus commotum aures nostras afficit, quâ notione est sensatio Mentis, si ve ejus modificatio; aut id quod immediatè fit, commoto corpore sonoro, quod nihil aliud esse videtur præter *Aëris tremulum motum*, ut alibi demonstrabimus. Itaque tremulus motus aëris occasio est, quâ fit ut excitetur in nobis sensatio sonitus; ut lucis impulsio

\* Prolixè hac aliisque multò plura *Dn Vernoy* in libro Gallico, de *Organo Auditûs* in 12. Lutetia 1683.



ratio est, ob quam oriuntur in nobis colorum sensa-

His positis, facile est intellectu aërem tremulo motu aditum, cavitatem externam auris influere, iteratimque fluctibus Tympanum verberare, quo commotione ossicula quæ diximus intra Tympanum commoveri agitatursque similiter aër Antro inclusus, nervulos in cavitatibus latentes concutit, atque eo concussu ad cerebrum perveniente, excitatur in Mente sensatio sonitus. Pro motûs autem celeritate, vehementiâque & variis aëris dispositionibus, variantur soni.

29. Circa sonitum similia possunt proponi iis quæ de Visu ante dicta sunt, circa nexum motuum cerebri & sensationes variorum sonituum; judicia quæ ferimus de causis sonitus externis, aliâque ejusmodi. Sed cum eisdem principiis solvi possint, non est necesse amplius iis immoremur.

30. Auditum sequetur *Olfactus*. Hujus organum sunt *Nares*, aut potius ea pars narium, quæ nervulis per Os cribrosum transeuntibus constricta est, de qua diximus Cap. VI. §. 9. Hæc ergo pars corpusculis ex odoriferis corporibus elabentibus, & unâ cum spiritu in nares adductis, pungitur, & quidem variè pro varietate odorum; quo fit ut nervi commoti, eum motum ad cerebrum deferant. De Odoribus Lib. V. dicemus, ubi ostendemus in corpore odorifero particulas esse, quæ elapsæ nares subeunt.

31. *Gustus* organum est *Lingua*, in quam descendunt à cerebro tertium, quartum & septimum par nervorum, quæ ramulos inter Linguae fibras spargunt, desinuntque in *papillas* quasdam, Linguae superficiei proximis. Hæ papillæ corporum saporum acutioribus particulis punctæ commoventur, motumque suum in nervos quibus adhærent transmittunt, quo fit ut Mens saporis sensatione afficiatur. De corporibus sapidis agamus fusiùs Lib. V.

32. *Tactus* organum est pellis, in qua *cutis* & *cuticula* distinguuntur. Refertæ sunt glandulis, in quas desinunt

sinunt arteriæ, & quæ habent singulæ vas excretorium quo immittuntur nimie sanguinis serositates. Verum hæc nihil ad tactum faciunt. In extremis Nervorum ramulis, cernuntur *papillæ* ad cuticulam usque porrectæ, quæ iis quæ tanguntur compressæ, nervos concutunt. Ea deinde commotio, per nervos tensos & animalibus spiritibus turgentes, ad cerebrum pervenit, unde fit ut Mens corpus suum aliquid tetigisse animadvertat.

33. Hisce circa sensus expositis, aliquid addendum de motibus Animalium; quod eò facilius intelligetur, quòd jam per nervos è cerebro fluere spiritus animales per totum corpus observarimus. Hoc enim intellecto, haud ægrè videbimus cerebro Nervorum motibus percusso, defluxum spirituum animalium in certas partes corporis determinari; seu hoc fiat mechanicè, seu Mente volente.

34. Omnis motus fit per musculos, seu partem carnosam ossibus adhærentem. Hi enim prout inflantur, subeuntibus per nervos spiritibus animalibus, trahunt ad se ossa; aut prout aliò transeunt spiritus, remittuntur, & tracta priùs ossa ad pristinum situm redeunt. Observandum autem est, unicuique ossi, quod solet moveri, additum esse musculorum par, quorum alter dicitur alterius *Antagonista*, quòd contrario inserviat motui.

35. Facile quidem intelligimus cùm musculus in longum porrectus inflatur, fibras ejus tendi, & quò latior fit, eò magis longitudinem ejus minui; ac proinde os, cui tendine adnexus est musculus, eam in partem adduci in quo inflatus est musculus, & pro vi materię quæ musculum influit, ejusque copia, vehementiorem ac fortiolem esse motum. Sed non est facile intellectu unde tanta copia spirituum animalium suppeditari tot motibus possit, & unde tantam vim nanciscantur, ut possit ingentia pondera sustinere. Hinc factum ut nonnulli existimarint spiritus è cerebro in nervos demissos, & mistos lymphæ ac sanguini musculorum

lorum subitò effervescere & rarefieri, eâque ratione musculos inflare. Sed difficultates memoratæ eâ ratione non satis solvuntur, nec tamen quidquam probabilius occurrit. Legendum de hoc toto negotio ingeniosissimum \* opus *Alphonfi Borelli de Motu animalium*, ubi omnia sigillatim, & summâ diligentia persequitur.

36. Observabimus tamen duplicis generis esse motus, quosdam, nimirum, voluntarios, alios verò involuntarios. Voluntario motu, corpus totum quò voluntarius transferimus, brachia, manus, femora, crura, pedes variis modis movemus. Sed involuntario, seu sine voluntatis interventu, motu cietur cor, & sanguis per totum corpus agitur, fit ciborum concoctio, & percolatio variorum liquorum.

37. Involuntariis motionibus, Mens ex cerebro videtur in musculos spiritus animales mittere, qui missi succi, spiritibusque jam in musculo restagnantibus cum instant. In voluntariis, an similiter spiritus mechanice descendant, nobis non constat, sed videmus musculos à reliquo corpore avulsos sat diu moveri, unde constat in iis esse etiam aliquod principium mechanicum motus. Exempli gratiâ, Corda variorum animalium diutissimè, è pectore educta, moventur; quòd, nempe, ex compacta eorum substantia non statim ac pressa sunt, spiritus animales evanescant.

38. Ut hæc paulò plenius illustrentur, proponemus conjecturam circa musculorum motum, si non veram, tamen certe non absimilem. † Cùm motus musculi fiat ex fibrarum, & fibræ contrahi possunt, ac reverà contrahuntur, ut *αὐτομάτῃ* constat, motus omnis musculi, utique ejus vis pendet ex collectione virium singularam fibrarum. Hoc autem posset hoc modo fieri. Supponamus singulas fibras constare catenâ vesicularum, seu utriculorum, à quorum aliis in alios dentur

P

mea.

\* Roma annis 1680 & 1681 editum, & postea Lugd. Bat.

† Ex *actis Philos. Londinens. Ann. 1681. n. 2.*

meatus. Si contingat flatum subire eos utriculos, omnes vehementer inflabuntur, poteruntque, flatu durante, mirum in modum intendere musculum, eumque veluti indurare, quo fiet ut sat magna pondera sustinere possit. Sic videmus maxima pondera vesicæ imposita, si inflatur immisso vento, attolli.

39. Jam cum constet per musculos sparsos esse varios arteriarum ramos, nihil obstat quominus per arteriarum poros subtiliores partes sanguinis erumpant, & vesiculas, quas diximus, subeant. Præter hunc succum, per ramos nervorum, quaquaversum etiam sparsos alia adventat materia tenuior & commotior. Hæc autem priori mista, & subiens etiam vesiculas, perpetuam quadam ebullitione eas inflat, dum vivit animal; & prout dissipatur per transpirationem, reparatur per novam affusionem ex arteriis & nervis. Sic vivente animali, inflatiores & duriores sunt semper musculi, mortuo vero paulatim flaccescunt, & contabescunt. Cum autem movendus est musculus, & præter solitum intendendus, ut pondus quodpiam sustineatur, major ex cerebro spirituum affunditur copia.

40. Quam postremam in re hoc mirabile occurrit, quod volente duntaxat Mente, nec de spiritibus aut nervi cogitante, imò ne sciente quidem an ejusmodi sint effluvia & rubi, aut quem musculum intendi oporteat; fluant tamen spiritus, quod eos fluere necesse est, ut quod Mens vult fieri possit, modò valetudine fruamur, membræque rectè disposita sint. Mens hoc in negotio similis est diviti cuipiam Hero, qui vel solo nutu quàm se indigeat significat servis, eamque paulò post accipit, quamvis nesciat unde peti debeat. Sed quis Mentis imperia tam scienter & celeriter exsequatur definire, hoc opus, hic labor est.

## CAPUT XI.

De Fame, Siti, Vigilia, Somno, Sanitate, Morbo & Morte.

**E**A est Corporis nostri dispositio & cum Mente conjunctio, ut prout benè aut malè, ad sui conservationem quod spectat, affectum est, ita etiam Mentem motibus suis afficiat; ut monita amovendis iis quæ corpori nocent, aut admovendis, quæ profunt, quantum ei licet, curam adhibeat. Cum alimento indiget Corpus, molestà sensatione famis; cum potu, sitis Mens afficitur. Si Corpus quiete non indigeat, vigiliamus; si necessaria sit quies, dormimus; aut sentimus nos facilè posse vigilare, aut dormire. Si rectè habeat Corpus, sensu quodam bonæ valetudinis perfrindimur; si laboret, languescit etiam Mens; donec ita dissoluto Corpore ut vitalibus muneribus fungi non possit, solvatur ejus cum Mente unio.

2. Hæc omnia paulò attentius hoc Capite consideramus, & ut à *Fame* initium faciamus, postquam per aliquot horas cibum non sumpsimus, vacuo stomacho, nescio quam molestam stomachi & intestinorum contractionem sentimus, quem sensum Famem vocamus. Potest ex duplici causa oriri ducere, 1. à contractione stomachi & intestinorum, quæ cum nimia est, non potest nobis dolorem non creare, solent enim hæ partes hiare ob cibum qui in eas ingeritur: 2. ab affluxu succi, quem fluere diximus è glandulis quibus stratus est stomachus, & qui cum nullus sit cibus in quem vim suam solventem exercent, nervos stomachi vellicat, molestamque sensationem in Mente excitat.

3. Solet à stomacho vapor ascendere in guttur, quo

hoc humefcit perpetuò ; sed pro mutationibus, quæ in stomacho contingunt, vapor ille calidior est, aut minus calidus. Cum concoctio probè fit, neque stomachus est nimia ciborum ficciorum copiâ distentus, nec aliâ de causâ præter solitum ardet, vapor ille modico tepore fauces fovet. Sed si ardeat stomachus, propter morbum, aut propter cibos ficciores, aut calidiores ingestos, vapor ardens per Oesophagum quasi per caminum ascendit ; quo ita siccantur fauces, ut molestâ sensatione afficiatur Mens, quæ *Situs* dicitur, intelligâtque Corpori opus esse potu.

4. *Vigilare* dicimur, cum apertis oculis, intentisque & sensibus & animo ita sumus, ut quidquid solemus circa nos animadvertere, aut in Corpore sentire, id animadvertamus & sentiamus. Notum est autem experientiâ 1. vigilare nos sponte, cum per certum tempus dormimus: 2. vigilare invitos, cum morbo impediti sumus, aut cum gravi anxietate animi afficimur: 3. vigilare libenter, cum cogitatione quadam jucundâ Mentis attentio occupatur: 4. vigilare etiam aut libenter, aut invitos, si quæ vehementior sensatio somnum excutiat. Quorum omnium rationes investigandæ sunt.

5. Cum sentiamus ope nervorum, qui, spiritibus animalibus distenti, non possunt in extrema parte vellicari, quin motus ad alteram extremitatem pertingat; credibile est Vigiliam, quæ in eo partim sita est, ut sensus officio suo actu fungantur, pendere etiam ex illa nervorum dispositione. Ut ergo vigilemus, oportet spiritibus animalibus turgere nervos; seu missi sint Mentis imperio, seu quâ copiâ nimia in eos fluxerint.

6. Observandum præterea est requiri in Vigiliâ, salutem hominum, ut Animus sit cogitationibus attentus. Alioqui si attentione planè destituatur, paulatim laxatis nervis, faciliè in somnum delabimur. Is est, nempe, in Mentem & Corpus consensus, ut Mentem à cogitandi studio remittente attentionem, torpeat Corpus.

immotumque hæreat; contra verò, Corpore languente, Mentis solvatur attentio, ut vix ac ne vix quidem consideratius quidquam agere possit.

7. I. Post somnum, evigilat Corpus spiritibus tantâ copâ ex Arteriis in nervos delapsis, ut sine Mentis imperio eos intendant. Somno enim, quiescente Corpore, non dissipantur spiritus agitatione muscutorum; neque fortè initio tantâ copâ ex Arteriis in nervos influunt, sed tandem, nimium turgentibus Arteriis, edulabantur necesse est, quod fit postquàm per aliquot horas dormimus.

8. II. Sanguis morbo quopiam, exempli causâ, febrili incensus, dum rapidius fluit, totumque corpus concutit, nervos simul movet, majoremque solito effusionem spirituum in eos mittit; unde fit ut ægrorum nervi, postquàm paroxysmus desit, spiritibus, evanescentibus, mirum in modum accisæ sint. Indidem fit ut dormire nequeant, dum tantus est spirituum animalium in nervos affluxus. Similiter, si quæ gravior anxietas animum afflicter, accelerato sanguinis motu, plures spiritus nervos subeunt, & somnus oculos fugit; donec tandem spiritibus exhaustis, nec sanguine eadem copâ eos nervis sufficiente, in gravem somnum delabamur, quod sæpe contingit.

9. III. Animus non ingratâ cogitatione occupatus, omnemque attentionem suam excitans, eo conatu spiritus (ita volente humani corporis Artifice) in nervos mittit, donec aliquâ copâ suppetunt, & irrepentem somnum eâ ratione excutit, sed tandem corporis languore, deficientibus spiritibus, victus attentionem minuit & sese quieti dat, ommissâ cogitationum contentione.

10. IV. Vigilamus etiam, si gravis afficiantur sensus, concutianturque vehementius nervi, quo fit ut si qui spiritus in extremis sint arteriis in nervos influant. Sic aiunt Alexandrum, ne somno vinceretur, manu tenuisse argenteam pilam; quæ, si somno resolverentur



tur nervi, cadebat in argenteam pelvim, acutóque sonitu subito eum excitabat. Pariter Odontalgia, Cephalalgia, Colicus dolor, aliíque impediunt quominus dormire queamus.

11. Cúm *Somnus* sit *Vigiliæ* contrarius, firus esse videtur in remissione nervorum; seu ea oriatur ex spirituum animalium penuria, aut ex obstructione nervorum, aut ex spontanea quadam animi relaxatione. Constat enim experientiâ 1. post diuturnum corporis laborem, quo spiritus animales exhauriuntur, nos in arctissimum somnum faciliè delabi: 2. ebrios homines aut cibis nimium onustos faciliè etiam dormire, imò vix ac ne vix quidem posse somno resistere; quia nimirum vaporibus crassioribus cibi & vini ita impletur cerebrum, ut spiritus animales difficulter ex Carotidis arteriæ ramulis in nervos transire possint; totóque corpore incalescente, magna fit eorundem spirituum per omnia membra dissipatio: 3. quamvis possemus vigilare, si vellemus animum attendere, cogitationéque aliquâ non ingrata pascere, attamen sæpe nos sponte in somnum delabi; quod non potest fieri, nisi quia *Mente* de industria torpente, exigua copia spirituum in nervos defluit, quo fit ut laxentur.

12. Hinc quoque intelligimus quare quandóque dormientes ne magno quidem strepitu excitari possint, quandóque facillimè somnus excutiat. Aegrè excitantur 1. qui post laborem diurnum, quo exhausti fuere spiritus, primùm dormire cœperunt; quia nondum reparatis spiritibus, non faciliè possunt nervi intendi, & dum laxiores sunt, quamvis extrema moveantur, motus ad cerebrum non pervenit: qui crapulâ laborant, quia vapores vini nervos obturant. Faciliè excitamur 1. post somnum aliquot horarum; quia reparati spiritus animales sponte in nervos fluere cœperunt, eosque intendere. 2. Si nullâ nimia cibi copiâ gravemur, quia vapores cibi non obturant nervos.

13. Ad Somnum pertinent *Somnia*, quæ nihil sunt

præter confusas quasdam Mentis cogitationes ex occasione motuum Cerebri ortas. Cum omnes nostræ cogitationes oriantur aut ex objectis, quæ sensibus ad animum nostrum appulerunt, aut ex meditatione nostrâ, duplicis generis possunt esse somnia. Sed omnia ex Cerebri motibus ortum ducunt, nam seu sensibus ideam admiserimus, seu meditando eam effinxerimus, nunquam animo nostro obversatur, quin commoveatur Cerebrum; unde fit ut quotiescunque, aliâ de causâ, eodem modo moveretur Cerebrum, eadem Menti sese ingerat idea. Dum autem dormimus, quo tempore Mens nullâ peculiari voluntate spiritus in ullam Corporis partem mittit, faciliè fit ut liberè per nervos commeantes, in Cerebrum moveant, ut solet moveri præsentibus objectis, aut cum de iis absentibus cogitamus: quo motu excitato, illico objecta, quæ comitari solet, Menti sese offerunt. Cæterum pro motûs spirituum vehementiâ, aut debilitate, objecta vividiora sunt aut obscuriora.

14. Cum interea Mens nullam attentionem adhibeat ad digerenda objecta, eaque diutiùs contemplanda; varia simul, mistis motibus, excitantur, & subitò evanescent. Volunt Physici recentiores objecta quæ vehementiùs, aut sæpiùs Cerebrum nostrum commoveant, in eo vestigia quædam relinquere, seu spiritus animales cum aliquoties per certas fibras decucurrerunt, per eas faciliùs postea transire, quod apertæ manent. Hinc fieri existimant ut de iis quæ sensibus animadvertimus, aut animo versavimus, somniare soleamus; spiritibus per fibras, per quas transierunt, faciliùs commeantibus. Sed cum omnes nervorum fibræ sint glandulis adnexæ, unde ex Arteriis spiritus trahunt, neque sint numero infinitæ, ea vestigia in iis inconfusa servari, vix capere possumus.

15. Quocunque modo hoc fiat, experientia nos docet, ea objecta in somniis ad animum nostrum appellere de quibus vigilantes cogitavimus, excitatis iisdem in cerebro motibus. Eadem quoque experientia ostendit.

dit, pro statu corporis varia quoque somnia oriri. Qui ardentibus febre sitiunt, aut æstuant, somniant persæpe se bibere, aut in fluvio corpus abluere. Imò & valentes varia somniamus, ex præsentis dispositione corporis orta, quâ de re Hippocrates librum integrum conscripsit, cui titulum fecit *de Insomniis*. Atque ejusmodi sunt longè plurima somnia, de quibus verissimè Poeta Verus:

*Somnia quæ mentes ludunt volitantibus umbris,  
Non delubra Deum, nec ab æthere Numina mittunt,  
Sed sibi quisque facit. Nam cum prostrata sopore  
Urget membra quies, & Mens sine pondere ludit,  
Quidquid luce fuit, &c.*

16. Fuere tamen olim ad varios somnia divinitus missa, quæ in superiorum numerum conjici non possunt, cum res iis parefacerent futuras, ut nos docet Scriptura, eventusque postea ostendit. Nunc autem talia esse, nullâ ratione constat. Solent quidem homines supersticiosi quandoque somniis suis plurimum tribuere, & multa narrare exempla somniorum, quæ eventu comprobata esse dictitant. Nos quidem non negamus posse hodie esse quod olim fuit, verum hoc quæriturum hoc constet. Nulla autem sunt indicia, quibus secernantur somnia divinitus missa à vanis; quo posito, prorsus inutilia sunt ejusmodi monita. Debebimus enim aut omnibus somniis credere, quod nemo dixerit, aut rationem edere quare hæc futuri prænuntia habeamus, illa spernamus.

17. At eventus, inquiunt, postea ostendit quæ vera sint somnia. Sed primum, concedant oportet ante eventum omnia incerta esse, adeoque inutilia; cum enim ignoramus an verum sit monitum, an verò falsum, quam inde possumus consequentiam elicere? Deinde mirum profectò esset, si cum sint infinita somnia, eaque obscura & mista variis phantasmatibus, quæ perpetuò ab iis hominibus, quos diximus, & diligenter ob-

observantur, nihil unquam eveniret, quod affinitatem aliquam cum somniis haberet. Persæpe contingit ut nihil ob nescio quid, quod ne nobis immineat timeamus, animo agitemus interdum quidquid accidere potest, deinde noctu simile quiddam somniamus, cerebro, ut interdum motum fuerat, fortè commoto. Postea quandoque id contingit quod metueramus, nec tamen propterea nos antea divinitus monitos dicere possumus, somnia enim nostra diurnarum cogitationum sequelæ quædam fuerunt.

18. *Sanitas* humani corporis dicitur ea dispositio, quæ ut omnibus suis muneribus faciliè & sine dolore fungi possit. Cùm autem corpus humanum duplici partium genere constet, solidis, nempe, & fluidis, ut possit omnibus suis muneribus commodè fungi, hæc certâ quadam ratione disposita esse necesse est. Sic in horologio partes cùm sint mobiles & immobiles, requiritur earumque dispositio, ut horas rectè indicare possit.

19. Ossa ergo & carnes omnesque partes quibus constant, hoc est, nervos, arterias, venas, musculos, tendones, cartilagine, &c. oportet rectè esse disposita, certo quodam situ, non laxata, non effracta, non lacerata, ut omnia rectè procedant. Si quæ mutatio, præter naturam, in iis oriatur, sanitatem turbat. Similiter sanguinem, lympham, spiritus animales, bilem, &c. &que variarum glandiarum quibus humanum corpus constat, temperatos certo modo esse oportet, non nimis effervescent, neque etiam nimium frigescent, non rariore æquo evadere, non densiores; ut & circulatio eorum humorum commodè fiat, & nutritioni inservire possint. Si in sanguine nimis abundet serum, sanguis veluti vappescit; si crassior æquo fiat, nascuntur obstructions ramusculorum. Si nimia sit salium aut oleorum sanguini admixta copia, acidior fit, aut inflammabilior; si non sati, & intipidus & crassus nimis. Si præter fibrosæ modum excedat solitam mensuram, factus sanguis concretus, si sit nimis parca admixta, æquo

fluidior est sanguis, & nimis facile effervescit. Immo-  
mera ejusmodi sunt, quæ ad rectam temperiem humo-  
rum requiruntur, & quæ generalibus quidem verbis  
describi possunt, sed numquam ita accuratè, ut exactè  
tenere queamus quæ sit optima temperies. Quemad-  
modum soli horologiorum fabri noscunt singulas par-  
tes, & proportionēs suorum opificiorum, quales oportet  
eas esse, ut accuratè horas demonstret tota machi-  
na: ita is solus qui humanum confecit corpus, omnia  
ad ejus sanitatem necessaria novit.

20. *Morbus* contrà vocatur quævis mutatio contraria  
solitæ humani corporis dispositioni, quâ mutatione fit  
ut corpus munere quopiam non ita commodè, aut eti-  
am nullatenus fungi possit. Prout autem munus illud  
totius machinæ conservationi minùs aut magis necessa-  
rium est, eo gravior aut levior est morbus. Si contin-  
gat partem aliquam solidam & liquidam etiam humo-  
rum portionem, ita corrumpi, aut avelli, ut non noce-  
at temperiei & motui reliquarum, lethalis non est mor-  
bus. Sic videmus brachia, crura, &c. secari sine homi-  
nis interitu, quando contingit eas operationes à dextro  
Chirurgo fieri, ita ut malum nullum ad alias partes ser-  
pet, & sanguis non effunditur, sed novam quampiam  
viam, per abscissorum membrorum extrema, sibi aperit,  
at ex arteriis per venas revertatur. Si contingat auge-  
ri aliquatenus motum sanguinis, liberaliori potu vini,  
ut tamen rariùs hoc fiat, non summoperè nocet sangui-  
ni. Potest etiam temperies paulùm sine noxa mutari.

21. Sed si fiat ea mutatio, in partibus solidis, quæ  
ordinariis corporis muneribus obstit, aut vitiet humo-  
res, quò momentosior est machinæ conservandæ ea mu-  
tatio, eò major est morbus. Exempli causâ, si franga-  
tur vas quodpiam sanguiferum, paulò majus, ut arteri-  
æ & venæ ramus amplior, aut truncus, maxima est cir-  
culationis perturbatio maximùmque periculum, nisi  
quam primum fluxus sanguinis sistatur. Similiter si ob-  
turetur venæ aut arteriæ major ramus aut truncus, maxi-  
ma

imminent mala, nisi quâ arte aperiatur via solita, aut insolita.

22. Si sanguis aut humores, quemadmodum jam in-  
nuimus, ita vitientur, ut aut incommode per venas flu-  
ant, aut corpus non alant, inde nascuntur morbi va-  
rii graviores aut leviores; quorum omnium origines  
aut circumstantias minuras notare solius ferè est machi-  
næ Opificis. Nam quæ dicuntur de hisce, exceptis ge-  
neralibus quibusdam observationibus, quæ sensibus no-  
bis & longâ experientiâ constant, reliqua omnia meræ  
sunt conjecturæ.

23. Medici qui morborum curam profitentur, exce-  
ptis iis quæ diximus, in cæteris planè cæcutientium mo-  
re palpantur in mediis tenebris. Experientia eos qui-  
dem docuit, varia remedia certis morbis, hoc est, per-  
turbationibus machinæ, mederi, sed quomodo hoc fiat  
profsus ignorant, nec nisi conjiciendo quidquam hîc di-  
cere possunt. Si qui non nosset nisi crassâ, ut aiunt, Mi-  
nervâ, quæ sint partes & proportionēs partium machinæ,  
earumq; ἀλληλογίαν, certè perturbationem quæ extrinse-  
ca in machina nōsuntur, rationem vix posset reddere.

24. Cùm ergo simus in ea nostri corporis ignoratio-  
ne, nulla potest esse melior ac tutior tuendæ valetudi-  
nis, & recuperandæ methodus, quàm si iis, quæ expe-  
rientiâ certâ didicimus salubria, remediisque explora-  
tis utamur. Qui hæc in re quàm minimùm conjectu-  
ris tribuunt, neque ratiocinationibus incertis indulgent,  
optimi haberi debent Medici, non Agyrtæ, qui ea scire  
videri volunt quæ nesciunt.

25. Cùm valetudine fruimur, omnis cura in ea con-  
servanda debet versari, quàm in rem monitum adde-  
mus experientiâ simul & ratione comprobatum. Quæ-  
cumque magnam mutationem in corpore efficiunt, vi-  
tanda sunt. Ejusmodi autem sunt omnia, cùm nimîâ  
copiâ comeduntur aut bibuntur; affusus enim sanguini  
liquor nimîâ copiâ mutationem magnam in eo creat.  
Itaque à nimio potu ac cibo abstinendum est, si secunda

uti valetudine velimus. Similiter si poculentis utamur vehementioribus, quale est vinum merum, aut nimis cocta cerevisia, paulatim sanguinem incendunt, ideoque in usu quotidiano vitanda sunt. Eadem est ratio omnium, quibus nimium afficimur.

26. Optandum quidem esset ut omnium morborum rationem mechanicam teneremus, possent enim remedia certiora ægris propinari. Sed externa tantum videmus symptomata, aut quæ sensus nostros percellunt; cætera conjiciendo assequi nitimur. Attamen, modò ne conjecturas pro compertis obtrudamus, nihil vetat, exercitationis causâ, iis operam dare. Itaque hîc addemus quæ de causa *Febris*, morbi frequentissimi, conjici posse videntur.

27. In Febri varia occurrunt symptomata, pro diversis ejus generibus, sed tertianam eligemus, ut ex illa quæ de ea dicemus de reliquis judicium ferri queat. In tertiana ergo 1. est frigus totius corporis & tremor: 2. quibus durantibus, pulsus tenuior & lentior est: 3. deinde calor, qui paulatim intenditur, & quem sequitur tandem sudor: 4. hisce durantibus pulsus frequentior est & vehementior, sed in sudore dilatarî videtur, & molliùs arteriam ferire: 5. paroxysmi tertiâ quâque die redeunt: 6. quandoque, si longiores sint, agro delirium creant.

28. Ut hæc symptomata explicare possimus, supponendum est esse aliquam materiam, quæ sanguini affusa mutationes quas videmus creat; quod vix negari posse videtur: Verùm quâ in parte corporis originem habeat, & unde erumpat, nè conjecturâ quidem verisimili assequi possumus. Itaque eum locum, qui *fokus febris* dici solet, omitramus.

29. I. Si materia quæpiam crassior chylo, & minus cocta sanguinem subeat, debet sanguinis motum morari, dum difficilius per tenues arterias & venas labitur, & figura quâdam minùs motui commodâ, qualis est ramifica, aut nimis longa sanguinis decursum impedit.

Cum.



Quoniam autem calor situs fit in motu sanguinis, tardato motu, minuitur calor, & creatur frigus. Deinde nimis aut nimis longæ partes, dum hærent in artibus meatibus, impellunturque vi affluentis sanguinis, tremore musculos concutiunt, quia non procedunt nisi visibus, & quasi iteratis sanguinis impulsibus.

30. II. Dum hoc fit necesse est sanguinem lentius fluere, tenuiorémque & rariorem propterea pulsus esse, quia nec cor satis commodè dilatatur & contrahitur, propter particulas memoratas, quibus impeditur; nec proinde per arterias tantâ celeritate defluit, neque tantâ coquâ simul è corde manat, quâ pulsus fit lentior & tenuior.

31. III. Sed cum eæ particulae aliquoties cum sanguine circumactæ sunt, franguntur, ut jam ejus motum non morentur, imò verò cum duriores sint semel motu majori feruntur impetu, vehementiusque arteriarum & venarum parietes verberant; unde calor primùm nascitur, deinde vehementiori motu, reseratis arteriarum venarumque poris emittitur sudor, sive major solito erumpit feri pars.

32. IV. Celerius fluente sanguine, & durioribus particulis turgente, necesse est frequentiore esse pulsus, & elatorem, dum calor ille durat. Postquam verò in sudorem artus resolvuntur, dilatata arteria erumpens serum facit ut laxior sit & pulsus dilatetur.

33. V. Superiora symptomata satis commodè memorata hypothese explicari posse videntur; sed multò difficilius est ostendere quare tertiâ quâque die redeant paroxysmi, postquam per diem integrum æger quievit. Nihil verisimilius videtur, quàm si dicamus materiam febrificam in loco quopiam aliquamdiu residere antequàm erumpat, ut, nimirum, fermentetur aliquantisper, deinde viam sibi faciat, quâ in venas ingreditur. Ponamus in glande quâpiam eam materiam residere, dum nimis crassa erit materia, vas excretorium glandis illi obturabit, ut exire eâ nequeat; sed postquam sat diu calore corporis cocta fuerit, tenuior facta, ex glande de-

defluet, sanguinique admista, ea symptomata quæ diximus creabit. Si tenuior sit materia, paucis duntaxat horis indigebit, ut erumpere queat, si crassior integrâ die, si crassissima duobus, atque ita febrim quotidianam, tertianam aut quartanam creabit.

34. VI. Si dum sanguis vehementiùs per arterias & venas volvitur, majorem solito copiam spirituum in cerebrum mittat, faciliè fieri potest, ut turbetur cerebrum, Mens inanibus imaginibus ludificetur, & ita æger iis confundatur, ut cohærentia verba vix proferat. Tum similis est vigilia somniantium statui, quemadmodum enim dormientium spiritus temerè agitati varia Menti offerunt simulacra: ita vi morbi vehementiùs concitati, variè sine Mentis imperio nervos movent, & quemadmodum solent præsentibus objectis moveri, unde fit ut ægri sibi cernere videantur quæ nusquam sunt.

35. Postquàm vidimus quid sit sanitas, quid morbus, haud ægrè intelligemus quid sit *Vita*, quid *Mors*. Dum Animalis œconomia eatenus incolumis est, ut Cor palpitet, pulmonésque aërem admittant, & rejiciant, & humorum solita fiat circulatio, vivere Animal dicitur, seu reliqua vitæ munera obire possit, seu ea non ampliùs exerceat. Itaque eâ in re propriè sita est *Vita*, non in nescio quo ignoto principio, quod sine ratione supponitur. Non potest quidem hoc quod diximus esse sine calore & humore; sed qui *calorem vitalem* & *humorem radicalem* aiunt esse principia vitæ, nova quidem vocabula procuderunt, sed nihil perspicui, aut quod quemvis à vulgo lateret protulerunt.

36. *Mors* verò est *Oeconomix Animalis* dissolutio, quâ cum cætera omnia munera vitæ cessant, tum potissimum palpitatio cordis, respiratio, humorumque circulatio. His enim cessantibus prorsus, brevi corpus animalium putrescit, & dissolvitur. Sunt quidem animi deliquia, ubi sentire desinimus, atque aliquantum

suspenduntur, aut turbantur; sed intermitti prorsus nequeunt, sine Animalis interitu.

37. Mors solet duplex statui, altera *naturalis*, altera *preter naturam*. Hæc est quæ casu quodam accidit, seu vi morbi fiat, seu vi alia externa, ut ferro, laqueo, aliisque huiusmodi rationibus, sine quibus videbatur homo, pro solito vitæ cursu, diutius victurus; ut cùm juvenis ætate florens, integrisque viribus perit, aut etiam senex vegetus opprimitur, vitam alioquin ulterius producturum. Naturalis verò mors est, cùm sine morbo, ac vi ulla, senex longævus detritis & absumptis organis interit, qualis multò rarior est quàm prior; plerique enim, non juvenes modò, sed etiam senes, morbis adventitiis, non merà solutione machinæ corporis, intereunt.

38. Cùm consideramus fragilitatem humani corporis, non debere perennius esse quàm corpora reliquorum animalium videtur; quamvis enim nullus morbus extrinsecus ei accidere supponeretur, attamen organa quibus constat, solo vitæ necessario usu tererentur. Tunicæ, exempli causâ, quibus arteriæ & venæ vestitæ sunt, cùm per plures annos impetum sanguinei fluminis jugiter delabentis sustinuerunt, tandem debent pertundi, & viam spiritibus animalibus nimium patentem aperire; quâ tanta copiâ elabuntur, ut effærum corpus & sine viribus maneat, quamvis optimus & copiosus alimentis alatur. Eadem ratio est nervorum, musculorum & ossium, quæ omnia exsiccantur, & flaccidiora fiunt, quo fit ut senes paulatim vires deficient.

39. Sunt quidem alii aliis compactioribus membris, & meliori temperamento, quibus fit ut aliis alii diutius vivant; sed omnium tandem organa teruntur, & solvitur machina. Quod non minùs in animalibus brutis, quàm in homine cernere est, quamvis bruta nonnulla multò diutius hominibus vivere dicantur. Itaque solius naturæ corporeæ ratione habitâ, etiam nullâ vi, nullo morbo accidente.

— *Lex est, non pœna perire.*

Verùm Deus, pro arbitrio, hominum vitam producere, aut etiam æternam reddere & potuit, & potest. At hîc in rationes Theologicas non inquirimus.

## CAPUT XII.

### *De discrimine Hominum & Brutorum.*

1. **S**I sola corpora Hominum & Brutorum spectemus, non majus est inter homines & bruta discrimen, quàm inter varias brutorum species inter se collata. Imò verò bruta sunt homini corpore, quàm cæteris brutis similia, ut enim rectè Poëta Vetus :

*Simia quàm similis turpissima bestia nobis?*

Verùm actiones hominum & brutorum ostendunt, Animi ratione, immane esse inter nos & ea discrimen. Quod quamvis omnes agnoscant Philosophi, alii alii majus id discrimen esse statuunt.

2. Scholastici vulgò existimabant, præter machinam corporis, quæ conspicua est in brutis, esse *Animam* quendam sensu & appetitu præditam, quâ fiat ut bruta ea faciant quæ ad vitæ conservationem sunt necessaria, appetant utilia, fugiant noxia, catulos educunt, recordentur, ament, oderint, &c. Si quæramus quid sit præterea in homine, solent respondere alii bruta animadvertere quidem, cupere, odisse, sed sine ratiocinatione ullâ, impetu quodam naturæ, cum homines ratiocinentur; alii verò ratiocinari quidem etiam bruta, sed tantum circa ea quæ sensus feriunt, & quæ ad

vix

riæ sustentationem pertinent, cum homines de rebus sensus fugientibus cogitent, & de innumeris, quæ propriè ad vitam non faciunt, consilia habeant; quo fit ut societates formarent, ut sibi invicem adiumento essent, deq; Opifice sui & totius Orbis terrarum, naturæque rerum cogitarint; quæ à brutis cognosci & curari nemo dixerit.

3. Ac sanè si quæ faciunt bruta fieri nequeant, nisi ab aliqua Intelligente Natura, certè non minùs rationationem requirunt, quàm brutum quoddam principium, quod sentit, amat & odit. Innumera quotidie videmus à brutis fieri, quæ nullo modo exponi possunt, bruti illius principii suppositione. Canum, exempli causâ, erga dominos fidelitas, quos ne ictibus quidem fugati deserunt, quos investigant remotissimos, ad quos è longinquis locis redeunt, post plurium mensium moram, quosque statim agnoscunt, nescio quid aliud requirit. Felium summa in capiendis muribus cautio, & dexteritas, artèsque quibus ad surripiendam carnem utuntur, non minùs rationatione aliquâ indigent, quàm sensu. Innumera alia sunt omnibus obvia, quæ huc non congeremus.

4. Itaque meliùs philosophari illi videntur qui rationationem aliquam brutis tribuunt. Certè nullo negotio eorum variarum & mirabilium actionum rationem reddunt. Neque ulla potest afferri ratio, quâ constet non esse varios Naturarum sententium ac intelligentium ordines, quibus aliis alii sint perfectiores, seu pluribus gaudeant proprietatibus: quemadmodum videmus in corporibus ipsis conspicuis varias esse species, alias aliis præstantiores.

5. At exortus est hoc nostro sæculo *R. Cartesius*, quem multi sequuti sunt, qui alia omnia sentientes, ut mox videbimus quæsierunt ab hujus sententiæ patronis; 1. cujus naturæ censerent esse eam Animam brutorum, spiritualisne an corporea? 2. mortalisne esset an immortalis? Sed cum ignota sit spirituum, non minùs ac corporum natura, priori quæstioni nemo satis-

tisfacere se posse putarit, nisi qui crediderit adæquatam sibi esse earum naturarum notionem. Alteri facile est respondere, incertum esse an Mens ipsa hominum sit naturâ suâ, an verò voluntate Dei immortalis, ideoque si dixerimus brutorum animam naturâ suâ mortalem esse, neminem contrarium ostendere posse. Quid obstat quominus Deus Naturas quasdam Intelligentes, minùs perfectas, & præsentium duntaxat, corporearumque rerum notionibus percussas creaverit, in breve tempus duraturas? Non potest obijci divina justitia, quæ innocuis Creaturis mala immittere nequit, nam pro malis, quæ patiuntur bruta, innumera sunt bona quibus fruuntur, quibus satis superque pensantur mala. Liberum Deo fuit plura aut pauciora creaturis largiri, nec magis mirum videri potest quòd bruta non exaquet hominibus, quàm quòd homines Angelis non æquarit. Denique Philosophorum non est, ex ignotis Dei consiliis ratiocinari, ut omnium maximè animadvertit *Cartesius*.

6. Discipuli ejus solent dicere, nisi brutis denegetur Anima spiritualis, non satis commodè posse probari immortalitatem Mentis humanæ, nam si moriantur Animæ brutorum, quidni etiam hominum Mentis, quæ, ex Scholasticorum doctrina, ejusdem aut similis sunt naturæ? Sed, ut jam diximus, immortalitas Menti humanæ ex ejus naturâ demonstrari nequit, & satis est Deum velle eam æternùm esse, ut existat in perpetuum. Qui ex descrimine naturarum mortalitatem Animæ brutorum, immortalitatemque hominum Mentis probaturos se sperant, ii sanè plus pollicentur, quàm præstare possunt. Non tam considerant quid sit, quàm quid, ut ipsis videtur, expediat; nec satis animadvertunt quantum discrimen sit inter oprantes & docentes.

7. Nulla ergo erat ratio, cur ad novam hypothesin deveniendum esset. Multò tamen feliciùs philosophaturum se esse existimavit *Cartesius* si bruta meras machinas esse diceret. Itaque non modò iis ratiocinandi

omnem facultatem, sed etiam sentiendi sustulit, omnique in iis mechanicè fieri contendit, nullà alià interveniente naturà.

8. Primum, sibi negari non posse Cartesiani censent, quin Deus possit facere corpus bruti quale est, sine ullà Animà, adeò ut omnia organa, omnes humores, spiritus animales, omnia denique quibus corpus constat sint sine Anima. Nec sanè potest hoc negari, & tota controversia in eo sita est, utrum ejusmodi corpus possit mechanicè eadem omnia facere, quæ fieri videmus à Brutis, quod omnes, præter Cartesii sequaces, negant.

9. Hoc ergo Cartesiani variis exemplis, & rationibus probare nituntur, quorum aliquot proferemus I. *Motus naturales* corporis nostri nobis consciis non sunt, sed mero, ut videtur, mechanismo. Ejusmodi sunt, ut alibi diximus, respiratio, palpitatio cordis, motus sanguinis, alimentorum digestio, &c. II. *Spontanei* motus plurimi etiam mechanicè fiunt; sic claudimus oculos si quis digitum iis admoveat, quamvis sciamus eum non illaturum iis digitum. Similiter cùm in tabula arctiore ambulantes, aut corpus incurvantes timemus necadamus, brachia aut crura in oppositam partem porrigimus, ut eorum pondere retrahatur in eam corpus, aut ita æqualibus ponderibus libretur, ne in alterutrum latus cadat. Qua in re *Mechanices* abstrusissimæ regulæ, & vulgo ignotissimæ ab omnibus accuratissimè, si ne ulla earum cognitione servantur. III. Sæpe etiam loquuntur homines (quod omnibus brutorum actionibus mirabilis est) non cogitantes, an loquantur, ut omnes experiuntur in pronuntiatione orationum quæ nimis frequenter recitari solent.

10. Hæc, aliæque similia proferuntur Mechanismi exempla. 1. Sed verum quidem est varios esse motus in Animalibus mechanicos, quales sunt motus naturales sed sunt constantissimè, eadèmq; semper ratione, ut horologii motus; in voluntariis verò actionibus infinita



ta est varietas. 2. Mechanicè quidem fiunt varii motus, qui aliàs sunt voluntarii, sed ut possint mechanicè fieri, consuetudo aliqua interveniat necesse est, quæ originem à voluntate habet. Non didicimus corpus ita librare ne cadat, nisi variis experimentis, & quidem sensim ab ipsâ infantiâ; quod postea, sine deliberatione, ubi res poscit, facimus. Ideò videmus infantes, & puerulos, usu nondum in ea consuetudine satis confirmatos, facillimè cadere, & frequentissimè, cum raro & difficulter adultiores cadant. Itaque possunt quidem mechanici motus hi censerì, sed qui initium à voluntate aliqua ducunt. 3. Eademq; est ratio loquendi ad quam efformandam, nonnisi ratione devenimus. Memoriter enim didicimus, non sine attentione acri & constanti, quæ postea plittacorum instar quandoque recitamus; spiritibus facilè fluentibus in musculos, in quos fluere solent, eoque ordine quo sæpius defluerunt.

II. Cartesiani I. clamores bestiarum, cum læduntur, Mechanismo etiam tribuunt, quo fit ut læsorum spiritus animales è cerebro fluant in musculos aptos clamoribus edendis: quemadmodum in hominibus volente Mente hoc fit. II. Cum bruta fugiunt verberata, aut imminente aliquo malo eorum machinæ noxiæ volunt objectis, aut ictibus ea ita affici ut è cerebro fluant spiritus in crura, eo modo quo eos defluere oportet, ut aufugiant. III. Cum quidpiam appetunt eorum conservationi aptum, spiritus ita moveri ut eorum corpus ad locum in quo est cibus dirigant; quia cibi conspectus aut odor mechanicè ita eorum cerebrum percellit, ut moveantur spiritus quemadmodum eos moveri necesse est, ut bruta accedant, & cibum dentibus appetant. Similiter reliquos omnes motus brutorum interpretantur; quod cum incredibile videtur aliis, ad divinam potentiam confugiunt, quæ tantâ arte Automata effingere potuit, ut memorata omnia mechanicè fierent.

12. Absolutè quidem loquendo, nemo dixerit machinam summâ admiratione dignam, à Deo fieri non posse; sed propterea machinas esse animalia non sequitur. 1. Credibile non est nos clamores certos edere lætari, cum eos sentimus, bruta verò sine sensu idem facere. 2. Infinitæ sunt species rerum, quæ bruta sunt, exempli causâ, vultus & vox hominis cum quo solent versari, quibus ita affici eorum cerebrum, ut necessario fugiant, credibile non est; cum præsertim domini voce quamvis mutatâ fugari non possint, ne quidem ictibus, quod canum exemplo constat. Non est etiam verisimile objectis rerum conducibilitatem ita moveri cerebrum brutorum, ut ad eas accedant, cum certum sit ea sæpe accedere ad certam perniciem irritata sint; quod nunquam fieri deberet, si ita machina sit comparata ut moveatur tantùm, prout conservatio ejus postulat. Certum est canes, & animalia fera irritata ruere in tela, & contra vim intentatam fortissimè decertare, nec ictibus ullis deterreri.

13. Si quis consideret, quæ soleant fieri à brutis in gratiam catulorum, aut pullorum, quâ curâ & industria aves ædificent nidos, & quâ anxietate omnia, aut ubera catulis præbeant, aut cibum quærant, aut eos tueantur, vix ac ne vix quidem sibi persuadebit hæc omnia mechanicè fieri. Si in animum revocemus eadem indicia externa affectuum in brutis cerni quæ in hominibus, non capiemus nos, non sine sensu, insignari, dolere, lætari, amare, odisse, seu ea facere quæ extrinsecus ab iis affectibus pendent; bruta verò sine ullo sensu idem facere quod solemus sentientes. Si contemplantur catuli, mirum in modum indignatur & dolet, seu omnia quæ ejusmodi affectus in nobis significant edit. Si dominum per aliquot horas non conspectum inveniatur, omni ratione ei blanditur, & lætitiâ suam significat seu idem facit, more suo, quod nos facere solemus, occurrente amico quem dudum non

non

non vidimus. Omnes domino amoris significationes exhibet, eum comitatur, lingit, reveretur, aut signa saltem externa reverentiæ ei præbet. Contrà videtur odisse eos qui dominum aggrediuntur, saltem allatrat, & mordet. Si veter dominus, tacet; si conciret, magno latratu quos vult invadit. Quicumque videt hæc & putat sine sensu fieri, in brutis, cùm in se non fiant, similis mihi videtur ei qui se loqui sentiens, non sine cogitatione, alium putaret sine ulla cogitatione interrogationibus suis respondere.

14. Si ad animalia bruta respiciamus, nihil est in illis quod sensu, & cognitione destituta esse persuadere possit; sed cùm nos cum illis conferimus, & expendimus quanta sint ea quæ habemus, brutis negata, tum demum volumus Mentem nostram singularis planè esse naturæ, aut etiam brutis quidquid est in Mente nostra, hoc est, non modò cognitionem & ratiocinationem, sed etiam sensum detrahare incipimus. Quod est potius affectus & *φιλανθίας*, quàm sinceri iudicii dogma.

15. At obijciunt hisce Cartesiani, si bruta sentiunt, & ratione imperfectiore utuntur, non sine crudelitate occidi, ut humano corpori sustentando inserviant. Quia in re mirum est humanissimos viros mansuetudinis sensum toti humano generi, exceptis Pythagoricis & Indis, detrahare. Verùm hoc omisso, qui posset fortasse humanum genus errasse, negamus crudelitatem ullam esse in occidendis, victus causâ, animalibus brutis; 1. quia cùm bruta paucis post annis sint vel sponte interitura, ita intereunt, ut nihil ex iis supersit, ac proinde nulla sit eorum in morte jactura. Crudelis est, qui alium sentientem spoliât eo quo se spoliatum sentit & dolere potest, non qui id corrumpit, quod corruptum nullum sensum habet. Crudelis ergo meritò dicatur homo qui hominem occidit, quia occiso homine supereff Mens, quæ in eo statu esse potest quo se vitâ spoliatam doleat. At bruta mortua nihil se sentiunt

amifisse, quia simul eorum Anima dissolvitur, quomocunque hoc fiat. 2. Crudelis est qui naturam sentientem, aliisque utilem, dum est corpori conjuncta, à corpore avellit, qualis est homo societate cum aliis conjunctus. At crudelitatis insimulari non potest, qui animal occidit, quod aliis nisi occisum non prodest, imò verò noceret si viveret. Certum enim est, nisi bruta ab hominibus occiderentur, tantam futuram eorum copiam, ut hominibus exitialis foret.

16. Atque hæc de Hominum & Brutorum discrimine dicta sufficient, de quo tamen non inutile erit legisse duos libellus Gallicos, alterum eruditissimi Jesuitæ Ign. Gastonis Pardies, de *Cognitione Brutorum*, alterum verò † Anonymi Scriptoris de *Anima Brutorum*, quorum posterior sententiam Cartesii propugnat, prior eam fidè expositam refellit.

17. Non potest melius quod verisimillimum hac de re videtur exprimi, quàm verbis Ciceronis de Offic. Lib. I. c. 4. *Generi animantium omni est à natura tributum, ut se, vitam, corpusque tueatur, declinetque ea quæ nocitura videantur, omniâque quacunque ad vivendum sunt necessaria adquirat & paret* — Commune item animantium omnium est conjunctionis appetitus, procreandi causâ, & cura quadam eorum quæ procreata sunt. Sed inter hominem & belluam hoc maxime interest, quod hac tantum, quantum sensu moveatur, ad id solum quod adest, quodque præsens est se accommodat, paululum admodum sentiens præteritum & futurum; homo autem est, quod rationis est particeps, per quam consequentia cernit, causas rerum videt — Eademque natura vi rationis hominem conciliat homini, & ad orationis & ad vitæ societatem. — In pri-

\* Letitia in 12. An. 1678. & Haga Comitum.

† Lugduni An. 1680. & Amstelodami.

primisque hominis est propria veri investigatio, atque  
inquisitio. — Nec verò illa parva vis natura est, ra-  
tionisque, quod unum hoc animal sentit quid sit ordo,  
quid sit id quod deceat, in factis, dictisque qui mo-  
dus.

PHY-

---



---

# PHYSICÆ

## LIBER QUINTUS

### DE

# CORPORE

### IN

## GENERE.

---

### CAPUT I.

*De Proprietatibus omnibus Corporibus communibus.*

**P**ostquam corporum plerasque species lustravimus, & quid peculiare singulæ habeant vidimus; superest nunc ut quid sit iis commune queramus, & Corporis in genere naturam definiamus. Quod facilius nunc factu erit, quàm si hinc initium ducamus.

Q

2. Si

2. Si in animum revocemus quæ in singulis corporum speciebus animadvertimus, videbimus varia singulis inesse, quæ si illis demantur, desinant quidem ad eam speciem pertinere, ad quam antea referebantur, sed quibus amissis, non minùs quàm antea corpora dicantur. Alia sunt quæ detrahi omnibus corporum generibus non possunt, quin simul natura corporea intereat. Hæc *essentialia*, illa *accidentalìa* dicuntur.

3. *Accidentalìa* sunt naturæ corporeæ in genere spectatæ, quæcunque per quæ inter se distinguuntur. Exempli gratiâ, si demamus plantis id propter quod vocantur plantæ, organicam, nimirum, dispositionem, quæ fit ut radicibus aptæ terræ adhæreant variòsque ejus succos admittant, quibus vegetantur, aluntur, & crescunt, non tamen propterea quod superest Corpus desinit vocari. Sic cùm comburitur arbor, cineres qui supersunt, non sunt quidem planta, sed corporei tamen sunt. Cùm Animalis corpus putrefit, quod eo putrefacto cernitur, non minùs est corpus quàm antea, sed animal esse desit.

4. Ejusmodi autem sunt omnia per quæ singulæ species secernuntur, nam cùm omnes corporeæ sint, & singulæ specificis aliarum proprietatibus destitutæ sint, hinc manifestò liquet específicas proprietates non esse corpori in genere considerato essentielles.

5. Verùm omnia illa corpora hæc quinque habent communia, & quibus detractis corpora esse desinunt; 1. sunt extensa: 2. sunt divisibilia: 3. sunt solida: 4. figurâ prædita sunt: 5. moveri possunt, seu situm translata mutare. Quæ sunt paulò distinctiùs exponenda.

6. *Extensionem* vocamus quâ corpus habet partes extra partes, adeò ut nullum intelligere possimus corpus extensione, five partibus destitutum. Nullum est corpus quantulacunque tenuitatis, quod plano impositum id non tangat alterâ parte, alterâ verò alii corpori sit obversum. Itaque nullum fingi potest corpus quod non sit



extensum; sed propterea non sequitur quidquid est  
 extensum id esse corpus, eo ipso quod extensum est,  
 illis enim quæ diximus requiruntur. Soliditas; exempli  
 causa, necessariò inesse debet rei extensæ, ut Corpus  
 vocetur; si enim concipiamus simplicem extensionem,  
 cui omnis deficit soliditas, non modò ad universam mas-  
 sam quod attinet, sed etiam respectu singularum par-  
 ticularum, ea non vocabitur corporea.

7. Extensionem proximè sequitur *Divisibilitas*, quæ  
 partes illas à se invicem distinctas possunt divelli. Cum  
 in omni re extensâ distinguantur, ut diximus, variae  
 partes, inferior, superior, dextræ, sinistræ, &c. quæ  
 possunt seorsim existere, manifestum est eas etiam pos-  
 se separari, saltem divinâ potentiâ, si exilitate suâ hu-  
 manos oculos fugiunt. Itaque nullum potest esse cor-  
 pus, quod non sit divisibile in plures partes.

8. Dividuntur quidem, ut sæpe vidimus, corpora in  
 solida & fluida, sed tamen nullum est corpus quantæ-  
 vis fluiditatis supponatur, in quo non intelligantur esse  
 partes saltem quædam solidæ, quamvis tota corporis  
 massa solida non dicatur. Ut enim acervus pulveris  
 siccus, si totus spectetur, facilè in pulvisculos quibus  
 constat vel tenuissimo statu dividitur: ita etiam sunt in  
 particulæ quæ seorsim spectatæ nullo statu in mino-  
 res dividi possunt. Similiter in corporibus liquidis  
 sunt particulæ, quibus constant solidæ, si seorsim con-  
 siderentur. Itaque *Soliditas* est proprietas essentialis  
 corporis.

9. In eundem numerum conjicienda est, si ita loqui  
 liceat, *Figurabilitas*, cum enim nullum sit corpus, sal-  
 tem si singula spectemus, quod non finitum sit, termi-  
 ni quibus continetur figuram ejus faciunt, quæcunque  
 eadem illa sit. Fortasse per infinitam extensionem  
 parva sunt corpora, adeò ut termini nulli sint, quibus  
 contineantur omnia simul spectata; sed singula finita  
 sunt, adeoque necessariò certâ figurâ prædita.

10. Superest *Mobilitas*, nam quamvis omnia corpora non sint in motu, attamen singula possunt moveri, hoc est, ex situ in quo erant vi causæ motricis deturbari. Si omnium corporum collectio infinitam extensionem occupet, simul omnis aliò transferri nequit, at singula tamen corpora inter se mutare situm impulsu possunt; adeoque sunt omnia necessariò mobilia. Ratio enim nulla asserri potest, quâ constet ullum corpus ita certo situi esse affixum, ut inde dimoveri nequeat.

11. Idea ergo corporis in genere est substantiæ (nam manifestum est corpora per se subsistere) quæ est extensa, divisibilis, solida, figurata & mobilis. Si autem à nobis quæretur, an nihil aliud sit in naturâ corporea? nihil est quod respondeamus, nisi nos quidem aliud nihil in ea nosse, sed propterea tamen, nihil præter ea quæ novimus inesse corpori non affirmare, quia fieri potest ut adæquatam ideam naturæ corporeæ non habeamus. Adde quòd, inter proprietates memoratas, una est, cujus rationem reddere nullam possumus, quâ ratione ignoratâ, fatendum est intimam substantiæ corporeæ naturam nobis ignotam esse, ut ex iis quæ postea dicemus liquebit.

12. Peripatetici volunt omnium corporum esse principium *materiam primam*, ex qua additis formis nascuntur, & in quam formis detractis resolvuntur. Hanc autem sic definiunt: *Quod neque est quid, neque quantum, neque quale, neque quidquam eorum quibus Ens denominatur*, adeò ut non multum absit à nihilo. Ac sanè subjectum cui nulla inest proprietas est merum nihil, neque ab eo nisi nomine differt. Absurdum autem est subjectum commune omnium corporearum proprietatum dici merum nihil.

13. Alii omnia corpora in duas classes dividunt *mista & simplicia*. Simplicia sunt quatuor *terra, aqua, air & ignis*, iisque constant reliqua omnia quæ mista dicuntur, quo factum est ut elementa soleant vocari. Verùm hoc quoque sine ratione supponitur, nam neque

quæ ea corpora plurimis aliis sunt simpliciora, neque  
 aliorum sunt materia. 1. Terra variis generibus corpo-  
 rum solidorum & fluidorum constat, ut diximus quan-  
 do de ea egimus Lib. II. Aquæ similiter sunt vari-  
 æ succi affusi, variæque salium genera in ea diluta.  
 hæc constat potius particulis corporum, quibus semel  
 adhæsit, & quæ dissolvit, quam singulari partium ge-  
 nere. Aëri similiter sunt innumeri vapores misti. So-  
 lent quidem horum elementorum patroni respondere  
 elementa ubi ea cernimus impura esse, sed loca esse in  
 quibus sunt pura. Verùm cum ea loca nemo umquam  
 aderit, nisi somniando, nihil nos cogit somniis *Empe-*  
*docleam* aut aliorum fidem adhibere.

2. Innumera corpora probè purgata æquè sunt  
 simplicia, ac elementa. Exempli gratiâ, aurum pur-  
 gatum, simplicissimæ gemmæ variorum generum, non  
 minus sunt simplicia ac terra; imò verò simpliciora,  
 solum terrâ quam videmus. Qui mista hæc affirmant  
 quatuor elementis, nullo argumento *Empedocleam* i-  
 tum conjecturam demonstrare possunt. Alunt, exem-  
 pli gratiâ, lignum quod uritur emitte fumum, & in  
 aërem varias ex eo dissipari particulas, quæ sunt *aëreæ*  
*naturæ*; igneas varias in flamma cerni; *aqueas* sæpe  
 simul egredi ex ea parte ligni quæ nondum comburitur;  
*terrestres* denique conspici in cineribus. Sed hæc faci-  
 le evertuntur ab aliis qui negant aëreas ullas particulas  
 è ligno exire, quamvis per aërem sparsæ sint; igneas  
 ullas propriè loquendo in ligno fuisse, sed comminutas  
 ligneas particulas ignem evadere; aquam etiam pro-  
 priè dictam è ligno exire, sed succum quo lignum ale-  
 batur; denique terrâ non magis constare cineres, quam  
 cineribus terram.

3. Chymici sua etiam habent elementa in quæ om-  
 nia corpora resolvi aiunt, Mercurium, Phlegma, Sul-  
 fur, Salem & Caput mortuum. Nimirum, quæcun-  
 que destillatione resolvunt, ea primum emittunt vapo-  
 rem sapidum & spirituosum, qui frigore cogitur in

liquorem, quem vocant *Mercurium*; deinde, Alembico in igne manente, exit liquor insipidus qui *Phlegma* dicitur; postea liquor acidus, qui etiam *Mercurium* dicitur; tum liquor crassior & similis oleo, qui quia facilè incenditur *Sulfur* nomen nactus est; exinde quod superest in Alembico uritur, & aquâ affusâ diluitur, quo fit ut aqua falsa evadat, ac tandem *sal* emissus aquâ percolatâ, deinde in vapores actâ quantum est elementum; quintum verò quod superest insipidum, & quod *Caput mortuum* dicitur.

16. Verùm quamquam in hæc varia corpora, ut plantæ, & animalia, &c. resolvuntur, falsum est omnia vi ignis hæc quinque Chymicorum oculis exhibere. Exempli gratiâ lapides, gemmæ, metalla, &c. hæc non emittunt. Eorum ergo experimenta hoc tantum ostendunt, corpora, quæ ita possunt resolvi, constare particulis insipidis, falsis & oleosis, quod verissimum est, sed ad omnia hæc extendi, ut diximus, non possunt. Præterea, pro varietate plantarum, aut aliorum corporum quæ ita resolvuntur, sunt varia genera salium, aut oleorum; de quibus iterum quæremus, quibus particulis sint composita, adeoque erunt Elementorum Elementa, quod absurdum est.

17. Itaque alii videntur convenientius naturæ rerum statuere unicum proprie loquendo esse omnium corporum commune elementum; nempe, substantiam extensam, solidam, divisibilem, mobilem & figuratam. Ac sanè id solum clarè constat corporibus omnibus esse commune, ex eo formari illa, atque in idem resolvi. Quæcunque alia proponuntur aut inanes sunt conjecturæ, quibus sola antiquitas pondus addidit, aut non satisfaciunt omnibus quæ in Elementis requiruntur.

## CAPUT II.

*De Extensione, & Vacuo.*

**D**E Extensione & Vacuo duæ sunt Philosopho-  
rum sententiæ dignæ quæ expendantur. Alii  
Extensionem sine corpore esse posse statuunt, eamque  
Spacium vacuum solent vocare; alii verò in Ex-  
tensione ita sitam esse Corporis essentiam volunt, ut  
Corpus & Extensio idem sint, adeoque negant Spati-  
um vacuum omni corpore destitutum intelligi posse.

1. Prior sententia, his rationibus defendi potest. I.  
Corpus in omnium sermone distingui ab Extensione,  
seu Spatio; Corpus enim vocari solidam substantiam,  
non verò merum Spacium, in quo nulla intelligitur soli-  
ditas; itaque si corpus vocemus id quod intelligimus  
cum quispiam de mero Spatio loquitur, aliud intelligi  
eo nomine, quàm quod ab aliis intelligi solet. Negant  
autem Vacui adversarii voce Corporis se aliud intelli-  
gere, quàm quod in superiori Capite descripsimus. Ita-  
que dicere non possunt unam eandemque esse Extensi-  
onis & Corporis ideam.

2. II. Proprietas essentialis Corporis est divisibilitas  
seu separabilitas partium quibus constat, ut jam osten-  
dimus. Si ergo Spacium sit prorsus indivisibile, non  
potest vocari Corpus. Manifestum est autem meri  
Spatii partes neque mente, neque realiter separari pos-  
se; non possunt enim intelligi Spatii partes à se invicem  
distare, ita tamen ut sit inter eas Spacium, cum sint hæc  
contradictoria.

3. III. Partes meri Spatii, ab omni Soliditate se-  
junctæ, sunt immobiles, quod ex earum inseparabili-  
tate sequitur. Motus enim nihil est, præter mutatio-

nem sitûs inter duo aut plura corpora; quale nihil simile potest evenire partibus inseparabilibus, adeoque perpetuâ quietate juxta se invicem remanentibus. Corporis verò partes sunt, ut vidimus, naturâ suâ divisibiles.

5. IV. Qui volunt spatium non posse esse sine Corpore, Deo vim in nihilum redigendi Corporis detrahunt, quod ita ostenditur. Nemo negarit Deum posse motum omnem qui materiæ inest demere, & omnia rerum universitatis corpora quæta continere, quamdiu visum fuerit. Quicumque autem fatebitur, durante eâ quiete, à Deo posse aliquam materiæ partem in nihilum redigi; is vacuum dari posse fateatur necesse est. Manifestum est enim spatium, quod corpore illo in nihilum redactò implebatur, etiamnum superfuturum, & quidem sine ullo corpore. Circumposita enim corpora, cùm in perfecta quiete esse supponantur, impediunt ne ullum corpus in locum ejus, quod in nihilum redactum fuit, succedat.

6. V. Si omnia plena supponantur solidis Corporibus, nullus potest dari motus. Quævis enim particula quæ incipiet moveri, locum suum vacuum relinquat necesse est, habeatque, quò progrediatur, spatium aliquod solidò corpore destitutum. Aiunt quidem Vacui adversarii omnem motum esse circularem, & faciliè intelligi annulum, exempli causâ, constantem materiâ solidi corporis, intra id corpus moveri sine vacuo; quia prima pars annuli non priùs movetur, quàm ultima eam sequatur. Verùm si res ita se haberent, oporteret corpora quæ moventur omnia, aut globos circa centrum suum actos, aut annulos formare, quod dici nequit, cùm innumera corpora angulosa variis agantur motibus.

7. VI. Si omnia essent plena corporibus, non possemus intelligere quâ ratione fluida, sive liquores, in perpetuo motu esse queant. Neque enim possunt liquidorum particulae perpetuò sinum mutare inter se, quin spatiola vacua relinquunt, quæ enim materia posset sese aptare tam subitis & tam variis mutationibus

po-

porum, ut eos perpetuò accuratissimè impleret? Nihil est liquor, cujus partes perpetuò dividantur, aut possint fieri actu in infinitum divisæ, ut implere possint infinitum figurarum poros.

3. Hæc aliæque ad ostendendum dari spatium sine corpore, proferuntur. Alii contra Extensionem & Spatium & Corpus unum idémque esse, hisce & similibus argumentis contendunt. I. Si diligenter consideremus illam corporeæ naturæ nobis obversantem, ei ita extensionem conjunctam esse deprehendemus, ut nullâ ratione ab ea divelli queat. At hoc quidem argumentum ostendit Extensionem esse corpori essentialem, seu corpus non posse intelligi sine Extensione; sed propterea non sequitur Extensionem non posse esse sine corpore. Exempli gratiâ, motus sine spatio intelligi nequit, nec tamen quisquam motum & spatium unum idémque esse dixerit.

9. II. Spatium est nihil, aut aliquid; si sit nihil, corpora spatio sejuncta oportet esse contigua, quandoquidem nihil inter ea interjacet. Si sit aliquid, quæritur corpûsne sit an spiritus? Si corpus esse dicatur, Extensio & corpus unum idémque sunt; si spiritus, eius affirmationis requirentur argumenta. Sed alii respondent temerè sumi quasi exploratum nulla esse Entia præter solida, seu corporea; & spiritualia seu intelligentia. Merum spatium neque corpus est, inquit, neque spiritus.

10. III. Vacui adversarii quærunť an spatium vacuum sit substantia, an verò accidens? Si sit substantia, quæ sit ejus natura? Si accidens cui subjecto inhæreat? Respondentibus esse merum nihil, obijciunt meri nihili nullas esse proprietates, spatium autem vacuum, juxta eorum sententiam qui id defendunt, posse commensurari, ideóque non posse esse nihil. Quis enim dixerit, exempli causâ, nihilum esse centum cubitorum? Verùm alii duplici ratione hisce interrogatiunculis respondent. Sunt qui non dubitent dicere spatium



esse substantiam simplicissimam, aut cujus unica nota sit proprietas, quod, nimirum, extensum sit in infinitum, quo fit ut omnia corpora admittat. Ac sine nomine *Substantiæ*, cum definiatur *quod per se existit*, seu nulli inhæret subjecto, æquè competit mero spatio, ac solido corpore pleno. Alii verò negant se scire quomodo spatium appellari possit, nam *substantiæ* nomen obscurissimum iis videtur. Quærunt enim, cum Deus, Spiritus finiti, & Corpora *substantiæ* dicuntur, an uno eodémque sensu tria illa nomine *substantiarum* nuncupentur, an diversis? Si univocè Deus, Spiritus finiti & Corpora *substantiæ* dicantur, inde sequetur tria illa convenire inter se unâ eadémque naturâ, sed differre tantum variis *substantiæ* modificationibus, ut Tilia, Populus, & Salix, quæ univocè *arbores* dicuntur, conveniunt naturâ arboreâ, discrepant tantum modificationibus eidem naturæ communi inhærentibus. Quod nemo tamen conceder. Si Deus, Spiritus finiti & Corpora æquivocè dicantur *substantiæ*, quare ea vox, de quocunque Entis genere proferatur, eadém definitione exponitur? Profectò dum voces, quibus utimur, non satis intelligimus, & ideas abstractas cum realibus confundimus, multa nobis scire videmur quæ nescimus, ut in Logica non semel ostendimus.

II. Itaque omnibus expensis, cum sentiamus observari nobis ideam Spatii sine soliditate, quamvis soliditas, sine spatio non sit, agnoscamus necesse est esse Entem quod sit extensum, sine soliditate, quod neque corpus sit, neque spiritus, prout eæ voces intelliguntur ab omnibus; & quod omnia corpora ambitu suo contineat. Est hujus Entis idea simplicissima, cum nihil præter puram Extensionem in eo intelligamus, nec proinde ullam requirit definitionem. Eam ideam sensibus & animi meditatione haurimus, cum omisâ omni soliditatis consideratione de Spatio cogitamus, aut distantiam quampiam consideramus, quam corpore occupari aut ignoramus, aut non cogitamus.

12. Ut dilucidius fiat quod modò diximus, de inu-  
 sate definitionis Extensionis, aut Spatii, expendenda  
 definitio ejus vulgaris quam Cap. I. hujus Libri at-  
 timus, & quâ Extensum esse definitur *habere partes  
 suas partes*. Si quæramus quid sit *pars*, nihil aliud  
 responderi potest, nisi esse *extensionis particulam*, ade-  
 quæ hic erit definitionis sensus: *Extensum esse est ha-  
 bere particulas extensas extra particulas extensas*; quod  
 est, ut loquuntur Logici, idem per idem definire; non  
 minus enim quæritur quid singularum particularum sit  
 extensio, quàm ingentis Spatii. Itaque definitio me-  
 morata mera est definitio nominis, non rei.

13. Si consideremus meram extensionem, nullos in  
 ea limites possumus deprehendere; unde factum est,  
 ut corpora in infinitum patere censeant, qui ea cum ex-  
 tensione confundunt. Verùm ut nullam extensionem  
 intelligere possumus, ultra quam nulla alia sit, nihil ob-  
 stat quominus u'tra extensionem solidi corporibus ple-  
 nam, alia sit quâ nihil solidi contineatur.

14. Cùm autem intra Corporum ambitum varia sint  
 spacia, in quibus mera est extensio, & extra eundem  
 ambitum, infinita possit esse, Philosophi distinxerunt  
*Vacuum in Vacuum disseminatum*, & *Vacuum quod est  
 extra mundum*, sed utriusque eadem est natura.

### CAPUT III.

#### *De Soliditate, & Impenetrabilitate.*

1. Sunt qui inter essentielles Corporis proprietates *Im-  
 penetrabilitatem*, omisâ *Soliditatis* mentione, re-  
 censeant; sed cùm prior aliquid negativum designare  
 videatur, maluimus posteriore voce uti, cùm si em in-  
 trospiciamus

trospiciamus idem utrâque voce videatur intelligi. Soliditas enim est ea resistentia quam sentimus in Corpore, quâ obstat alteri Corpori loco id dimoventi; solemusque dicere Impenetrabilitatem esse proprietatem quâ Corpus excludit aliud Corpus ex eo loco in quo est, quod non fit nisi resistentiâ quam memoravimus.

2. Distinguenda est autem Soliditas à *Duritie*, nam cum prior sita sit in eo quod quodvis Corpus alia omnia ex loco in quo est excludit, Durities est firma co-hæsiō partium, quâ fit ut eæ partes ægrè divelli possint, & molem quamdam conficiant, cujus figura difficulter mutatur. Sic durum dicimus marmor, quia a nobis non nisi ægrè & magnâ vi dividitur; molle contra, quod facillè dividitur, & figuram amittit levi conatu, ut cera. Sed Soliditas, de qua hîc sermo est, non minùs competit mollibus corporibus quàm duris, neque enim minùs excludunt alia Corpora ex spatio quod occupant, quàm durissima.

3. Soliditatis idea ita est adnexa Corpori, ut ab eo nullâ ratione divelli queat. Fingamus enim duo Corpora in se invicem rectâ lineâ moveri, sed inter ea occurrere tertium Corpus, quod neque sursum, neque deorsum, neque ad dextram, neque ad sinistram elabi possit percussione duorum aliorum, duo hæc Corpora quantacunque sit eorum vis, nunquam conjungentur. Non possumus intelligere Corpus inter positum amittere Soliditatem, ita ut duo alia se invicem tangant; quin simul intelligamus Corpus id in nihilum redigi. Potest quidem ex Corpore aliquid elabi, ita ut condensetur, sed nullâ condensatione fieri potest ut duo Corpora in se invicem mota interpositum aliud in nihilum redigant.

4. Hinc intelligimus magnum esse discrimen inter *extensionem corpoream*, & *spatii meri extensionem*. Extensio enim corporea est co-hæsiō sive continuïtas partium solidarum, separabilium & mobilium; spatium verò merum est continuïtas partium non solidarum, in se.

separabilem & immobilem. Nemo negarit posse in-  
ter se spatium, in quo nihil sit quod resistat, æquè per-  
cipere ac intelligimus extensionem solidam Corporis;  
æque hæc non debent inter se confundi.

5. Ex cohesione autem partium solidarum, nascitur  
quid sit impulsu mutuo ac resistantiâ corporum,  
non ex mera extensione. Si enim supponamus hinc  
Corpus solidum, illinc verò merum sine soliditate Spa-  
tium; deinde Corpus solidum moveri, nihil quidquam  
Corpori moto resistet, & Spatium purum quacunque  
moveretur penetrabit. Cum Corpus durum moveretur in  
solido, attamen hoc resistit aliquatenus, quamvis ad  
juncta Corporis moti discedat, & resisteret æquè ad du-  
rum corpus, nisi discedere liceret. Sed ubi nulla  
prorsus supponitur soliditas, duo Corpora mota adver-  
sus impetu, nullo discedente, nec resistente, perfectissi-  
mè conjungentur.

6. Quærent Philosophi, unde oriatur Soliditas, seu  
cohesio partium, juxta se invicem positarum, ac pro-  
inde resistantium? Cui quæstioni quid responderint  
recentissimi viri proferemus, deinde non posse responderi  
ostendemus.

7. I. Fuere qui vellent partes Corporum ita inter se  
coherere, quia cum sint ramis & uncinis præditæ in-  
ter se facillè ita implicantur, ut divelli nequeant. Ve-  
rùm quæritur etiam quid eas particulas ramosas, & un-  
cinis præditas solidas, si singulæ seorsim spectentur, fa-  
ciat. Si respondeas non esse ulterius quærendum, eas  
enim particulas suâ naturâ esse solidas, ea responsio eo-  
dem recider, ac si diceres te rationem soliditatis igno-  
rare. Nam quando quæro quare Corpus sit divisibile,  
si quis mihi responderet *naturâ suâ esse divisibile*, quid  
hoc tandem sibi vellent, nisi eum qui eâ responsione ute-  
retur rationem divisibilitatis ignorare?

8. II. Alii cum memoratæ responsionis infirmita-  
tem viderent, dixerunt nullum esse vinculum, quo  
partes juxta se invicem hæreant, præter quietem. Sed  
cum

cum quies mera sit cessatio motûs, ut alibi demonstrabimus, quî potest fieri, ut mera privatio tantam vim addat particulis corporeis? Non possumus capere, cum singula corpora naturâ suâ sint mobilia, neque uni loco magis adfixa, quàm aliis, cur eo non possint, amissâ quiete, deturbari. Vel minimus motus perfectissimam quietem vincet, cum corpus non sit naturâ suâ determinatum ut in certo loco maneat.

9. III. Igitur hac responsione eversâ, alii pressionem aëris & materiæ subtilioris causam esse Soliditatis contendunt. Observant omnia corpora solida ambiri aëre, aut saltem subtiliore materiâ, quorum particulae vehementer quaquaversum moræ comprimunt solidorum corporum superficiem; itaque non quietem resistere vi moventi, sed contrarium motum.

10. Aliquot experimentis sententiam hanc suam confirmant, quorum duo potissima proferemus. Si sumatur globus concavus, metallo duriori constans, & in duo hemisphæria divisus, conjuganturque quâ committuntur cereo limbo, ne aër subeat, dum aër contentus educetur pneumaticâ Machinâ; jam arctè conjunguntur duo illa hemisphæria, ut ne maximâ quidem vi, si rectâ lineâ trahantur utrimque, divelli possint. Si verd aër subierit, facillimè separantur. Hinc autem colligunt causam tam arctæ unionis, hanc fuisse; quod, nempe, hemisphæriorum externa & convexa superficies aëre ambiente premeretur, cum intrinsecus nulla pressio esset. Itaque ne vim quidem maximam potuisse vincere impulsu particularum aërearum undique externi superficiiei globi concavi incumbentium; sed ingresso aëre & internam superficiem premente, minimâ vi adhibitâ, hemisphæria separari.

11. Contrâ si Carpionis vesica sumatur, & aëre impleatur ac claudatur accuratè filo, tum immitratur machinæ pneumaticæ, ex qua aër educatur, vesica dirumpitur; quia cum aëre interno prematur, externus nullus premit. Unde iterum colligitur vis aëris

corpus incumbens, eaque comprimentis.

12. Si ergo supponamus corpus esse nequaquam porum, aut saltem nonnullis in partibus carere planè quod negari nequit: existimant aërem & materiam subtiliorem aëre, ejus partibus incumbentes, easque motu perpetuo prementes eas ita cogere, ut divelli nequeant; atque hinc omnem soliditatem pendere.

13. Verùm ab iis 1. quæritur, quid ipsam subtiliorem materiam premat, ita ut singulæ ejus partes solidæ sint? An materia alia subtilior, & hanc iterum alia, ac sic infinitum? Ut hoc fieret, oporteret esse materiam non modo in infinitum divisibilem, sed etiam actu in infinitum divisam, quod nemo quasi comprehendere ausit.

14. 2. Si pressio aëris causa esset cohæsionis partium Corporum solidorum, hoc tantùm sequeretur corpus solidum non posse divelli per lineas rectas oppositas, ut hemisphæria eo modo distrahi nequeunt. Sed ut si hemisphæria lateraliter pellantur, facillimè sejunguntur, non obistente aëre: ita etiam corporum solidorum partes sic divulsæ, nullo negotio separari possent, quod tamen non fit. Fluidum, nempe, ambiens facile succedens in singulas relictæ à solido spatii partes, nullatenus ei motui resistit; nec proinde ullum corpus proferri posset, quod non facillimè ita divideretur.

15. Igitur hinc sequitur redditam Soliditatis rationem nullam esse. Sed neque ulla etiam afferri potest, sumentè rem consideremus. Definitur enim soliditas, *cohesio partium, quâ fit ut aegrè divellantur*. Sed quid in hac definitione intelligi potest voce *pars*? Estne pars divisibilis in alias? Si hoc dicatur, quæretur quid *partes*, in quas dividi potest, connectat, adeoque eadem circa Soliditatis causam difficultas occurreret. Si indivisibiles partes intelligantur, ei suppositioni opponerentur demonstrationes, quibus divisibilitas in infinitum probari solet. Itaque cum vox *pars*, quando de Soliditatis causa agitur, definiri nequeat, sitque reverà obscurissimæ  
ideæ

ideæ adnexa ; quid inde sequitur, nisi Soliditatis rationem nullam reddi posse ? Certè eùm de eâ nitimur loqui, ne intelligimus quidem quid nobis velimus.

16. Ut quàm hoc sit difficile, imò verò impossibile clariùs intelligatur, consideremus Aquam & ejus concretionem. Particulæ, quibus constat Aqua, ita sunt à se invicem divisæ, ut vel minima vis ad eas separandas sufficiat ; & cùm sint in perpetuo motu, nullatenus sibi invicem coherere supponi possunt. At fingamus frigus vehementius oriri, illico partes antea facile divisæ, & perpetuò commotæ, quiescunt, nec divelli possunt sine vi satis magna. Quicumque inveniet vincula, quibus eæ partes sistuntur, & conjunguntur, is profectò invenerit arcanum anteahac prorsus ignotum. Sed quamvis hoc inventum esset, quæreretur ab eo, quid vinculorum ipsorum partes jungat, adeoque iterum in easdem angustias conjiceretur.

17. Hinc sequitur, quandoquidem essentialis proprietatis Corporum causam & rationem nullo modo intelligere possumus, Corporeæ substantiæ nullam dilucidam & adæquatam ideam nobis obversari. Quo posito, hinc etiam sequitur frustra Philosophos tentare Physicæ Systema Mathematicum & plenum conficere. Ignotis enim principiis rerum corporearum, necesse est non hoc modò, sed & infinita alia, quæ hinc pendent, ignorari, ac proinde demonstrationis Mathematicæ spem omnem abjici.



## CAPUT IV.

*De Divisibilitate Materiae in Infinitum.*

**E**X iis quæ antehac diximus, satis apparet Corpus esse naturâ suâ divisibile, adeoque nullum tantæ unitatis fingi posse, quod non intelligatur variis partibus constare. Attamen quia sunt hac de re inter Philosophos controversiæ, paucis iterum de ea agendum est.

Sunt autem circa corporis divisibilitatem tres sententiæ. I. Sunt qui volunt corpus constare punctis Mathematicis, planè indivisibilibus, quod sint omnibus partibus destituta. II. Alii dari ejusmodi puncta erant, sed esse tamen *atomos* volunt, hoc est, partes tantæ soliditatis, ut quamvis partibus non careant, prorsus indivisibiles sint. III. Alii denique non modo omni corpori partes inesse censent, sed etiam *imparabiles*, saltem divinâ potentiâ.

Qui puncta Mathematica propugnant variis nituntur rationibus, quarum pauculas proferemus, cum ea sententia à plerisque rejiciatur. I. Supponamus, inquit, duo corpora inæqualia, quæ suppositio rejici sequitur. Si possent ambo dividi in infinitum, sequeretur numerum partium quibus alterutrum constaret, æqualem esse numero partium alterius, ac proinde et corpora esse æqualia, quod est hypothesei contrarium. Sed respondent alii minori corpori, si toties dividatur ac majus, totidem quidem futuras partes, sed minores, pro inæqualitate corporum.

II. Nisi corpus possit dividi in certum numerum partium, nullum est primum elementum in quod resolvatur, ignotâque manet natura corporea; nam nisi sciamus in quæ resolvi queat, seu ex quibus principiis

con-

constet, ignota nobis est, contrà quàm volunt plerique eorum qui divisibilitatem in infinitum propugnant. Profectò id argumentum, in eos qui adæquatam sibi esse corporeæ substantiæ ideam volunt, validissimum est. Quemadmodum enim non possumus dicere summam quampiam, plurimis minoribus constantem, nobis esse perspectam, nisi sciamus quot sint eæ summæ, & quot unitatibus conjunctæ consent : ita etiam non possumus dicere nos dilucidè videre quidquid est in corpore, cum numquam ad ultimam ejus partem dividendo pervenire possimus. Verùm si fateamur, quod ingenuè fatendum est, intimam Corporum naturam nobis ignotam esse, objectio allata nullius erit ponderis, quia probabit quod non diffitemur. Ad alteram partem objectionis, quod attinet, oportere esse elementum aliquod, in quod ultimum corpus resolvatur; id elementum dicimus esse materiam extensam, solidam, &c. ultra quam nihil occurrit.

5. III. Objiciunt, si materia in infinitum dividi possit, hinc sequi digitum cubicum materiæ posse ulque adeò dividi in quadratas plagulas, ut toti Terrarum orbi integendo sufficiant. Verùm hoc alii non negant, & quamvis vim imaginationis planè superet ejusmodi divisio, attamen contradictoria non est, imò verò demonstratione Mathematica nititur; nam in plagula, quantumvis tenui, plano imposita, semper distingui potest pars superior ab inferiore, adeoque si non viribus Creaturarum, saltem divinâ potentiâ divelli.

6. Suppositio atomorum solidarum, ita ut comminui nequeant, merum est *Democriti*, quem *Epicurus* sequutus est, figmentum, quod æquè facile negari potest, ac affirmatur. Deinde circa ejusmodi Atomos moveri possunt omnes quæstiones quæ ad divisibilitatem materiæ pertinent, nam quanvis atomi actu non dividerentur, tamen à Deo possent dividi, non aliter ac majores materiæ moles.

7. Inter eos qui & puncta Mathematica & indivisibiles,

ob soliditatem, atomos negant, sunt qui aperte dicunt Corpus divisibile esse *in infinitum*, alii verò materunt dicere *in indefinitum*; quod prior phrasis videtur statuere numquam posse exhaustiri numerum partium corporis, cum posterior innuat tantum nos illos videre in ea divisione fines, sed de re ipsa nihil asserere. Verum demonstrationes quæ afferuntur ad probandum materiam divisibilem esse in indefinitum, eadem ostendunt non posse exhaustiri numerum particularem, quâ in re sita est infinitatis idea. Itaque non oportuit ad novam vocem confugere, cum idem propter probaretur.

1. Si consideremus attentius definitionem Corporis, quod dicitur esse *Substantia extensa, solida, divisibilis*, nos docebit nihil posse Corpus vocari quod divisibile non sit; sed quia dicere quispiam posset nos abstraham ideam definire, non substantiam corpoream actu existentem, aliam hîc argumentationem addemus. Cum corpus dividitur, quantacunque ea divisio sit, dividitur in partes, quæ sunt aut nihil, aut aliquid. Non possunt dici merum nihil, quia sic nihilo constaret aliquid; quod absurdum est, & divisio atque annihilatio eundemque haberentur, quod non minus absurdum. Si dicantur aliquid, quæri potest sitne iis aliqua figura, recte? Si figura iis esse negetur, id contra omnem rationem fiet, nam res corporea & finita sine figura intelligi nequit, cum *finis*, ut ita dicam, & *figura* unum eundemque sint. Ergo figuram omnibus corporeis vel minimis particulis inesse fatendum est; quod cum ita sit, nullæ sunt particule indivisibiles, aut sine aliis partibus. Nam in figurâ quâvis plura possunt distingui puncta diversa, ut omnes norunt.

2. Afferuntur ad idem comprobandum variæ demonstrationes Geometricæ, quibus constat varias esse lineas incommensurabiles, & duas lineas ad se invicem ordinatas, in infinitum posse propiores fieri, nec tamen contingere; quod fieri non posset, nisi materia in infinitum

nitum divisibilis esset. Verùm hæc paulò sunt prolixiora, nec, post ea quæ diximus, necessaria.

10. Quæcunque in hanc sententiam obijciuntur aliqujus ponderis, ea petuntur ex difficultatibus quæ ex *Infiniti* natura nascuntur. Exempli gratià, aiunt, 1. non posse intelligi corpus finitum constare numero infinito partium; numerus enim infinitus particularum, quantævis tenuitatis, debere conficere molem infinitam. Quid enim requiritur ad molem infinitam conficiendam, aut quid ampliùs requiri potest, quàm numerus infinitus partium? Certè additione in infinitum, crescat moles in infinitum necesse est, ut detractio in infinitum, decrescit etiam in infinitum. 2. Sequitur ex variis *Infinitis*, alia aliis esse majora, mons enim qui, ut lapillus, infinito numero particularum constat, major est lapillo. Absurdum autem est *Infinitem* aliud alio majus esse, quia excessus majoris *Infiniti*, quo minus superat, necessariò minus terminat; ut excessus summæ majoris est extra minoris terminos. 3. Numerus nullus infinitus intelligi potest, est enim omnis par aut impar, adeoque fines habet. Numerus enim par augeri potest unitate, & fieri impar, ideoque finitus est; quod de impari etiam dici potest.

11. Hisce, similibusq; objectionibus duo reponi possunt. Primum hæc non obstare quominùs demonstrata sit divisibilitas materiæ in *Infinitem*; his enim difficultatibus non ostendi esse in demonstrationibus errorem, sed tantùm in re demonstratâ maximam obscuritatem. Deinde mirum non esse, ubi de *Infinito* agemus, difficultates occurrere quæ solvi non possunt, quia agitur, de re cujus Ideam nullam dilucidam & veram habemus, ac proinde cujus naturam exponere non possumus. Nam ut \* alibi ostendimus, quamvis *Infinitem* in abstracto Idea negativa, eaque satis clara nobis obversetur; attamen *rei infinitæ* in concreto notionem positivam efformare animo non possumus, quæ non sit & obscurissima & fallax.

\* *Ontol. Cap. XVII. 5.*

## CAPUT V.

## De Motu &amp; Quiete.

Inter proprietates essentielles corporis numeravi-  
mus *Mobilitatem*, circa quam multæ & graves  
sunt Quæstiones, de quibus paucis agemus hoc  
Capite I. Ante omnia quæritur quid sit Motus &  
quomodo definire possit. Sed si rem introspeciamus,  
nulla melior ratio est exponendæ motûs naturæ, quàm  
ostendamus corpus motum, aut iis qui motum vide-  
re in memoriâ revocemus. Est enim motus sim-  
plissima modificatio corporis, quæ non potest defini-  
tione clarior fieri, ut nec animi simplices modificatio-  
nis definitionibus exponi possunt.

2. Cum definitur *mutatio sitûs*, aut *migratio de loco  
in locum*, non meliùs intelligimus quid sit, quàm antea,  
perinde est ac si quis, qui vellet nos docere quid sit  
calor quem sentimus diceret, *eam esse sensationem quæ  
sibi est, cum igni adsidemus*. Nam definitur qui-  
etiam ratione significatio nominis, si fortè quis igno-  
ret quid sibi velit *Calor*, sed natura rei clarior non fit.

3. Alii definiunt Motum *Translationem unius corporis  
in vicinia eorum corporum, quæ illud immediatè contin-  
gent, & tamquam quiescentia spectantur in viciniam  
eorum*. Sed est ea quoque nova definitio nominis,  
quæ quidem loquendi recepto contraria; at quæ aptior  
est obscurandæ naturæ motûs per se claræ, quàm ob-  
scure rei exponendæ, quod sic ostendimus. 1. Inde se-  
quitur nummum, exempli causâ, malè dici moveri,  
quando ambulamus, si eum manu tenemus; quia re-  
spectu manûs vicinæ, non movetur, quamvis eum trans-  
feramus, procul ab eo loco in quo primum fuit. 2. Se-  
quitur

quæritur

quetur ripas moveri, & alveum fluminis, non minus ac aquam, quia ex viciniâ aquæ præterlabentis non minus recedunt quàm aqua ex viciniâ certarum alvei & riparum partium. Nam quod additur *quæ tamquam quiescentia spectantur*, id figmentum est minus necessarium. Præstat distinguere motum in *communem & proprium*. Communis est quo corpus fertur una cum aliis, ut motus nummi, qui cum corpore nostro alibi transfertur; proprius, quo corpus, quod unicum censetur, solum movetur, ut motus globi in solo progredientis. Corpora respectu motûs proprii quiescunt dum motu communi aguntur. Verùm superior definitio idèd potissimum inventa dicitur, ut Terra, quæ communi motu, cum Vortice suo, circa Solem moveri dicebatur, posset simul dici quiescere, quòd respectu vicinarum partium Vorticis non moveatur, ut vitaretur Censura Inquisitionis Romanæ, quæ sententiam eorum qui terram moveri aiunt damnaverat.

4. II. Altera quæstio causam motûs spectat, & causas quidem duæ motûs statuuntur; *prima & universalis* quæ est Deus, qui initio rerum motum omnibus corporibus indidit: *secunda & particulares*, quales sunt reliquæ omnes causæ motûs. Si quæretur quomodo Deus motum materiæ indiderit, cùm ipse immotus sit: nulla suppetit responsio, nisi rem esse certam, sed modum quo Deus in corpora agit, ignotum esse.

5. Quæritur etiam quâ morus à causis secundis creetur? Duûm autem generum sunt ejusmodi causæ, quarum aliæ sunt Spiritus, aliæ Corpora. Mens nostra, ut nobis constat experienciâ quotidianâ, mover, aut movere videtur corpus nostrum; & globus motus, si major sit, aut æqualis, in alium minorem aut æqualem incidens eum mover. Quærunt ergo Philosophi an reverâ motum creent hæ causæ secundæ, & quo modo hoc fiat? Ut quæstioni satisfiat, dividenda est in partes, quibus constat.

6. Primum ergo sunt qui Spiritus & corpora non causas

motuum, sed tantum occasiones novarum determinationum motus esse censent. Hi ab initio certam quantitatem materiae immixtam volunt, quae neque augeatur, neque minuatur. Deinde partes materiae motas variè volentibus Spiritibus determinari, et in membris nostris fieri videmus, in quos spiritus animales moti immittuntur pro arbitrio Mentis; atque occasione impulsus & percussionis corporum inter se concurrentium, motum hac illac per corpora transferri. Volunt iidem Deum esse propriè dictam causam omnium horum motuum, aded ut ex voluntate Mentis agat spiritus animales, inscià Mentis, quod eos agi oportet; atque ex occasione impulsus & percussionis corporum tantumdem motus destruat in corpore primùm moto, quantum creat in eo quod eodem modo movetur.

Verùm hæc omnia, si diligenter considerentur, præsuppositiones esseprehenduntur. 1. Nullà ratione constat eandem semper esse in materia quantitatem motus, & contrarium verisimilius est, ut postea videbimus. 2. Nullo modo credibile est eum esse motum Spirituum animalium in animalibus, ut tantum determinatione indigeat & possit sufficere tot & tam variorum animalium motibus. 3. Dicendo Deum esse auctorem omnium motuum, aut determinationum motus, idem secundæ causæ earum rerum sint duntaxat occasiones; ratio quâ motus procreatur non facilius intelligitur, ut jam antea observavimus, ne jam consectari, quæ hinc deduci possent, memoremus.

Alii volunt à causis secundis motum etiam creari, Mentem, exempli causâ, movere brachium, & ex corporibus in corpora motum transire. Verùm 1. non potest esse intellectu, Mentis solâ volitione moveri Corpus, cum Mens nesciat quid Corpus moveatur. 2. Qui est inter cogitationem & motum? 3. Ad Corpus quod attinet, si transit motus ex uno Corpore in aliud, accidens potest ex uno subiecto in alterum transire,



fire, quo nihil absurdius. 4. Intelligimus quidem motum esse veluti consequentiam soliditatis, nam solido resistente, aut debet resilire corpus ei impactum, aut id loco deturbare, sed quomodo hoc finescimus.

2. Nihil ergo hinc superest, nisi ut agnoscamus non non clariùs intelligere quæ sit causa motus, quàm quæ sit causa soliditatis, atque hoc in negotio rem esse notam, modum rei ignotum, ut in multis aliis fateamur.

10. III. Atque hæc quoque in re similis est Motus idea sis quas sensationibus internis in nobis nasci sentimus, qualis est idea caloris, quod non possit ostendi demonstratione philosophicâ quodnam sit discrimen inter motus celeris & motus tardi naturam, magis quàm quâ re differat intensi caloris sensatio ab remissioris sensu. Sunt quidem qui dixerunt lento motui esse morulas quietis interpositas, cum nullæ sint, aut minores in celeriore. Verum hoc dudum est rejectum, quia si vel per minuti millesimam partem corpus sit in quiete, perit prorsus motus, atque iterum nascatur opus est novâ vi movente. Itaque in lento motu oporteret, post singulas morulas, vim moventem corpori moto iterum applicari quod falsum esse constat. Exempli causâ, sagitta arcu emissâ lentiùs fertur quàm globus pyrio pulvere tubo ferreo excussus; nec tamen nervus arcus semel emissæ sagittæ magis applicatur, quàm excusso globo vis pulveris pyrii.

11. IV. Ratio allata ostendit etiam falsam esse opinionem eorum, qui putant Corpus motum & impactum Corpori, quod deturbare loco non potest, adeoque regredi coactum, quiescere in puncto reflectionis. Si enim illic quiesceret, oporteret novum motum post requiem, sine ullâ causâ movente incipere; si quidem corpus semel motum sponte iterum moveretur, nam à quiescente non posset motum accipere.

12. V. Hinc colligimus determinationem motus non esse

novum motum. Corpus, nimirum, quoddam aliud corpori duriori & graviori resilit, in illo consilium, eodem fertur motu quo antea, licet in partem flectatur.

VI. Accuratè expensà naturà motûs, variisque experimentis, inventæ sunt à Philosophis variae *Leges*, sive *Leges Motûs* cum in genere spectati, tum prout consideratur in Corpore in aliud incidentem. Potissimas breviter hîc proferemus, prout à variis conceptæ sunt. 1. *Quodvis Corpus indivisum in eodem statu manet, in quo est, nisi causa externa mutet aliquam ei afferat.* Itaque cum Corpus quiescit, in quiete maneret, nisi vis movens id loco detineret; cum movetur semper moveretur, nisi motum, eidemeret causa externa in quam motus transferretur, si ita loqui licet, aut quæ alio modo motum

2. *Omne corpus motum ex se ipso tendit, ut secundum rectam, non verò curvam pergat moveri.* Hoc patet, exemplo fundæ quâ circumagitur lapis, ex qua si elabatur non in circulum agitur, sed per lineam tangentem ex eo circulo abit. Ac sanè si Motum in genere spectemus, non aliter consideratur à nobis, quam ut motus rectus, & semper rectus futurus, in quidpiam Corpus motum in aliam partem rejiciat.

3. *Quando Corpori moto, & in aliud quiescens incidentem tanta vis est ad pergendum secundum lineam rectam, quam alteri ad id impediendum, tunc Corpus motum in aliam partem reflectitur, & si quiescens immotum esset, prius in suo motu perseveraret, amissâ tantâ determinatione motûs.* Hoc cum superiores *Leges*, tum experientia demonstrat; sed supponendum est Corpus moveri in Vacuo, nam dum per medium fertur, ei partem aliquam motûs sui communicat, unde fit ut minuatur, etiamsi nihil aliud collideret.

R

4. \* Cum

4. \* Cum corpus durum motum incidit perpendiculariter in aliud corpus durum quiescens, eique aequale pondus; transfert in hoc omnem suum motum, & immotum post percussionem haret. Consideranda sunt hæc corpora quasi liberè in quamvis partem mobilia, nullo alio impediēte.

5. Sed si alterum Corpus aequalis moveatur etiam, & per eandem lineam rectam feratur contrarium, permixtū inter se motus suos.

6. Corpus quamvis parvum, & quamvis haud magna celeritate motum, incidens in majus quiescens motum aliquem ei communicabit. Sunt & rationes, quibus æstimatur motus, quem sibi invicem corpora dura concursu directo communicant, sed quas non referemus, brevitatē causā.

7. Quantitas motus duorum corporum augeri, minui potest, per eorum occursum; sed semper remanet eadem quantitas versùs eandem partem, ablata inde quantitate motus contrarii.

8. Summa productorum factorum è mole cujuslibet corporis duri, ducta in quadratum suæ celeritatis, eadem semper est ante & post occursum eorum.

9. Corpus durum quiescens accipit majorem motum ab alio corpore duro, majori aut minori, per alicujus tertii, quod media fuerit quantitatis, interpositionem, quàm si percussum ab eo fuisset immediatè. Quod si corpus interpositum sit medium proportionale inter duo reliqua, fortissimè omnium aget in quiescens.

Hæ sunt leges motus, quibus exponendis non immorabimur.

14. VII. Quæritur de Quietē, quæ est motui opposita utrum sit aliquid positivum an verò privatio duntaxat motus. Atque in hac posteriori sententia fuerant omnes philosophi, ante R. Cartesium, qui quia soliditatis causam solam quietem esse voluit, positivum quid eam esse contendit, sed perperam, ut videtur, quod se-

\* Vide *Acta Londin. ad An. 1669. Mens. April. num. IV. & Parisenses Ephemerides 18. Martis ejusdem anni.*

sequentibus rationibus ostenderunt nonnulli ex ejus discipulis.

1. Pingamus Deum nunc globo motum indere, quid opus est ab eo fieri, ut motus sistatur? Nihil aliud profectò, nisi ut desinat velle globum moveri, sine ulla positiva volitione. Cessanti autem motui succedit quies necessariò, ideoque nihil est præter cessationem, seu privationem motus.

2. Inverso eodem argumento, pingamus globum quiescere, quid oportet à Deo fieri ut moveatur? An satis est Deum desinare velle ut quiescat? Hoc certè nemo dixerit, nisi qui motum privationem quietis esse voluerit, quod est absurdissimum. Si enim dicatur moveri globus duntaxat ex eo quòd Deus desinit velle eum quiescere, sine ulla volitione positiva, quæremus quot sint tum ejus motus gradus, nullum enim corpus movetur quin certos habeat motus gradus. Quis autem intelligat certos motus gradus cessatione solâ divine voluntatis creari?

3. Hinc etiam liquet, privationem esse quietem, motum verò positivum quidpiam; nam privationis meræ nulli sunt gradus, rei positivæ intelligi possunt. Corpus autem quod quiescit non potest dici magis aut minus quiescere hoc tempore, quam alio, aut quàm alia corpora; si verò moveatur, celerius aut lentius moveri dici potest, & habet manifestò varios celeritatis gradus.

4. Concipiamus à Deo corpus creari, eà solâ volitione intelligemus corpus quietum creari, sine ulla alia Dei volitione; sed ut moveatur, opus est nova actione Dei, quâ facit ut quod quietum erat moveatur. Itaque quies nihil est, motus verò aliquid.

5. Quandoquidem quies mera est privatio, hinc sequitur à minimo corpore moto posse commoveri maximum quiescens, quod vidimus inter regulas motus tradi. Sed supponendum est corpus illud esse in Vacuo, adeoque nihil motui ob stare, præter quietem;

alioqui si motus contrarius obsit, pro viribus utriusque motus, hic aut ille superior in conflictu erit. Atque hoc apparet in navi, quæ supponitur in aquâ tranquillissimâ quiescere, & quæ à minore multò corpore movetur; quod fieret infinitò facilius in Vacuo, quia aqua resistit motui qui navi communicatur, quod non fieret in Vacuo. Aquam autem resistere ex eo liquet, quòd navis aliquantò postquam mota fuit, desinat moveri; quod non contingeret, nisi navis amitteret motum, eo aquæ communicato, aut si aqua non resisteret, vel etiam motu suo navis motum adjuvaret.

6. Sumatur tabula lævissima, aut planum aliud corpus durum; deinde in id immittatur clavus ferreus ad dimidiam usque longitudinis partem; idque planum postea aliquantùm à perpendiculari linea deflectatur. Si terrea quæpiam moles millies crassior clavo imponatur plano, uno aut altero digito supra clavum, deinde delabi per planum sinatur, clavus tamen non frangeretur. Attamen observandum omnes partes molis ferreæ conjunctis viribus agere in partes clavi, cum ferrea moles sit solida & dura. Si autem nullo alio vinculo particulæ corporum solidorum conjungerentur, nisi quiete, moles ferrea, quæ est millies crassior clavo, deberet, juxta *Cartesium*, partem aliquam motus sui communicare partibus clavi, quibus impingitur, hoc est, eum frangere, & præterlabi, quamvis lentissimo motu in eum incideret. Itaque non est quies quæ resistit motui aliorum corporum, ac proinde falsò hoc supposito statuitur quies esse quidpiam positivum.

7. Observandum est nos hîc loqui de Quietè in se spectatâ, non quatenus conjuncta est cum situ, quo corpora à se invicem certis intervallis distant. Situs enim ille corporis inter alia quiescentis est relatio quædam, non mera privatio; & dum corpus quiescit, eam relationem servat, quæ non est merum nihil.

## CAPUT VI

## De Formis, &amp; Qualitatibus Corporum.

1. **P**ostquam de eo quod omnibus Corporibus commune est, *Materiâ* scilicet, egimus; ad id quo inter se distinguuntur, quod *Forma* dici solet, deveniendum est. Vidimus antea quid *Materiæ* nomine intelligant Peripatetici, quâ cum nihil fieri possit solâ, nulla quippe proprietate præditâ; ut Corpus quodpiam procreetur, oportet, ut putant Scholastici, *Formam substantialem* accedere, quâ Singulæ corporum species à se invicem differunt. Volunt *Materiam* suapte naturam esse ad excipiendam quamvis *Formam*, sed postquam hæc ad *Materiam* accessit, tum effici certam Corporis speciem. \* Hæc est eorum sententia summam spectata, nam quæ ab iis dicuntur sigillatim expendere longum esset & inutile.

2. In hanc autem *Formarum substantialium* hypothesin descenderunt Scholastici, quia cum solius *Materiæ* ope, nullius rei rationem reddere possent, oportuit inveniri hypothesin quæ exponendis phænomenis inserviret. Itaque *Formas* invenerunt, quas *substantiales* vocant, quia *substantias* esse censent, cum eo nomine vix *Materiam* dignentur. Ex his autem *Formis* existimant fluere omnes Corporum proprietates, omniâque naturæ phænomena; aded ut si quæramus unde oriantur quæ in Corporibus animadvertimus, nos ad *Formas* substantiales amandent.

3. Certum quidem est omnibus Corporibus aliquid esse commune, & quidpiam diversum quo species inter se distinguuntur. Verum præterquam quod vidimus quod aiunt Scholastici de *Materiâ* communi id esse

R 3

præ-

\* Vide Lib. Rob. Bøylai de Origine Form. & Qualit.

prorsus inane. I. Formæ suæ substantialis naturam nullatenus exponere possunt, ut si quærat<sup>ur</sup> quodnam sit discrimen inter Formam substantialem Arborum, exempli causâ, & Brassicarum nihil reponere possint. Absurdum autem est hypothese<sup>m</sup> proferre, quam exponere non possumus, & multò satius est fateri rem sibi esse ignotam, quàm ad eam explicandam ignotiore uti hypothese<sup>m</sup>.

4. II. Nulla ratio erat supponendi Formam esse substantiam, magis quam Materiam; imò verò hanc esse substantiam, illam Modum Substantiæ omnia suadebant. Exempli causâ, ligno combusto destruitur Forma, remanet Materia, cujus pars in cineribus cernitur; quod autem specie destructâ superest, id potius substantiale esse censendum, quàm quod perit.

5. III. Ac sanè Substantiam aliquam novam nasci, aut in nihilum redire nullo certo exemplo constat; & creare novi quidpiam, aut substantiam in nihilum redigere Dei est non Creaturarum. Cum uritur arbor, ut eodem exemplo utamur, nihil ligno fit, nisi quòd in tenuissimas partes dividitur; solâ autem divisione substantiam in nihilum redigi nemo dixerit; & tamen sic destruitur forma arboris.

6. Itaque missis Formis Substantialibus Scholasticorum, aliud quidpiam quærendum est, quod sit causa discriminis corporum. Recentiores ergo supponentes communem esse omnibus corporibus *substantiam extensam, solidam, divisibilem, mobilem & figurabilem*; omne discrimen oriri ex variâ hujus materiæ dispositione censent. Nempe, pro varietate sitûs, magnitudinis, motûs, quietis, adhæ<sup>s</sup>ionis, & figuræ particularum tenuissimarum, quibus contexta sunt corpora, hæc inter se differre.

7. Observandum enim est, quamvis *Substantia extensa, solida, &c.* sit omnibus corporibus communis, materiam eam dividi posse in tenuissimas partes, quæ variarum sint magnitudinum & figurarum, variè moveantur,



veantur, aut sibi invicem adhæreant, variôque situ sint posite inter se. Quod si ita est, nihil obstat quominus supponamus singulas corporum species vario genere particularum constare, quarum texturâ fiat ea quæ in illis cernitur diversitas. Atque hac in re fita est Corporum Forma, ut existimant Recentiores, quæ Accidens est, non Substantia.

8. Nec possunt alii objicere, si hoc ita sit, Corporum species inter se non essentialiter, sed accidentaliter tantum discrepaturas, quo fiet ut omnium rerum naturæ misceantur. Ostendimus enim in *Logica* constitutionem Essentiarum, quibus Substantiarum species differunt, petitam ex varietate proprietatum, quæ illis inhererent; non ex eo quod Substantias ipsas diversas in se esse norimus. Nec tamen propterea miscebuntur species, dum enim proprietatibus illis differant, semper secernentur. Varietate substantiarum in se eas distinguere qui quasi compertum affirmant, ii multò amplius quam quod norunt dicunt; nec affirmantibus sine ratione, assentiri possumus.

9. Sunt tamen hîc tria observanda. Primum, quamvis contendamus temerè supponi corporibus diversis diversas esse substantias; attamen contrarium, quasi exploratum, à nobis non affirmari posset enim fortè fieri ut diversæ essent, & cum sit nobis intima earum natura ignota, nihil est quod hâc de re ut perspectum proferamus. Alterum nobis ignotum esse causam soliditatis tenuissimarum corporis partium, non secus ac crassiorum molium. Sed etsi est causa ignota, res ipsa non minus certa est. Tertium denique de figura, magnitudine & situ partium tenuissimarum, quibus contexta sunt corpora, & ex quarum texturâ nasci videtur omnis Corporum varietas, nihil ferè nobis esse compertum. Cum enim ex particulæ sensuum, etiam instrumentis adiutorum, aciem fugiant, eas in se spectatas expendere non possumus. Ex phænomenis duntaxat, quales sint, colligere conjiciendo conamur.

10. Hinc possumus duplex genus *Qualitatum*, seu pro-

proprietas in Corporibus distinguere; quarum alie *primitivæ* alie *derivatiæ* dici possunt. Primitivas vocamus eas quæ fortè sunt in substantiâ corporeâ & nobis ignotæ sunt, ut est causa soliditatis. Atque has Scholastici solent plerumque vocare *Qualitates occultas*. Derivativas verò dicimus eas quæ ex primitivis fluunt, & quæ sensus nostros percellunt, ut colorem, saporem, odorem, &c. Quemadmodum has certò novimus: ita illas aut penitus ignoramus, nec ullâ ratione esse qui possumus; aut suspicamur, vel conjicimus tales esse, quales quandoque à Physicis describuntur.

11. Nec male conjecerunt Physici Qualitates sensibiles ex varia dispositione insensibilium particularum oriri, quod aliquot argumentis probabimus, & primò quidem Corpora certis particulis esse contexta ostendemus.

12. I. Ut sciamus an certis quibusdam particulis singulæ Corporum species consent, sunt dissolvendæ, & quid supersit inquirendum. Hoc autem fit ope Chymicæ destillationis, aliarumque Chymicarum resolutionum, ex quibus notum est ex variis corporibus varia oleorum & salium genera educi. Quæcunque enim destillatione dissolvi possunt, emittunt diversa olea & salia, unde liquet diversis esse contexta particulis.

13. II. Nec dubium quin alia quæ non possunt destillari, si dissolvi possent, eadem nobis diversitatis suppeditarent argumenta. Si enim liquefiant, aut in calcem redigantur, neque eundem liquorem, aut eandem scorias, vel eandem calcem suppeditant, neque aliis corporibus mista idem omnia præstant; quæ omnia videntur oriri ex diversitate particularum, quibus constant.

14. Jam si quis quærat unde fiat ut sint Corporibus variz ejusmodi particulæ, nulla alia ratio afferri potest, nisi Dei, omnium rerum Creatoris, voluntas, quâ initio factum est ut vastissimâ extensione materia

ita multiformia conderentur corpora. Nam qui solo  
 atomaria, aut atomorum concursu fortuito forma-  
 ri hanc rerum diversitatem volunt, ii conjecturan-  
 tes proferunt, nulla planè verisimilitudine præditam, adeo-  
 que meritò spernendam.

15. Positâ ergo divinâ voluntate, quâ primigenia  
 corporum textura confecta sit, multæ, gravèsque ra-  
 tiones suadent ex partium illarum tenuissimarum, qui-  
 bus certæ sunt figuræ, variâ dispositione, & quantita-  
 te, variòque motu, omnes oriri corporum qualitates  
 quæ derivativas vocavimus. Ante omnia, quæcunque  
 adhibeamus experimenta & quomodocunque naturam  
 corpoream versemus, nihil in ea cernere, aut esse con-  
 spicere possumus, præter particulas certâ ratione sitas,  
 aut motas, aut certæ magnitudinis & figuræ, aut cer-  
 ti modo adhærentes sibi invicem. Quo quidem argu-  
 mento non potest demonstrari in Corporibus nihil aliud  
 esse, sed saltem hinc liquet nihil à nobis posse de eorum  
 natura affirmari; præter hæc.

16. Infinita sunt experimenta ex quibus liquet, variâ  
 partium dispositione variari species rerum, quorum ali-  
 quot proferemus.

Aluntur Plantæ & Animalia succis, qui variè misti  
 & dispositi ita mutantur ut partes solidas & fluidas Ani-  
 malium & Plantarum conficiant à succis illis planè diver-  
 sis. Aquâ pulviâ terræ succis mistâ aluntur, exempli  
 gratiâ, arbores variarum specierum, eaque vegetan-  
 tur, atque augentur, fructusque perpetuâ ejus afflu-  
 sione sustentatæ protrudunt. Itaque particule aqueæ,  
 autâ dispositione, dum per ligni tubos feruntur,  
 sunt lignum, frondes, fructus, &c. Neque dixeris  
 succos terræ, subeuntes tubos Arborum, formâ Arbo-  
 rum substantiali mutari, cui formæ insit *virtus assimi-*  
*latrix*, quâ partes aqueas sibi similes faciat, hoc enim est,  
 quod quaeritur obscuriùs proferre, & incautis solutio-  
 ni loco obtrudere. Eadem ratio est Animalium, quo-  
 rum pleræque plantis, fructibus & aqua aluntur, quæ  
 concoctionibus variis in Animalium substantiam con-  
 vertuntur.

17. Variæ plantæ uno eodémque aluntur succo, & varia Animalia iisdem cibis, atque ii succi, cibive diversas plantarum & carniū texturas conficiunt. Surculus, quod mirabile est, alienæ Arbori inoculatus eodémque succo nutritus, alias profert frondes, aliosque fructus; ut ex una Arbore cernantur diversa folia, & fructus plurium generum. Quod non potest fieri, nisi solâ mutatione dispositionis succorum, magna fieret rerum varietas.

18. II. Si unâ solvantur *Vitriolum* & *Camphora*, cernitur color expressus ex corpore albo, & liquor alius pellucidus. Addatur aqua communis nullus amplius cernitur color. *Camphoræ* odoratissimæ omnis odor detrahitur, si corpori odore carenti misceatur. Injiciatur aqua communis, solitus restituitur *Camphoræ* odor. Hæc autem non fiunt, nisi mistione particularum aquæ.

19. III. *Sublimatum* destillatum (vel potius sublimatum (ex Aere & Argento, quæ ambo amiserunt formas metallicas, & constant massas fragiles, coloris novi, possuntque humorem aëris bibere; sublimatum, inquam, ejusmodi non fit, nisi partium mutatione.

20. IV. *Argentum* quod est opacum, ductile & fusile, conveniente vi ignis adhibita, addito spiritu salis, redigitur in crystallum, quod differt à crystallo reliquorum metallorum, estque pellucidum & fragile, & facilius multò liquefit quàm *Argentum*. Præterea hoc Crystallum, neque sali, neque metallo simile est, sed materiæ corneæ, estque planè insipidum, cum solutio argenti sit amarissima, & spiritus salis acidissimus.

21. Innumera ejusmodi ex Chymicorum experimentis possent proferri, ex quibus liquet variis misturis particularum, varia nasci Corpora, variæque dispositione earundem incredibilem oriri diversitatem. Quod cum ita sit, non opus est confugere, ad qualitates nescio quas, quæ nihil habeant simile proprietatibus notis

corporum, ut varietatis eorum rationem redda-

22. Igitur verisimilior multò est Recentiorum sen-  
sentia, quàm volunt omnia specierum discrimina ex solâ  
varietate particularum quibus contexta sunt corpora;  
quàm Scholasticorum qui nescio quas substantias & qua-  
litates occultas fingunt, quas describere nullâ ratione  
possunt.

## C A P U T VII.

### De divisione Qualitatum, & primò quidem de Luce.

**D**erivativæ Qualitates dividi solent in quinque or-  
dines, pro quinque sensibus quos afficiunt. Aliæ  
enim afficiunt *visum*, aliæ *auditum*, aliæ *gustum*, aliæ  
*oleum*, aliæ *tactum*; verùm eâ divisione non tam ea-  
rum exponitur natura, quàm ordo, juxta quem me-  
morizæ mandari possint, constituitur. Nemo enim  
ignorat lucem & colores, exempli causâ, afficere ocu-  
los; sed propterea omnes eorum naturam non intelli-  
gunt. Est etiam in ea divisione hæc utilitas, ut, juxta  
tam, Philosophi de iis Qualitatibus, vitandæ confusio-  
nis causâ agant, quod nos quoque faciemus; & à Qua-  
litatibus quæ visum percellunt initio factò, in hoc Ca-  
pitulo de Luce agemus.

1. Ante omnia hîc cavenda est vocis ambiguitas,  
quæ occurrit in omnibus Qualitatum sensilium nomini-  
bus. Igitur voce *Lux* intelligimus aut id quod senti-  
mus, quando oculis apertis & rectè dispositis obversa-  
tur corpus lucidum; aut id quod in lucido corpore est  
& quod est causâ sensationis illius, quam in nobis de-  
prehendimus. Hæc toto cœlo differunt, lux enim  
quam eam intra nos sentimus est. Mentis nostræ mo-  
dificatio,

dificatio, quam describere non possumus, magis quam alias sensationes, iis qui numquam eam in se experti sunt, quales sunt cæci nati. Itaque hujus lucis naturam non quærimus, sed tantum ejus rei quæ hanc sensationem in nobis excitat.

3. Scholastici existimarunt in corporibus lucidis idem esse quod in nobis, cum lucem sentimus, sed eodem jure dixissent cum acu pungimur & dolemus, eum dolorem esse in acu, quod tamen absurdum iis videretur. Sed non minus absurdum est fingere id esse in re merè corporeâ, quod in Mente nostra sentimus.

4. Idem liquet ex duobus certissimis experimentis quorum alterum vigilantibus nullo corpore lucido ante nos sito, alterum dormientibus accidit. Si noctu quispiam ictum graviolem oculis nostris insingat, constat innumeras scintillas oculis nostris obversari; quibuscum tamen nihil est simile, in pugno ejus qui nos percussit. Etiam subito evigilando & oculos aperiendo, emicant illico scintillæ in obscurissima nocte. Imò verò quomodo sæpe dormientes lucidissimam flammam, aut lucem videre nobis videmur? Quod cum ita sit, apparet temerè statui à Scholasticis quidpiam simile sensationibus nostris, in objectis externis; cum sine ullo objecto lucido præsentem, sensationem habeamus lucis. Atque hoc de cæteris omnibus sensilibus Qualitatibus dicendum est.

5. Ut videamus ergo quid excitet in nobis sensationem lucis, & quomodo hoc fiat, considerata primum est natura corporum lucidorum. Lucida est potissimum flamma, & materia quævis ignita, in quibus hoc singulare est quod sint in perpetuo & vehementissimo motu; quod in flamma ipsi oculi deprehendunt, & quod ex consumptione materialium ignitarum liquet, neque enim aliter absumentur quam divulsione partium, adeoque rapidissimo earum motu.

6. Verum si motus ille maneat in corpore lucido, atque ad oculos nostros rectè perveniat, nullam potest

in nobis sensationem excitare. Oportet nervos oculo-  
rum nostrorum motu illo affici, ut ostendimus Libro  
superiore, ubi de *Visione* egimus. Quærendum ex-  
ponitur, quomodo ex corporibus lucidis, à nobis  
distitis, possit is motus ad oculos nostros perve-  
nire.

Hoc autem fieri, nisi ope certæ cujusdam mate-  
riæ, quæ sit à corpore lucido ad oculos nostros porre-  
cta, quæ ab eo mota eum motum in nervos opticos  
transferat. Ea porro translatio non potest fieri motu  
ejus materiæ, quæ ab igne, aut flamma ad oculos no-  
stros veniat, ita ut particulæ immediatè ab igne motæ  
& ab ejus viciniâ profectæ oculos nostros subeant. Si  
autem simile quidpiam fieret esset magnum intervallum  
inter accensionem candelæ & visionem lucis, si candela  
occul ab oculis remota esset; motus enim ejus maté-  
riæ successivus per ingens spatium non sine tempore  
fieri posset. Itaque movetur materia igni vicina, eâ-  
que aliam pellit, atque hæc aliam, donec ad oculos no-  
stros devenit, sit, quâ ratione sit ut maximâ celerita-  
te motus ille ad nos perveniat.

Nemo autem dixerit materiam ejusmodi subtilis-  
simam existere non posse, quandoquidem materia in in-  
finitum est divisibilis, & existit reipsâ, nemine dubi-  
tante, ær, quem non cernimus. Imò verò necesse  
est in interstitiis æris, vel quæ inter se particulæ aëreæ  
relinquunt esse materiam aëre subtiliorem; quando-  
quidem comprimi potest ær quod non fieret nisi ma-  
teria ex æris, interstitiis, eâque aëre subtilior  
ciret.

9. Nec desunt experimenta quibus hoc ita confirme-  
tur, ut revocari in dubium non possit. Exempli causâ,  
ope pneumaticæ machinæ omnis ær ex vitreo vase edu-  
citur, ut apparet ex eo quod animalia amplius in eo  
vivere nequeant, & ex eo quod res quas in eo ær pon-  
dere suo premebat dilatentur. Spatium autem illud  
cum sit vitre pellucido cinctum, lucem ad nos trans-  
mittit, unde liquet id spatium plenum esse materia æ-  
re



re subtiliori, quæ ex corpore lucido, sine interruptione, ad oculos nostros porrigitur. Alioqui nisi esset perpetua ejusmodi materiæ continuïtas motus flammæ trans vas illud vitreum positæ ad nos usque pervenire non posset.

10. Huc accedit quodd pluræ corpora lucida à nobis eodem tempore cernuntur, quod non posset fieri, si materiæ quampiam emitterent, quæ ad nos pervenire oporteret; turbarent enim se invicem radii, dum decussatim spatia inter nos & lucida corpora posita permearent, quemadmodum duo flumina variis ex locis defluentia miscerent aquas ubi confluunt.

11. Sunt corpora quæ lucem transmittunt, alia eam sistunt, quo fit ut horum interpositione corpora lucida videre desinamus, cùm illa non obstant. Ejus rei causam hic non inquiremus, sed observabimus duntaxat, ut corpora lucida cernantur oportere eorum radios rectè ad nos pervenire; alioqui quævis vicina illustrerent luce suâ, ipsa non cernuntur, quod interpositione corporis opaci liquet. Videmus, exempli causâ, faciem conclave luce suâ totum collustrantem; interposito verò corpore opaco, faciem videre desinimus, illustratos tamen parietes cernimus. Potest, nimirum, è parietibus ad oculos nostros reflecti lux per rectas lineas, sed è face propter interpositionem opaci corporis, non nisi obliquè ad nos impelli potest.

12. Ex hisce jam colligere possumus lucidis corporibus moveri materiæ quædam tenuissimam, quæ ab iis ad oculos nostros porrecta est, & quidem per lineas rectas; cùm autem omnis motus sit necessario successivus, sequitur aliquo tempore lucem indigere ut à lucidis corporibus ad oculos nostros veniat. Nec possunt Philosophi huic rei opponere experimentum ex facibus procul accensis desumptum, quæ eodem tempore cernuntur ac accenduntur; distantia enim illa nimis parva est, ratione rapidissimi motûs, quàm ut interstitium ullum temporis deprehendi possit. Argumentum etiam quod ducitur ex Eclipsi Lunæ eadem de cau-

ensis infirmum est: \* nam quamvis tum Eclipsin videmus cernere, cum Soli est à diametro opposita, in obliquitate aliquot minutorum discrimen animadverti non potest.

13. Certum est sonum, ut postea videbimus, motu aëris successivo aëris, quo verberantur aures non creari; sed magnum esse discrimen inter motum materię quā lucis gignitur sensatio, & aëris sonori corporis motu tremefacti, vel in exiguo intervallo liquet; nempe Tormentum bellicum explodi procul cernimus, videmus flammam multò citius quam sonum audimus. Itaque motus lucis multò rapidior est.

14. Sonitus, ex observationibus Philosophicis, intra minutum secundum, vel pulsationem arterię, percurrit 180 jugera sex pedum; lux verò plusquam sexies centies millies citius fertur, quod hac observatione constat. Aliquot minuta lux absumit ut à satellitibus Jovis ad nos veniat, cum terra ab iis maxime distat, amplius quam cum maxime vicina est. Liqueat ex accento calculo lumen absumere 22 minuta, ut magnum orbem permeet, qui 24 millia Diametrorum terapeitet, unde summa lucis velocitas intelligitur. Supponamus enim Diametrum ejus orbis æquare tantum 24 millia Diametrorum terrę, cum prior Diameter permeetur luce 22 minutis, hinc sequitur lucem spatium mille terrę Diametrorum intra minutum unum percurrere. Diameter autem Telluris est milliarium 165 quorum sunt 25 in gradu, & quę singula complectuntur 2282 jugera sex pedum.

15. Lux cum oriatur è summo motu particularum, quibus lucida corpora composita sunt, seu ea sint liquida, ut flamma, seu solida, ut pruna; rem aliter intelligere non possumus, quam si concipiamus singulas particulas objecti lucidi vehementissime agitas quęaversum atheream materiam (sic enim vocare possumus tenuissima corpuscula, per quę lux ad nos transmittitur) pellere, ut in ea orbiculares excitet undas, quę

\* Vide Chr. Huygenium de Luce Cap. I.

Quales sunt quæ in aqua, injecto in eam lapide, gignuntur. Itaque ex singulis partibus objecti pelluntur æthereæ materiæ particulae, quo fit ut omnes objecti partes videamus.

16. Ut hoc melius intelligatur, quid verisimillimum videatur paulò distinctius exponendum est. Cum sumuntur globi pares, constantésque materiâ durissimâ, & juxta lineam rectam, ita ut contigui sint, disponuntur, cernimus percussio simili globo primo globorum, motum summâ celeritate ad ultimum usque globum transire, qui cæteris globis, relictis, quasi moti non fuissent, pergit moveri. Quo autem durior est globorum materiâ, eo magis conspicua est & rapidior motus communicatio.

17. Attamen intra momentum, sine successione ulla, fieri nequit; nisi enim motus successivè ex uno globo in alterum transfret, omnes simul progredierentur, quod tamen non contingit, cum ultimus tantum, relicto cæterorum ordine, moveri cernatur. Præterea constat materias durissimas, ut sunt chalybs, vitrum, achates vim elateris aliquam habere, seu eo loco quo feriuntur aliquantùm introrsum pelli, & in pristinum statum illico redire. Opus verò est aliquo tempore, ut ea mutatio in globulis fiat.

18. Possumus autem supponere æthereas particulas esse durissimas, & quæ pulsæ vi elasticâ quàm celerrimè in pristinum statum redeant. Hoc tamen in loco, neque duritiei rationem, neque vis elasticæ quæremus, postea de iis acturi; satis est innumera corpora talia esse, qualem materiâ ætheream supponimus. Elasticam vim ei inesse conjicimus, propter communicationem æqualem motus, quæ non esset si molliores essent ejus particulae; communicatus enim variis globulis motus minueretur, nec posset ad tantam distantiam, mollium corporum interventu, progredi. Cum verò sint elasticâ vi præditæ, æquè celeriter in statum redeunt leniter, ac vehementius pulsæ; ac proinde progressus lucis æquali celeritate perficitur.

19. Quamvis autem particulae aetherae non sint orbibus rectis dispositae, ut globuli in ordine memorati, hoc non obstat quominus progrediatur motus. Quam in rem revocandum est in memoriam experimentum, ex quo id constare videmus. Si, nempe, globus tribus aliis globis contiguus alio ita impellatur, ut in illos pellat, in hos omnem suum motum transfert, unusquisque manet. Quâ ratione faciliè fieri intelligimus, ut una aetherae materiae particula pluribus inambens eas omnes simul pellat.

20. Non necesse tamen est supponere cum *Cartesio*, particulas omnes aethereas esse sphaericas. Satis est considerare eas materiâ durissimâ, ad quod etiam oportet accedere paritatem; quia cum motus è minori massa in maiorem transfertur, minor retrorsum aliquatenus redit, ut docent Leges motûs; quod si fieret non parum minueretur vis communicationis motûs in aethereâ materiâ. Sanè potest quidem variis in locis eâ ratione obici, sed si inæqualitas, præsertim magna, nimis frequens esset, nonnisi imbecillâ & malignâ luce frueretur.

21. Non potest huic expositioni rationis, quâ lux excitatur, obijci motus perpetuus aetherae materiae; quandoquidem motus quem luci excitandæ necessarium supponimus non est translatio omnium particularum aetherearum in locum remotum, sed progressio levis, quam vehemens parit impulsio corporis lucidi. Sic videmus undas aquae sphaericas, cum quidpiam in eam coniectum est, non minui motu perpetuo aquae.

22. Igitur unumquodque punctum superficiei corporis lucidi, impulsâ vicinâ materiâ aethereâ gignit undas varias cujus est centrum, eaque undae se invicem percutiant & intersecant, sine mixture aut confusione, in simplicissimam regionem per quam spargitur lumen. Neque enim undae ejusmodi ex uno duntaxat corpore lucido, sed ex pluribus simul venire possunt, cum plurimae lucida corpore simul cernantur.

23. Nec mirum hoc debet videri, cùm una eadẽ que particula possit inservire variis undis, ex variis locis venientibus, imò etiam contrariis. Potest enim pelli istu ex dextro latere, & subito post contrario ex sinistro, imò etiam eodem momento utrimque pelli motu utrimque veniente, quod hac ratione exponitur. Si utrimque pellantur globuli pares A & D, uterque resiliet eadem celeritate quã progrediebatur, reliquis vero globulorum ordo eodem loco manebit immotus, quamvis motus per totum ordinem transierit, & quidem duplici ratione. Si autem contrarii motus libi invicem occurrant, in medio globo B, aut in alio ut C flecti utrimque, & elasticã vi in pristinum statum redire debet, & sic inservire eodem tempore contrariis motibus communicandis.

24. Verùm mirum & incredibile primo intuitu videtur undas procreatas motibus & corpusculis tantillæ tenuitatis, ad tanta extendi intervalla, ut à Sole & à Stellis fixis ad nos usque. Vis enim undarum minor fieri debet, prout ab origine sua recedunt, adeò ut singularum vis ad oculos nostros pervenire posse vix videatur. Sed animadvertendum est procul à corpore lucido, plurimas undas quamvis ex variis punctis ortas in unam sensim coire, cujus proinde vis satis magna est, ut movere nervos opticos possit. Itaque numerus infinitus undarum, quæ oriuntur ex omnibus punctis lucidi corporis, ut stellæ magnitudinem Solis æquantis, paulatim in unam undam abit, quã affici oculi nostri possunt. Præterea intra brevissimum tempus aliquot undarum myriades procreari possunt, frequentissimâ percussione corpusculorum quibus Æther verberatur, & qua vis undis additur.

25. Hinc etiam intelligimus, quare lucis radii, nisi reflectantur, aut frangantur, per rectam lineam tendant; adeò ut à nobiscerni nequeant, nisi via, quã progreditur, ab origine radiorum ad oculos usque nostros aperta sit lineis rectis. Exempli gratiã, si sit foramen B G, circumscriptum opacis corporibus B H, G L, ætherez

hæc materiæ unda quæ progreditur ex puncto A, semper terminabitur rectis lineis AC & AE, nam partium undarum quæ extenduntur ultra spatium ACE meliores sunt, quàm ut radium illic efficiant; nec eodem tempore concurrunt ad conficiendam semel unam, quàm terminetur motus, nisi in circumferentia quæ est earum tangens communis.

Quantulæcunque autem sit tenuitatis foramen materia lucida, si rectum sit, id semper rectà pertransibit, cum ea materia sit summæ tenuitatis. Itaque quovis motus corporis lucidi particularum circumquaque undas in æthereâ materiâ excitet, radii tamen lucis, quæ lineæ rectæ, considerari possunt.

Hinc intelligere possumus quare per unum idem foramen spectatores varii varia cernere possint objecta, & quomodo duo homines sibi invicem oculos vident; cum eadem particulæ contrariis motibus inferre queant, ut ostendimus. *Cartesius* verò qui actionem corporum lucidorum, sitam esse vult in perpetua pressione æthereæ materiæ, sine ullo ejus motu ea phænomena explicare non potest. Nam ejusmodi pressio simulagere in partes oppositas nequit, atque in corpora quæ ad se invicem ut accedant nullâ ratione nituntur, qualia sunt duorum hominum oculi, aut duæ faces.

## CAPUT VIII.

*De Lucis Reflexione, Transmissione, & Refractione, Corporibûsque Opacis & Pelucidis.*

1. **Q**Uando Lux incidit in corpus, per cujus terram ei non licet ulterius progredi, tunc particulae aetherae regredi coguntur, ut videmus pilam parieti impactam retrorsum redire. Quemadmodum autem observamus in aliis corporibus in durius & minus incidentibus, angulum reflectionis æqualem esse angulo incidentiæ: idem etiam fit in Luce, ut pluribus animadversionibus constat.

2. Corpora, quibus reflectitur lux, *opaca* dicuntur, eaque ita contexta esse oportet, ut aethereis particulis transitum per lineas rectas negent; quod fieri potest aut quoddam desint prorsus pori iis corporibus, hoc est, meatus inter particularum non rectè ubique coheretium commissuras: aut quoddam sint adeo tenues, ut aetheream materiam non admittant: aut quoddam sint tortuosi. Nec dubium est quin sint in solidis corpusculis, quibus reliqua omnia constant, partes sine poris, neque enim corpus ubique porus esse potest. Sunt etiam fortè pori tantæ tenuitatis ut materia aethera major sit, quàm ut eos permeare queat. Nec dubium est quin sint ita commixtae plerorumque corporum particulae ut amfractus, & tortuosos sinus, non poros rectos, inter se relinquant. Si enim particulae corporum ramosae sint & variè implicitae, non possunt relinquare rectos meatus apertos.

3. Corpora ipsa lucida videmus directis radiis ad nos ex iis emissis, qui propterea vividiores sunt, & vehementius



oculos nostros commovent; reliqua verò omnia quia lux in ea incidens ad nos reflectitur, per lineas rectas. Quandoque radius è corpore lucido immediatè incidit in corpus opacum, quod tum distinctius cernitur vividiori luce collustratum; tum infinita alia videmus, quòd lux ex aliis corporibus in ea incidat, & iterum, iterumque reflectatur. Si tamen nimia reflexionum copia opus sit, radii paulatim ita infirmantur, ut tandem obscuram lucem præbent, aut planè fracti intereant. Fingamus Antrum in monte flexuosum, cujus ostium quidem solis lux immediatè illustretur; in ingressu quidem ejus lux, sed si in abditiores recessus ingrediamur, ibi erant densæ, quia nimirum intercepti radii, reflexiones opacorum corporum, in eos recessus perire non possunt.

Multiplicem autem illam reflectionem facile, invenimus, si in animum revocemus æthereas particulas quantum progressas incidere in corpora dura, quæ permeare nequeant, necessariò redeunt, & si perpendiculariter inciderint, per eandem lineam perpendiculariter reflectuntur, si oblique per lineam reflectionis quæ conficit angulum æqualem angulo incidentis. Sic videmus undas in vase aquâ pleno excitate redire, modò ad dextram, modò ad sinistram, & per parietes vasis solidi quo minus rectà pergant impediuntur. Ejusmodi sunt undæ luminis, nisi quòd conculcantur particulis multò minoribus, neque lucis sensationem creent, nisi quando per lineas rectas ex lucido corpore ad oculos nostros perveniunt. Centra, nimirum sphericarum undarum, & diametrales lineæ per lineas ductæ lineas rectas efficiunt.

Hoc cum ita sit, non potest non variari reflectio luminis in materia æthereâ, pro varietate superficie in qua incidunt. Pro asperitate enim particularum quibus corpora opaca constant, quæ pro varietate particularum superficie diversissima est, variè franguntur, & reflectuntur undæ. Si lux è corpore lucido in læ-

ven

vem superficiem immediatè incidat non multum mutatur, quo fit ut corpus ejusmodi lucidum esse tum videtur, quia haud aliter lucem ad oculos nostros reflectit, quàm eam ex corpore lucido exceperit. Hinc quoque ut lux ex vultu nostro incidens in ejusmodi superficiem, qualis est speculi superficies, reflexa ad nostrum vultum referat; quia qualis inciderat in speculum, talis ad nos redit.

6. Contrà verò si superficies sit aspera, pro asperitatis diversitate, necesse est & dissipari radios, & aliter quam venerant spargi; unde videtur nasci colorum varietas, ut postea dicemus. Si contingat concavam esse superficiem, eamque sphericam, tum ita reflectuntur radii ut lineæ reflectionum in certa distantia coeant quo fit ut vi radiorum collecta objecta quibus afficitur incendantur. Tanta enim copia particularum ætherearum in punctum illud concurrat, ut undequaque ageretur diffiliat & repulsâ materiâ æthereâ lucidum fiat seu flammam componat.

7. II. Quemadmodum vidimus corpora opaca esse quæ lucem aut nullatenus, aut non per lineas rectas transmittunt: ita pellucida ea censenda sunt, per quorum poros lux per lineas rectas transit. Exempli gratiâ, vitrum, aut crystallum, modò non nimis sit crassum luci oppositum ita eam transmittit, ut corpora quæ sunt trans vitrum aut crystallum faciliè cernantur quia lux ex iis corporibus rectâ per vitrum aut crystallum ad oculos nostros venit.

8. Ne autem dubitare possimus materiam ætheream ea corpora, quantumvis dura, permeare, faciunt certissima experimenta. Si tubus vitreus quadraginta digitos longus impleatur hydrargyro, ita ut superior pars tubi sit accuratè clausa, inferior immittatur in vas hydrargyro plenum, videmus hydrargyrum ad 18 digitum, aut circiter cadere, & superiorem partem duodecim digitorum intus luce, ut cùm antea vacua erat illustrari, quod non potest fieri nisi materia ætherea transeat per poros vitri, & spatium quod hydrargy-

occupabatur impleat. Constat enim aërem illuc non posse, si enim aliquantulum aëris introitur, illico hydrargyrum subsidit, aëris pondere.

10. Profertur & alterum experimentum, non minùs confutatum. Sphæra vitrea undequaque clausa, atque loco collocata, est intus æquè plena ætherea materia, ut ex ejus inspectione liquet. Materia autem ætherea constat particulis quæ se invicem tangunt, ut dictum est. Si ergo ea materia ita esset clausa, ut per ejus poros elabi non posset, sequeretur motum sphærae, quando loco dimovetur; ac proinde eidem circiter vis requireretur ad imprimendam eandem celeritatem sphærae, in plano horizontali posita, ac si plena esset aquâ, aut fortè hydrargyro. Omne enim corpus resistit celeritati motûs, quàm ei imprimere nitimur, pro quantitate materiæ homogeneæ, quam complectitur, & quæ eum motum sequi debet. Contra autem videmus vitream sphæram non resistere impressioni motûs, nisi pro quantitate materiæ vitreae, quæ constat. Itaque necesse est materiam ætheream, quæ intus est, non claudi parietibus vitri, sed quaquamlibet liberè egredi.

11. Quod cum ita sit, mirum non videbitur, si diaphana materiæ æthereæ undas intra vitrum continuas, quandoquidem ejusmodi materia perpetuò pleni sunt ejus pori, crassiores, qualis est aër, respuen-

12. Imò verò ostendere possumus interstitia corporum pellucidorum majus spatium occupare, quam continentur particulas. Si enim, ut diximus, ad horizontalem certam celeritatem corporibus imprimendum, opus est vi, pro ratione quantitatis materiæ solidæ, quâ constant, & si proportio ejus vis sequitur rationem gravitatis, quod experientiâ constat; sequitur eandem rationem esse inter quantitatem & gravitatem. Videmus autem aquam pendere tantum quater & decies minùs quàm hydrargyrum, si conferantur massæ aqua-

æquales, unde colligere est partes aquæ solidas, non occupare decimam quartam partem spatii, quod ejus massa complectitur. Quin & multò minus spatium eam occupare necesse est, cùm hydrargyrum sit auro levius, nec tamen materia auri careat poris, ut ex eo liquet quòd materia magnetica facillè poros auri permeet.

13. Obijciat fortè aliquis, si usque adeò rara sit aqua, ut particulae ejus coherentes tam exiguam partem spatii quod complectitur occupent; non posse intelligi quòd aqua tantoperè resistat compressioni, ut nulla vis hactenus inveniri potuerit, quâ condensari queat. Nec levis profectò est ea difficultas, si enim dixerimus subtilissimam materiam, quâ liquida servatur aqua, dum eà materiâ ejus permeantur pori, resistere compressioni, vix difficultati satisfaciemus; quid enim obstat quominus particulae aquæ magis ad se invicem accedentes expellant eam materiam subtilissimam, quæ quaquaversum liberrimè movetur? Reipsâ ut nescimus quo coagulo particulae aquæ seorsim consideratæ massas coherentes & solidas consent: sic nec etiam novimus quare ad se invicem magis accedere nequeant. Nec tamen quod antea diximus minùs constet.

14. Igitur cùm ea sint pellucida corpora per quæ ætherea materia rectâ transit, quò liberius transit & quo rectius, eo corpora sunt pellucidiora. Quam in rem hoc, præter antea dicta, observari potest, corpora mollibus particulis constantia sæpe minùs apta esse pelluciditati quàm dura; quòd particulae molles æthereæ materiæ motum veluti obtundant, cùm duræ, aut nullam partem motûs ejus excipiant, aut fortè etiam vi elasticâ, quâ pollent undis æthereis continuandis pulsæ inserviant.

15. Non est leviter prætermittendum quod diximus corpora pellucida rectâ materiâ lucidâ permeari, nam eadem alioqui materia facile corpore opaca permeat, quod liquet ex eadem ratiocinatione quâ antea usus sumus.

Si enim pro vitrea sphaera concava sumatur argentum, non minus certum est in ea esse materiam ætheream, unâ cum aëre, cùm eo momento quo clauditur sphaera, ei inesset. Attamen clausa, & in plano horizontali posita, non resistit motui, qui ei imminitur, nisi pro copia argenti quâ constat; unde seorsum materiam ætheream, quæ est inclusa, non seorsum motum sphaeræ, adeoque argentum non minus ac ærem facillimè æthereâ materiâ permeari. Sed quia non permeat argentum per lineas rectas, & fortè parum motus sui mollioribus argenti partibus etiam communicat, ideo argentum non est pellucidum.

16. III. *Refractio* fit in radiis lucis, cùm obliquè in pellucido corpore in pellucidum transeunt densius est rariùs. Sic radii ex aëre aquam subeuntes refringuntur, quia obliquè in aquam incidentes veluti franguntur, quod figura sequens clarius ostendet. Radius lucis ut  $AB$  aërem permeans, & obliquè incidens in levem superficiem corporis pellucidi, ut  $FG$  frangitur in puncto incidentiæ  $B$ , ita ut cum recta linea  $DBE$ , quæ perpendiculariter superficiem secat faciat angulum  $CBE$  minorem quàm angulum  $ABD$  quem tenebat in aëre cum perpendiculari. Mensura autem eorum angulorum invenitur descriptio circulo ex puncto  $B$ , qui fecet radios  $AB$ ,  $BC$ . Nam perpendicularis  $AD$ ,  $CE$ , ductæ ex punctis intersectionis in rectam lineam  $DE$ , & quæ vocantur sinus angulorum  $ABD$ ,  $CBE$ , habent inter se certam quamdam rationem quæ eadem semper est in omnibus inclinationibus radii incidentis in eodem corpore pellucido. In vitro sunt cerciter ut 3 ad 2 & in aqua, ut 4 ad 3.

17. Cùm autem omne corpus rectâ motum tendat semper in eandem partem moveri, nisi quid obstat, omnis radius obliquè cadens in superficiem corporis pellucidi rectâ pergeret nisi quid obstaret. Itaque quo major est resistentia corporis in quod radius incidit, eo magis recedet à perpendiculari linea; quo minor, eo

minùs. Itaque radius ex aëre in aquam incidens magis recedit à perpendiculari, contra verò ex aqua in aërem veniens magis ad eam accedit, quia minùs resistit aër, magis aqua.

18. Refractio autem non ex speculatione duntaxat sed ex manifestis experimentis constat. I. Immittatur in aquam baculus rectus, fractus illico videtur, quia, nimirum, ex baculi parte in aquam immersa radii in aërem venientes franguntur, ubi ex aqua exeunt, faciuntque ut videatur alibi baculus esse quàm est. II. Si in vasculum injiciamus quidpiam facilè conspicuum deinde retrocedamus donec videre id, ob vasculi oras, definamus, eoque in loco subsistamus, affusâ aquâ quod cerni non poterat iterum conspicuum fit. Scilicet, radii, dum aërem solum permearent, rectâ ibant, & ob vasis oram ad oculos nostros pervenire rectâ non poterant, affusâ verò aquâ franguntur, ita ut radius refractus eo puncto quo ex aqua exit, jam in oculos nostros incidat, cùm antea supra oculos transiret.

19. Vidimus motum æthereæ materiæ quo gignitur lux in homogenea materia per undas sphaericas progredi; at cùm homogenea materia non est, sed talis ut motus celerius ex altera parte progrediatur, unde sphaericæ esse nequeunt, verùm figuram habent, pro variis spatiis, quæ motu successivo, temporibus paribus, permeantur.

20. Hinc possumus rationem reddere refractionum quæ in aëre, hinc ad nubes & superius porrecto, fiunt, quarum refractionum mirabiles sunt effectus. Harum enim ope sæpe cernimus objecta, quæ alioquin ob terræ convexitatem laterent, quales sunt Insulae dissitæ aut cacumina montium quæ à navigantibus prospiciuntur. Indidem fit ut Sol & Luna oriri videantur antequàm revera oriantur, & serius etiam occidere.

21. Sed est experimentum facile quo ea refractione manifestior fit. Si, nempe Telescopium cuiuspiam lo-

viculis adnectatur, ita ut spectet objectum mille-  
 quot passibus distitum, ut turrim aut domum;  
 variis diei horis objectum illud per Telescopium cer-  
 tur, ita ut semper immotum maneat, non eadem  
 partes oculis obversabuntur è regione medii  
 Telescopii; sed matutinis & vespertinis horis, cum  
 sunt maximi prope terræ superficiem vapores, objecta  
 videntur esse altiora, adeò ut dimidia eorum pars aut  
 amplius non sit Telescopio opposita; circa  
 meridiem verò, dissipatis vaporibus, objecta videntur  
 depressiora.

12. Hæc autem videtur esse ejus rei ratio. Notum  
 est, quod aerem qui nos ambit, præter aëreas particulas pro-  
 prias, & quæ in materia ætherea natant, parti-  
 culas aqueas calore subvectis impleri. Constat etiam  
 ex experimentis, aërem minus esse densum, prout  
 est. Exempli causâ, qui flaccidam vesicam,  
 atque clausam in radicibus altissimi montis inspi-  
 rant, deinde in juga montis ferunt, vident eam ma-  
 gis turgere in jugis, quàm circa radices; quia, nem-  
 pe, in summo monte rarior aër eam minus extrinse-  
 ca premit, quo fit ut contentus in vesica aër rare-  
 scat. Certum etiam est celeriores esse respiratio-  
 nes in altissimis jugis, quàm in profundissimis val-  
 lebus.

13. Sive autem particulae aqueæ & aëreæ participes  
 sunt, impetu materiae æthereæ, motus pro creatur  
 sed minus celeri elatere sint prædite; sive occur-  
 sus suo impediunt progressionem motus, per ætheream  
 materiam; necesse est aëreas & aqueas particulas in æ-  
 there volitantes, circa terre superficiem, ad magnam  
 atque altitudinem, undarum lucis progressum mo-  
 derari.

14. Itaque figura undarum, hæc aut similis esse de-  
 bet, qualis in subiecta figura cernitur; si A sit cacu-  
 men conspicuum Turris, undæ quæ hinc nascuntur  
 extendi superiora versùs debent, arctius infe-  
 rius; adeoque plus aut minus quo inferior, aut al-  
 tior



tior est unda. Quo posito, sequitur necessario omnem lineam quæ undas ad angulos rectos secat superiorem esse puncto A, exceptâ eâ quæ horizontali perpendicularis est.

25. Sit ergo BC unda quæ lucem ad Spectatorem defert, qui est in B, & BD sit recta quæ secat eam undam perpendiculariter; cum ea perpendicularis linea sit ipse radius, qui oculum spectatoris subit, ut antea demonstratum est, liquet punctum A conspectum quasi esset in linea recta BD, ac proinde altius quam revera est.

26. Similiter si Terra sit AB, & extremitas Atmosphære CD, quæ non videtur esse superficies sphaericæ figuræ plenè terminatæ, cum aër, quo altior est, eorior sit; undæ luminis solaris quæ veniunt, exempli causâ, ita ut donec nondum attigerunt Atmosphæram CD, recta linea AE aë perpendiculariter secet; eadem, inquam, undæ subeuntes Atmosphærem celerius progrediantur necesse est in altioribus locis, quam in his qui sunt terræ proprios. Itaque si CA est unda quæ lucem fert in spectatorem qui est in A, pars ejus E erit maximè omnium progressa; & recta AF quæ eam undam per angulos rectos secat, & quæ ostendit locum apparentem Solis, transibit supra verum Solem, qui cerneretur per lineam AE. Igitur contingere potest ut cum sine vaporibus cerni nondum posset, quia AE incidit in convexitatem Terræ conspicuus tamen futurus sit refractione lineæ AF.

27. Verùm angulus EAF vix unquam dimidio Gradû major est, quia tenuitas vaporum magnam mutationem non affert undis materiæ æthereæ. Præterea hæc refractiones omni tempore eadem non sunt, præsertim in altitudine duorum aut trium graduum, quæ varietas oritur ex variâ vaporum aquorum ex terra evectorum copâ.

28. Hinc etiam fit ut quandoque remotius objectum post minus remotum lateat, quandoque conspicuum sit, spectatum ex eodem loco ac prius. Sed hoc clariùs

patet ex eo quod jam observabimus de radiorum curvatura.

29. Ex iis quæ hæcenus diximus, liquet progressum particulæ unde æthereæ vocari solere radium. Hi autem radii cum recti sint in homogeniis pellucidis, in curvantur necesse est, in aëre non ubique æquè raro. Sequuntur enim necessariò lineam, quæ ad objecto ad oculum, omnes undarum progressionès angulis rectis secat, ut linea AEB in priori figura, quæ linea ostendit quæ corpora interposita objectum abscondant, quæ cerni patiantur. Quamvis enim apex Turris A videatur elatus ad E, attamen non cerneretur ab oculo B, si Turris H interesset, quia curvam lineam AEB secat. Sed Turris E, quæ est infra eam lineam, non potest obstare quominus cernatur apex A. Prout autem aër Terræ vicinus superat altiore densitate, curvatura radii AEB augetur; adeò ut quandoque radius transeat supra cacumen E, quo fit ut oculus qui est in B, cernat apicem A; quandoque verò idem radius intercipiatur à cacumine E, quo fit ut apex A ex loco B cerni non possit.

30. Hæc, aliisque plura de refractione habet, *Chr. Huygenius*, in libro Gallico de lumine, quem harum rerum curiosiores adire poterunt.

## C A P U T IX.

### De Coloribus.

INTER qualitates sensiles, quæ ope lucis deprehenduntur, nullis magis afficimur quàm *Coloribus*, quorum jucundissima varietas ita oculos pascit, at iis ad percipiendos quandoque vix fatiari possimus.

Hinc factum ut duæ res diversissimæ in hoc negotio confundantur; id, nempe, quod sentimus cum

eo quod est in objecto colorato. Vulgò enim existimant colores esse nescio quid quod adhæret superficierum objectorum, exempli gratiâ, virorem herbarum & foliorum, inesse herbis & foliis, eodem modo quo à nobis sentitur.

3. Si tamen in animum revocemus quod de ratione, quâ sensationes in nobis excitantur, diximus, rem alio modo se habere facillè intelligemus; præsertim si iunxerimus id quod de Luce initio Cap. VII. dictum est. Quando enim videmus colores, nihil sit extra animum nostrum præter hæc: 1. incidunt radii in corpus coloratum: 2. pro variis superficierum ejus asperitate, variè colliguntur, aut dissipantur: 3. cùm radii objectum coloratum permeare nequeant, ad oculos spectantium resiliunt: 4. oculorum nervos commovent, iisque motus ad cerebrum deferitur. Hactenus nihil est, quod simile sit ei rei quam sentimus, cùm virorem, exempli causâ, nos videre dicimus. Quid enim simile habent globuli ætherei, à corpore colorato ad oculos reflexi & nervos concutientes cum coloribus? Motus, reflectio, collectio aut dissipatio radiorum, concussio nervorum referuntne etiam id quod colorem vocamus? Igitur nihil est extra animum nostrum simile sensationibus colorum.

4. Itaque distinguendi sunt *Colores*, quatenus sunt intra nostrum mentem, quâ notione nihil sunt præter sensationes; à *Coloribus*, quatenus considerantur ut quidpiam quod inest objectis, quod est modificatio quædam corporea, ex dispositione superficierum corporis pendens. Priori sensu, Colores nullâ ratione definiri possunt, ut cæcus natus intelligat quid sint; nulla enim sensatio potest definiri. Posteriori, ex conjectura possumus suspicari Colores sitos esse in dispositione superficierum corporis, quæ describi potest. Verùm ex descriptione ejusmodi nemo intellexerit quæ sensatio inde consequatur, ut ex sola sensatione nemo collegerit quid sit situs, quæ figura, & magnitudo partium quibus superficies colorata constant. Hæc nihil habent inter se

naturâ affine, sed sunt ab omnium rerum Opifice probitrio, conjuncta.

5. Ne hæc habeantur duntaxat pro conspectariis eorum, quæ de sensationibus statuimus, quamquam non diffitemur talia esse, obstant manifesta experimenta ex re ipsâ petita. Exempli causâ, videmus in guttis pluviis splendidissimos colores luteum, cæruleum, & rubrum; cum manifestum sit ex natura aquæ pluviae nihil ejusmodi inesse aquæ. In prismatico vitreo eosdem cernimus Colores, si certâ ratione oculis opponatur. Itaque non necesse est in ipso objecto id esse quod sentimus.

6. Verùm distinguunt Peripatetici Colores in *apparentes* & *veros*; & veros quidem aiunt esse eos qui constantes sunt, dum objectum coloratum integrum & hoc corruptione manet, qualis est viror in herbis & foliis, qui semper in iis cernitur donec flaccescant atque exsiccantur: falsos verò qui mutato aliquantulum rei, quæ colorata videtur, situ evanescunt, quod in prismate videmus fieri.

7. At ea distinctio, licet recta haberetur, non obstat quominus ex colore Iridis, & prismatis id colligi possit quod modo dicebamus. Nam si sola refraction, & reflectio lucis ex guttis pluviis aut vitrea materia mutant in nobis sensationes Colorum vividissimas; nihil obstat quominus dicamus ut certos Colores in superficie corporum cernere videamur, requiri duntaxat certam superficiei asperitatem, quâ sit ut radii lucis certo modo collecti aut dissipati ad oculos nostros reflectantur. Nulla profectò ratio est, quare priore concessio posterius negetur.

8. Hoc tantum interest discrimen, quodd superficies corporis colorati undecumque spectetur, modò lux ad locum in quo est spectator reflectatur, eundem circum Colorem referat; pluvias verò guttas & prismata in singulari quodam situ esse oporteat. Verùm hoc ex difficultate Colorum non oritur, sed ex eo quod Iridis guttæ & prismata certum tantum in locum lucem refle-

Erant quemadmodum eam reflecti oportet, ut colores Iridis & prismatis cernantur. Sed & hoc observandum auctâ & imminutâ luce in corporibus, quæ colorata vocari solent, non parum mutari colorem.

9. Est præterea aliud experimentum, quo constare potest colores varios videri prout variè moventur nervi optici. Ut enim videmus unum eundemque cibum non eandem sensationem in variis hominibus excitare, cum aliis sit gratus, aliis ingratus, quia aliter movet organum gustûs: ita quoque videmus unum idemque objectum non eandem coloris sensationem creare in diversis oculis. Testatur de se \* *Jac. Robaltus*, cum dextrum oculum telescopii diuturniori usu delassasset, inde factum esse ut quando lutea objecta adspiceret oculo dextro ea non ampliùs videret ut antea, neque etiam qualia oculo sinistro apparebant. Similiter quod viride oculo sinistro videbatur, idem dextro spectatum videbatur ei multò magis ad cæruleum colorem accedere.

10. Hinc meritò collegit posse fieri ut homines nonnulli ex utero matrum geminos oculos haberent eodem modo dispositos, ac erat alterutur ejus oculorum. Quod tamen neque ipse, neque quisquam alius animadvertere potest; quia unusquisque solet vocare sensationem, quæ certis objectis creatur, nomine pro effectus ejus objecti vocari audit ab omnibus, quamvis ii effectus non sint iidem in omnibus.

11. Jam ut paulò distinctiùs naturam colorum exponamus, supponendum est ante omnia corpora conspicua non constare massâ quâdam perfectè cohere te & solidâ, in cujus superficie nulla sit varietas, nisi quæ nascitur ex ratione quâ vi quadam externa separata sunt ab aliis, quibus fortè cohæserunt; sed particulis sensus fugientibus, quæ cum variarum sint magnitudinum & figuratum, necessariò conficiunt massam poris scatentem, & superficiei diversæ, prout meliùs aptantur

\* *Phys. P. I. C. 27. §. vi.*

inter se particulae, aut texturam consueiunt inaequabilem. Hoc per totam hanc Physicam supposuimus, variisque exemplis passim illustrauimus.

12. Certissimum etiam est radios, prout incidunt in superficiem auiorem, aut asperiores aliter reflecti; spargi aut colligi. Cum enim eadem sit ratio tenuissimorum, & maximorum corporum, siquidem moles naturam eorum non mutat, quemadmodum videmus puluim non reflecti in eandem partem, si perpendiculariter; aut oblique in parietem Sphaeristerii incidat: ita necesse est aethereas particulas, prout varie incidunt in superficiem corporis, varias in partes reflecti.

13. Perspicua sunt haec generalia dogmata, quibus omnis doctrina de coloribus nititur; sed cum ad singulos colores deuentum est, omnia sunt obscura, quia singulorum corporum particulas non novimus, nec eorum figuram, ac magnitudinem certo rescire possumus. Attamen hanc in rem varia proferuntur, ingeniosa quidem illa, neque incommodè inventa; sed quibus tamen quasi compertis assentiri non possumus, cum meræ sint conjecturae.

14. Exempli causâ, volunt alborem situm esse in eo quod superficies corporis quaquaversum lucem reflectat, prout eam accepit, sine mutatione. Sic, inquit, argentum dealbatur à Fabris, cum conicitur primum in ignem, ut omnibus scoriis purgetur, dein de igne eductum in aquam ferventem, in qua diluunt certam Tartari & Salis marini copiam, quæ corpora cum sint corrodentia, superficiem argenti exasperant. Ut verò albor argento dematur, utuntur durissimo & politissimo lapide, quo superficiem ejus laevigant.

15. Supponunt præterea Viri Docti corpus album nullos radios obtundere, vel absorbere, quemadmodum superficiem a peritate sit, ut quaquaversum reflectantur. Hinc sequitur oculum spectantis, quocumque

que in loco sit, eandem radiorum excipere copiam, ac proinde corpus cerni debere, undecunque spectetur, colore albo tinctum. Non eadem est ratio, inquit, corporum lævigatorum; nam cum excipiunt ex una duntaxat parte radios parallelos, in unam duntaxat partem eos reflectunt, ubi oculus iis quidem conturbari potest, sed aliunde nullos radios excipit.

16. Ita illi exponunt alboris naturam, quasi satis esset *asperitatem* dixisse, ut superficiei dispositio ostendatur, cum tamen infinitæ species asperitatis esse possint, cum infinitæ sint figuræ, quæ inter se aptatæ infinitis modis corporis exasperent superficiem. Ita si corpus quodpiam constet particulis rotundis, aut ad rotundam figuram accedentibus, alia erit superficiei asperitas, alia si particulis polygonis. Si particulae illæ sint inter se inæquales, non eadem erit asperitas, quæ ex æqualibus particulis nascetur. Si denique particulae eadem vario modo sitæ sint inter se, non si similem semper efficiant superficiem, atque ejusdemmodi asperitate præditam. Itaque præstat nos generali thesi acquiescentes inanēs conjecturas missas facere.

17. Si præsertim consideremus ingentem varietatem corporum alborum, rationem ejus rei reddere planè desperabimus, cum nullos sit conjecturarum finis futurus, si describendæ sint particulae omnium corporum alborum. Alba sunt, exempli gratiâ, lac, nix, charta, linum sæpe ablutum, sal, farina, calx, lapides varii, argentum, stannum, plumbum, crines senum, & variorum animalium brutorum villi & plumæ, flores &c. Quis autem aggredi sustineat hæc omnia exponere? Cui suppetent experimenta necessaria, ut partem saltem maximam alborum corporum describat? Si verò accurato plerorumque corporum alborum examine careant Physici, quâ fieri poterit, ut de omnibus tunc affirmant, quod ex pauculorum examine conjecerint?

18. Cum nigror sit oppositus albori, naturam nigrotis in re contraria sitam esse oportet. Cum autem, ex



antissimorum virorum sententia, ut alborem videamus, oporteat ex corpore albo lucem ita versùs omnes partes reflecti, quemadmodum eam excipit, ut omnibus in locis vicinis magnâ radiorum copiâ oculi spectantium percellantur: contràut nigrorem videamus, nulli sunt excipiendi radii, adeoque necesse est corpus quod nigrum dicitur, & quod nullo prorsus alio colore est infectum, ita obtundere radios quos excipit, ut nullos reflectat, quibus oculi spectantium affici queant. Hoc posito, cum nullum corpus alterum motu suo spoliare queat, nisi eum motum in se accipiat, consequens est particulas corporis nigri tenuissimas esse, neque admodum coherentes, ita ut facillimè moveri queant.

18. Atque hoc confirmant ex eo quod 1. in tenebris nobis obversetur nigror, hoc est, cum nulli lucis radii ad oculos nostros mittuntur: 2. in umbra nigrorem etiam animadvertamus, hoc est, in locis quæ nullos aut pauciores solis radios excipiunt: 3. nigrorem etiam videamus, cum adspicimus corpus lævissimum, & quod etiam multos Solis radios excipit, sed alioversùm eos reflectit.

20. Verùm hic similes difficultates occurrunt, iis quæ doctrinam de albore antea propositam dubiam fecerunt. Scilicet, hæc singulis corporibus nigris vix aptari possunt. Quis enim intelligat atramenti particulas tenuiores esse & magis separatas, quam lactis? Constat atramentum succo Gallarum, & Vitriolo aquâ diluto, quibus additur gummi. Hæc si densentur cōctione, faciunt succum æquè pingue, imò pinguius, ac lac, & tamen nigerrima sunt. Seorsim nigrum non est Vitriolum, neque niger etiam Gallarum succus, attamen mista illico nigrescunt; cujus & similium mutationum nullam certam rationem reddere possumus; nisi teneamus quæ sit figura particularum quibus constant, quod omnem humanam industriam superat.

21. Ut alterum exemplum addamus, quis intelligat par-

particulas marmoris nigri & durissimi, minus coherere inter se quam particulas Cretæ, aut facilius moveri. Certè inde sequeretur non posse esse corpus nigrum durum, neque corpus album molle; cum experientiâ notissimum sit colorem nigrum non esse comitem duritiei, neque album mollitiei.

22. Fatendum tamen exempla, quæ afferuntur, ostendere ex corporibus nigris radios lucis nullos aut paucos reflecti; verum hoc fortasse non tam ex tenuitate & mobilitate partium superficiei oritur, quàm ex singulari dispositione pororum, quibus excepti maxima ex parte radii lucis nusquam directè reflectuntur. Verum in re aded, obscura, nihil attinet conjecturas incertissimas proponere, deficientibus experimentis.

23. Attamen vir \* ingeniosissimus eâ opinione, quam confutavimus, quasi verâ suppositâ, colligit hinc mirum videri non debere flammâ, quæ tantoperè lucida est, nigrum fieri lignum album, quod in carbonem conversum est, quandoquidem lignum varias partes quibus nutrita fuit flamma amisit; unda fit ut pleraque alie, aded divulsæ sint, tamque mobiles, ut lumen quod excipiunt ferè totum obtundant. Verum hic conjecturam de poris, materiam ætheream excipientibus nec directè usquam reflectentibus æquè commodè adhibere possemus.

24. Observat præterea plerasque quidam particulas carbonum esse parum coherentes & faciliè moveri, sed non omnes; quia fieri potest, ut tenuissimæ, quæ in superficie carbonis sunt, sint instar lanuginis, quæ crassiores particulas tegit. Quo fit ut videamus postquam ignis carbonis quidquid absumi potuit abstulit, superesse tamen partes, quæ constant cinerem, & quæ, inquit, satis crassæ sunt, quandoquidem albicantes cernuntur.

25. Sic ille hypothesin adhibet ad confirmandam conjecturam, quod est principium petere. Ac sanè

ca-

corbo potest pistillo comminui in pulverem tenuissimum, & tamen semper nigrum esse videmus; cum albescant cineres ex eo carbone confecti, & ita albescant, ut quamvis comminuantur semper sint albi. Equè facile possumus dicere mutationem omnem coloris ex mutatione pororum oriri.

16. Addit eo quod opinatus est, quasi verò sumto, facile intelligi quare radii Solis convexo vitro collecti difficilius corpora alba urant quàm nigra. Corpus enim album quod reflectit radios omnes, iis non moveri; nigrum verò quod radios Solis obtundit quia æthereæ materię motum excipit, primùm agitari, deinde incendi. Hoc experimentum ut supponamus quasi certum, ejus rei ex memoratà pororum dispositione rationem non difficulter reddere possumus. Si enim dixerimus poris corporis nigri veluti absorberi lucem, necessariò sequetur æthereæ corpuscula particulis ejus majorem motum creare, quàm particulis corporis quod lucem omnem reflectit. Sed charta alba non difficilius uritur quàm nigra, & pulvis pyrius qui niger est non facilius incenditur, quàm Sulfur in pulverem comminutum.

17. Hæc cum ita sint, præstat, ut diximus, acquiescere generali hypothese, quâ constat radios, pro varietate superficiei corporis, variè colligi aut spargi; neque animum in ulteriori investigatione excruciare, cum nihil præterea certum inveniri queat.

## C A P U T

## CAPUT X.

*De Sonitu.*

1. **S**onitus duplici notione dicitur aut id quod senti-  
mus commoto corpore sonoro, & quod in  
Mente nostra est; aut mutatio quæ corpori sonoro  
contingit, cum edit sonitum. Quamvis hæc in quo-  
tidiano sermone confundantur, attamen diversissima  
sunt. Prius enim sensatio est animi nostri, quæ de-  
finiri nequit; posterioris naturam investigant Physici,  
& de hoc ovidem nunc agemus.

2. Ut possimus cognoscere quid sit Sonitus, quate-  
nus ea voce id significatur quod extra nos fit, confide-  
remus oportet quid sonoris corporibus contingat, cum  
Sonitum edunt, & quâ ratione aures nostras afficiant,  
quamquam dissita. Non possumus quidem omnes so-  
norum species hîc illustrare, sed satis erit modò varia  
corpora sonora consideremus, unde de ceteris iudicium  
ferri poterit.

3. I. Videmus cytharam, variâque instrumenta Mu-  
sica, quæ chordis constant, sonitum edere cum eorum  
chordæ digitis trahuntur, deinde subito dimittuntur;  
quo fit ut chordæ tensæ tremulo agantur motu. Vio-  
lam plectro resinâ obducto pulsamus, quo fit ut chordæ  
subsultibus quibusdam commotæ varias vibrationes pa-  
tiantur.

4. II. Tibiâ qui canunt non movent quidem ti-  
biam, sed ex pulmone in ejus concavitatem aërem ex-  
pirant, quem variè modulantur, dum hos aut illos fi-  
stulæ meatus vicibus aperiunt & claudunt. Organa  
etiam, aliâque idgenus instrumenta sonitum edunt ve-  
hementiorem, dum tubis excipiunt aërem, & celeritè  
ejiciunt. Sic & animalium voces variæ nascuntur ex

jectione aëris, qui certo modo compressus subito pulmonibus egredi cogitur, & dentibus ac Linguâ variè afficitur.

5. III. Pleraque corpora cùm feriuntur sonitum edunt, sed alia aliis majorem, pro materiâ quâ constant, & formâ aut figurâ quæ iis est. Lignum quodvis percussum sonitum edit aliquem, sed si sit in vas concavum aptatum multò majorem, quàm si sit sine cavitate. Corpora etiam duriora majorem sonitum edunt pulsata, quàm molliora, & forma quoque multum prodest ad augendum sonitum. Sic cernimus metallum durius in campanam conflatum, pendente metallo percussum maximum sonitum edere, pro Campanæ magnitudine, & concavitate.

6. IV. Videmus etiam pulverem pyrium sulfure, nitro & carbone constantem, cùm incenditur in tubo ferreo, unde exire non potest flamma nisi per arctum foramen, ingentem edere sonitum. Imò verò *aurum fulminans*, ut dicitur, hoc est pulvis constans nitro, flore sulfuris, & Sale Tartari, incensum in lamina ferrea igni imposita, maximum fragorem edere in aëre libero.

7. V. Nec solidorum tantum corporum motum & collisionem videmus strepitum aut sonitum excitare; sed & venti impetu delati flatum, & maris commotionem, & fluviorum delapsum non leve murmur creare, prout vehementius spirat ventus, movetur mare, & amnes defluunt. Major etiam oritur horum sonitus, si intra fauces montium, aut alveorum commoveantur, quàm in patentioribus locis.

8. Hæc fiunt in corporibus sonoris, à quibus quandoque magis aut minus distamus, cùm sonitu audimus, qua in re etiam varia occurrunt consideratu digna. I. Sonitus, prout remotius est corpus sonorum, minor est; quo propius, eo major. II. Cùm à corpore sonoro, vento ex ea cœli parte flante, ad nos decurrit aër, sonitus est multò major; ut contra minor, & ventus à nobis ad corpus sonorum aërem transferat.

III.

III. Si aër sit nebulis, præsertim crassioribus obductus, si nive plenus, qui paulò remotiores sunt à corpore sonoro, aut sonitum non ampliùs exaudiumt ex iis locis, in quæ antea perveniebat, aut multò obtusior rem.

9. IV. Sonitus lentiùs ad nos pervenit quàm lux, quod faciliè animadvertimus si procul à nobis explodatur tormentum bellicum, tum enim flammam pulveris pyrii citiùs videmus, quàm sonitum ejus exaudimus.

V. Si inter aures nostras & corpus sonorum nihil sit interpositum præter aërem, faciliùs audimus sonitum, quàm si clausum sit corpus sonorum, aut nos etiam circumdemur ædium parietibus. Asperitas etiam interpositorum corporum sonitui nocet; quo fit ut sonitus explosi tormenti ex remotiori multo loco audiatur in mari, cujus superficies æquabilis est, quàm in terra arboribus, collibus, aut ædificiis veluti aspera. VI. Si Campanula pulsetur intra Machinam Pneumaticam, ex qua eductus sit aër, nullus auditur sonitus; contra si insit aër, auditur, quamvis Machina sit accuratè clausa.

10. Hæc sunt sonitus potissima phænomena, quæ nos ad ejus causam deducere faciliè possunt. Nec alia videtur esse præter certum motum corporis sonori, quo subitò & solito vehementiùs movetur & concutitur aër, quod jam alibi diximus, sed hîc experimentis ostendere statueramus. In concussio autem aëre, videntur excitari circuli, quales excitantur in aqua, cum quidpiam grave in eam decidit. Quò usque perveniunt concussi aëris circuli, eò sonitus pertingit; quod pro magnitudine & motu corporis sonori, & ratione interpositorum corporum remotiùs sit, aut in minori ambitu.

11. Hæc est generalis hypothesis quâ natura sonitus exponi potest, ut liquebit ex applicatione ejus ad singula phænomena memorata, quæ quia facilis est paucis à nobis expediatur. I. Chordæ instrumentorum musicorum, tensæ admodum, non possunt digitis aut

pectro vellicari, quin subsultus varios efficiant, quod etiam cernimus, & vi quâdam elasticâ fit. Dum autem chordæ vehementius tremunt, eum tremorem in aërem in quo sunt necessariò transferunt; aër verò subiens cavitatem instrumenti, aut potiùs aër jam cavitatē contentus tremulo motu concussus, vicinum aërem similiter concutit. Verum quidem est chordam ejusmodi inter duos paxillos in aperto aëre tensam & vellicatam non edituram talem sonitum; sed hoc fit quia concussio aëris nimis latè dissipatur, cum instrumenti cavitatē excepta magis colligatur, & vehementior propterea sit eo in loco.

12. II. Instrumenta varia quæ aëre impleta sonitum edunt, & ipsa animalium ora, quæ voces varias emittunt, quid aliud efficiunt, nisi quod aërem concussum per arctiores tubos vi emittunt; unde fit ut aër condensatus motus aures nostras verberet?

13. III. Cùm corpora duriora colliduntur subito motu, necesse est non modò disjici aërem interceptum eadem celeritate, sed eorum partes introrsum pelli magnâ vi, deinde in situm saltem aliquatenus redire, quo fit ut concutiatur vehementius aër. Corpora quidem mollia quæ ictui cedunt, nullum aut exiguum percussa sonitum edunt, sed dura tremulo percussarum partium motu, necessariò strepitum creant, isque strepitus eo major est, quo forma corporis percussæ est aptior ad concutiendum majorem aëris copiam simul; qualis est forma dolii vacui, violæ, tympani, campanæ, &c. quorum capacitas aëre plena est, adeò ut concuti eorum partes nequeant, quin concutiatur simul comprehensus aër.

14. IV. Non potest incendi subito pulvis pyrius in tubo ferreo arcto, & oblongo, quin ejus particulae maximâ vi dissiliant, & egredi nitantur potissimum quâ egressus datur; quo fit ut totus tubus ferreus subito concutiatur, & erumpens pulvis pyrius, summo-  
perè dilatatus aërem vicinum condensatum disjiciat.

Aër-



Aër verò ad pristinam extensionem rediturus vi elastica ita flammam premit ut eam celerrimè elidat, cum absumpta est solidior ejus materia, imminutusque motus; isque reditus tantà vi sit, ut aër in tubum irrumpens aliquamdiu circa eum æstuat, quo creatur longus ille, ac veluti repetitus fragor, quem explosis bombardis, aut sclopetis exaudimus. Non potest etiam incendi omnibus partibus simul, aut ferè simul pulvis qui aurum fulminans dicitur, quin vehementissimè aërem dilatatus disjiciat, & ad aures nostras subito impetu impellat.

15. V. Ne fluida quidem corpora, cum solidis præsertim illiduntur, sonitu carent, quia similiter concutunt aërem; quamvis non tantà celeritate ac vehementiâ, quo fit ut sonitus sit obtusior. Sibilum audimus venti, quia vapores pondere suo in certam partem delati secum trahunt aërem, in quo volitant. Mare & fluvii similiter aërem vicinum secum rapiunt, murmurque propterea excitant, pro rapiditate motus, minus aut majus. Ubi magna copia vaporum, aut undarum solidis partibus arctioris meatus illiditur, vehementius eas percutit, & propterea sonitum majorem creat.

16. Videmus jam quæ sit causa, ob quam sonitus, & varii quidem sonitus, collisione corporum excitentur. In sonitu ipso consideranda. I. distantia, quæ si magna sit, aër latè sparsus motus maximâ parte amissâ, ad aures nostras appellit, easque minori vehementiâ verberat, quo fit ut sonitus sit minor; & vice versâ, si propius sit objectum sonorum. Sic videmus undas, in aqua lapsu corporis gravioris excitatas, celeriores & vehementiores esse, quo sunt centro motus propiores, & distantiam paulatim evanescere: communicato motu aut aëri, aut per aqueas particulas latissimè sparsæ, aut in aliam partem vi aliûs motus majoris determinato.

17. II. Quandoquidem sonitum diximus esse subitum & vehementiorem motum aëris, cum ventus eum mo-

motum adjuvat, facilius ad nos venit; cum ei contrarius est, difficilius. Ut enim undarum in aqua impetus contrario frangitur motu, idem fit in aëre.

18. III. Eadem de causa nebulae crassiores & nix, motum aëris impediunt, interpositis crassioribus corpusculis, obstant quominus sonitus ad nos plenus & clarus perveniat, ut antea solebat.

19. IV. Lentiùs sonitus ad nos pervenit quàm lux, quia lucis undae quæ materia multò subtiliori constant, sed celerius progrediuntur; præterquàm quod lucidorum corporum impetus, ad pellendam ætheream materiam multò vehementior est, & plerumque etiam diuturnior, adeò ut undæ aliis aliæ succedentes priores sustineant & adjuvent. Indidem fit, ut ex remotiori multò loco lux ad nos perveniat, quàm sonitus.

20. V. Quò fluxus & tremor aëris corpore sonoro commoti plenior ad nos pervenit, eò vehementius aures nostras concutit, majorémque proinde sonitum creat. Plenior autem venit, cum inter aures & corpus sonorum nihil est, præter aërem; contra frangitur, interpositis corporibus, unde consequens est ut minor sonitus exaudiat.

21. VI. Cum sonitus sit motus aëris, si campanula Horologii claudatur vitro, in quo sit aër, deinde pulsatur, aëris tremor in ipsum vitrum translatus aërem etiam externum concutit, adeoque sonitus sensationem aliquam in nobis eruat, quamvis vas sit accuratè clausum. Sed si nullus sit in vitro aër, ubi clausum est Horologium, campanulae pulsatione concuti nequit, adeoque non exauditur, ut experientià constat.

22. Hinc intelligimus hypothefin allatam de causa sonitus, aut esse veram aut vero proximam, cum ejus ope feliciter ejus phænomena & effectus varii exponi queant. Quod ut magis constet, aliquot alia Problemata sonitum spectantia, eà hypothefi, explicare conabimur.

23. I. Quæritur quâ ratione fiat *Echo*, quâ voces repetitæ ad aures nostras referuntur? Quod ita exponunt Philosophi, quorum exposuimus sententiam. Cum aër concussus in orbem extendatur, quasi à centro sphaeræ ad circumferentiam, motus ille qui ulterius progredi posset, incidens in corpus durum quod particulae aëreæ loco depellere non possunt, necessariò in contrariam partem aliquatenus reflectitur, quo fit ut via quâ ierat regrediatur, aures loquuti verberaturus, atque iterum eundem sonitum in iis excitaturus, qui dicitur *Echo*.

24. II. Quæritur quâ ratione fieri queat, ut aliquoties quandoque repetantur verba eadem? Nimirum, ut aiunt, quando contingit varia corpora dura, & apta ad reflectendum motum variis distantibus sita esse; unde fit ut proximum citius motum reflectat quàm remotius, adeoque singula distinctum sonitum excitent.

25. Si quærat quale esse oporteat ejusmodi corpus quod motum aëris reflectit? videtur experientia suadere durum & concavum esse; ita ut aërem admissum, aut potius motum totum contineat, & cum alio dilabi nequeat, per meatum per quem ingressus erat reflectatur. Sic videmus in Templis cum fenestræ omnes, & januæ clausæ sunt faciliè vocem reflecti, quod nempe motus ille Templi parietibus egredi nequeat, ac necessariò reflectatur. Atque eo plenius hoc fit, quo pauciora sunt quæ aëris fluctuantis motum confringere queat; videmus enim in Templo vacuo multo majorem videri vocem, quàm quando auditoribus refertum est.

26. III. Observamus etiam si quis in loco fornice tecto & lævi pariete cincto loquatur ad parietem conversus voce submissâ, eam vocem audiri in opposita loci parte ab eo qui aurem parieti admovet, cum è media parte ejus loci non audiat. Cujus rei hæc est ratio, quòd motus aëris per lævitatem parietis & fornicis faciliè labatur, & ad oppositam usque partem conservetur, cum in medio spatio sæpe ita sit tenuis ut animadverti nequeat.

17. IV. Sunt variae sonitus species, quae tamen ad duas potissimas vulgò solent referri, *gravem & acutum*, qui qua in re sit sint, si queras, respondedimus ex hypothesi nostra nasci eam diversitatem ex diversitate motus aëris. Atque acutus quidem sonitus videtur ex celeritate, & subitâ concussione iteratione nasci, cum videamus chordam instrumenti Musici, eo acutior sonitum edere concussam, quo tenior est. Gravis verò ex contraria ratione videtur oriri, cum quo minus tensae sunt chordae, eo graviores motus sonitum emittant.

18. V. Quæri solet quomodo fieri possit, ut ab uno eodemque homine, ita vox flectatur, ut modò graves, modò acutos tonos emittat? Quod ut intelligatur, sciendum aërem ex pulmonibus per tracheam arteriam erumpentem, variè affici Epiglottide, quæ est in summa arteria, & quæ modò integra aperitur, modò ex parte tantum attollitur, emittitque majorem aut minorem simul copiam aëris, Præterea varii in ea sunt motus, quibus aër transiens afficitur. Ad sonos articulatos quod attinet, ii fiunt ope linguae, dentium & labiorum, quæ prout variè moventur varietatem in motu aëris erumpentis necessariò creant.

19. VI. Constat experientiâ, cum duarum Violarum, exempli gratiâ, chordae æquè tensae sunt, aded ut pulsae eundem tonum emittant, si Violæ invicem admoveantur, pulsari alteram non posse quin alterius chordae concutiantur, & sonitum aliquem, sed tenuiorem edant; contrà verò si laxentur alterius chordae, ut inæqualiter tensae sint, tum nihil simili in altera cerni. Cujus rei rationem hanc, ex hypothesi nostra, reddere possumus. Nempe, chordae æqualiter tensae cum pulsanter eodem modo moventur, quo fit ut aër chordarum certo modo tensarum tremore concussus possit movere chordas vicinas eodem modo tensas. Contrarium evenire necesse est, quando chordae non sunt æquè tensae.

20. VII. Videmus etiam instrumenta quaedam Musica

sica ita inter se consentire, ut eorum ope symphonia fieri possit, quæ grata auribus accidat; contrà verò alia usque adeò esse dissona, ut nullo modo conjungi possint. Cujus rei si causam investigaris, vix alia reperiri potest, quàm quæ sit hypothese nostræ consentanea. Cùm enim sonitus sit in motu aëris situs, Symphonia nihil est præter conjunctionem variorum motuum qui inter se ita conveniunt, ut alter alterum non destruat, aut turbet. Contrà verò, si motus ita sint contrarii ut se destruant, aut turbent, ex iis nihil nisi dissonum nasci potest. Oportet etiam pluribus instrumentis simul pulsatis, ita aërem moveri, ut sit aliqua inter eos motus proportio, & aliquis etiam pulsationum ordo. Sic si tympanum pulsetur unà cum tibia, tympani vehementior & gravior sonitus tibiæ serè sonitum absorbet, contrà tibia cum Viola potest conjungi, quia sonitus quos emittunt se invicem quominus exaudiantur non impediunt; seu motus aëris ex tibia exeuntis non absorbet motum ex Violæ capacitate erumpentis aëris. Verùm si multò frequentiores sunt motus tibiæ excitati, quàm motus qui ex Violæ pulsatione oriuntur, aut non æquabiles, tum temporis nulla est harmonia; oportet enim certo ordine pulsari aurium tympanum, & certis temporibus, ut harmonia instrumentorum sentiat.

## CAPUT XI.

*De Odoribus.*

1. **D**uplex est vocis *Odor* sensus. significat enim aut sensationem quam habemus admotis ad nares nostras corporibus odoratis; aut id quod est in corporibus & quod est vel causa vel occasio sensationis quam tunc experimur. Vulgò dicimus corpus quod-

nam carere odore cum admotum naribus nullam ejus-  
modi sensationem excitat, quibus in verbis id quod est  
in corporibus odoratis intelligimus. Sed sæpe incau-  
te id quod sentimus cum eo quod est extra nos con-  
fundimus, & odorem gratum aut tetrum, hoc est  
sensationem jucundam, aut molestanti rei odoratæ in-  
de judicamus. Quem in errorem, circa omnes quali-  
tates sensiles, delabatur vulgus, ut aliquoties jam obser-  
vavimus.

2. Si vera esset vulgi opinio, ut nunc alia taceamus,  
sequeretur uno eodémque odore omnes homines eo-  
dem modo affici, natura enim odoris aut grati, aut  
ingrati immutabilis esset, neque à motu organorum  
sensuum penderet. Contra verò videmus odores aliis  
gratos plurimis nocere, unde colligere est sensationem  
odoris nasci ex certa commotione olfactoriorum ner-  
vorum, quæ pro varietate organi varia esse potest ut  
antea videbimus; non ex qualitate quadam sen-  
sationi nostræ simili, qualis nulla intelligi po-  
test.

3. Antea exposuimus quomodo olfactus in nobis af-  
ficiatur, ut inde sensatio nascatur odoris; nunc omisso  
eo quod in nobis fit, quod est in corporibus odoratis  
contemplabimur. Itaque *odor* hîc significabit non quod  
sentimus, sed quod est in odorato corpore.

4. Hæc ergo sunt potissima odoris phænomena I.  
Ut odorem sentiamus, oportet non modò adesse corpus  
odoratum, aut id naribus admoveri, sed etiam nos  
naso aërem in pulmones adducere; si enim aliquam  
diu spiritum coërceamus, nihil olfacimus, aut etiam  
si nares obturatas habeamus, & spiritum solo ore du-  
camus.

5. II. Varia corpora odorem emittunt eo duntaxat tem-  
pore, quo humor aliquis iis inest; si siccantur, aut nullo,  
aut tenui odore prædita sunt. Sic videmus flores ple-  
nosque odoratos, si exsiccantur nullum, aut tennem o-  
dorem emittere.

6. III. Plurima corpora dura quæ sponte suâ nullum  
odo-

odorem emittunt. tum odora sunt cum uruntur, apt quando vehementius fricantur. Sic cera, quæ obfirmatur litteræ, odorem emittit quando inflammatur, qui antea in ea non deprehendebatur. Sic &, si ferrum ferro, vitrum vitro, silicem silice diu & celeriter fricemus, odorem aliquem ex iis elabi sentimus, cum antea nullus esset.

7. IV. Sunt corpora odorata, quæ odorem ita mutant Soli aliquamdiu exposita, ut ex teterrimo gratissimus fiat. Sic *Muscus* Castori detractus, qui primum odore summopere offendit, per aliquot dies ardentis Soli expositus, gratissimum postea odorem emittit.

8. V. Videmus etiam quandoque flores, qui in loco Soli exposito creverunt non tantum odorem emitte-  
re, quàm si in umbra crevissent; præsertim si eorum florum odor tenuis esse soleat, qualis est *Violarum* odor.

9. VI. Contrà si sit rei cuiuspiam odor gravis; si caleat, plerumque odor ille intenditur; si frigeat, minor est. Sic videmus carnem foetentem æstate multò magis foetere, quàm hyeme; imò si sit intensum gelu, vix ullum odorem emitte-  
re. Reliqua omnia, quæ corrupta odorem emittunt, æstate quàm hyeme corrumpuntur faciliùs, & magis foetent.

10. VII. Omnes eadem ratione odoribus non afficiuntur, sunt enim qui nos summopere offendunt, qui aliis non ingrati sunt, & vice versa. Quandoque etiam tanta vis est odoris ingrati, ut qui id olfaciunt deliquium patiantur. Mulieres hystericis morbis obnoxie, quando vaporibus infestantur, admotis teterum odoribus recreantur; contra verò gratis, mirum in modum, offenduntur.

11. Hæc sunt potissima odoratorum corporum phenomena, quorum ratio redditur à Recentioribus, hac suppositione; nimirum, ex iis prepetuò elabi tenuissima corpuscula, quæ per aërem volitantia, respiratione una cum aëre in naves adducuntur, quarum inti-

mam



nam partem subeunt, ut nervos olfactorios commoveant. *De ipso olfactu egimus, hic tantum odorem in odoratis corporibus consideramus.*

12. I. Ut odorem sentiamus, oportet nos naribus ad-  
ficere aërem, quia nisi hoc fiat, corpuscula quæ ex  
odoratis corporibus effluunt, nares subire non possunt,  
ut proinde olfactorios nervos percellere. II. Corpora  
liquida dum humorem continent odorata sunt, quia  
humoris illius particulae calore aëris evehuntur, & sub-  
eunt nares odoris sensationem in nobis excitant. Con-  
stat verò cum humor ille planè exhaustus est, nihil est  
in illis quod ex iis corporibus effluat, adeoque nares  
nostras afficere possit.

13. III. Corpora dura quæ nullum emittunt odo-  
rem, quia sponte suâ nullæ particulae ex iis elabuntur,  
propter earum gravitatem & soliditatem; eadem odo-  
rata videntur post vehementiorem frictionem, quia  
variae particulae divelluntur, quæ per aërem voli-  
tares nares nostras ingrediuntur. Idem fit unctione,  
quod manifestum est partes corporum divelli, & latè  
per aërem spargi; quod non potest fieri quin variae par-  
ticulae, unâ cum spiritu à nobis in nares adducantur;  
earum si quæ sint satis tenues, ut olfactorios nervos  
ficere queant, odoris sensationem in nobis excitant.  
Numerosa sunt ejusmodi quæ carent odore dum integra  
sunt, statim verò ac igne solvuntur ingentem odorem  
emittunt, ob memoratam causam.

14. IV. Non potest corpus odoratum soli ferventio-  
re exponi, quin calefiat, adeoque variis modis ejus  
sentiantur particulae. Eo autem motu possunt aptiores  
creandam odoris sensationem aut evehi prorsus, aut  
detrudi, ut postea nervos olfactorios non ita pungant,  
ut afficiant. Factor, exempli causâ, videtur oriri aut  
ex particulis tenuissimis, quæ magnâ copiâ elabuntur  
ex corpore foetente, aut ex acumine, quo ex partes  
volatiles sunt & quo punguntur certo modo olfactorii  
nervi. Igitur si intenso calori exponatur ejusmodi cor-  
pus, aut evehantur omnes eæ particulae, aut frictione

mutuâ obviuntur acumina; quibus rebus sit ut corpus quod antea foetebat, aut tenuiorem odorem, aut etiam nullam emitat. Sic videmus cadavera animalium Soli exposita, primò teterrimè foetere, deinde ita exsiccare, ut omni odore careant exhaustâ, nimirum aut obtusâ, odoratâ materiâ.

15. V. Flores, quorum tenuis aliqui solet effluvis odor, quando in aprico loco crevere nullum aut tenuissimum odorem emittunt; quia Solis vehementer odorata illa effluvia, quæ ex iis elabuntur, prorsus exhausta videntur. Contrâ si in umbra creverint, cum evecta illa materia nondum exhausta sit, fragrantiores odorem emittunt.

16. VI. Eadem de ratione graveolentiam odor intenditur calore aëris, dum sunt in iis rebus odorata corpuscula, quia plura tum evehantur. Aëstatis calidum divellit particulas carniarum, plurimis evehit, quibus nares offenduntur; frigus verò quo magis quiescit, aut odorem minuit aut planè tollit, quia tum temporis aut pauciores, aut dulle amplius volvant odorata particula.

17. VII. Pro varietate organorum, necesse est homines variè odoribus affici. Alii alios possunt habere tenuiores nervos olfactorios, sacculque quo nervi turgent potest esse varius, nec eodem modo subeuntibus particulis affici, videmus enim ex variis multis variis nasci. Igitur si ponamus nonnullis ita esse dispositos olfactorios nervos, ut particulis Musci vehementer concutiantur, aut cum nervis inesse succum qui ferat his particulis admixtis; necesse erit Musco a motu eorum cerebrum conturbari, eo quæ versantur. Quandoque enim deliquium pati. Mulieribus vero hyemicis, cum cerebrum vaporibus plenum habet, rarer odor ad motum potest ita concutere nervos, ut vapores quibus impediabantur excutiant, adeoque agere ad se redeant. Verùm hæc particulatim non possunt exponi, quia accurata cognitio nervorum, & succi qui in iis est, ut & odoratarum particularum, ha-

hujusque motus, supra humanam industriam posita

18. Ex Hypothesi memoratâ hoc unum sequitur, quod aliquam difficultatem creare possit; oportere, nempe, corpora odorata, dum odorem emittunt, perpetuò minui, quod tamen in plurimis non deprehenditur. Verùm sunt corpora odorata, quæ dum odorem emittunt manifestò minuuntur, ut quæ calefacienda sunt, ut effluvia odorata ex iis emanare possint; fumum enim conspicuus ex iis exit, & pondus etiam minui librâ deprehenditur. Flores & Herbæ, quæ recentes magnum odorem habent, exsiccata multò minorem, amisso odore amittunt etiam pondus. Sed sunt alia corpora odorata, quæ exiguam admodum copiam corpusculorum emittunt, adeoque minui vix deprehenduntur, cum præsertim ea corpuscula summæ sint tenuitatis. Huc accedit quòd odorata corpuscula quandoque diu circa corpus odoratum volitare queant, & tepidus afficiendis naribus inservire possint, adducta cum aëre, iterumque expiratione emissa.

19 Objiciat fortè aliquis vix intelligi posse quomodo tantæ tenuitatis corpuscula, ut elapsa corporis odorati pondus non minuant, tantos effectus edant, ut cerebrum turbent, vertiginemque & animi deliquium creent. Verùm in animum revocanda etiam est tenuitas fibrarum quibus nervi constant, & quæ tenuissimo corpore possunt moveri. Spiritus etiam qui sunt in nervis, aut succi nervosi pars subtilissima possunt affici effluvio tenuissimorum corpusculorum. Notum est, aliis experimentis, indubitatis, particulam exiguæ molis totum humanum corpus ita conturbare, ut omnem ejus economiam sistat, adeoque mortem inferrat. Sunt enim venena, quæ vel minimâ copiâ hausta, aut sanguini affusa, præsentissimam mortem creant. Itaque mirum videri non debet corpusculis odoratis, eum quem diximus effectum tribui.

## CAPUT XII.

*De Saporibus.*

1. **D**E sensu Gustûs superiore libro egimus nec repetemus que eo in loca à nobis dicta sunt. Considerabimus hîc duntaxat corporum saporum naturam. Ante omnia, ut in ceteris qualitibus sensibilibus, probe distinguendum est id quod sentimus ab eo quod est in corporibus, quamquam hæc uno eodemque nomine appellari solent. *Sapor* quandoque id significat quod sentimus, quando sapidum corpus comedimus; & quandoque id quod est in sapido corpore, quodque occasio, vel causa est sensationis nostræ.

2. Hujus pesterioris Saporis naturam hîc investigamus, possemus tamen circa priorem observare, unum eundemque cibum in omnibus hominibus eandem sensationem non excitare. Hec inde liquet quod multi ab his abhorreant, quæ alii in deliciis habent; quodque ævus idemque homo ea sallidiat provectiore ætate, quæ deamaverat puer, aut vice versâ. Nimirum, non eadem est omnibus organorum dispositio, neque etiam per totam vitam nervos. Lingux eodem modo habere experimur. Hîc colligere possumus, quamvis iisdem saporum nominibus utamur, attamen certum non esse ea nomina iisdem sensationibus imponi. Exempli causa, dulcem vocamus saporem sacchari; sed fortè is dulcor diversa est sensatio in Caio ab ea quam Titius experitur quando saccharum comedit.

3. Phænomena corporum saporum hæc sunt potissima, quorum ratio à Phisicis quæritur I. Primum omnia corpora sapida non sunt, sunt enim fluida quæ sapore carent ut ær, & aqua si pura sit neque ulla salium

specie infecta. Multa etiam corpora dura insipida sunt, ut lapides, metalla, &c.

4. II. Quæ insipida erant possunt acutissimum Saporem contrahere, ut metalla cum in pulverem tenuem aque fortis vel regalis soluta sunt.

5. III. Cibi calidi sapidiore sunt frigidis, ut quotidiana experientia notum est; & cocti alium sorem habent quam crudi.

6. IV. Sunt innumeri Sapores varii, & eorundem Saporum infiniti quasi gradus.

7. Hæc sunt quæ in saporibus in genere consideratis potissimum observantur, & quorum rationibus invenire ad cetera progredi possumus. Non morabimur hic scholasticorum opiniones, qui ex mixtura quadam humoris, siccitatis & caloris sapores nasci aiunt, cum ne eos quidem quibus, utuntur exponere possint; aut eorum qui putant in corpore sapido esse simile quiddam sensationibus nostris, hanc enim opinionem non de aliis qualitatibus sensilibus egimus, satis confutavimus.

8. Recentiores igitur supponunt sapores, quatenus sunt in corporibus lapidis, sitos esse in varia figura particularum quibus ea corpora constant. Ex particulæ solutæ Linguae nervos pungunt variè, pro variè figuræ quâ constant, unde nascitur magna sensationum varietas. Commodius fortè diceremus non eadem omnes partes corporum sapidorum Linguam ledere, sed talia quæ sunt omnium ferè corporum particulis admixta saporum esse causas; videmus enim aquam inspidam mixturâ salis lapidam fieri, quâ mixturâ non mutatur figura particularum aquæ, sed ei adduntur partes salinæ quæ Linguam pungunt. Ut salsa aqua fiat dulcis, nullâ aliâ re opus est, nisi separatione salis & aquæ, quæ fit destillatione, quâ particulæ salinæ in vapores aguntur & salinæ in fundo vasis manent. Hoc ergo posito, eorum quæ proposuimus hæc rationes reddi possunt.

9. I. Omnia corpora non sunt sapida, quia in omni-

bus corporibus non sunt particulae salinae, aut saltem ex aliis non possunt separari, ut salivâ dilutâ Linguam pungant. Nullae sunt in aëre & in aqua, modò pura hae sint, ideoque sapore destituuntur. Sunt quidem in lapibus & metallis, ut Chymicis experimentis constat; verùm ea corpora ita compacta sunt, & solida, ut in aqua cocta aut salivâ madefacta nullatenus solvantur, ac proinde nullae ex iis salinae particulae evellantur, quae Linguam afficere possint.

10. II. Si quâ tamen arte, liquoris acidi ope solvantur insipida alioqui corpora ut metalla, acidissima evadunt; non quòd particulae metallorum acuantur, ut nonnulli putant, sed quia admixta acidissima salia metallico pulveri Linguam, salivâ dissoluta, afficiunt. At si pulvis metallicus iterum liquefiat, & purgetur salibus illis adventitiis, massam insipidam denuò constitat.

11. III. Calidi cibi magis sapiunt quàm frigidi, quia cum calor in motu vario situs sit, ut ostendemus, non possunt particulae salinae agitari, quin aptiores sint concutiendis Linguæ nervis. Contrà cum quiescunt, aut minùs moventur, salivâ solutæ minùs nervos movent. Cibi etiam cocti alio sapore præditi sunt, quia coctione, quâ ciborum partes divelluntur magis, quàm cum crudi erant, expediuntur salinae particulae impedimentis, quae alioquin impediunt quominus Linguam ferire queant.

12. IV. Saporum omnis varietas oriri videtur ex varietate figuræ salium diversorum; quæ rebus lapidis admixta sunt. Omni quidem salia, ut alibi diximus, videntur angulosis particulis constare, sed in angulis potest esse infinita varietas, prout anguli sunt magis aut minùs acuti, & prout plures anguli simul, aut pauciores concurrunt. Polygona enim corpora multitudine angulorum minùs aut magis obtusorum conjunctione infinita fieri possunt.

13. Atque hæc conjectura mera non est, cum constet ex corporibus quæ possunt destillatione resolvi va-



salium genera, variâsque particulas insipidas educere vocant Chymici *phlegma* & *caput mortuum*, de quibus alibi diximus.

14. Profert \* vir ingeniosus experimentum à se inventum, quo nostra confirmatur opinio. Vas stanneum perforavit, & foramen panno diligenter obturavit. Deinde tenuissimâ arenâ probe ablutâ & exsiccatâ, ne mixtum liquorem tingere posset, vas implevit. Tandem certam mensuram vini rubri infudit, quod per foramen in aliud vas subjectum stillavit, primum instar liquoris nullo colore tincti ac inspidi ut aquæ. Deinde cum vidisset guttas cadentes colore rubro esse, alterum vas supposuit, quo exciperentur. In utrumque serè dimidia pars mensuræ liquoris in arenam infusi, defluebat. Rubra autem pars liquoris non insipida quidem est, sed multò minùs sapida quam aëtea, nec tam saturò colore rubro tincta. Tandem ex utroque liquore iterum misto, multò insipidius factum est vinum.

15. Hinc colligimus 1. particulas esse in vino sapidissimo liquore, prorsus insipidas, quales sunt quæ in insipido illo liquore, qui prior effluit: 2. particulas sapidas, quæ, dum liquor per arenam rucit, in ea inferunt; alioquin in rubro liquore invenirentur. eoque cum altero misto, fieret liquor æquè sapidus ac antea erat vinum.

16. Vult quidem vir acutissimus particulas vini coactas meare per vias arctas, atque amfractuosas, sepeque modis inflexas fuisse, adeo ut earum dispositio & figura mutata sit. Verùm cum nulla vis, præter modum proprium, particulis vini incumbat, in arctioribus meatibus potius suspensæ hærent, quàm mutant figuram, ut illac percurrerent. Præterea figuræ non mutari satis ostendit ruber color, qui adhæret particulis liquoris posterioris. Nec sane tam arcta sunt spatia inter arenæ particulas relictâ, ut vi debeant effusi liquoris percurrere; cum liquor ille panè totus,

T. 4

&amp;



& brevi tempore in subjecta vasa defluat. Si arcti aded essent meatus, multò major pars liquoris in illis hæreret, & longiori tempore opus esset, ut deflueret.

17. Possumus etiam hypothese nostrâ positâ, multò facilius exponere viri formationem ab origine prima quàm ille; quod liquebit ipsâ rei expositione, quam proferemus statim ac paucula de saporibus singulis dixerimus; quæ enim hæcenus dicta sunt ad naturam saporum universim spectatorum pertinent.

18. Cùm sint innumeri saporis, tres tamen potissimi eminere videntur *dulcis*, *amarus*, & *acidus*. Verùm præter misturas & gradus varios saporum, omnium quæ *dulcia* dicuntur non est idem *dulcor*, alius enim *dulcor* sacchari, alius mellis, alius lactis, alius pomorum, &c. Omnium etiam *amarorum* non est idem *amaror*, ut amygdalarum, fellis, aloës &c. Varia est quoque *aciditas* aceti, vitrioli, salis marini &c. Igitur etiamsi sciremus quare saccharum, exempli causæ, dulce sit, non tamen propterea sciremus quare hoc dulcor sit præditum.

19. Attamen viri acutissimi volunt *dulcorem* in eo esse situm, quòd partes corporum dulcium sint obtusiores, adeoque Linguae nervos lenius titillent. Sed quare non liceat dicere dulcibus quidem inesse salia, sed quæ subtiliora sunt, & tenuiora, imò & flexiliora quàm ut Linguam vehementer pungere possint? Præterea quæcumque hypothesis hîc admittatur, nulla, ut diximus, sufficere potest exponendis omnium dulcium saporum naturis; neque quisquam de singulis interrogatus respondere sustineat, nullus enim esset conjecturarum finis, quæ quo plures sunt, eò majus est errandi periculum.

20. *Acidum* saporem ex eo oriri volunt iidem Philosophi, quòd particulae corporum acidorum sint longæ, rigidae & acutæ, instar acuum; quo fit ut Linguam pungere videantur. Quod ita universim dictum non absurdum quidem videtur, sed parum prodest intelligi-

genda tot viriarum, quot sunt, aciditatum.

21. Volunt fructus immaturos esse acidos, quia succi terræ quibus constant, & qui concreverunt in poris longis & tenuibus trunci, & ramorum propterea constant particulis acutis. Sed si concrevisset succi eo modo, fibras arborum plane obturassent, & succedenti succo viam interclusissent, quod cum contingit ætium est de arboribus. Quidni dicamus ingentem copiam tenuiorum salium, hoc est, volatilium, per arborum fibras primum cum succis ascendere, & aciditatem fructibus creare?

22. Aiunt fructus paulò maturiores esse *dulcacidos*, quod pars aliqua particularum acidarum, motu, qui in fructibus calore Solis excitatur, frangatur aut obtundatur, quo fit ut Linguam magis titillent quam pungant, dum ceteræ priori servatâ figurâ pungendis nervis etiamnum aptæ sunt; itaque aliis subtilioribus, alias pungere, unde nascitur *dulcacidus* sapor. Sed quare non liceat dicere tum temporis salium volatilium plurimas particulas calore Solis evectas esse, & fructuum sors elapsas?

23. Denique nimis matures, aut diu servatis fructibus saporem minorem esse volunt, quod particulae illæ oblongæ & acutæ, longo humoris intra fructum motu comminutæ, & attritæ sint. Sed tum salia illa volatilissima omnia fere evanuisse, eodem jure dicere possumus.

24. Idem ita *amaroris* naturam exponunt, fructuum exemplo. Si fructus, inquirunt, maturescere semper pergeret, ita sine dubio omnes ejus partes attererentur, nulla superfutura esset, quæ posset jucundè Linguam pungere, sed eam tantum nescio quâ incommoda ratione titillare. Videmus autem fructus nimium maturos amaros esse; itaque hinc nos colligere posse censent amarorem fructus in eo situm esse, quod omnis ejus partes sint hebetiores, obtusiores, & subtiliores solito, adeo ut nullæ acutæ & rigidæ supersint.

25. Sed quidni dicamus amarorem inde fructibus præter modum maturis, & jam putrescentibus accidere, quod subtilioribus salibus, tenuioribusque partibus in auras evehitis, nihil supersit præter terrestris cuiusdam salis speciem, quæ jam sola cum sit in fructu, & impedimentis quibus implicita erat soluta, Linguam non tam pungat quam radat, limæ instar? Certè hæc conjectura æquè est verisimilis ac altera. Sed conjecturis nimis indulgere periculosum est Philosophantibus.

26. Hoc constabit exemplo generationis vini, quod ab ingenioso viro profertur, ut conjecturis suis de saporibus fidem faciat. \* "Primum, inquit, succus terræ, cum subtilissimis ejus partibus constet, non potest esse magno sapore præditus. Sed subtilissima sunt salia volatilia, cum sponte sua, si in vasibus apertis servantur, in auras abeant, & quidem celerius quam aqua

27. "Quamvis concresecat in poris vitis, & convertatur in particulas satis crassas, ut nervos Linguae movere possint; attamen quia aliquatenus illic implicitus est, nec inde nisi ægrè elabitur, obtusam duntaxat sensationem in iis qui lignum vitis manducant excitare potest. At si poris ligni adhæreat succus terræ, ut in iis concresecat, debet, ut diximus, eos obturare, & donec solvatur ligni textura, iis adhærere. Si ligni vitis non sit magnus sapor, hoc inde oriri potest quod salia sint nimis inter ejus partes intricata, quam ut Linguam pungere queant.

28. "Præterea, inquit, cum partes illius succi quæ distillant, & in aërem prorumpunt, ut ex petiolo racemi procedere videantur ad formandos acinos, invicem adhæreant, neodum faciliè divellantur, hinc sequitur eas non posse ferè nisi Linguae superficiei applicari, ac proinde levem tantum sensationem excitare. Verùm hoc ipsum tribuere possumus exiguae copiae volatilium salium, quæ eo tempore per fibras

vitis

is ascendunt, ob caloris defectum. Quemadmodum enim ut illa salia ex plantarum & animalium corporibus hauriantur, oportet certum Alembico calorem adhiberi: ita etiam, ut ex terræ sinu per fibras plantarum evehantur aliqua copia, paulò majore aëris calore opus est.

29. " Sed postquam tempore partes, quibus constant acini, divelluntur, cum calore aëris quo leniter agitantur, tum adventu multarum aliarum partium similium, quæ inter priores irrepunt, liquet has seorsim agere debere, & creare sensationem acrimoniae, quam omphaces comedendo experimur. Aequè resimiliter dixerimus, omphaces acidos esse, quod magna acidiorum salium copia calore æstatis in eos evecta tunc fuerit.

30. " Calor aëris, qui augetur dum maturescit fructus, dum pergit movere acinorum particulas, debet eas magis ac magis obtundere, tenuioresque alias reddere, quæ titillantes Linguam in ea excitant sensationem quam experimur cum maturas uvas comedimus. Verùm hoc ipsum de salinis particulis, non de quibuscvis, dicere possumus; aut etiam cum maxima copia acriorum salium evecta fuerit, calore æstatis, acinum necessariò dulciorem fieri.

31. " Si tempus paulò ante vindemiam sit pluvium, pluvia quæ in terram cadit majorem alimenti copiam uvis subministrat; unde fit ut cum uvas subierint plurimæ particulae longæ quibus per brevitatem temporis acumina obtundi non potuerunt, minùs dulces sint uvæ quàm antea. Imò minùs lapidæ, affluente multo majore aquæ copîa, quàm salium; necesse enim est aquam inspidam, sapido liquori affusum, saporem ejus minuere.

32. " Succus, qui primùm, fluit ex compressis uvis, debet tunc temporis non multum differre sapore ab uvis ipsis; imò vero dulcis remaneat oportet in doliolum injectus, si doliolum sit accuratè clausum. Quamvis enim fermentatione plurimæ oblongæ particulae, quæ

quæ implicitæ inter se erant, sejunctæ fuerint, & ad pungendum aptiores factæ sint; non possunt tamen acriorem sensationem in nobis excitare, cum agant simul cum aliis multis, quæ hebetiores & subtiliores factæ sunt, quia ex dolio exire non poterunt. Dulce est mustum, quia salia ei uvarum succo admixta, implicita sunt crassioribus particulis, quibus fit ut acrius pungere non possint. Quamdiu turbidum est vinum, ejusmodi est sapore præditum, qui postea crassioribus particulis in fæces demissis, multo est acrior.

33. "Quodd si dum vinum in Cupa esset, fermentari coepit, & postea dolium apertum aliquandiu fuit, tum temporis tenuissimæ & commotissimæ particulae, aliisque minimè omnium, propter tenuitatem implicitæ, in auras abierunt; adeoque quod superest aptius est ad pungendam, quàm ad utilandam Linguam. Quâ de ratione, eo tempore, asperior est vini sapor. Perinde dicere possumus fermentatione factum esse, ut subtilissimæ salium partes in auras abierint, crassiores vero superfint, quæ vehementius & asperius Linguam pungunt, quod crassiores musti partes, quibus impediiebantur, fundum dolii petierint.

34. "Vinum dolio accuratè clausum variè in eo movetur, ut necesse sit varias partes obtusiores fieri, aliàsque frictione mutuâ flexiliores; quo fit ut ad commovendos Linguae nervos ineptiores sint. Eo tempore, vinum non amplius acerbum, sed ad eam maturitatem, quâ bibi potest, videri debet pervenisse. Eodem jure dicere possumus aut salinas particulas hebetiores fieri, aut potius crassiores fermentatione ex vini ceteris particulis evullas fundum petere cum fæce aut lateribus dolii, cum sint molli inaptiores adherere, unde id nascitur, quod *Turbarium* dicitur.

35. "Dukor vini magis ac magis augetetur, nisi dolii materia aliquatenus mutaret liquorem; quem

com.

complectitur, & per ligni poros tenuissimæ abirent  
particulæ. Quam in rem affertur experimentum  
petitum ex vino, quod per annos plures in fæsta  
diligenter clausa asservatum est arenæ, in vinaria  
cellâ, infossum, & quod tandem dulcorem similem  
ei, quâ præditum est Hydromeli, adipiscitur. Cau-  
sam huius rei hanc reddere possumus, quod particulæ  
salinæ partim hebetiores fiant, partim in sæcem ca-  
dant, lateribusque vasis adhæreant.

36. " Si verò dolium sit apertum, particulæ ob-  
longæ necessariò quidem atterentur, ut aliquantò  
tenuiores fiant; sed flexiliores eas fieri necesse non  
est, quia omnium maximè flexiles & commotæ fa-  
cile ex dolio aperto elabuntur, & quæ supersunt fa-  
cile moventur in ampliore spatio, quo sit ut flecti  
eas necessariò non oporteat. Itaque nulla alia muta-  
tio longis particulis accidet, nisi quòd acuentur, vi-  
numque adeò in acetum convertetur. Verùm præ-  
terquam quòd tenuiores salium partes in auras abibunt,  
& calore aëris perpetuò agitabuntur crassiores, &  
impedimentis ceterarum vini partium liberabuntur;  
potest fieri ut ex aëre in apertum dolium nitrosæ par-  
ticulæ ingrediantur, quæ salibus vini permixtæ acidi-  
tatem creent. Ac sanè videmus liquores plerosque,  
qui corrupti acescunt, aëri expositos brevi tempore  
aescere. Notum est etiam vinum, postquam matu-  
ruit, ut sit potui aptum, si coquatur multò acerbius  
feri.

37. " Si denique diutissimè partes vini aëri expo-  
sitæ moverentur, ita tandem attererentur, ut te-  
nuiores factæ facile flecti possent; adeoque cum  
non possent amplius Linguae nervos movere, insi-  
pidum liquorem confarent, quod experientiâ con-  
stat. Sed nihil vetat quin dicamus ex aceto diu aëri  
exposito tandem particulas omnes volatilium salium  
crehi, salia verò fixa fundum vasis petere aut lateribus  
adharere adeò ut tandem nihil præter inspidum liquo-  
rem supersit.



38. Quæ cum ita sint, verifimilius est sapores omnes oriri non ex quibuscumque corporum particulis, sed ex variis salium generibus, quæ sunt corporibus omnibus admixta, & quæ separata à particulis insipidis Lingue nervos pungunt saliva diluta. Hæc summatim de saporibus dici posse videntur, nam singulorum rationem reddi non posse ostendimus.

### CAPUT XIII.

*De Qualitatibus tactilibus, & primum quidem de humiditate, siccitate, calore & frigore.*

1. **Q**ualitates tactiles dicuntur, quæ tactum afficiunt, & quatuor quidem primariæ à Scholasticis vulgò statuuntur, *humiditas, siccitas, calor & frigus*, ex quibus reliquas constare putant. Nos hinc eorum dogmata ad examen non revocabimus, quod longum esset & inutile; eorum duntaxat divisione uti sumus, ordinis causâ, itaque consideratis qualitatibus, quæ ad reliquos sensus pertinent, ad eas quæ tactuprehenduntur veniendum est.

2. Tactiles qualitates hæc \* ab Aristotele numerantur, *calidum, frigidum, siccum, humidum, grave, leve, durum, molle, scabrum, glabrum, crassum, tenue*, quas singulas etiam definit. Humidum (*ὕγρυν*) ait esse quod cum faciliè terminos suscipiat, proprio non definitur; quæ tamen definitio potius liquidi est, quamvis non admodum accurata.

3. Humidum vocatur id quod humorem admixtum habet, seu extrinsecus, seu intus, qui humor adhæret digitis nostris, si id corpus tangamus, aut quamquam

\* De Gener, & Corr. l. 2, c. 2,



quam non adhæreat, certis indiciis inesse deprehendi-  
tur. Sic humidum fit quod in aquam, aut quemvis  
liquorem immisum est, quia etiam cum ex li-  
quore eductum est, adhærent ejus superficiei variae li-  
quoris particulæ. Humidum etiam est quod in poros  
varius humoris particulas accepit, etiam si sicca est  
superficies. Exempli gratiâ, lignum siccum, quod in  
aquam immittitur, per totam superficiem humo-  
rem contrahit, quamvis intus sit humore desti-  
tutum. Contra lignum viride est intus humi-  
dum, succo quo alitur, licet extrinsecus sic-  
cum.

4. Hinc intelligimus humiditatem propriè loquen-  
do, esse liquidorum qualitatem, non solidorum, aut  
durorum. Dura enim & solida fiunt humida non ac-  
cessione qualitatis, quæ iis inhæreat, quasi subiecto;  
sed adventu particularum corporis liquidi. Hæc per-  
spicua sunt, neque Scholasticorum figmenta digna sunt  
quæ seriò confutentur.

5. Siccum *Aristoteles* ait esse quod proprio termino  
hæc definitur, alieno agrè; quæ definitio ad solida  
aut dura potius pertinet, quamquam ab consequente,  
non è rei natura petita. Siccum id dicitur cui nihil  
est humoris neque intus, neque extrinsecus admixtum,  
aut adhærens. Sic metalla sunt sicca, si modò pura  
sunt, quia nullus est iis admixtus humor intus, neque  
extrinsecus adhæret, nisi aliunde advenerit.

6. Observandum autem hîc in sermone quotidiano  
propriè humidus dici non quosvis liquores, sed eos qui  
ejusmodi sunt ut adhæreant rebus immerfis, aut earum  
etiam subire poros queant. Unde fit ut metalla lique-  
facta, & hydrargyrum vulgò negent esse humida.  
Sed Philosophi hæc etiam *humida* vocant, quæ tamen  
ad ambiguitatem vitandam, rectius *liquida* dice-  
rent.

7. Hinc intelligere est siccitatem non tam esse qua-  
litatem realem, quæ aliquid subiecto, quod siccum di-  
citur addat, quàm absentiam humoris. Ut enim quid-  
piam

piam ex humido siccum fiat, quid aliud requiritur nisi ut humor externus abstergatur, aut internus ex poris ejiciatur, ut partes tantum solidæ super sint?

8. Ne ambiguitate fallamur, observandum etiam vulgò sicca dici quæ apta sunt ad humorem adhaerentem aut inhaerentem tollendum. Sic ventus dicitur *siccus*, quo flante humida corpore sicciora fiunt, quòd nimirum, humidæ corporum particulas evehat in vapores. *Humidus* contra ventus dicitur, qui cum secum deferat vapores, eos in id quod ei obijcitur inanmittit adeoque humidum facit.

9. Hæc nulla penè difficultate laborant, sed naturam caloris & frigoris investigare difficilius est, quod antequàm aggrediamur observandum calorem & frigus hoc in loco, non significare id quod sentimus cum calere aut frigere dicimur, sed id quod est in corporibus extra nos positis, & quo fit ut excitentur ejusmodi sensationes in nobis.

10. Volunt Scholastici in igne, exempli causâ, calorem esse similem ei quem sentimus, atque hoc utuntur argumento, ignem non posse nobis conferre quod non habet, adeoque habere calorem quem in nobis excitat. Verùm si hoc rectum esset argumentum, oporteret dicere in acu quâ pungimur esse dolorem, quandoquidem nobis punctiōe dolorem creat, quod tamen nemo dixerit. Oporteret quoque ignem sentire, adeoque inter animalia reponi, si calori quem sentimus, similem haberet.

11. Sed ut plenius solvatur ea objectio, negamus ignem esse causam efficientem caloris, quem ad ingem sedentes sentimus; neque enim immediate in mentem nostram agit, sed nervos duntaxat nostros movet, atque ex hujus motus occasione, calorem, ex instituto omnium rerum Opificis, sentimus. Quam ob rem autem fiat ut commoto corpore ita percussatur mens, nulla ratio nobis occurrit, præter Dei voluntatem.

12. Ut sciamus ergo quid sit calor in corporibus, videndum est quomodo creetur. I. Cùm frigent manus, si invicem fricentur diu, calorem sentimus. Item in aliis corporibus deprehendimus, si enim ferre ferro, aut lignum ligno vehementer & diutius tetigimus, deinde manibus admoveamus partem fricatam, eam esse sentimus.

13. II. Calorem sentimus cùm igni adsidemus, cuius natura quæ sit, alibi tradidimus. Hic tantum observabimus, particulas igneas vehementissimè moveri, inde quidem corporum omnium partes divellunt; nec enim quidquam est, quod vim ignis diu ferre possit, quin dissolvatur, hoc est, variè divida-

14. III. Calx, quæ tactui frigida visa est, si aqua percutitur, tantum motum in partibus suis acquirit, ut brevi tempore omnes divellantur, & ita divulsæ sic manus nostras afficiant, ut calorem quem in nobis excitare ferre nequeamus.

15. IV. Finis qui putrescit, id est, paulatim dissolvitur, usque adeò calefcit, ut in variis Chymicis experimentis instar, moderati ignis sit.

16. V. Si in phialam aqua fortè plenam injiciamus aerem, subito ingens cernitur effervescencia, atque ita calet phiala, ut manus eum calorem vix ferre possit.

17. VI. Cùm miscentur oleum vitrioli & oleum tartari, quamvis neutrum ignem concipiat, fervent tamen in modum, & vas quo continentur calefaciunt.

18. Imò verò, omissis hisce rarioribus exemplis, quæ tum calere incipit igni imposita, cùm fumus exire incipit, hoc est, cùm particulae ab aliis divulsæ in aerem mittuntur, & tum maxime calet cùm maximum observamus motum.

19. Hisce experimentis aliisque innumeris adducti Physici, recentiores potissimum, existimarunt calorem a vario motu situm esse, quo fit ut particulae corporum

porum vehementissimè quaquaversùm agitata divellantur, & alias etiam admotorum divellant. Ac sanè hujus hypotheseos ope, omnium, quæ vi ignis fiunt, ratio facillè redditur.

20. I. Cùm fricamus invicem manus antea frigidas, calescunt, quia particulae quibus manus nostræ constant, & potissimum cutis incipiunt moveri, quo fit ut concutiantur nervi, caloremque sentiamus. Similiter si ferrum ferro, lignum ligno teramus, divellimus attritione eorum partes, eaque admota manibus nostris eas calefaciant. Imò verò sæpe animadversum est rotas currus tempore æstivo, & tempestate sicca celeriter accendi, flammam concipere; unde apparet flammam ex motu nasci, ac proinde etiam calorem.

21. II. Adfidentes ignicalorem sentimus, quia igneæ particulae ad manus nostras appellentes, aut aërem vicinum moventes, particulas, quibus corpus nostrum constat, simili motu cient. Nulla alia probabilis ratio ejus rei reddi potest.

22. III. Calx etiam calida fit motu, addito enim liquore cuius particulae moventur & poros calcis subeunt, ita divelluntur ut subito effervescent.

23. IV. Fumus putrefactus calorem concipit, quia particulae ejus tunc variè agitantur, quod liquet ex eo quod quaecunque in fumo putrescunt dissolvantur, ac tandem in pulverem abeant. Itaque hîc quoque motus agnoscendus est.

24. V. Phiala in qua est aqua fortis continet liquorem, hoc est, corpus cuius partes omnes vehementer agitantur. Itaque, si coniecto in eam alio corpore effervesceat, tribuendum id est motui aquæ fortis; cuius particulae acutæ ita subeunt poros æris, ut id subito dissolvant, quod non potest fieri sine motu, quoniam ab invicem partes divelluntur.

25. VI. Simile quiddam fit in mistione olei vitrioli cum oleo tartari, particulae enim eorum liquorum non possunt effervesce sine motu, adeoque eodem motu calescunt. Nunc non inquirimus quare eæ partes ita

mis-

istæ effervescent; satis est modò constet fervorem, si est caloris causa, esse speciem quandam mo-

26. VII. Hoc idem manifestò cernimus in aqua quæ calefit, & tum demum calida deprehenditur, cum particulae ejus moventur vehementius quàm antea solent. Hoc liquet ex eo quòd, eo tempore, vapores ex aquâ ascendant, quod non fit nisi motu; unde videmus si aqua calens in vase aperto sit & diu caleat, tandem omnes ejus partes in auras abire, ut nihil in vase supersit. Ad oculum etiam hoc apparet ex motu aquæ fervescantis, cum enim vehementissimè moveatur, tum acerrimè urit.

27. Eadem admissâ hypothesi, & objectionibus & difficultatibus omnibus non difficulter satisfacit. Obstant, exempli causâ, globum tormento majore, aut scopeto emissum, quamvis celerrimè motum non incalescere, cum ea quæ perforat non comburat. Sed non diximus in rapiditate, qua totum quæpiam corpus movetur, situm esse calorem, verùm in vario particularum ejus motu. Quamvis autem globus tormento excussus celerrimè moveatur, si totam ejus massam spectemus, attamen singulae particulae inter se non agitantur.

28. Hinc colligere est, quam ob rem ferrum quodam currûs cingitur, non caleseat, ut ejusdem rotæ modius. Quamvis enim canthus rotæ motu suo majorem circulum describat, quàm modius; attamen canthi partes inter se invicem non agitantur, cum modii particulae perpetuâ frictione axis divellantur.

29. Sed & viria alia Problemata eadem hypothesi solvantur, quorum, exempli causâ, aliquot addemus. I. Quærent quâ fiat ut ferrea lamina, quæ forcipibus tenetur, & limâ atteritur incalescat, cum lima calorem nullum concipiat? Nempe, dentibus limæ vehementer concutiantur particulae laminæ ferreae, & cum lima semper eandem partem ferri atterat, non ipsam den-

dentibus hoc efficit, nam juxta longitudinem movetur; variæque ejus dentes vicibus laminam ferream terunt. Hinc fit ut lamina incalcescat, dum nullus aut tenuis in lima deprehenditur calor.

30. II. Queritur quare ferrum quod limatur magis incalcescat quam æs, aut plumbum? Cum ferrum sit multo durius & rigidius quam æs aut plumbum, ut partes ejus evellantur sæpius & vehementius eas lima agitari necesse est, quam particulas æris aut plumbi, quæ minore multo nisu à se invicem separantur. Itaque que lima postquam semel æneas aut plumbeas particulas concussit, eas loco deturbat, neque amplius agit; cum ferrea aliquamdiu concuti debeant, antequam devellantur. Atque hoc responsum confirmatur alio experimento; si enim lima obtusâ, aut ferro lævi aggrediamur terere plumbum aut æs, hæc calefieri perinde ac ferrum conperimus, quia tum eadem particulae sæpius agitantur antequam evellantur.

31. III. Queritur quare ferra quâ lignum finditur incalcescat, non verò lignum? Cum, nimirum, ferra utrimque ligno urgeatur, non potest in arcta rima agitari, quin particulae ejus vehementer moveantur adeoque incalcescant. Sed lignum fissum, neque incalcescere potest eâ parte quâ ferræ dentibus particulae ejus devellantur, quia non satis resistunt, neque lateribus fissuræ, quæ progrediente ferra diu ejus motu non concutiuntur, nisi sit lignum durissimum. Tum enim cum ferra lentè progrediatur, easdem partes diutius fricat, adeoque calefacit; unde fit ut lignum tunc temporis odorem emittat, qualis est is qui cum comburitur nares nostras ferit, & postea etiam veluti ambustum cernatur.

32. IV. Queritur quare cum major clavus in lignum durum immittitur malleo, dum progreditur non incalcescat, sed eo duntaxat tempore quo hæret, & malleus caput ejus planius duntaxat facit? Ex hypothesi nostra, clavus non potest incalcescere, cum totus movetur simul, ut lignum subeat, quandoquidem par-

ex his variè inter se non agitantur. Sed cum caput  
motus ictibus planis sit, aliæ partes ad aliarum late-  
rius relictum recedunt, quod non fit sine mutuo par-  
tium ferri conflictu, quo motum acquirunt quo calor  
generatur.

33. V. Quandoquidem in ejusmodi motu situs est  
calor, hinc sequi videtur ea quæ vehementissimè mo-  
ventur magis urere, quam quæ non ita moventur. At-  
tamen constat ferrum candens gravius urere, quam  
flammam, cujus motus videtur major. Quærent  
ergo quomodo hoc fieri possit? Verum est ex duobus  
corporibus variè motis, si cetera sint paria, id vehe-  
mentius combusturum, quod celeriora motu agetur;  
sed potest fieri ut partes solidiores & crassiores, quam-  
vis non ita moveantur ac tenuiores, gravius tamen, ob  
soliditatem & crassitiem, comburant.

34. VI. Quæritur quare flamma, cum sit æquè rapi-  
da, non sit tamen æquè calida? Flamma palææ non tam  
calet, ac flamma quercus, nec flamma quercus tam  
calet ac flamma carbonis lapidei; quod ea de causa ac-  
cidit, quia particule palææ quæ flammam quam emit-  
tunt non æquant soliditate particulas quernas, ne-  
que particule quernæ lapideas. Itaque necesse est flam-  
mam vehementiorum esse prout solidioribus & crassio-  
ribus partibus constat. Hinc videmus fabros ferrarios,  
ut ferrum cudant, potius uti carbone lapideo quam  
alio, quia ferrum magis ejus flammam afficitur, ob cau-  
sam memoratam.

35. VII. Quæritur quomodo flamma duos contra-  
rios effectus edat simul, cum induret lutum, & lique-  
faciat ceram? Observandum lutum molle non esse nisi  
quia particule terrestres sunt aqueis veluti dilutæ; ita-  
que si aqueæ vi ignis evahantur in vapores, necesse est  
manere duntaxat terrestres, quæ naturam suam duriores  
sunt, & figuris ita inter se implicatæ ut corpus solidum  
conficere possint. Contrà verò in cera particule sunt  
homogeneæ, quæ omnes æquè agitantur vi ignis, adeo  
ut aliæ non possint in vapores abire, dum aliæ manent.

Ita.



Itaque tota cere massa fit mollis, cum partes ejus concuti incipiunt.

36. VIII. Ex iisdem principiis satisfit questioni, quare calore alia corpora rarefiant, alia densentur? Si corpus, cujus partes arctius conjunctæ sunt, incalasciat, partes ejus, nisi sphericæ sint, dum circa centra sua agitantur necessario angulis, aut partibus à centro remotioribus collidentur, adeoque se invicem amovebunt, quâ ratione rarefiet corpus. Sc. videmus plerumque liquores, igni impositos, ebulliendo rarefieri. Sic & corpora solida, quæ dum incalascunt magnos fumos non emittunt, calore tumescunt. Sed si partes corporis, quod igni admovetur, naturâ suâ leves & mobiles, juxta se invicem quiescant, adeo tamen ut spatia ampliora inter se relinquant, & rari corpus conslent, accedente calore fiet ut eæ partes propius ad se invicem accedant; quod in nive fieri videmus, quæ multo minus spatium liquefacta occupat, quàm antea.

37. Cum aquæ partes motu dilatentur, dilatari etiam oportet aërem si calor augeatur. Particulæ enim aëris vehementius commotæ, & circa sua centra actæ à se invicem recedere coguntur, non minus ac aquæ. Quo major ergo erit calor sive motus aëris, eo magis rarefiet; itaque si possemus metiri gradus rarefactionis aëris, possemus etiam gradus caloris indicare.

38. Rarefactionem autem aëris ut metiri possent Physici, instrumentum invenerunt, quod *Thermometron* vocarunt, seu caloris mensuram, cujus hæc est figura. DF est tubus vitreus tenuis, duos pedes circiter longus, & qui est veluti collum bullæ vitreæ A, cujus diameter potest esse circiter trium digitorum. Inferior pars est incurvata, & in aliam bullam F definit, cui inest foramen B.

39. Cavitas Thermometri primum est plena aëre, cujus pars aliqua emittitur, calefaciendo bullam A; quo facto, illico immergitur bulla F vasi aquâ fortiter ple-

[illegible]

Fig. XIV.





Fig. XV.



*Fig. XVI.*

*F*




Fig. XVII







*De Corpore in Genere. Cap. XIII. 455*

quæ aqua fortis diluto ære solet videri colore  
Sumitur aqua fortis potius quàm vulgaris quia

ut hæc non concrefcit, & difficiliùs in vapo-

Postquàm ær, qui est Thermometro clau-

figefactus est, non potest tantum spatium ac an-

cupare, itaque cogitur in superiorem bullam re-

edere subeunte aquâ forti, quæ & proprio ponde-

vi æris incumbentis per foramen B bullam F

& in tubum ascendit circiter ad locum C. His

educitur tubus vitreus è vase cui erat immer-

atque excavatæ tabulæ immittitur, in qua varii

sunt numeris notati.

Quò magis liquor viridis cogitur descendere, ra-

tione æris, quem bulla superior continet; eò

est calor loci, in quo est Thermometrum. Con-

quo magis est frigus, eo magis ascendit liquor, quia

frigore contractus non potest tantum spatium tueri,

vim prementis liquoris, qui ære externo impel-

versus summum tubum.

Possset tamen error subesse, in æstimatione caloris

ope hujus Thermometri, quia cùm pondus æ-

not sit semper æquale, possset fieri ut quandoque

magis premeret liquorem contentum bulla F, quàm

solet; si, nimirum, plures sint in ære vapores,

us sine dubio pondus ejus augetur. Hoc autem

statum æris pondus cogeret liquorem altius ascen-

per tubum F D, quamvis non esset frigidior

adeoque in errorem incautos potest indu-

Hinc factum ut inventum sit aliud Thermome-

quod constat tantum phialâ vitreâ, cujus col-

longissimum & tenuissimum est, qualem hic appin-

Per foramen A injicitur ea copia spiritus vi-

quæ possit Phialam implere ad locum B. Deinde

omitas A in flammam lucernæ immittitur, ac

claudita clauditur, confectumque est Thermome-

Cùm augetur calor rarefit spiritus vini, & supra

B as-

B ascendit, cogitque aërem, qui est in parte col-  
 BA, versùs superiora, in arctius spatium. Hanc au-  
 tem condensationem non ægè patitur, quia dum flammâ  
 internæ extremitas tubi iquefit, ut claudatur, præ-  
 ter modum dilatatur aër. Contrà si magis frigeat, in  
 arctius spatium cogitur spiritus vini, & descendens  
 infra locum B, patitur aërem præter limites suos ex-  
 tendi. Itaque hujus Thermometri ope, de gradibus  
 caloris judicium ferimus prout magis aut minus as-  
 cendit spiritus vini; neque inæqualitas ponde-  
 ris aëris ullam mutationem huic rei asserre po-  
 test.

44. Attamen quia spiritus vini non statim dilatatur,  
 non possunt illico animadverti subitæ mutationes aëris;  
 & quia ea rarefactio tenuis est, vix satis animadverti  
 posset, nisi longissimum & tenuissimum collum Ther-  
 mometro fieret. Sunt etiam hujusmodi Thermometra  
 quorum collum non rectum est, sed vehuti in undas ad  
 dextram & sinistram vicibus declinantes sinuatum; hæc  
 enim ratione fit ut facilius & celerius ascendat spiritus  
 vini, & graduum differentia facilius observetur.

45. Inventâ caloris naturâ, non ægre possumus fri-  
 goris naturam definire, quæ est naturæ coloris contra-  
 ria. *Aristoteles* quidem definit calorem quod ea congregat  
 quæ ejusdem sunt generis, & segregat aliena: frigus  
 verò quod ex æquo cogit ac congregat, tam quæ ejusdem  
 sunt generis, quàm quæ diversi. Quæ definitiones pe-  
 titæ sunt ex accidentalibus effectibus. ignis & frigoris;  
 nam igne purgantur metalla corporibus heterogeneis ad-  
 missis, gelu verò constringuntur quandoque simul res  
 variorum generum. Verùm ex hisce effectibus non li-  
 quet quæ sit utriusque natura.

46. Itaque ut diximus calorem situm esse in motu  
 vario & vehementi particularum, quibus corpora con-  
 stant, frigus non videtur distingui posse à quiete ea-  
 rundem partium; nihil est enim motui contrarium,  
 præter quietem. Sed quia potest esse plenior quies,  
 aut minus perfecta, alia aliis possunt esse frigidiora.

Præterea potest esse motus, ut antea vidimus, sed non is qui requiritur ad excitandum calorem, ut si omnes partes corporis simul in eandem coeli plagam moveantur. Quandoque hæc corpora frigida dicuntur, quod paullo distinctius exponendum.

47. Contraria omnia in frigore animadvertuntur quam in calore. I. Si hyeme & frigente aëre diu quiescamus, nisi simus pluribus & gravioribus vestibus tecti, frigemus; quia, nempe, particulae corporis nostri, quæ semper aliquatenus moventur, præter morem quiescunt, quo fit ut nervi nostri rigescant & torpeant, exciteturque in nobis sensatio frigoris.

48. II. Si manibus tractemus corpora, quorum partes quiescunt, ut sunt corpora durissima lapidum & metallorum, frigus sentimus; quia illorum corporum partes motum particularum pellis nostræ aliquatenus adiungunt, adeoque solito minus partes externæ manuum nostrarum moventur.

49. III. Varia quæ dum moventur calent, postquam quiescunt aut minus moventur, frigent. Calx postquam cessavit effervesce, frigida est, aliæque omnia, quæ antea diximus motu incalescere, & quæ hic nominibus non appellabimus.

50. IV. Satis erit addidisse exemplum quotidianum aquæ, quæ quò vehementius fervet, hoc est, quò celerius movetur eò magis caler, prout verò minuitur motus, nec eò magis frigescit, donec tandem concreta gelu frigidissima videatur.

51. V. Ut ad excitandum calorem requiritur motus particularum non modò vehemens, sed etiam varius: ita ad frigus creandum, oportet à re frigida abesse motum varium, non in certam partem directum. Sic si fluvium rapidissimum consideremus, motum illum undarum mare per declivem alveum petentium, calorem nullum novum ei asserre comperiemus.

52. Itaque frigus est quidem situm in quiete, sed quia quies particulis varè motis induci potest motu quodam contrario, possumus etiam dicere quando

doque frigus nasci ex motu, sed non quovis.

53. Præterea frigus potest *absolutè* dici, aut *comparatè*. Frigida sunt absolutè loquendo, quorum particula ita juxta se invicem quiescunt, ut nullo planè vario motu agantur, quantuluscunque sit. Frigida sunt comparatè quæ aliis frigidiora sunt, seu quorum particula lentiori motu aguntur. Sic quando nobis valdè calent manus, si eas immittamus in aquam tepidam frigida nobis videbitur, quia minùs moventur ejus particula quàm manuum nostrarum. Contra si quis summopere frigeat, immittatque manum in aquam, eandem calidam eam esse dicet, quia particula aquæ celerius movebuntur, quam manus ejus frigentis particula.

54. His positis, varia problemata proponuntur ad frigus pertinentia quæ memorata Hypothesi non incommodè solvuntur. Aliquot, exempli causâ, proponemus. I. Quæritur quare aqua, quæ est corpus liquidum, frigidior sit corpore nostro, quod aliqua ex parte solidum est? Quia, nempe, corporis nostræ particula quæ variis liquoribus ferventibus perpetuò allaiuntur, necessariò vario inter se motu semper agitantur, & aut celerius moventur particulis aqueis; aut cum sint solidiores & crassiores, non tantum motum à particulis aqueis accipiunt, quantum in eas transferunt.

55. II. Quare corpora frigida, dum aliud refrigerant, calefiunt? Sic si ferrum in manus sumamus, statim frigidius id esse manibus nostris sensu experimur; sed si diu hæreat in manibus nostris, modò ne aëris frigus sit immodicum, paulatim calefit. Hoc autem fit quia tandem manus nostræ, perpetuò motum quem particulis ferri communicant, à sanguine recipientes, eundem tot motûs gradus in ferrum transferunt, quot in ipsis sunt.

56. III. Quare corpora nonnulla aliis frigidiora sunt? Sentimus marmor, nisi externus calor accesserit, lig-

multò frigidius esse. Hoc ex eo oritur quod in corporibus aliis plures sint particulae quiescentes, quàm in aliis. Sic marmor, quod est multò gravius ac compactius ligno, pauciores multò superficie suâ complectitur particulas motas, quàm lignum quod est valdè porosum, & intra quod proinde multò plures particulae fluidissimæ materiae agitantur.

57. IV. Unde fit ergo, inquires, ut nix quæ usque adeò rara est, frigidior videatur quàm marmor? Cum dicimus, nempe, id corpus intra quod plures particulae quiescunt, frigidius videri oportere, quàm id in quo plures particulae moventur; id ita intelligi debet, modò utriusque partes sint æquè mobiles. Nam si supposuerimus corporis cuiuspiam partes quiescere quidem, sed facillimè posse eam quietem amittere; hoc corpus brevi tempore agitationem particularum corporis calentis admitteret, adeoque id frigefaciet. Hoc autem fieri non posset à corpore, quod plures quidem particulas juxta se invicem quiescentes ambitu suo complecteretur, sed quæ multò difficiliùs moverentur. Itaque necesse est eum qui liquefaciet in manibus nivem, quæ rarissima est, magis trigesieri, quàm si marmor tractaret.

58. V. Quare frigus exsiccat? Videmus enim lutum hiberno tempore æquè exsiccare, ac æstivo calore. Ratio est in promptu, cum enim humiditas, ut diximus, sita sit in particulis liquoris corpori humido adhærentibus, si contingat eas particulas motum pristinum amittere, corpora quibus adhærent videntur sicca.

59. VI. Quare frigus est corruptioni contrarium? Quia calor agitando corporum particulas eas divellit, & sic tandem corpora quæ iis constant corrumpit: contrà frigus, dum particulas eodem situ continet, obstat quo minùs dissolvantur corpora.

60. VII. Quare summo frigore finduntur lapides? Si, nimirum, satis pateant eorum pori ut aquam excipere possint aliquâ copiam, fieri non potest quin aqua

illa concreſcendo dilatetur, ac proinde pororum parietes vehementer pellat, & quandoque eā impulſione lapidem dividat.

61. VIII. Quare fructus & plantas gelu corrumpit? Nam videmus plantas, quæ gelu concretæ fuerunt marceſcere, & fructus putrefieri, cū gelu deſinit. Reſpondent viri docti oportere potiùs dici calore, cū ſolvitur gelu, ea corrumpi; qui cū non poſſit poros concretorum fructuum penetrare, priſtinam mollietatem partibus fructuum interioribus reddere nequit, quin aliarum partium diſpoſitionem deſtruxerit, ac proinde quin magnam mutationem toti fructuum maffæ creaverit.

62. Ut hoc comprobent, obſervant extremas plantarum partes, quæ ut plurimum majorem humoris copiam complectuntur quàm alæ, ſerè ſolas frigore corrumpi; neque gelu iis nocere, niſi poſtquàm gemmarint. Cujus rei rationem nullam reddi poſſe putant, niſi dicamus, cū nondum plantæ gemmarunt, nondum ſat magnam ſucci copiam habere, poroſque earum ſatis patere, ut ingreſſum præbeant ſubtiliori materiæ, quæ motum partibus quæ eum frigore amiſerunt reſtituit; ita ut neceſſe non ſit nexum earum, in quas primū agit, & quæ exteriores ſunt, ab ea ſolvi, antequàm ad interiores perveniat.

63. Addunt etiam in Septentrionalibus oris, in quibus quandoque tantum eſt frigus, ut homines in frigido aëre ambulare nequeant quin extremæ partes frigore concreſcant; partes ita concretas, ut naſum, & digitos ſervari cautione hac, quòd ii homines ad ignem non accedant, ſed nive ſibi eas partes fricari jubcant.

64. Verū hæc reſponſio difficultate non caret, loquuntur enim hic de calore aut materia ſubtili quaſi de re animata quæ ſtatuerit per concretos fructus ſibi viam aperire, & quæ primū obſtant dimoveat ut reliqua perfringere commodiùs poſſit. Deinde interiores fructus concreti partes non minùs corrumpuntur, quan-

quando solvitur gelu, quâ externæ, licet paullo seri-  
us, quia calore externo extimæ partes primùm sol-  
vuntur.

65. Commodiùs videtur hujus rei ratio reddi, si  
dicamus succum fructuum concretorum, cùm concre-  
cit, dilatari, & particulus primùm flexiles rigidas fieri,  
quod experientiâ in aliis concretionibus constat, ut po-  
stea videbimus, & ipsi fatentur. Non possunt autem  
particulæ succi dilatari & rigidæ fieri, in fructu, exem-  
pli causâ, in pomis, quin teneras fructuum partes vi-  
cinas variâ ratione violent; quo fit ut, accedente ca-  
lore, fructus quorum contextus est solutus facilè ta-  
bescant. Idem dicendum de tenuioribus plantarum  
partibus.

66. Arbores gemmantes frigore idè potissimùm læ-  
duntur, quòd eo tempore in extremis ramis sit maxi-  
ma succi copia, quæ quò major est, cùm concrevit,  
& rigida fit, eò majorem noxam gemmæ & teneriori-  
bus ramis creat. Ac sanè videmus frigore intentissimo  
non modò gemmis arborum noceri, sed etiam arbori-  
bus crassissimis, ut Nucibus, aliisque quæ prorsus  
exsiccantur, aut saltem ramos plurimos amittunt, si  
nimia fuerit hyems. Nempe, succi quibus turgent us-  
que aded dilatantur, ut fibras, in quarum tubis con-  
tinetur, perfringant, & fissuras in arborum truncis  
creent.

67. Nec solidæ duntaxat partes corporum duorum  
frigore corrumpuntur, ipsi liquores concreti, si quam  
vim antea habuerint, eam amittunt magna ex parte;  
ut constat cerevisiæ, & vini, si concrevant gelu,  
exemplo; neque enim postea eum saporem, eamque  
vim habent ac antea. Nempe, dilatatione ejusmodi  
partium pori liquorem magis patent quàm antea,  
adeoque subtiliores salium partes non difficulter emit-  
tunt.

68. Ii quibus Nasus aut Digni concreti fuerunt non  
audent subito ad ignem ardentiorē accedere, ne ni-  
mis subito motu particularum sanguinis rigidarum, &



nondum satis liquefactarum lædantur venarum & articularum tunicæ. Sed & cum præter sanguinem, corpus nostrum humoribus aliis turgat, idem ex horum nimis subita liquefactione nascitur periculum. Itaque sibi fricari curant partes concretas nive, ut paulatim gelu solvatur.

69. IX. Quærent Phisici quare gelu aqua in solidam massam concreſcat, alii verò liquores, aut nullatenus concreſcant, ut spiritus vini, aut saltem massam duntaxat mollem conficiant, ut oleum? Hæc cum frequentissima sint, difficillima sunt explicatu. Respondent quidem vulgò particulas aqueas motum amittere, unde fit ut juxta se invicem quiescant. Sed primum, sola quies non potest esse vinculum tam firmum particularum corporis fluidi, ut ostendimus quando de soliditate egimus. Deinde quæritur quare olei particule non æquè quiescant juxta se invicem, ac particule aquæ, adeoque non conflent concretæ corpus æquè durum ac aqua? Certè nulla ejus rei ratio nobis occurrit, quæ possit ex natura olei aut aquæ deduci, si memorata hypothesis vera est. Postremo intelligi nequit quomodo ære vehementur commoto, neque ullatenus concreſcente, ita quiescat aqua, si quies sola sit concretionis causa.

70. Sunt qui dicant 1. subtiliorem materiam quæ dum inter particularum aquearum poros meat, liquiditatem ejus facit, minore motu agitari, nec posse amplius eundem motû gradum aqueis particulis communicare: 2. ex ære in aquam hiberno tempo e cadere varias nitrosas particulas, quæ destitutæ pristino motu quo erectæ fuerant, versùs inferiora detruuntur; atque hinc fieri ut aqua concreſcat, particulas enim nitri rigidas & acutas motum aquearum particularum impedire.

71. Volunt autem aquam concreſcere, non verò spiritum vini, aut ejusmodi liquores; quòd particule aqueæ, ut pote crassiores, majore vi movente indigeant, quàm particule spiritûs vini, ut fluiditatem uam ser-

servent. Si oleum non tam arctè concrefcit ac aqua, oriri hoc volunt ex peculiari natura particularum oleo-  
larum, quæ poris fortè fcant, per quos materiæ  
fubtiliori perpetuò aperta via eft, cùm fingulas forè  
particulas aqueas non permeent. Verùm præterquàm  
quòd hæ fint novæ conjecturæ, fupponunt femper par-  
ticularum aquearum concretarum foliditatem ex foli  
quiete oriri.

72. Ad nitrofas particulas quod attinet, fi clavorum  
inftar infingerentur particulis aqueis, multasque inter fe  
ita continerent, poffent aliquid ad aquæ concretionem  
conferre; fed folvuntur, vel diffipantur in poris aquæ.  
Deinde fi concretam aquam deguftemus, nullam in ea  
faluginem deprehendere poffumus. Fatendum tamen  
admixto nitro aquam refrigerari, & concrefcere etiam,  
quam in rem legendus eft liber \* *Rob. Boylei*, in quo  
experimenta de frigore collegit, & multa hanc in rem  
habet lectu digniffima.

73. Miffis conjecturis, quarum nullus effer finis, ob-  
fervabimus aquam concretam dilatari, contrà quam pu-  
tabant Scholaflici, quòd partes ejus, antea flexiles, rigi-  
dæ factæ non tam aptè inter fe difponantur ac antea  
adeoque majore fpacio indigeant. Hoc liquet experi-  
mentis quotidianis, videmus enim phialas aquâ plenas,  
fi concrefcant, frangi, videmus aquam concretam liquidâ  
leviorem effer, quandoquidem fupernatât.

74. Obfervavit etiam Boyleus vafis non magni, aquâ  
pleni, operculum primò 56 deinde 74. libris onuftum,  
concrefcente aquâ fubjectâ fuiiffe amotum; unde quan-  
ta fit vis illius concretionis liquet, circa quam varia  
etiam profert experimenta. Exiftimat aquam ad gla-  
ciem ex ea confectam, fe habere circiter ut novem ad  
decem, adeoque juxta leges hydroftaticas  $\frac{1}{10}$  partem  
glaciei aquæ innatantis oportere eminere. Curiofiores  
harum rerum cum adire poterunt.

\* Eft editus Londini an. 1683.

## CAPUT XIV.

*De Duritie, Mollitie, & Fluiditate,*

I. **Q**uando tactu corporum superficiem palpat, alia deprehendimus ita tactui resistere, ut aegre dividantur, imò verò ne totis quidem viribus nostris dividi queant. Hæc *dura* vocamus. Alia verò ita tactui resistunt, ut vel minimâ vi divellantur, quæ *mollia* à nobis solent dici. Alia denique quæ magis tactui cedunt, *liquida* vocantur. Quorum omnium naturam investigant Physici.

2. Scholastici existimant *dura* ea esse corpora, quæ homogeneæ materiæ maximam copiam superficie suâ comprehendunt, *mollia* verò ac *liquida*, quæ minorem ejusdem copiam contineant. Itaque durissima quæque densissima habent, molissima & liquidissima contrà rarissima. Illi quidem densationem intelligunt, quæ fiat nullâ ex corpore densato elabente materiâ; & contrà rarefactionem, quâ, nullâ accedente materiâ, corpora amplius spatium quàm antea occupent. Verùm hæc absurda sunt figmenta, cùm densatio nihil sit præter contractionem pororum, rarefactio autem nihil præter eorundem ampliacionem, quod vix fieri videtur nisi decedente ex poris, aut in eos ingrediente materiâ quapiam subtiliore.

3. Itaque his missis, quamvis verum sit varia corpora densa esse dura, qualia sunt metalla & lapides, non tamen hinc sequitur densitatem duritiei esse causam. Hoc manifestum fit, exemplo glaciæ, quæ, ut ostendimus Capite superiore, durior cùm sit aquâ, at tamen hac rarior est. Dilatatur enim aqua, dum conrescit, & cùm liquifit contrà densatur.

4. Hoc cùm viderent Recentiores, dixerunt corpus du-

durum id esse, quod constat particulis quæ ita juxta se invicem quiescunt, ut earum inter se textura non dissolvatur interfluente materiâ liquidâ; unde consequens est id durissimum esse corpus, quod plurimas habet partes, juxta se invicem quiescentes, & contiguas.

5. Verùm in hanc sententiam descendere non possumus, nisi statuamus contiguitatem & quietem partium vim habere resistendi; quod, ubi de Soliditate egimus, confutavimus. Ac sanè contiguitas partium, cum non obstat quominus diversæ sint substantiæ, non potest earum divulsionem impedire. Quies verò, cum nihil sit, non potest motui resistere.

5. Fatemur quidem partes corporis duri esse contiguas, & juxta se invicem ut plurimum quiescere; verùm hæc resistantiæ, quam in corporibus duris sentimus, causam esse posse non intelligimus. Sed sunt corpora dura, quorum partes singulas moveri agnoscunt ii contra quos disceptamus, ut, exempli causâ, catinus testaceus in quo liquefiunt metalla, cum diu in igne fuit. Cum diu igne admoto intensissimum calorem concepit, qualis est necessarius ut liquefiant metalla, durus tamen est, cum variè partes ejus moveantur.

7. Si dixeris duriciem oriri ex aëris & materiæ subtilioris pressione, quæ corporum durorum partes undequaque ambeunt, eadem hac in responsione occurrent difficultates, quas contra eos, qui soliditatem in didem oriri putant, antea attulimus. Itaque præstat hic fieri causam duriæ, non minùs ac Soliditatis, nobis esse ignotam.

8. At amen ex Hypothesi eorum, qui putant duriciem nasci ex contiguitate & quiete partium, sunt qui velint omnia feliciter expediri. „ Eâ positâ, \* in-  
„ quunt, duriciæ naturâ, hinc sequitur corpus durum  
„ non posse nisi ægre dividi. Si enim, exempli cau-  
„ sâ, ad ejus partem quampiam digitum admoveo,

V 5

eam

\* Jac. Robatius Phys. P. I. c. 22.

„ eamque pello; necesse est resistantiam à me sentiri,  
 „ quæ fiet non modò iis partibus quas immediatè tan-  
 „ go, sed etiam iis omnibus quæ post eas sunt. Imò  
 „ etiam sæpe facilius erit integrum corpus durum mo-  
 „ vere, quàm ex eo partem divellere; quia totum  
 „ corpus magis erit connexum, & magis quiescet re-  
 „ spectu ejus partis, quàm corpora vicina respectu to-  
 „ tius corporis.

9. Verùm si reputemus corporum partes singulas, quantævis tenuitatis, substantias esse, quarum nulla ab aliis pendet, nunquam intelligemus quomodo solà quiete & contiguitate, usque adedò inter se vinciantur, ut divelli nequeant. Cùm quies sit mera privatio motûs ut alibi ostendimus, ne minimo quidem motui potest resistere. Itaque digitis nostris metalla & lapides durissimos cedere oporteret.

10. Quamvis duritiei causa inveniri posse non videtur, mollitiei, & liquiditatis natura exploratior nobis est. *Mollities* enim, ut ab hac initium faciamus, videtur oriri ex eo quod corporum mollium partes eo vinculo, quodcunque tandem sit, quo durorum & solidorum partes connectuntur, non sint omnes unitæ, sed sint interstitia quædam inter varias particulas. Hinc fit ut aliquatenus resistant, quia nonnullæ sibi invicem adhærent, nec tamen difficulter digitos altius in ea corpora immittamus, quia aliæ nullo modo inter se connectæ sunt.

11. Hinc intelligimus quare nonnulla quæ dura sunt molliri queant, quod videmus contingere in cera igni admota, aut manibus calidis tractata. Calore enim ignis aut manuum partes, non arctè connectæ, divelluntur, dum aliæ arctius connectæ unitæ sunt nisi major accedat motus. Si enim vehementer sit motus, ut si cera catino candenti injiciatur, illico liquefit tota.

12. *Aristoteles*, ut antea vidimus, definiit humidum quod alienis terminis continetur, quam definitionem propriè liquidis convenire diximus. Verùm ex hoc quod

In omnibus corporibus liquidis animadvertere est, ea, nisi corporis solidi finibus circumquaque claudantur, continuò diffluere; colligere possumus eorum naturam in eo esse sitam, pòdd particulæ, quibus constant actu à se invicem disjunctæ perpetuò agitentur, quòd, nimirum, subtilior materia in interstitiis particularum illarum, magnâ copiâ sit; & quaquaversum per ea feratur. Si quis autem quæsierit quare ea materia subtilis liquida sit, cùm non detur materia subtilior in infinitum, quâ minùs subtilis partes circumagantur; respondent Philosophi tantæ tenuitatis particulas actu à se invicem divulsas facillimè motum quo aguntur conservare, quia aliorum corporum motibus nullo negotio agitur.

13. Hæc conjectura, de causa liquiditatis, variis experimentis confirmatur, quorum aliquot jam attulimus Lib. II. c. VII. ubi de *Aqua* egimus. Itaque eò breviores erimus, hæc in loco.

14. Quæri solet. I. Quare corporum liquidorum partes tam facillè dividantur, cùm tanta sit durorum resistentia? Ut nescire nos fateamur unde oriatur illa durorum corporum cohærentia, videmur ex hypothèsi modò allata facillè exponere posse quemodo liquida dividantur. Nimirum, eorum particulæ jam sunt actu divisæ, & præterea moventur in varias partes, quo sic ut impulsæ facillimè digitis cedant.

15. II. Quare saccharum & salia variorum generum in liquorem coniecta dissolvantur? Nempe, cùm particulæ liquorum quæ perpetuò agitantur, incidunt in corpora quorum poros subire queunt, continuo illo motu partes eorum divellunt, & secum quaquaversum rapiunt. Sic videmus saccharum in aquam coniectum brevissimo tempore ita dissolvi ut nullum ejus superfic vestigium; imò verò si pro ratione sacchari magna sit aquæ copia, eas particulas usque adeò per aquam dissipari, ut non modò oculos fugiant, sed etiam gustu deprehendi nequeant.

16. III. Quare liquoribus nonnulla corpora partim

tantum dissolvantur, quod in *Glycyrrhiza* videmus, cuius pars aquâ soluta dulcem eam reddit, altera in fundo vasis insipida manet? Omnia, scilicet, corpora ita non sunt homogenea, ut uno prorsus genere partium constent; imò pleraque, & fortè omnia, mista sunt. In *Glycyrrhiza* sunt particulae lignae, & fibrosae quae insipidae sunt, sunt & aliae felinae & tenuiores, quae sapore dulci praeditae linguam afficiunt. Haec aquâ solvantur, illae integrae manent; haud aliter ac si in aquam conjiciatur caro salsa, cuius partes sine mutatione manent, dum sal quo condita fuit aquâ solvitur. Aqua particulas quae possunt divelli facilius, primum divellis, quales sunt particulae salinae.

17. IV. Quare particulae corporum liquoribus solutorum, quamvis aqueis particulis graviore, fundum non petant? Videmus enim salium particulas per totam aquae substantiam spargi, cum tamen singulae graviore sint molibus paribus aquae. Respondent Physici non modò spectandum hic aquae pondus collatum cum particularum salinarum pondere, sed etiam ejus motum perpetuum, quo fit ut particulas graviore aqueae particulae in altum subvehant, quemadmodum videmus motu aeris varia aëre sine dubio graviora sustineri. Praeterea particulae corporum solutorum possunt ita implicatae esse liquorum partibus, ut harum motum necessario sequantur.

18. V. Quare aqua non possit dissolvere nisi certam corporis dissolubilis massam, pro aquae copiâ? Scilicet, ut dissolvantur partes salium, exempli gratiâ, necesse est partes dissolutas excipi aqua poris, & inter particulas aqueas latere. Itaque si omnes pori sint jam pleni salinis particulis, cum nullus sit locus quo plures excipiantur, major salis copia eâ aquâ dissolvi non potest. Eadem esse videtur ratio omnium liquorum dissolventium, & corporum dissolutorum.

19. VI. Quare postquam aqua dissolvit certam salis copiam, adeo ut majorem dissolvere nequeat, aluminis tamen & vitrioli aliquantum dissolvat? Quia, ni-



mirum, supersunt pori, qui cùm excipiendo sal inep-  
ti sint, particulas tamen vitrioli & aluminis excipere  
possunt.

20. VII. Quare postquàm aquâ forti dissolutem est  
argentum, si injiciatur sal solutus, sive oleum tartari,  
particulæ argenteæ illico in fundum vasis præcipites  
aguntur? Cùm aquæ fortis particulæ motu suo agitant  
ac sustentant argenteas intra poros suos, si aliæ affun-  
dantur particulæ, quæ hiantia spatiola pororum subeant,  
illinc graviores argenteas deturbant, cùm aqua fortis  
simul salinas & argenteas sustinere nequeat. Itaque  
graviores fundum petunt, dum leviores poris suspensæ  
hærent. Sic & aliæ præcipitationes, ut vocantur,  
sunt.

21. VIII. Quomodo ex misturâ duorum liquorum cor-  
pus durum nasci queat, quod videmus si misceantur pares  
spiritus vini, & spiritus urinæ mensuræ, cùm hi tamen  
sint liquidissimi? Si duo corpora liquida, quorum par-  
tes ejus sunt figuræ, ut inter se implicentur, nec ita  
implicitæ facîle possint moveri, misceantur, necesse est  
misturam multò crassiore esse quàm singulos liquo-  
res. Si verò gemini liquoris particulæ ita inter se ap-  
tarentur, ut pleræque moveri ut antea non possent, tum  
omnes partes simul junctæ, amisso motu, corpus durum  
constarent. Hoc autem fieri potest misturâ spiritus vini,  
& spiritus urinæ, qui subtilissima vini & urinæ salia com-  
plectuntur. Sed subtilius quomodo hæ particulæ ita in-  
ter se hæreant, ostendere non possumus, quia ignoræ nobis  
sunt earum figuræ.

22. IX. Quare ex uno liquore fiat quandoque cor-  
pus solidum; constat enim ex rupium cavernis stillare  
guttas liquoris limpidissimi, qui tamen postquàm ali-  
quamdiu æri expositus fuit in lapideas moles concre-  
scit? Quamvis liquor ejusmodi simplex videatur spec-  
tantibus, attamen, cùm fluat ex rupium venis, variis  
salium terrestrium particulis turget, unde fit ut aqueis  
in aërem evectis converti videatur in lapideam substan-  
tiam, quia crassiores particulæ, quæ in aqueis move-  
bantur

bantur solæ manent. Ita si nitro prægnans aqua coquatur, ut in vapores abeat tota, in fundo vasis concreverit particule nitrosæ, quæ antea per aquam sparsæ erant, conspiciuntur.

23. X. Quæritur quare Gypsum, quod constat partibus solutis lapidis igne in calcem reducti, admistâ aquâ, massam conflet solidam, postquam exsiccatum est? Non est existimandum fieri hoc subitâ aquearum particularum ejectione; si enim postquam ponderavimus Gypsum, cum affusâ aquâ adhuc pænè liquidum est, iterum pondus ejus explore nus, postquam in solidam massam concrevit, minutum pondus non videtur, quod indicio est particulas multas aqueas in vaporem non abiisse. Idem observandum in pane qui farinâ & aquâ constat; postquam enim farinæ particule admistâ aquâ massam confilarunt, atque hæc massa cocta est, gravioris multò est ponderis quàm erat farina sola, unde liquet admistam omnem aquam in vapores non abiisse. Similia etiam in aliis animadvertere est.

24. Vir acutissimi ingenii \* qui sibi quæstionem de Gypso proposuit, respondet Gypsum scaterere poris, quos ignis ita in eo excavavit, ut crassiores particule aeris eos suffire nequeant, quod satis solidæ non sint, ut obstacula perrumpant, quod particule aquæ solidiores faciunt. Itaque cum injicitur Gypsum in aquam, quæ eâ copiâ est ut grumos duntaxat ejus circumdare queat, deinde grumi illi agitantur ut misceantur aquæ, particule aquæ quæ grumorum poros, cunctorum instar, subeunt, eos dissolviunt in partes minores. Cum autem hæc partes multò majorem tum superficiem habeant quàm grumi, multum abest ut aqua eas omnes ambire possit; cæque cum se invicem immediatè tangant, & juxta se invicem quiescant, mirum non est iis corpus durum constari.

25. Verùm i. ea responsio non potest convenire massæ ex farina aquâ subacta confectæ, & coctæ, aliis-

que

\* Jac. Robaltus Phyl. P. I, c. 22.

que id genus quæ proferri possent: 2. non docet quare particula aqua divisæ immediatè se tangant: 3. supponit immediato contactu & quiete duriciem constare, quod antea confutavimus.

26. Profectò præstat fateri non omnibus quæstionibus respondere posse Philosophos, quàm responsiones exhibere propositâ quæstione intellectu difficiliore. Fortasse aquæ particulae, quæ crassiores Gypsi grumos dissolvunt, minoribus particulis ita infixæ sunt ut plures, cuneorum instar, conjungant, adeoque massam solidiorem corusciant. Idem de farinæ particulis dici potest, aliisque similibus. Sed præstat conjecturis abstinere, quàm iis nimium indulgendo in erroris multiplicis periculum incidere.

27. His de natura liquorum positis, alia etiam de eorum gravitate, & superficie solent à Physicis agitari, quorum nonnulla duntaxat attingemus. Hæc est lex hydrostatica, quæ ad omnes etiam liquores pertinet, partes, nempe, eorum esse in æquilibrio, & superficiem veluti ad amussim directam, nisi quid obstat; quòd, nimirum, ex aquo aëre incumbente premantur, nec pressioni magis resistent aliis aliæ liquorum particulae.

28. Sed quia varia quandoque obstant quominus hoc fiat, sunt experimenta quæ regulæ allatæ exceptionem additam confirmant. Sic in cyatho vitreo conico si sit aqua ad dimidiam usque partem, circa parietes vitri aqua est elatior adeò ut superficies ejus sit concava; quòd, nimirum, aër incumbens magis premit partem mediam aquæ, quàm extremam oram quæ vitro obliquè ascendente aliquatenus sustentatur. Contrà si cyathus vitreus nimis aqua impleatur, media pars protuberabit, & depressiores erunt oræ; quòd, nempe, aër magis aquæ per oras vitri delapsuræ resistat quàm ei quæ in medio est vitro.

29. Cum constet corpora liquoribus, quibus injiciuntur, graviora fundum petere, quaeritur quare acus chalybea, juxta longitudinem suam aquæ imposita, supernatet?

natet? Respondent Physici alii quidem, aquæ superficiem resistere fissioni, quæ in ea fieri debet ut fundum petat acus. Verùm si hoc esset, acus vitrea aqua sustineretur aquæ. cum contrarium eveniat. Itaque aiunt alii acum chalybeam non tangere immèdiatè, saltem omnibus partibus aquam, seu non madesceri, adeoque aëreas particulas nonnullas inter aquæ superficiem & acum gyrare, atque acum sustinere.

## CAPUT XV.

*De Gravitate, & Levitate.*

1. **N**ihil est notius, quàm pleraque omnia corpora versùs terræ centrum ferri, ideoque *gravia* dici; contrà verò *levia* quæ è terrâ superiora versùs ascendunt, aut minùs saltem descendunt quàm alia. Hæ voces in omnium ore perpetuò sunt, sed quæ causa sit ascensùs & descensùs, non modò vulgo ignotum est, sed etiam Philosophis.

2. Nam quod aiunt vulgò, post *Aristotelem*, Scholastici, corpora quæ descendunt appetitu insito ferri ad Terræ centrum, adeoque totius Universi; contrà verò quæ ascendunt, ex contrario appetitu ad superiora surgere; perinde est ac si nihil dicerent, quis enim intelligit quid in corporibus inanimatis sit *appetitus*? Quid habet appetitus animorum cum natura corporea affine? Aut si quid aliud significatur voce *appetitus*, quid tandem illud est? Profectò rectius tacerent, qui talia fingunt, ne jam dicam nullam rationem proferri quare corpora gravi appetant centrum potius quàm polos; & sumi quasi comperit terram esse in centro rerum omnium Universitatis, quod plusquàm verisimile est falsum esse, ut primo Libro ostendimus.

3. Itaque Recentiores Physici, omissis absurdis eiusmodi

modi phrasibus & suppositionibus, ad rationes Mechanicas confugerunt, quæ ex ipsa natura motûs, regulæque ejus notissimis deducuntur. Hæc quatuor potissimum in gravitate observantur Phænomena, quorum ratio reddenda est. I. Corpora terrestria ad centrum terræ tendunt, idque, nisi impediuntur, petunt. II. Actio gravitatis nullius corporis noti interpositione impediri potest, quamvis enim corpora sustentata non descendant, ea quibus sustentantur premunt. III. Omnes partes corporis internæ & externæ gravitatem ejus augent, & quò plures sunt inter se cohærentes eò gravius est corpus. IV. Corpora dum cadunt perpetuò augent celeritatem, quâ ad terram descendant.

4. Ut horum Phænomenorum rationem reddant Physici recentiores, ante omnia Legem notissimam motûs circularis in animum revocandam censent. Cum corpora varia in orbem, circa idem centrum, moventur, tendunt ut recedant ab eo centro; & quò major est corporum motus, eò major est ea dispositio. Hoc posito, si meminerimus molem quæ constat terrâ, aquâ, aëre, materiâque tenuiore, in orbem agi circaterræ centrum, atque in ea mole multas esse partes quæ multò celerius quàm aliæ moveantur; possumus quidem hinc colligere omnes partes in orbem actas tendere ut recedant à centro communi, eoque sensu *leves* posse omnes vocari; sed quia quæ minori motu aguntur, minorem habent vim ad recedendum à centro quàm aliæ, ideò ab aliis ulteriora petentibus ad inferiora deturbantur, adeoque *graves* esse videntur.

5. Confirmari videtur hoc \* egregio experimento. Vas testaceum sumitur, rotundum, albo tectorio illitum, cujus diameter est octo aut decem digitorum, planum verò fundum, & oræ tres digitos altæ. Id vas aquâ impletur, deinde cera rubra, quâ obsignantur litteræ, comminuta ei injicitur, ut possit facilè in aqua cerni. Imponitur aquæ vitrum, cujus oræ junguntur cemento, ne aqua egredi possit. Hoc facto imponitur

vas

\* A. Ch. Hugenio inventio.

vas mensæ verticillo impostæ, quæ facillè circumagi & fissi possit. Tum verò circumagitur mensa, atque unà vas testaceum. Cùm cera, quæ in aqua injecta petit fundum, non possit tam facillè per fundum vasis labi, quàm aqua, primùm faciliùs circumagitur quàm aqua, deinde majorem à vase accipit motum, quo fit ut centrum vehementiùs fugiat, & juxta parietes vasis circumquaque in orbem agatur. Quo facto, sistitur motus mensæ, adeoque vasis, ac tum demum cera quæ per fundum vasis labitur, nec figuris motui aptis prædita est, non tam celeriter agitur ac aqua, quæ in vasis superficie facillè labitur, unde fit ut ceram versùs centrum vasis pellat, ubi cera globulum efformat.

6. Hoc invento, & supposito motu Telluris diurno circa centrum suum, quærendum est utrum simile quid gravitatem creare queat. Iterum supponendum, quod re ipsâ constat, in eo spatio sphærico, aut ad sphæricam figuram accidente, quod complectitur terram & quæ circa terram sunt, ad maximam usque distantiam, esse materiam fluidam, quæ constat particulis tenuissimis, & quaquaversum rapidissimè agitant. Hæc autem materia, cùm non possit eo spatio elabi, quia aliis eorum poribus cinctum est motus ejus partim circularis, circa ejus spatii centrum, evadat necesse est. Non affirmandum tamen omnem illam fluidam materiam eandem in partem verti, sed tantùm plerosque ejus motus fieri in sphæricis superficiebus centrum quod diximus cingentibus.

7. Ratio autem motus circularis ejus materiæ, inde petita est quod materia fluida certo spatio comprehensa, faciliùs ita agatur quàm motibus rectis, qui sibi invicem adversantur, & qui dum reflectuntur necessariò in circulares motus mutantur, modò materia fluida eo spatio, ut diximus, elabi nequeat.

8. Videbuntur etiam motus illi circulares, in tot varias partes, sibi invicem contrarii esse & impedimento debere; sed summâ materiæ, de qua loquimur, mobilitate,

itate, cum ejus tenuitate conjunctâ, fit ut faciliè varias illas agitationes patitur. Sic cernimus in vitrea phiala agitatum aquam innumeris modis moveri; est autem liquiditas cœlestis materiæ infinitò major quàm liquiditas aquæ, quæ cum constet partibus crassioribus & gravibus, quarum aliæ aliis incumbunt, multò pigrius movetur; cum materia cœlestis quaquaversum liberrimè acta, facillimè in alias partes reflectatur, seu suorum corpusculorum, seu aliorum occurso. Quòd nisi fieret, non ita faciliè aër motui manuum nostrarum cederet. Sed quamvis motus circulares materiæ fluidæ circa terram, sæpissimè aliis mutantur, attamen semper sunt plures circulares, quàm alii, quod satis hic esse videtur.

9. His positis, faciliè existimant viri acutissimi ostendisse quâ ratione ejusmodi motus gravitatem creent, & gravitatis phenomena exponi. I. Si inter materiam fluidam quæ in spatio, quod diximus, circumagitur, sint partes multò crassiores, sive corpusculis aliis inter se implicitis constantes, partesque illæ tenuissimæ materiæ motum non sequantur, necessariò versùs centrum motus detrudentur, & formabunt globum Telluris, si sit magno numero sint, & Tellus nondum formata esse supponatur. Hujus rei eadem ratio est, quâ fit ut Cera circa centrum vasis agitati coëat. Igitur gravitas nihil esset præter conatum tenuissimæ materiæ, quæ circa centrum Telluris circulariter quaquaversum agitur, ut recedat ab eo centro, pellâque versùs id centrum crassiora corpora quæ motum suum non sequuntur.

10. II. Cùm ea materia sit summe pere tenuis, inde fit ut nullius corporis noti interpositio vim gravitatis sistere queat. Videmus enim corpora gravia clausa intra vitrum, aut meta'llum, aut quodvis aliud corpus semper ex æquo gravia esse. Scilicet, tenuissima illa, quam diximus, materia, quorumvis corporum etiam solidissimorum, poros faciliè permeat, & æquè faciliè ac poros aëris, ideòque clausum corpus intra aliud quodvis æquè eâ materiâ afficitur ac si in aëre penderet.



ret. Hæc materiæ tenuissimæ per poros facilis permeatio manifestò liquet ex eo quòd, nisi hoc esset, phiala vitrea æquaret pondus compacti corporis ejusdem magnitudinis imò verò omnia corpora solida æquè gravia essent, quæcunque molem parem haberent; nam ex allata Theoria cujusvis corporis gravitas est pro copia materiæ fluidæ quæ ejus loco superiora petit.

11. III. Indidem liquet quare partes omnes, quæ intra cujusvis corporis superficiem sunt, ejus gravitatem æquè augeant ac externæ, nam cùm tenuissima materia facilè omnes poros permeet, internas particulas solidas & coherentes non minùs impellit ac externas.

12. IV. Summa celeritas, quâ tenuissima materia circa centrum terræ fertur, ostendit etiã quare corpora gravia, dum cadunt, semper celeritatem suam augeant, quamvis celerrimè jam ferantur. Cùm enim materiæ ejus celeritas multò major sit, quàm celeritas globi ferrei bombardâ in aërem excussi & perpendiculariter recidentis, in globus donec terram attigerit eadem circiter vi premitur, adeoque ejus celeritas perpetuò augetur. Si verò eà materia mediocri duntaxat motu ferretur, postquàm globus eam celeritatem acquisivisset, non ampliùs lapsum acceleraret; quia alioquin pelleret eam materiam ut in locum suum succederet, celerius quam proprio motu in eam partem ferretur.

13. Hinc quoque demonstratur ratio ejus quod observavit primus *Galilaus Galilæi*; nempe, celeritatem motûs corporum eadentium æqualiter augeri temporibus æqualibus. Nam cùm corpora cadentia successivè pellantur partibus materiæ quæ in eorum locum ascendere conantur, & quæ ut diximus perpetuò in ea agunt eadem vi, saltem in iis lapsibus, qui nobis sunt experienciã noti; inde necessariò sequitur accelerationem celeritatis esse proportionalem temporibus.

14. Nonnullæ tamen moveri possunt in hanc sententiam objectiones, quarum aliquot proponemus. I Objicitur

fitur si tanta vis sit materiæ æthereæ quæ circa Tellurem in orbem fertur, corpora gravia debere eum circumplare motum sequi, non in terram cadere. Verùm respondent expositæ hypotheseos patroni, moveri eandem ætheream materiam in orbem circu tellurem, sed hoc in omnes partes fieri, quo fit ut corpora gravia tam frequentibus impulsionibus afficiantur, tamque diversis in ra brevissimum tempus, ut nullam sequi possint, sed deorsum tantùm agantur.

15. II. Secundò obijci potest motus tenuissimorum corpusculorum, quæ in aëre volitant, & quæ pressio-  
ne materiæ æthereæ ad terram deprimi, juxta hypo-  
thesin memoratam, oporteret. Verùm ea corpuscula,  
si in sola illa tenuissima materia natarent, ad terram  
quidem deicerentur. At præter eam materiam, sunt  
crassiores particule, quæ implent maximam partem spa-  
cii, quod circa nos est. Hæ autem, quamvis agitatae,  
non sequuntur subitum illum tenuissimæ materiæ mo-  
tum, quia cùm sint contiguæ aut non multùm à se  
invicem distent, nimia copiâ simul moveri eas oportet,  
quod fieri nequit.

16. Neque hæc sine rationibus supponuntur, notum  
est enim circa terram esse particulas aëreas, quæ cras-  
siores sunt æthereis. Imò verò sunt particule aëreis  
tenuiores, sed crassiores æthereis. Hoc liquet experi-  
mento quod fit ope Pneumaticæ Machinæ, in quo ma-  
teria ab aëre diversa premit aquam, quam suspensam  
sustinet in tubo cujus inferior extremitas in aquam im-  
mersa est. Sed debet aqua aëre purgari, quod fit si  
diu contineatur intra Pneumaticam Machinam, ut aë-  
ris omnes bullas evomat, quæ postea exhauriuntur.  
Hinc autem apparet particulas, quarum pressione sus-  
pensa hæret aqua, & quæ proinde grave sunt, subti-  
liores aëreis esse, quòd permeent vitrum, qui aëre per-  
meari nequit. Indidem colligere est eas esse crassiores  
particulis materiæ fluidæ, quæ gravitatem creat, alio-  
qui motum ejus sequerentur ac proinde graves non  
essent. Itaque possunt esse circa nos varia corpora,  
va-

variae tenuitatis, quæ obstant quominus pulvisculi in aëre volitantes in terram deprimantur, aut in orbem agantur cum materia tenuissima.

17. III. Attamen difficilimum est intellectu quomodo terra magnâ rapiditate, intra viginti quatuor horas, circa axem suum circumacta, secum in eandem partem, hoc est, ab occasu in ortum, materiam fluidam circumjacentem non rapiat; ita ut ea materia potius circa axem terræ, quàm circa ejus centrum moveatur, contra quàm supponunt allatæ hypotheseos patroni. Si autem concederent materiam circa terram positam motum ejus sequi, inde colligeretur corpora gravia non debere centrum terræ cadentia petere, aut circiter, quod tamen experientia constat; sed centrum motus sui circa terræ axem, hoc est, varia puncta axis terræ. Huic objectioni quid responderi queat nos non intelligere scemur, ut jam alibi innuimus, ubi de Vorticibus Planetarum egimus.

18. Certum est corpora in orbem acta niti recedere à centro motus sui, atque inde non incommodè, ut vidimus, gravitatis proprietates deduci possunt. Hoc unum difficultatem creat ingentem, quæ possit tenuissima materia superficiem terræ incumbens, circulari motu agi ubique circa centrum terræ, cum terræ ipsius partes eo motu non agantur. Nam aut terra eam materiam secum rapere deberet, aut materia illa terram. Nodus hic esse videtur Gordius, quem nemo hactenus solvit.

19. Cum tamen gravitatis proprietates sint notæ, quamvis causa ejus nos lateat, varia ad eam pertinentia à Physicis considerantur, nec sine fructu. Hinc, exempli causâ, colligimus quare liquorum omnium superficies sit in æquilibrio. Cum enim eorum partes à se invicem divulsæ sint, atque in motu perpetuo, si iis omnibus pondus æquale incumbat, nullæ magis prementur quàm aliæ, adeoque superficies ad amussim dirigetur, nisi vi externa atcollatur aut deprimatur.

20. Hinc quæque deducuntur rationes eorum, quæ  
pendunt corporibus duris & gravibus in liquores im-  
mersis. I. Corpus quod æquabit pondere similem li-  
quoris, in quod immittitur, molem, fundum petere  
non potest vi propriâ, sed hæret in eo loco in quo po-  
nitur, modò ne extra liquorem emineat, quia cum sit  
in æquilibrio cum liquore, nulla ratio est quæ pos-  
sit cogere similem aquæ molem ascendere aut descen-  
dere.

21. II. Si verò corpus quod immergitur liquori su-  
peret pondere parem liquoris molem, necesse est ma-  
gis tendat ad inferiora quàm similis liquoris moles. Sed  
non necesse est tendat ad inferiora pro viribus unive si  
ponderis, sed tantùm viribus ejus ponderis quo liquo-  
rem in quem immergitur superat. Ita si corpus quod-  
piam ponatur pondus aquæ uncia superare, fundum  
aquæ petet ea vi quâ uncia deprimitur. Igitur si ejus-  
modi corpus filo suspenderetur in aqua, pondus ejus  
non majus uncia videretur quantævis fuisset in aëre gra-  
vitat.

22. III. Hinc colligere possumus pondus cujusvis  
corporis, quod animadvertimus eo corpore libræ im-  
posito, non esse pondus absolutum & integrum, sed  
tantùm id pondus quo excedit pondus paris molis  
aëris.

23. IV. Quando corpus quodpiam in liquorem,  
exempli gratiâ in aquam, immersum est vi, quod cor-  
pus simili aquæ quantitate levius est; necesse est vi  
motâ id corpus ad superficiem aquæ redire impetu  
quodam, prout pondus ejus minus est, quia, nimi-  
rum, aqua gravior descendens in ejus locum id ne-  
cessariò ad superficiem rejicit. Sic videmus aëris bul-  
las sub liquore inverso vase fortè deprehensas celerrimè ad  
superficiem ferri.

24. Hinc varia colligunt Physici, ad rerum natura-  
lium cognitionem pertinentia. I. Quotiescunque vide-  
mus corpus liquori immersum fundum petere, certum  
hoc esse argumentum quo constat id corpus gravius  
esse

esse quam similem liquoris molem; contra verò si id corpus supernatet, inde sequi id corpus simili liquoris mole esse levius. Itaque cum videmus humanum corpus sustentatum vesicis porcinis aëre plenis, aut fasciculis suberis supernatare aquæ, neque fundum posse petere; hoc idè sit quòd tota massa aquæ supernatans levior sit simili aquæ mole.

25. III. Si corpus durum in duos liquores immersum, alteri supernatet, alterius fundum petat, priorem liquorem necessariò posteriore graviorem esse. Hinc videmus aquam salinam, qualis est marina, graviora onera, seu naves gravius onustas ferre quàm aquam dulcem fluviorum, & lacuum.

26. III. Si duo liquores inæqualis sint ponderis, vix eos posse misceri, præsertim si sit paulò majus ponderis discrimen. Quod animadvertere est in aqua & oleo, quæ quamvis commoto vase, in quod simul injecta fuerint, misceantur, attamen varietate ponderis separantur illicò cum oleum levius supernatet, aqua gravior ad fundum deprimatur.

27. IV. Duos liquores, aut duo corpora dura, si inter se pondere conterantur, conferri eadem operâ densitate, adeo ut quod densius est id sit gravius, quod levius id rarius judicetur. Ratio est manifestissima, cum enim rarietas creatur ex pressione materiæ tenuissimæ, quæ in orbem circa terram agitur, & quæ ipsa minimè gravis est; quò corpus est densius, eò minorem copiam ejus materiæ poris complectitur; quò rarius, eò majorem. Densius rapidius & vehementius ad terram descendit, quia ejus loco ascendit major tenuissimæ materiæ moles, quæ proinde majorem vim habet. Rarius neque tam celeriter neque tam vehementer descendit, quia minor moles æthereæ materiæ ejus loco ascendit, quâ proinde minore vi deprimatur.

## CAPUT XVI.

*De Poris Corporum, horumque densitate & raritate.*

1. **I**Nter proprietates, si non omnibus, saltem innumeris corporibus communes, recensenda est *Porositas*, seu ea partium, quibus constant, dispositio, quâ sit ut inter se varios meatus hiantes relinquant. In hac Physica, passim de variorum corporum poris loquuti sumus; quâ suppositione variae exponuntur corporum proprietates, ideoque necesse est de ea paucis, in hac parte Physicæ nostræ, agamus.

2. Passim diximus Corpora constrare particulis, quæ tenuitate quidem suâ singulæ oculorum aciem fugiunt, sed quæ certâ cum sint figurâ finitæ variis modis inter se aptari possunt, quæ majores, aut minores inter eas efficiunt poros. Certè exceptis paucis figuris, hisque rectis lineis finitis, certoque modo inter se dispositis; quæcunque figura & dispositio particularum esse statuatur, necesse est inter eas meatus apertos manere. Verùm cum non possimus rem à priori per generationem singulorum corporum demonstrare; superest ut generali hac demonstratione Porositatis contenti à posteriori rem illustrare conemur.

3. I. Videmus varia corpora compactissima, quæ sunt metalla & lapides, non ejusdem esse gravitatis; quod magis cernitur in corporibus minus

compactis cum illis collatis, quò sunt enim compactiora corpora, eò graviora esse deprehenduntur. Hinc colligimus, eam compactissima corpora ponderibus differant, in iis esse poros, quamvis oculis, aut aliis experimentis deprehendi nequeant. Rationem hujus rei attulimus, superiore Capite, quam non repetemus.

4. II. Videmus innumera corpora molliora, qualia sunt animalium, inter partes suas alias admittere, quamvis poros non cernamus. Nutritio enim, ut alibi ostendimus, non fit alio modo. Præterea sudor & insensibilis transpiratio, quibus ex animalium corpore perpetuò evolvantur particulae, manifestò ostendunt cutem animalium innumeris inconspicuis foraminibus esse pertusam. Idem constat effectibus variorum corporum, quæ corporibus animalium extrinsecus adplicata, magnam mutationem in iis creant, ut constat exemplo emplastrorum & perlastrorum aliorumque ejusmodi remediorum, quæ extrinsecus agunt. Verùm hæc corpora faciliè porosa esse judicantur cum molliora sint, & in fibras distinctas faciliè separentur, quæ fibræ non difficulter contrahuntur, & faciliè divelluntur.

5. III. Sed & ipsæ partes duræ ut ossa, cornua, ungues, &c. porosæ sunt, ut certis experimentis constat. Ebur, exempli causâ, tingitur varlis coloribus, qui non modo superficiem afficiunt, sed ad interiores etiam partes pertinent, ut liquet ex ratione, quâ superficiei ablata, color adhuc cernitur. Constat etiam, in vivis animalibus, dentes & ossa quævis ali & augeri, quod fieri nequit, ut alibi ostendimus, quin particulae ex sanguine eorum poros subeant.

6. IV. Lignum quamvis compactum & durum porosum esse non modo nutritionis ratio modò allata, sed etiam ipse inspectus ostendit, ut alia experimenta omittam. Attamen ligna ex America & India asse-

rua-



antur, quæ pondus aquæ superant, cum fundum non secus ac lapis petant. Unde sequitur res valdè porosas, cum pori oculis ipsis cernantur, densiores esse aquâ, in qua tamen nullos poros videre possimus, aut ob aquæ pelluciditatem, aut quòd pori sint in ea minores quamquam plures, aut ob perpetuum particularem ejus motum.

7. V. Testæ, quantumvis coctæ & duræ, adeo sunt porosæ, ut liquoris immissi particulas faciè imbibant, & odorem ejus diutissimè servant, quod constat experientiâ quotidianâ. Constat etiam spirituosos liquores, testaceis vasibus clausos, paulatim minui, quumvis sint accuratissimè clausa, quod manifestum est indicium per eorum corporum poros emitte particulas liquorum.

8. VI. Inò etiam sunt lapides naturales crassi & compacti, qui aquam transmittunt. In agro Leodensi effoditur lapis quo fiunt mortaria, per quæ aqua percolari solet, ut lutulentis partibus purgetur. Plurimi in Hollandiâ aquam cisternarum, quæ cruda lutum sapit, ita ope eorum mortariorum purgant, ut fontanam æquet, neque ullo sapore luti linguam afficiat.

9. VII. Inventâ est etiam ratio tingendi marmoris albi vividissimo colore rubro, qui non modo superficiem afficiat, sed altè etiam in marmoream substantiam penetret, ut liquet ex ejus marmoris fractione.

10. VIII. Metalla etiam esse porosa variis experimentis constat, quorum unum aut alterum profereamus. 1. In catinum injicitur contusum sulfur, deinde ei sulfuri superimponitur lamina ænea, duas aut tres lineas crassa, cui iterum inspergitur sulfur, ita ut superimponatur huic lamina ænea, & sic vicibus, donec plenus sit catinus. Tandem operculo fictili vas

X 2

clau-

\* R, Boyle de porositate Solidorum. CVI.

clauditur, & rimæ luto obturantur, ne sulfur inflammetur, catino in igne posito. Deinde admoveatur ignis eâ copîâ ut possit sulfur liquefacere, quamvis liquefaciendo metallo par non sit, & per tres, quatuorve horas in eo statu servatur. Si postea frigefacto catino, operculum auferatur, invenitur æs mutatum, cum quoad colorem, tum quoad contextum partium. Sed quod ad hoc nostrum negotium facit ut dicamus, reliquis omîssis; non modò crassiores sunt laminæ æneæ quàm antea, sed etiam multò graviore; unde colligere est in apertos æris, calore ignis, poros penetrasse particulas sulfureas, quamvis nullæ in æris superficie cerantur.

11. 2. Idem metallum, absque salium, sulfuris, & arsenici subsidio, solidum & grave corpus in se suscipit, & permanenti colore, ejus operâ, tingitur. Potest lamina ænea tingi colore flavo, ab aureo vix discrepante, non modò ad superficiem quod attinet, sed ita ut altius penetret, ut limato metallo liquet; quod se fecisse testatur *R. Boyleus*. Itaque sunt pori in ære, qui heterogeneous illam materiam excipiunt.

12. IX. Vitrum etiam poros habere, quamquam subtilissimos liquores contineat, variis rationibus constat. 1. Magnes vitro clausus admotum ferrum non minus afficit, unde liquet magneticam materiam facile vitrum permeare, adeoque vitrum poros habere. 2. Ætherea materia, quâ lumen constat, permeat vitrum, cum clausæ phialæ noctu non minus luce collescentur matutino tempore cum oritur, quàm aperta. 3. Etiam crassiora corpora vitrum subire possunt, ut constat elucturâ vitrorum, quæ variis coloribus non modo in superficie; sed interiùs etiam imbuuntur, quod fit circiter hoc modo. Conteguntur laminæ vitreæ mineralibus pigmentis, superimpositis strato cotusæ calcis, aut ejusmodi pulveris. Deinde admoveatur ignis per aliquot horas, vehemens quidem, sed tamen non tantâ vehementiâ ut vitrum liquefacere pos-

possit. Dum autem calore ignis aperiantur pori vitri, pigmentaque vehementer agitantur, ac liquefiunt, eorum particulae laminas vitreas penetrant, seu earum poros subeunt, quibus ita adherent, ut nullâ ratione divi possint. Sunt & aliae rationes tingendi vitri, de quibus R. Boyleus, in *Tenamine de Corporum solidorum profitate*, ubi alias etiam circa poros observationes legere harum rerum curiosi poterunt.

13. X. Hisce omnibus generale argumentum à gravitate ductum addere possumus, de quo jam egimus Cap. VIII. §. 10. & seqq. Cum enim corpora gravia sint, pro copia materiae solidae, seu cohaerentis, quam superficiei suae complectuntur, gravissima sunt quae aut nullos, aut minimos omnium poros habent. Si autem constet gravissima, quae nobis nota sunt, corpora poros habere, inde sequetur reliqua omnia esse porosa. Atqui hoc constat exemplo auri & argenti, quae sunt metallorum omnium gravissima. Haec enim magnetica materia permeantur, quandoquidem inter magnetem & ferrum posita non obstant quominus magnes vim suam in ferrum exerat.

14. Igitur & reliqua metalla & omnia alia quae auro & argento sunt leviora, sunt porosa, & eò porosiora quam aurum & argentum, quò sunt leviora. Imò vero ex calculo allato Cap. VIII. §. 12. non pauca corpora multò minorem copiam cohaerentis materiae complectuntur, quam pororum.

15. Plura alia circa hanc rem quæri possunt, quibus vix ac ne vix quidem respondere possumus, quòd viae investigandi veri nobis desint. Exempli causâ, quæri potest an sint pori duntaxat in interstitiis particularum illarum certae figurae, quibus singula corpora constare diximus, an verò in ipsis illis particulis sint alii minores pori? An dentur pori in infinitum alii aliis minores, ut materia potest in infinitum extenuari? Nihil huiusmodi quæstionibus respondere possumus, nisi nobis non liquere. Nam potest quidem fieri, ut in

illis particulis, quibus corpora constant, sint pori; sed esse nemo demonstraverit, & est fortasse hac in re magna inter corpora varietas. Idem de alterâ questione dixeris.

16. Quæssiverit fortè etiam quispiam an omnes pori corporeâ materiâ, hoc est, solidâ sint pleni? Vix ac ne vix quidem credibile est omnes vel minimos pororum recessus materiâ solidâ plenos esse, eâque heterogeneâ, qui enim potest fieri ut solidâ materia se omnibus pororum figuris tam aptè accommodet, ut nihil vacui relinquat? Sed fortè nulli sunt pori tantæ tenuitatis, ut nulla sit in lis tenuissimâ materiâ, de qua sæpe diximus, particula, Fortè etiam sunt nonnulli prorsus vacui, seu ob summâ exilitatem, seu quòd undique poris carentibus parietibus sunt cincti.

17. Hæc omnia sunt parùm explorata, nec unquam innoscent. Sed certum est, ut jam alibi diximus, densari non posse ullum corpus, quin pori arctiores fiant, & tenuiorem materiam, si qua illis insit, emittant; neque rarefieri nisi dilatatis poris, in eos subeunte tenuissimâ materiâ, quod variis modis fieri potest, ut diximus cum de Calore & Frigore ageremus.

## CAPUT XVII.

### *De Rigiditate, Flexilitate, & Vi Elasticâ.*

1. **P**Assim in hac nostra Physica loquuti sumus de particulis rigidis, flexilibus, aut elasticâ vi præditis; ac sanè hæ proprietates ad multa corpora in d  
for-

fontasse omnia pertinent, cum nullum fortè sit, quod non aliquà parte sit Rigidum, aut flexile, aut elastica vi prædicum. *Rigida* dicuntur corpora, quæ cum conamur flectere franguntur; *flexilia*, quæ facillè curvantur. Sic vitrum vix flectitur, & cum id flectere nitimur frangitur; contra metalla facile curvantur. *Elastica* vi prædita sunt, quæ aliquatenus flecti queunt, & ita flexa magno impetu in pristinum statum redeunt.

2. Quærentibus quare corpora nonnulla sint *Rigida*, respondent Physici talia esse, ob certam figuram particularum insensibilium quibus constant. Si corpus, juxta eos, constet partibus nequaquam intricatis inter se, sed duram massam conflantibus, ea tantum de causa quod juxta se invicem quiescant; non possunt ejusmodi corpora vi majore flecti, quin prorsus separentur eorum partes, solutæque continuitate dissillant. Atque hoc confirmari hinc censent, quod rigidorum corporum divulsæ partes, politæ sunt & læves eo latere quo sunt fractæ, ut videmus in particulis vitri, porcellanæ, &c.

3. Verum an solâ contiguitate, cum quiete conjuncta, fieri possit durum corpus, gravissimæ sunt dubitandæ rationes, ut alibi ostendimus. Deinde non omnium corporum rigidorum fragmenta lævia sunt, sed pro dispositione materiæ quâ ea corpora constant. Testæ, exempli causâ, constant materia rigida & fragili, attamen quâ parte franguntur læves non sunt. Nempe, quando singulæ particulæ quibus corpus constat sunt æquales & tenuissimæ, fragmenta ejus quâ parte divulsæ sunt lævia videntur, si verò corpus constet crassioribus & inæqualibus partibus, fractarum partium commissura semper aspera est.

4. Fatemur tamen nihil nos comminisci posse, quod rigiditatis possit esse causa; sed hoc potius, ut alia multa, ignotum nobis esse fateamur, quàm ut conjecturæ tot difficultatibus laboranti acquiescamus. Jam antea causam duritiei & soliditatis, cum quibus magnum affi-

nitatem habet rigiditas, ne suspicari quidem nos posse diximus; opinionēque, quæ verisimillimæ audiunt, confutavimus; neque in hoc loco, aliud agere possumus.

5. *Flexilitatis* hanc rationem reddi posse putant lidem, quorum sententiam de rigiditate protulimus. Corporum nonnullorum textura ejusmodi esse potest, ut eorum particule, annulorum instar, sibi invicem implicite sint, aut instar minorum funiculorum quibus Major funis constat. Ejusmodi autem textura patitur corpus in varias partes flecti, sine fractionis periculo, quia partes inter se connexæ interea manent. Exempli causâ, ligni viridis virga facile flectitur; flectitur etiam pellis animalis detracta, aliæque innumera.

6. Ut ingeniosam esse memoratam conjecturam non negamus, optandum fuisset eos à quibus primùm prolata est, non obiter ea de re loquutos esse sed copiosius egisse. Quamvis enim uni, aut alteri exemplo conveniat conjectura, non est putandum ejus ope omnibus phænomenis satisfieri posse. Virga viridis facile flectitur, quando sicca est, præsertim si omnis planè exhaustus sit humor, illicò frangitur. An est ligni mutata textura? Nemo dixerit. Sed fortè particule æque erant funiculorum instar, quibus continebantur antea partes flexæ, ne dissillirent. Verùm alia sunt, quæ quantumvis sicca flectuntur, ut panni, lintea, aliæque multa.

7. Præter rigiditatem & flexilitatem animadvertitur in variis corporibus duris vis quædam, quæ sit ut flexa vi externâ, deinde sibi relicta in pristinum situm redeant. Sic videmus laminam chalybeam probè temperatam, postquam flexa est, magnâ vi redire in pristinum statum. Imò verò lignum, alioqui flexile, in arcum curvatum ad rectam lineam revertitur. Utrumque ex arcubus lignis & chalybeis cernere est. Hæc autem vis solet à Physicis *vis elastica* vocari, ἀντὶ τῆ ἐλαστικότητος, hoc est, *impellere*.

8. Hæc

8. Hæc potissimum in corporibus elasticâ vi prædictâ animadvertuntur. I. Quo duriora sunt, eò majore vi, ad recuperandum pristinum situm, pollent. II. Non est tamen in omnibus corporibus duris. III. Corpus durum quod eâ carebat, eam potest acquirere. IV. Corpus quod eâ præditum erat eam potest amittere. Quorum omnium ratio à Physicis quærenda est.

9. Accuratissimi Physici earum rerum rationem reddi posse putant aliquot suppositionibus, quæ aut sunt antea probatæ, aut naturæ corporeæ conveniunt. Supponunt ergo primo, etiam durissimis corporibus inesse poros, quod superiore Capite ostendimus; deinde, materiam ætheream magnâ celeritate solere eos poros permeare, quod ubi de *Luce* egimus certis exemplis probavimus; denique poris esse certam figuram, quæ si mutetur coarctatione, materia illa tenuissima quæ eos permeabat non potest amplius transire eâ copiâ aut eâ facilitate, quâ antea per eos fluebat. Exempli causâ si pori sint oblongi, seu cylindrici, seu alius figuræ, nihil interest, & alterum pororum orificium coarctetur, dum ex alia parte dilatatur alterum; ætherea materia quæ magnâ copîâ & celeritate dilatatum orificium subit, cum non possit per coarctatum pori ostium exire eadem facilitate & copiâ latera pori vehementer ferit. His positis, quæ nihil habent absoni, aut quod allunde non liqueat, prolatarum proprietatum rationem reddi posse existimant.

10. I. In durissimis quibusque corporibus maxima vis elastica deprehenditur, quod ætheream materiam per eorum poros meantem necessariò ea in pristinum situm magnâ vehementiâ restituere oporteat; quia eorum poros dilatare, novâ sibi factâ viâ, nonnisi difficulter potest. Quod ut intelligatur, exemplo rem exponemus. Si sumatur lamina chalybea probè temperata, quæ durior est ferro vulgari, & inflectatur in arcum, necessariò pori ejus laminæ, quâ convexa est, dilatantur; contra verò, in superficie concavâ, pororum ostia



arctiora fiunt. Materia ergo ætherea, quæ subit per convexæ superficiæ ostia poros chalybis, majore copia & celeritate illac ingreditur, quàm egredi per arctata concavæ superficiæ ostia potest. Itaque magnâ vi pellit pororum parietes, quâ parte sunt coarctati; quod fieri nequit, quin tota lamina videatur niti ut pristinum statum recuperet. Idem enim fit, ac si in rimas arctiores cunei immitterentur, ut diduceretur lignum. Loquimur, nimirum, de corpore duro, in quo æthereæ materia non ita facillè novas sibi aperit vias, aut coarctatas dilatat, ob materiæ duritiem? quæ quò major est, eò magis ictibus materiæ æthereæ resistit, adeoque facile ut corpus durum inflexum majore vehementiâ ad pristinum statum redeat, cùm alioqui meatus cœlesti materiæ non pateant. Contrâ si mollius sit corpus, quamvis coarctentur alicunde pori, hoc non obstat quominus materia cœlestis transeat, quia quamvis non satis pateant pori, meatus novos facillè in molli materia sibi aperit, quo fit ut corpus in pristinum statum redire non nitatur & inflexum maneat; cùm omne corpus perseveret in eo statu in quo est, donec vi externâ ex eo depellatur.

11. II. Nec tamen necesse est vim elasticam omnibus corporibus duris inesse, saltem æqualem; quia nonnullorum pori tanti sunt, ut quamvis alterum eorum ostium coarctetur, satis adhuc pateant alii eorum exitus, ut per eos cœlestis materia exire queat. Sic chalybs non temperatus, cùm particulis constet crassioribus ac proinde majora interstitia inter se relinquentibus, quamvis flectatur non redit in pristinum statum, quod sit pateant illi meatus, ut per eos exire possit materia tenuissima. Fortè etiam cùm mollior sit is chalybs, quàm temperatus, vias sibi novas in eo aperit tenuissima materia.

12. III. Lamina chalybea non temperata, quæ vi elasticâ carebat, eam acquirit si in incude tundatur malleo frigida. Dum autem ita procuditur, quid aliud

aliud sit, nisi quod pori arctiores fiunt, cum repetitis ictibus partes chalybeæ ad se invicem magis accedere coguntur.

13. I V. Eadem lamina vim suam elasticam variis modis amittere potest. Exempli gratiâ, si igne candeat, & sensim refrigeretur, omnem fere vim elasticam amittit, quia vi ignis dilatantur pori chalybis, & latè manent frigidato chalybe. Si ejusmodi lamina, aut quodvis aliud corpus vi externâ flectatur, & in eo statu diu servetur, contra vim æthereæ materiæ pororum parietes pellentis; tandem hujus materiæ repetitis ictibus pars pororum coarctata æquè ac altera dilatabitur, atque hinc fiet ut id corpus non amplius nitatur pristinum situm recuperare; quod videmus evenire arcui nimis diu flexo, qui tandem vim suam amittit, quam servabit, si subinde laxetur.

14. Non potest autem mirum videri vim tantam materiæ tenuissimæ tribui, quanta est vis arcus chalybei in pristinum statum redeuntis quâ emittuntur graves sagittæ procul, & maximo impetu. Si enim consideremus quæ sit vis materiæ, non admodum crassæ, quæ violentissimo motu agitur, multò majora fieri intelligemus, quæ tamen nemo dubitat quin operâ tenuissimæ materiæ fiant. Sic videmus pulveris pyris ope, graves globos ferreos emitti, & quidem tanto fragore ut tonitruo imitetur, aut superet. Eodem pulvere incenso, disjiciuntur integra propugnacula, quamvis gravissima. Ergo nemo mirari queat, si dicamus à tenuissimâ materiâ vim omnem elasticam corporum oriri.

15. Hic finem statuemus huic quinto eidemque ultimo Physicæ nostræ Libro; ex quo satis liquet nondum potuisse inveniri Hypotheses, quibus politis, proprietatum omnium rerum corporarum ratio redderetur, & totam hanc disciplinam scaterere incertissimis conjecturis, quamvis multa præclara inventa sint, & quotidie laventantur. Itaque ut nequaquam spernenda  
est,

est: sic neque nimio in pretio habenda. Utile est esse viros ingeniosos qui, *Democriti* instar, in experimentis, & investigatione veri vitam terant, ut aliis facere præferant; sed plerisque paucis philosophandum, aliisque gravioribus tempus potius tribuendum. Longè maxime parti hominum magis convenit querere, ut aiebat *Socrates*, qui philosophorum ingenia ad morum contemplationem transferre ab rebus *Physicis* conatus est,

Ὅτις τοι ἐν μάχῃσι καὶ τ' ἀγῶνι τε τίτληται.

## PHYSICÆ FINIS.

I N.





# I N D E X

## CAPITUM V. LIBRORUM PHYSICÆ.

### L I B E R I.

*De Universitatis rerum summam considerata  
dispositione.*

**C**UI præmissa est Præfatio, De Natura, Usu & Di-  
visione Physica.

CAP. I. De Maximis, quæ circa nos cernimus, Corpori-  
bus. pag. 1.

II. Quomodo Systema Mundi se habeat, juxta Ptolemaum  
& plerosque alios præteritorum sæculorum Astronomos. 5.

III. Quomodo se habeat Systema Mundi, juxta Copernicum  
Cartesium, aliosque recentiores Philosophos. 12.

IV. De dispositione ac generatione cum Vorticis nostri, tum  
aliorum, ex Cartesii potissimum sententia. 20.

V. De Sole. 27.

VI. De Planetis in genere. 32.

VII. De Mercurio & Venere. 38.

VIII. De Terra & Luna. 41.

IX. De Marte & Jove. 47.

X. De Saturno. 51.

XI. De Cometis. 57.

XII. De Stellis Fixis & Æthere. 64.

L I

# I N D E X.

## L I B E R II.

### *De Terra & Mari,*

CAP. I. De Tellure in se spectata.	72.
II. De rebus subterraneis in genere, & primum quidem de Sulfure & Bitumine.	76.
III. De igne in genere, & in specie de Ignibus subterraneis, ac terræ motibus inde nasci solitis.	82.
IV. De Metallis.	93.
V. De Fossilibus, quæ vi ignis in calcem rediguntur.	111.
VI. De Magnete ejusque proprietatibus.	125.
VII. De Fontibus & Fluviis.	134.
VIII. De Mari.	145.

## L I B E R III.

### *De Aëre & Meteoris.*

CAP. I. De Aere.	156.
II. De Meteoris in genere vaporibusque ex aqua ortis, unde Nebula, Nubes, Rores, Pluvia, Nives & Grandines.	163.
III. De Iride, Halonibus & Parheliis.	170.
IV. De Exhalationibus ignitis Tonitru, Fulgure, Fulmine, aliisque similibus.	179.
V. De Ventis.	188.

## L I B E R IV.

### *De Plantis & Animalibus.*

CAP. I. De Plantis,	210.
II. De Plantarum incremento & semine.	224.
III. De	III. De



# I N D E X

III. De Zoophytis & Insectis.	238.
IV. De Reptilibus & praesertim Anguibus.	250.
V. De Piscibus.	259.
VI. De Avibus.	272.
VII. De Animalibus perfectioribus & potissimum de Homine.	289.
VIII. De Venis, Arteriis & Circulatione Sanguinis. Item de Vasibus Lymphaticis.	307.
IX. De Sanguificatione, Nutritione & Calore Animalium.	316.
X. De Animalium Sensibus & Motu.	325.
XI. De Fame, Siti, Vigiliâ, Somno, Sanitate, Morbo & Morte.	339.
XII. De Discrimine Hominum & Brutorum.	352.

## L I B E R V.

### De Corpore in Genere.

CAP. I. De Proprietatibus omnibus Corporibus communibus.	361.
II. De Extensione & Vacuo.	367.
III. De Soliditate & Impenetrabilitate.	371.
IV. De Divisibilitate Materiae in infinitum.	377.
V. De Motu & Quiete.	381.
VI. De Formis & Qualitatibus Corporum.	389.
VII. De Divisione Qualitatum & primò quidem de Lucis.	395.
VIII. De Lucis Reflexione, Transmissione & Refractione Corporibusque Opacis & Pellucidis.	404.
IX. De Coloribus.	413.
X. De Sonitu.	422.
XI. De Odoribus.	430.
XII. De	

# I N D E X.

XII. De Saporibus.	436.
XIII. De Qualitatibus tactilibus, & primum quidem de humiditate, siccitate, calore & frigore.	446.
XIV. De Duritie, Mollitie, & Fluiditate.	464.
XV. De Gravitate, & Levitate.	472.
XVI. De Poris Corporum, horumque densitate & vari- tate.	481.
XVII. De Rigiditate, Flexilitate, & Vi Elasticâ.	486.

---

F I N I S.

---

436.  
n de  
446.  
64.  
72.  
ari-  
81.  
36.